

Mbounj To Yes Israela

Buk Song—Psalms

1

Eez to zeran dudunazi ve eez to zeran sasaghatizi

- ¹ Sei ta poia to Maaron izazaa tooni ve tintini?
 Ene ñeer tau izorzor zeran sasaghatizi ñgar toozi.
 Ve yes tau tisor pa eez to Maaron na, i itaghon ñgar toozi mako.
 Ve zeran tau tivevelegh Maaron paam, i ipaak zi mako. *
- ² Saveenj to Maaron tomania tutuunj tooni, ene ighamu loolo poia le poia kat.
 Ve ighamgham ñgar pani irau mbonj ve mataaz. *
- ³ Tamtamon tauvene, i imin ai tau tivazoghi igharau yaa tau irereer.
 Saawe tooni to iyanoonj, ene aat anoonja popoia.
 Ve saawe to aaz tiina, raua irau imalai mako.
 Tamtamon tauvene, uraat tooni isov ilaan poia mon. *
- ⁴ Eemon zeran sasaghatizi, lepoogh toozi tauvene mako.
 Yes timin pen tau ighe yaghur izaa, mako ivuvuura gha ilale.

* **1:1:** Mbo 26:4+

* **1:2:** Mbo 112:1, 119:1

* **1:3:** Mbo 52:8,

92:12

- ⁵ Tauvene saawe tau Maaron igabiiz tamtamon ve ighur atuya pazi,
 zeran sasaghatizi pale lezi saveenj mako, ve titud mon.
 Zeran to ghamuunj sosor irau tileep toman-
 nia tamtamon duduŋazi ila lupuunj toozi ne mako. *
- ⁶ Tauvene tamtamon duduŋazi, Maaron maata pazi, ve inŋinŋin zi pa laghoonj toozi.
 Eemon zeran tau titaghon eez saghati na, yes pale tilalez.

2

Maaron i isiigh tamtamon tooni imin kinik

- ¹ Puughu mindai ta nugh nugh timbu saveenj tigde tipaburigin malmal?
 Tamtamon tiliil eez to tigham taliinŋizi pasaa?
 Ngar toozi tawe, tighamu sorok. Irau ighur mako. *
- ² Yes kinik to taan tigham aghezi tigde tigham malmal.
 Ve yes pooza tilup zi, ve tiil eez to tizoor Yoova ngar tooni ve titatan njeer tau i ighuru imin kinik.
- ³ Yes tigde: “Aiyō! Takuup ravraav tomania sen toozi tau tikau ghiit pani ne, ve tasik zi tila.
 Leso tinŋin ghiit muul sov.”
- ⁴ Eemon Yoova, i ileep ila niia to ghamuunj pooz izi nugh sambam, ve inŋin pazi.
 Ve maata veleghin ngar toozi.

* **1:5:** Mt 13:41+; Syg 22:14 * **2:1:** Mbanj 4:25+

- 5 Ra isaav ariaan pazi toman aate yavyav,
ve iparoi zi toman naagho isaghat.
- 6 Ighe: “Yau naghur tamtamon tsiau ee igham
naghog ve imin kinik.
I ileep izi loloz tsiau patabuyaaj Zion, ve
ighamgham pooz.”
- 7 Kinik to iit Israela isaav tauvene: “Yau aat navo-
tia saveej tau Yoova imbua tomani ghau. I
isaav payau ighe:
‘Yau natug yo. Yo tamam ta yau. Aazne, yau
naghur ghom pa uraat. *’
- 8 Ughason ghau, o yau naghham nughmarinj timin
lem.
Tamtamon tau tileep irau taan ziige ta naol ne
pale timin lem, ve ungin zi.
- 9 Pooz tsio pale ariaanja kat, imin titi to kinik tau
tigharaata pa ain na.
Yo aat urav matin kinik tisov tapirizi, imin
uur tau tiravu le imbiriis nanjanania.’ ” *
- 10 Tauvene, yam kinik asov agham ngar poi.
Ve yam pooza to taan, aloon saveej ve aya-
maan gham.
- 11 Aroi pa Yoova ve abees pani.
Atandagh pani ve apaiti toman tintinmim.
- 12 Aput aghemim pa Naatu, ve aleep ila i saamba.
*

* 2:7: Mbanj 13:33; Hib 1:5, 5:5

* 2:9: Syg 2:27, 12:5, 19:15

* 2:12: Pil 2:9+

Mako pale Maaron aate yavyav payam, ve
 iburig ireu gham gha asov alalemim.
 Pasaa, i aate tuuku.
 Eemon yes tau tiyoonj ila tooni na, poia tooni
 pale iza a toozi, ve tileep toman tintinizi. *

3

Sunjuunj to mbonjozo

Mbounj to David

Mbounj tane injarui saawe tau David ighau pa naatu
 Absalom.

¹ O Yoova, yau koiagna katini.

Eval tiina kat tiburig tighe tivaghamun ghau.

² Yes tisavsaav payau tighe: “Maaron ipul muuri
 pani wa. Irau iuule muul mako.”

³ Eemon Yoova, yo umin sigheu payau ve upoon
 ghau.

Yau tinig iza a pasaa, yo ugham ezag imin
 tiina, ve upalot ghau le naliiv koiagna.

⁴ Yau nataj rarai Yoova toman alinag tiina naghe
 iuul ghau.

Ve i ileep izi loloz tooni patabuyaanj, ve iloonj
 ghau.

⁵ Tauvene yau nazi le nagheen kat.

Pasaa, Yoova tauu injin ghau pa ghenoonj
 tsiau le naburig muul. *

⁶ Isaav igha koiagna ndinndin ndinndin sanjavul
 (10,000) tilivut ghau to tigham malmal
 payau,

* **2:12:** Mbo 34:8, 84:12 * **3:5:** Mbo 4:8

ene yau irau naroi pazi mako. *

⁷ O Yoova, rekia mon uburig gha uul ghau!
Urav koiagna azezi le livozi ipolpol.
Ve urav matin tapirizi le isov kat.

⁸ Yoova, yo mon ta irau ugham mulin ghau.
Ughur poia tsio iza to tamtamon tsio tisor,
leso tintinizi ve tileep poi. *

4

Sunjuunj to mbonj

Mbounj to David

Neer tau imuunj pa mbounj na, aat isaav pa tamtamon to tirav gita ve timbou mbounj tane

¹ O Maaron, yau nataj rarai ghom.
Lolom isaghatin ghau, ve uloonj sunjuunj tsiau.
Pasaa, patanjani igham ghau ve leg eez mako.
Upas ghau navot pa patanjani tane.
Leso upaghazonjai ghau ila tamtamon matazi
ughe ngar tsiau iduduunj ila yo matam.

² Oyai, yam tamtamon tau atatan ghau ve av-
aghamunia ezag na, neez o apul ngar tsiam
tana?
Yam aghur lolomim pa ngar soroksorok tau le
anoonja mako na, ve ataghon ngar karom.
Neez o apuli?

³ Yam awatagh: Yes tau lolozi isaghav Yoova ari-
aanj ve titaghon eez tooni na, i isiigh zi timin
i tauu le wa.
Tauvene saawe tau yau nataj raraini, i aat
ighur taliinja payau.

* **3:6:** Mbo 23:4, 27:3 * **3:8:** Mbo 62:7+; Syg 7:10

- ⁴ Aroi pa Maaron, ve agham sosor muul sov.
Saawe tau yam aleep ila niamim to ghenoonj,
aneneenj, ve matamim injal taumim, ve
agham njar poi pa saveenj tane.
- ⁵ Anumeer Yoova ve agham watoonjrau pani
toman lolomim.
Leso watoonjrau tsiam iduduunj ila i maata.
- ⁶ Tamtamon naol tipasawal tige: “Oyai, njez o
tagham lepoogh poia!”
Eemon yau naghe: “Yoova, lolom poia payei,
ve utotoi taum payei.”
- ⁷ Yo ugham ghau tintinig ve lolog poia kat,
iliiv yes tau aniinj ve vaen anoonja katini tiv-
otvot ila uum toozi. *
- ⁸ Tauvene yau ateg izi ve nazi nagheen le lolog
iveegh.
Irau naroi mako.
Pasaa, Yoova, yo taum matam payau ve unjin
ghau naleep poi.

5

*Sunjuunj to mbonjozo: Taghason Maaron to iuul
ghiit*

Mbounj to David

- ¹ O Yoova, ughur talinam pa alinag,
ve uloonj tanjiiz tsiau tane.
- ² Yo kinik tsiau ve Maaron tsiau.
Saawe isov, sunjuunj tsiau injararui ghom.

* 4:7: Pil 3:8

Tauvene ughur talinam pa taniiz tsiau tane ve uul ghau.

³ Yoova, mbonjoozo ta naol ne, yo ulonjloonj avog lutluutu.

Ighe nughizau, yau naghurghur ghasoniin tsiau injarui ghom, ve naghur matag payo to uul ghau. *

⁴ Maaron, yo lolom pa ngar saghati mako kat.

Zeran sasaghatizi irau tileep tomani ghom mako.

⁵ Ve zeran pakuruunja irau tiyooz ila yo naghom mako.

Pasaa, yo ughurghur koi pa tamtamon tisov tau tighamgham ngar saghati. *

⁶ Yes tau avozi karom na, yo ureu zi tilalez.

Ve zeran tombanoonja ve yes tau tilinjinj sinj pa tamtamon na, yo lolom pazi rigta mako kat. *

⁷ Eemon yo lolom isaghav ghau ariaan ve uluul ghau itaghon saveenj mbuaan tsio. Tauta yau irau nalonj natal rumei tsio.

Yau naroron payo, ve naput agheg payo ila rumei tsio patabuyaanj.

⁸ O Yoova, ngar tsio, ene iduduunj mon.

Ugham pooz payau, ve upaghazonjai ghau pa eez tsio, lesa nataghon dudunjaini.

Pa koiagna tigde tivaghamun ghau.

⁹ Saveenj onoon eta irau ivot ila avozi ne mako.

* 5:3: Mbo 57:9, 88:13 * 5:5: Ro 1:18 * 5:6: Syg 21:8

- Loloji isaghav n̄gar saghati mon to
tivaghamun tamtamon.
Yamazi itortoor saveeñ. Avozi imin naal tau
aavo ikakaak.
Tisasavia saveeñ n̄goreeñ naol to titombaan
tamtamon ve tivaghamun zi. *
- ¹⁰ O Maaron, uvotia sosor toozi ivot ighazooñ, ve
ughur atuya pazi.
N̄gar sasaghati tau tighamghamu na, upa-
muule ila pa tauzi ve ivaghamun zi.
Saawe isov, yes timamalaan pa tutuun̄ tsio.
Tauvene uziir zi tilalez.
Pa yes tizorzoor ghom, ve tighamgham
taliin̄zizi.
- ¹¹ Eemon tamtamon tISOV tau tiyooñ ilat tsio, ene
aat tintinizi.
Yes pale timbou toman loloji poia irau saawe.
Yes tau loloji igheen tsio na, uvool toozi ve
upoon zi.
Leso loloji poia kat ve tipait ghom.
- ¹² O Yoova, poia tsio izazaa to yes tau titaghon
duduñai saveeñ tsio.
Yo lolom pazi ve poia tsio imin sigheu pazi.

6

Sun̄uun̄ to n̄eer tau moroghoon̄ tiina ighamu

Mbounj to David

N̄eer tau imuun̄ pa mbounj na, aat isaav pa tamta-
mon to tirav gita ve timbou mbounj tane

- ¹ O Yoova, uyaon ghau toman atem yavyav sov.
Ve isaav ighe yo ughur patañani in̄arui ghau to
upaduduun̄ ghau,

* 5:9: Mbo 12:1+; Ro 3:13

na ughamu toman atem yavyav kat sov. *

² Yoova, yau besoonja tsio. Lolom isaghatin ghau ve uul ghau lak!

Pa tapirig isov wa.

O Maaron, ugham ghau tinig poia.

Pa tuag isov iyavyav.

³ Yoova, lolog ipatanjan kat.

Pale upul ghau tauvene ila ila le neez o isov?

⁴ Yoova, yo lolom isaghav tamtamon tsio ariaan ve uluul zi.

Tauvene matam ingal ghau muul, ve upas ghau navot pa patajani tane.

Ugham mulin ghau lak.

⁵ Pa mateegha irau matazi ingal ghom muul mako.

Sei ta pale ighengheen ila naal ve ipait ghom?

Mako. *

⁶ Yau nayakyak le tapirig isov.

Mbonj ta naol ne, natañan le matag suuru ipot ila moogh tsiau.

⁷ Lollog ipatanjan kat ve natañ tiina le matag isarsar.

Pasaa, koiagna katini.

⁸ Yam zeran tau aghamgham njar sasaghati na, asov aghau payau!

Pa tanjiiz tsiau, Yoova iloonja wa.

* **6:1:** Mbo 38:1 * **6:5:** Mbo 30:9, 88:10+

- ⁹ Yau natanj rarai Yoova pa uleenj, ve i iloonj sunjuunj tsiau.
Ghasoniinj tsiau, i aat iyok pani.
- ¹⁰ Pale igham koiagna tISOV tiroi tiina ve mayazi.
Yes pale tivaghamgham, ve titoor zi rekia mon, ve titud mon ve tila.

7

Mbounj to neer tau koiņa tinjal saveenj pani

Mbounj to David

Neer ee, eeza Kus. Puughu tooni ivot ila to Benjamin. I injal saveenj sorok pa David, ve David imbou mbounj tane

- ¹ Yoova, yo Maaron tsiau. Yau nayoony ilat tsio.
Zeran sasaghati tigham taghon ghau tigde tivaghamun ghau. Uul ghau ve ugham mulin ghau ila nimazi.
- ² Igha mako, yes pale tirav ghau, ve tivaghamun ghau imin laion irangat tamtamon, le nģiira nģiira.
Pasaa, leg etag eta to igham mulin ghau ne mako.
- ³ O Yoova, Maaron tsiau, zeran tau tigde tigham saghatin ghau, yau naghamsosor eta pazi mako. *
- ⁴ Tamtamon tau yena nimbu saveenj to nivalupu ghei nimin eemon na, yau naghamsngar saghati eta pazi mako.

* **7:3:** Yo 8:46, 15:25

Ve yes tau tighur koi payau sorok na, yau naum gabua toozi eta mako.

- ⁵ Isaav ighe yau naghām sosor tauvene, ene poia pa koiagna tigham taghon ghau ve tikis ghau,
ve tivaghaaz ghau ila taan ve nagheen ila ngaupup.
- ⁶ Yoova, uburig toman atem yavyav, ve ureu koiagna. Pa atezi yavyav kat payau.
Maaron tsiau, uburig rekia mon ve uul ghau.
Ughur atuya njarui koiagna pa ngar tau yes tighamu na.
- ⁷ Uyau tamtamon tisov tilam tilup zi ila yo naghom.
Uleep ila niam to ghamuunj pooz izi nugh sambam, ve ugham pooz pazi. *
- ⁸ Yoova, yo ugabiiz tamtamon to nugh nugh, ve ughur atuya pazi.
Ugabiiz ghau ve upaghazonai ghau ila tamtamon matazi, leso tiwatagh tighē yau njeer dudunag, ve gabuag tomania ngar tsiau isov, ene poia mon.
- ⁹ Maaron, ngar tau yo ughamghamu na, ene iduduunj mon. Ve yo uwatagh katin tamtamon lolozī ve ngar toozi.
Zeran sasaghati tau tighamgham malmal na, upasov ngar toozi saghati tawe.

* 7:7: Mt 25:31+

Ve upalot zeran duduŋazi, leso tiyooz ariaaŋ.
*

- 10 Maaron, yo mon ta umin sigheu payau.
Yes tau ŋgar duduŋa igheen ariaaŋ ila lolozi
na, yo ugham mulin zi pa patañani toozi.
- 11 Maaron, gabizooŋ tsio, ene iduduŋ mon.
Saawe isov, yo utotoi aatyavyav tsio pa zeran
sasaghati. *
- 12 Tamtamon tau ighe titoor ŋgar toozi mako,
ene pale Maaron ipot mbuzaagh ve iyool pa-
neegh tooni to ighur atuya pazi.
- 13 I igharaat zaab tooni pataghaaŋ to irav zi.
Ve igharaat paneegh tooni natŋa toman yav,
leso ivanegh zi.
- 14 Zeran sasaghati timin livaa tau aapo ve ighe
ipoop. Pasaa, lolozi ivon pa ŋgar sasaghati
naol tau tighe tigham pa tamtamon.
Ve murei, mako anooŋa to ŋgar tau igheen ila
lolozi na ivot ighazooŋ. Ene karom naol to
tivaghamunia tamtamon. *
- 15 Neer tau ighe itai puura pa tamtamon eta,
ene pale tauu itap izila puura tana.
- 16 Ngar saghati tau i ighe igham pa tamtamon, ene
pale imuul pa tauu.
Ve malmal tau i ighe igham pazi, ene pale
ivaghamunia i tauu.

* 7:9: Syg 2:23 * 7:11: Mbo 90:9; Ro 1:18 * 7:14: Yems 1:14

- 17 Yau lolog poia pa Yoova, ve napakuru pa ngar tooni duduunja.
 Yau nambou mbounj to napait i eeza.
 Pa Yoova, i Maaron tiina kat tau iliiv zi-maronna tISOV.

8

Iit tamtamon tamin saa kaut poia ta Maaron maata ingalngal ghiit?

- 1 O Yoova, Tiina tsiei, yo utotoi ezam tiina irau taan ISOV.
 Yo upabood taum pa mbonarim tau tiina kat. Iliiv gabua ISOV to sambam saamba.
- 2 Yo ughur yes geegeu ve yes tau sinjainjazi to tipait ezam ve titotoi tapirim.
 Leso ugham koiamna tineneen, ve upon yes zeran to taliinjizi avozi. *
- 3 Matag izala pa sambam saamba, ve naghita nimam muuri ighengheen.
 Yau naghita kaiyo ve pitum tau yo taum ughur zi tila niazi na, *
- 4 ve naghe: “Yei tamtamon to taan, nimin saa kaut poia, ta yo matam ingalngal ghei?
 Mindai ta yo matam payei? *
- 5 Yo ughur ghei nizi rigmon pa yes anjela ve yo taum.
 Ve upakur ghei, ve ugham ezamai ivot imin tiina. *
- 6 Yo ughur ghei to ninjin yo nimam muuri,

* 8:2: Mt 21:16 * 8:3: Gnp 1:14; Mbo 19:1+ * 8:4: Mbo 144:3+;
 Hib 2:6 * 8:5: Hib 2:6-7

ve ughur gabua isov ila yei sambamai: *

⁷ Ngai maata maata to nughei,
ve gabua tisov tau tileep izi su,

⁸ man tisov tau tirovroov ila taitai saamba,
ve iigh tisov tau tilaghlaagh ila te loolo.

⁹ O Yoova, Tiina tsiei,
yo utotoi ezam tiina irau taan isov.

9

Maaron iuluul tamtamon tau tileep toman patanjani

Mbounj to David.

Paesiinj ila pa ñeer tau imunmuun pa mbounj na tauvene: Mbounj tane aliinja 'Almut Laben' (o 'Ma-teegh to naatu.')

¹ O Yoova, yau napait ghom pa poia tsio toman lolog isov.

Ve naghe navotia uraat ñgeretazi tau yo ughamgham zi na. Uraat tana, maata ite. Tamtamon tighita le ñgar toozi imbool.

² Yau lolog poia kat ve tintinig payo.

Yo Maaron tiina tau uliiv zimaronña tisov.

Tauvene yau aat nambou ve napait yo ezam.

³ Saawe tau koiagna tighit katin tapirim, yes titoor zi ve tighe tighau.

Eemon titaptap tizi le tisov timataar.

* **8:6:** Gnp 1:28, 9:2

- 4 Yo uleep ila niam to ghamuunj pooz, ve ugagabiiz tamtamon. Ve gabizoonj tsio, ene iduduunj mon.
Yo ughit ghau ughe n̄gar tsiau ene iduduunj.
Tauta uul ghau pa saveenj tsiau.
- 5 Yo uyaon nugh nugh tau tiwatagh ghom mako na, ve ureu tamtamon sasaghatizi gha tilalez.
Yo umus ezazi ilale wa.
Irau tamtamon matazi in̄gal zi muul ne mako.
- 6 Koiagna tisaghat wa. Pale tileep tauvene taghon taghon gha ila.
Ve nugh toozi paam, yo ureu mbirisai zi le tisov tilalez.
Tauvene tamtamon pale lolozi iveghai zi kat.
- 7 Yoova ileep ila niia to ghamuunj pooz ve in̄gin̄gin gabua irau saawe.
I igharaat niia tawe ve isasaŋan pa gabizoonj tamtamon.
- 8 I igagabiiz tamtamon tisov to taan, ve ighagharaat patan̄ani toozi itaghon n̄gar duduun̄a.
Ve igham pooz pa nughmarin̄ itaghon n̄gar raraate mon.*
- 9 Yoova imin ruum ariaaŋa to ipoon yes tau koiazaŋa tighur patan̄ani pazi na.
Ighe patan̄ani ivot, mako i imin lezi nugh to yon̄gaan̄j.
- 10 Yoova, yes tau tiwatagh katin ghom na, tinu-meer ghom.

* 9:8: Gnp 18:25; Mbanj 17:31

Pasaa, zeran tau tizuari zi payo, yo irau ughur murim pazi mako. *

- 11 Ambou mbounj to apakur Yoova.
I ileep izi nugh Zion, ve ighamgham pooz.
Uraat tintiina tau i ighamgham zi na, avotia varuzi le irau nughmarinj.
- 12 Yes tau tilinj sinj pa tamtamon na, Yoova irau ighurghur zi mako. Pale iyat njar toozi tawe.
Ve tamtamon tau tinumeera ve tibadbaad pataņani na, i irau loolo iveghai tanjiiz toozi mako. I pale iuul zi.
- 13 O Yoova, ughita pataņani tau koiagna tigham payau ne!
Yes tivaghamun ghau kat le naghe namaat.
Lolom isaghatin ghau, ve upas ghau navot pa pataņani tane.
- 14 Leso nayooz ila ataman to nugh Zion, ve nasavia uraat tintiina tisov tau yo ughamgham zi payau. Ve napait ghom toman tintinig.
Pasaa, yo ta ugham mulin ghau.
- 15 Nugh nugh tau tiwatagh ghom mako na, titai puura lesu tikis tamtamon. Eemon tauzi titap tizila.
Puugh tau tiraaro pa saghavuunj tamtamon na, ene tauzi tighoon ila.
- 16 Yoova igabiiz tamtamon ve ighur atuya pazi itaghon njar duduunja. Leso itotoi tauu pa tamtamon ve tiwataghi.

* 9:10: Hib 13:5

- Liis tau zeran sasaghati tighuru na, iliis tauzi.
- ¹⁷ Zeran sasaghati ve nugh nugh tau tighur murizi pa Maaron, yes pale tisov timaat gha tizila mateegha nazi.
- ¹⁸ Eemon yes mbolaanja tau tirau gabua eta mako na, Maaron irau loolo iveegh pazi ne mako. Ve yes tau tibadbaad patanjani ve tighurghur matazi pa uleer to Maaron na, i irau ipul zi tileep saghat le alok ne mako. I pale iuul zi.
- ¹⁹ Yoova, ughita. Tamtamon sorok to taan tigham aghezi payo. Upul zi tigham taliinjizi sov. Utatan zi. Upayooz yes nugh nugh ila yo naghom, ugabiiz zi, ve ughur atuya pazi.
- ²⁰ O Yoova, ugham ngar eta pazi. Leso tiroi payo, ve tiwatagh tigne yes tamtamon sorok to taan mon. Tapirizi irau ghom mako.

10

Neer ee ighason Yoova to ighur atuya injarui koiija

- ¹ O Yoova, mindai ta uyooz soghan payau ve uul ghau mako? Mindai ta naleep ila patanjani loolo, ve uyoon payau ne?
- ² Zeran sasaghati tipapait tauzi, ve tinanaan yes mbolaanja tau tirau gabua eta mako na. Eemon ngar toozi saghati tau matazi injali na, ene pale imuul pa tauzi ve ivaghamun zi.

- ³ Zeran sasaghati tipakur zi pa ngar saghati tau tighamghamu.
 Monmon tighamgham ngar to tigham lezi gabua katini, ve tisiksik saveeņ sosor pa Yoova, ve tiveleghi.
- ⁴ Zeran sasaghati tawe, tipakur tauzi pa ngar toozi.
 Tauta lolozi pa tiwatagh Maaron mako.
 Ngar toozi iyaryaan tigde: “Maaron irau ighur pataņani payau mako. Pa Maaron eta ileep mako.” *
- ⁵ Ve saawe isov, uraat toozi ilaan poia mon.
 Tauta tinizi izaa, ve tigham ngar pa saawe tau Maaron pale igabiiz zi ve ighur atuya pazi ne mako.
 Ve matazi veleghin koiazņa kat. *
- ⁶ Ve matazi iņgal tigde: “Gabua eta irau igham ghei nirur ne mako.
 Ve pataņani eta irau ivot payei paam mako.
 Yei aat nileep poia mon taghon taghon gha ila.” *
- ⁷ Saveeņ sasaghati naol, tomania karom, ve paroıņ ivotvot ila avozi irau saawe.
 Saawe tau tisavia ngar sasaghati ve pataņani tau tigde tigham pa tamtamon, ene igham zi lolozi poia kat imin tighan aniıņ poia. *
- ⁸ Yes tiyoņyoņ ila nugh ziige, ve tisanan pa tamtamon popoiazi.

* **10:4:** Mbo 14:1 * **10:5:** Mbo 73:3+ * **10:6:** Lu 12:16+; Syg 18:7
 * **10:7:** Ro 3:14

Tingooz tauzi ve matazi inesnes pa yes tau
tirau malmal mako na.
Leso tisaghav zi, ve tirav zi timaat.

- ⁹ Yes tiyonyoonj ve tisaŋan imin laion tau ileep ila
su loolo ve maata ivotvot.
Tisaŋan, leso tisaghav yes tau tirau malmal
mako na.
Ighe tisaghav zi ila puugh toozi, ene tikis zi ve
tigherev zi tila.
- ¹⁰ Tauvene tineneen ve tisaŋan pa saghavuuj zi.
Saawe tau ighe eta peria, mako tisaghavu.
- ¹¹ Ve matazi ingal tigde: “Maaron maata ilam payei
mako.
Ngar tau yei nighamu, ene i irau ighita mako,
ve iwataghi mako.” *
- ¹² Oyai, Yoova, uburig utotoi tapirim pazi lak!
Maaron tsiei, yes tau tinumeer ghom ve tibat-
baad pataŋani na, lolom iveegh pazi sov.
- ¹³ Maaron, mindai ta yo upul zeran sasaghati
tivelegh ghom?
Yes tisavsaav ila lolozi tigde: “Ngar tau yei
nighamu ne, Maaron irau ipayooz ghei pa
savsaveen mako.”
- ¹⁴ Eemon Maaron, yo ughita gabua isov tau
tighamu na.
Ngar sasaghati ve pataŋani maata maata tau
yes tigham pa tamtamon na, yo uwataghi zi
tisov ve igheen ila yo nimam.

* **10:11:** Mbo 64:5, 94:7

Pasaa, yes mbolaan̄a tau tirau gabua eta mako na, tighur tauzi ila yo nimam ve tinumeer ghom.

Yo taum ta umin uleen̄a pa yes paroon̄a. *

¹⁵ Ve zeran sasaghati tau tighamgham taliinjizi na, urav matin tapirizi.

Uyat ngar toozi sasaghati. Leso ivot muul sov.

¹⁶ Yoova, i kinik tiina tau ighamgham pooz ta aazne, ve taghon taghon gha ila.

Nugh nugh tau tiwataghi mako ve tileep ila taan tooni na, i pale ipasov zi le tisov kat. *

¹⁷ O Yoova, yes tau tinumeer ghom ve tibadbaad patan̄ani na, yo uwatagh loloz wa.

Yo aat ughur taliñam pa tanjiz toozi, ve upalot zi.

¹⁸ Yes paroon̄a ve yes tau koiaz̄a tighur patan̄ani pazi na, yo taum uyooz pazi ve uul zi, ve ughur atuya pa koiaz̄a.

Leso tamtamon sorok to taan tiparoi nugh muul sov.

11

Saawe tau ngar isov isaghat

Mbounj to David

¹ Yau nanumeer Yoova ve nayoon̄ ila tooni.

Mindai ta asaav saveen̄ to boraun̄a payau aghe:

“Ughau uzala pa loloz, imin man tau iroi ve ighau izala na.

* **10:14:** Mbo 68:5, 82:3, 146:7+ * **10:16:** 1Tim 1:17

- 2 Ughita! Zeran sasaghati tiyoon ila ndoroom loolo,
 ve tiyool paneegh toozi, tighur paneegh naatu ila ool,
 ve tisaşan tighe tivanegh yes tau ngar duduunja ighen ariaan ila lolozi na.”
- 3 Oyai, ngar ve tutuun naol tau timin puughu pa lepoogh poia na, aazne tamtamon tivaghamunia le isaghat wa.
 Tauvene njeer duduunja pale igham mindai? *
- 4 Eemon Yoova, i ileep ilon ila rumei tooni patabuyaan.
 I kinik to sambam tau ileep ila niia to ghamuun pooz.
 Ve maata ighita tamtamon tisov, ve igagabiiz ngar toozi.
- 5 Yoova igagabiiz tamtamon dudunazi ve yes sasaghatizi paam. Leso iwatagh ngar toozi.
 Yes tau lolozi pa ngar to ravuun tamtamon na, i loolo pazi rigta mako.
 Ighur koi pazi.
- 6 Tauvene i pale igham yav ngilaanji tomania maet salfa tuntunu tau vaazi saghati na titap tizi, ve tivaghamunia zeran sasaghatizi.
 Ve igham yaghur tuntunu kat ilam, lesu ivaghamun zi. Ene atuya toozi. *
- 7 Pasaa, Yoova itataghon ngar duduunja mon.

* 11:3: Mbo 82:5 * 11:6: Gnp 19:24+; Syg 14:10, 21:8

Tauvene i loolo pa yes tau tighamgham ngar duduunja.
 Yes tau titaghon ngar poia na, ene pale tileep tomania, ve tighita naagho. *

12

Tamtamon avozi karom. Ve Maaron saveenj tooni, ene onoon mon

Mbounj to David

- ¹ O Yoova, uul ghei lak! Pa tamtamon tau lolozu isaghav ghom ariaan ve titaghon eez tsio na, tisov wa.
 Yes tau avozi onoon na, eta ileep tomani ghei muul mako.
- ² Tamtamon tisov tighamgham karom, ve tisasavia saveenj tau le anoonja mako pa zetazja. Yamazi itortoor saveenj naol.
 Saveenj tau ivotvot ila avozi, ene poia. Eemon ngar tau igheen ila lolozu, ene ite.
- ³⁻⁴ Yoova, zeran tau tisasavia saveenj ngoreen pa tamtamon to tigham lolozu na, upoon avozi.
 Yes tipapakur tauzi tigde: “Sei ta imin daaba payei ve injin ghei?
 Yei avomai maata. Saa ngar tau ighe nisavia, ene aat tamtamon titaghoni mon.”
 O Yoova, ugham zi tineneen.
- ⁵ Tauvene Yoova isaav ighe: “Yes mbolaanja tau tirau gabua eta mako, ve yes tau koiazja tivaghamun zi na, yau naloon tajiiz toozi wa.
 Yes tipasawal pa lepoogh poia.

* **11:7:** Mbo 27:4; Mt 5:8; 2Pe 3:13

Tauvene aazne, yau aat naburig ve nauul zi.
Yau aat naghams mulin zi ila koiazna nimazi,
ve nauul zi tileep poi.”

⁶ Yoova saveenj tooni, ene onoon mon.

Karom eta igheen ila loolo mako. Saveenj
tooni, ene imin silva tau tighuru izala yav
pai liim ve ru, lesu muun ighau pani le
ingalaan kat.

Tauvene iit irau taghur ila saveenj mbuaan
tooni. *

⁷⁻⁸ Onoon, aazne zeran sasaghati tipapakur zi ve
tilaagh irau nugh nugh.

Ve eval tiina tipapait ngar saghati.

Eemon Yoova, yo matam payei, ve ungin ghei
nileep poi.

Ve uponpoon ghei pa zeran tauvene irau
saawe. *

13

*Sunjuunj to tamtamon tau patanani ighamu saawe
malau*

Mbounj to David

¹ Oyai Yoova, patanani tiina tane ikis ghau malau
wa.

Neez o uul ghau? Pale lolom iveegh payau
taghon taghon gha ila?

Mindai ta ungooz naghom payau? Neez o
matam ilam payau muul? *

² Saawe isov yau naghams ngar naol pa
patanani tsiau,

* 12:6: Mbo 19:9, 119:140 * 12:7-8: Yo 17:15; 1Pe 1:5 * 13:1:
Mbo 22:1+

mbouj ve mataaz lolog isaghat naghe natanj.
Pale koiagna tiliiv ghau taghon taghon gha
ila?

Neez o ulam uul ghau?

³⁻⁴ Yoova, Maaron tsiau, matam ilam payau, ve
ughur taliñam pa suñuuj tsiau tane.

Uul ghau ve ugham tapirig ivot muul.

Mako pale patañani tane itatan ghau gha na-
maat, ve koiagna tipakur tauzi tigde tiliiv
ghau.

Isaav ighe yau natap ve naghham saghat, ene
pale koiagna tighita ve tintinizi.

⁵ Eemon yau nanumeer ghom. Pasaa, yo lolom
isaghav tamtamon tsio ariaañ ve uluul zi.

Yau lolog poia kat. Pasaa, yau nawatagh: Yo
pale ugham mulin ghau pa patañani tsiau
tane.

⁶ Tauvene yau aat nambou mbouj ve napait
Yoova eeza.

Pasaa, i igham poghani ghau kat.

14

Zeran kankanoña tau lolozi iveegh pa Maaron

Mbouj to David

¹ Yes kankanoña tau lolozi iveegh pa Maaron na,
tigham ngar ila lolozi tigde: “Maaron eta
ileep mako.”

Zeran tauvene, Maaron loolo pazi mako
kat. Pasaa, Ngar toozi isaghat wa. Tauta
tighamgham ngar sasaghati naol.

Eta igham ngar poia mako. *

² Yoova ileep izi sambam, ve maata izizi pa tamtamon to taan.

I igha ighita: Toozi eta pale ighilaalo, ma mako?

Ve eta izuari ghi lesu iwatagh Maaron? Mako.

*

³ Tisov tipul eez tooni ve tisaghat wa.

Eta igham ngar poia mako. Mako le mako kat.

*

⁴ Tauvene Yoova igham ngar naol igha: “Yes tau tinoknok ghamuun ngar sasaghati na, lezi ghilaloon, ma mako? Neez o ngar toozi ivot?

Saawe isov, yes titombaan tamtamon tsiau ve tipasov gabua toozi le isov kat, imin yes tau tighan aniin popoia, ve tipasovu.

Matazi ingal ghau ve tisun payau mako.” *

⁵ Eemon murei, roin tiina kat pale igham zi.

Pasaa, Maaron pale ivool to tamtamon dudunazi tau titaghon eez tooni.

⁶ Yes mbolaanja tau tirau gabua eta mako na, yam zeran sasaghati aponpoon eez pazi. Tauta ngar toozi le anooja mako.

Eemon Yoova tau pale imin lezi niazi to yongaan.

⁷ Oyai, Maaron tau ileep izi nugh Zion na iuul yes Israela, ve ipas zi tivot pa patanani toozi, o poi!

* **14:1:** Mbo 10:4, 53:1+; Ro 3:10+

* **14:2:** Gnp 18:21

* **14:3:**

Gnp 6:5; Ep 2:3 * **14:4:** Yems 5:4

Isaav ighe Yoova iuul tamtamon tooni ve tileep poia muul, ene pale tintinizi. Onoon kat, Yakop paaghu tooni pale loloz poia le poia kat. *

15

Sei irau ileep igharau Yoova ve isunj pani?

Mbounj to David

¹ Yoova, sei ta irau ileep tomani ghom ila niam patabuyaanj to sunjuunj?

Ve sei irau ileep izi loloz tsio patabuyaanj Zion, ve isunj payo? *

² Tamtamon tau le sosor eta mako, ve laghoon tooni poia mon.

I ighamgham ngar duduunja ve isasavia saveenj onoon mon toman loolo. *

³ I ivaghamunia tamtamon ezazi mako, ve igham ngar saghati eta pa zeetja mako. I injal saveenj pa tonjvetaz tooni mako, ve isinai zi mako. *

⁴ Zeran sasaghati tau Maaron ighur muuri pazi na, i paam ighur muuri pazi.

Ve yes tau tiroi pa Yoova ve titaghon ngar tooni na, i ipapait zi.

Saa saveenj tau i imbua, ene irau loolo iveghaini mako. Ighe ipatajan pani pa taghoniinjni, ene poia. Eemon i aat itaghon saveenj mbuaanj tooni.

* **14:7:** Mbo 53:6, 126:1 * **15:1:** Mbo 24:3+ * **15:2:** Mt 5:8; Ep 4:25 * **15:3:** Igham 20:16

⁵ Ve isaav ighe zeetņa tigham bun ila tooni, saawe to tiyatu, yes tiyat maet duduunj tau tigham na. I irau ipoi pa maet geege ite paam izala paavo mako.

Ve isaav ighe tamtamon tigde tigholi, leso injal saveen pa yes tau lezi sosor mako, ene i irau iyok pazi mako. *

Yes tau titaghon njar naol tane, ene aat tiyooz ariiaan.

Gabua eta irau igham zi tirur ne mako. *

16

Surjuunj to neer tau inumeer Yoova

Mbounj to David

¹ O Maaron, umin sigheu payau ve ungin ghau naleep poi.

Pasaa, yau nanumeer ghom ve nayoonej ilat tsio.

² Yau nasaav pa Yoova: “Yo Tiina tsiau.

Isaav ighe naleep soghan payo, ene irau nan-deen gabua poia eta mako.”

³ Tamtamon patabuyaanja to Yoova tau tilepleep izi taan, yes popoiazi kat.

Isaav ighe naleep tomani zi, yes tigham lolog poia le poia kat. *

⁴ Eemon zeran tau tibesbees pa maaron karomņa na, pataņani naol pale izazaa toozi.

* **15:5:** Igham 22:25 * **15:5:** Igham 22:24, 23:8; 2Pe 1:5+

* **16:3:** Mbo 119:63; Mbanj 2:42+; Hib 10:25

Yau irau napaak zi pa watoonrau toozi mako.
Ve avog irau itut maaron toozi ezazi rigta
mako.

⁵ Yau naghita Yoova naghe i imin taan poia ee tau
tipuli payau to naleep ila.

Irau nambool pa gabua eta mako. Pasaa, yau
naleep ila i niima. *

⁶ Gabua naol tau yau naghām zi ilat tsio, ene
popoiazi mon.

Onoon kat, lepoogh tsiau tau Yoova igham
payau ne, ene poia kat. Imin naleep ila taan
paghuuna ee tau tipuli payau. *

⁷ Yau napait Yoova pa poia tooni. Pasaa, i
ighamgham pooz payau, lesō natagħon eez
poia.

Mboṅ paam, ṅgar tau i ighuru ila lolog ne,
itotoi eez payau.

⁸ Saawe isov, matag inḡalḡal naghe Yoova ileep
tomani ghau.

I ilepleep ila zigeḡ tapir ve ipapalot ghau.
Tauvene gabua eta irau igham ghau narur
ne mako. *

⁹ Tauta tintinig ve lolog poia kat.

Irau naroi mako. Pasaa, yo aat unḡin ghau
naleep poi.

¹⁰ Irau ughur murim payau, ve upul ghau namaat
gha nazila mateegha niazi ne mako.

* **16:5:** Mbo 23:5, 73:25+

* **16:6:** Mbo 142:5; Ga 4:7

* **16:8:**

Mbo 15:5; Mbaṅ 2:25

Pasaa, yau tamtamon tsio. Lolog isaghav ghom ariiaan, ve nataghon eez tsio.

Irau upul patag imbuuz ila naal loolo ne mako. *

¹¹ Yo utotoi eez to lepoogh poia payau.

Isaav ighe naleep tomani ghom, ene pale lolog poia le poia kat.

Ighe naleep ila nimam tapir, ene aat naya-maan poia tsio taghon taghon gha ila. *

17

Neer duduunja ee itanj rarai Maaron ighe iuule

Mbounj to David

¹ O Yoova, uloonj tanjiz tsiau tane, ve uul ghau.

Upaghazonjai ghau ila tamtamon matazi ughe yau neer dudunag. Leso tiwatagh tigde yau naghamsosor eta mako.

Yau nasunj ghom ila avog uuli mon mako. Nasunj ghom toman lolog. Tauvene ughur talinjam pa sunjunj tsiau tane, ve uul ghau.

² Yo ughita gabua naol isov, ve yo uwatagh ughe yau nataghon ngar tau iduduunj ila yo matam.

Tauvene uvool tsiau ve upaghazonjai ghau ila tamtamon matazi ughe yau naghamsosor eta mako.

³ Yo ugabiiz poghani ghau, ve utoov ghau. Ve ulam utiir ghau pa mbonj paam. Tauta uwatagh katin lolog.

Yo ugabiiz katin ghau, ve ughita ngar saghati eta igheen ila lolog mako.

* **16:10:** Mbanj 2:27, 13:35

* **16:11:** Mbo 36:7+

Pa ngar tsiau iyaryaaj naghe avog igham
sosor eta sov. *

⁴ Yau nataghon ngar tau zeran siriv tighamghamu
ne mako. Pasaa, matag kisin saveej tsio.

Tauvene zeran sasaghati tau tighamgham
malmal na, yau napaghau taug pa eez toozi.

⁵ Saawe isov, nataghon eez tsio mon.

Agheg isapir pani rigta mako.

⁶ O Maaron, yau nawatagh: Saawe isov, yo
ulonloonj sunuuj tsiau. Tauvene natanj rarai
ghom naghe uul ghau.

Ughur taliñam payau, ve uloonj aliñag tane.

⁷ Yo lolom isaghav tamtamon tsio ariaaj ve uluul
zi.

Tauvene ugham uraat ngeretazi tintiina to uul
ghau.

Yes tau tiyoonj ilat tsio na, nimam tapir aat
igham mulin zi ila koiazña nimazi, ve tileep
poi.

⁸ Unjin poghani ghau imin yo unjin taum matam.
Upoon ghau imin tatareek ipagud natña.

⁹ Pa zeran sasaghati tizuari zi tighe tivaghamun
ghau.

Koiagna tilivutin ghau, ve tighe tirav ghau
namaat.

¹⁰ Loloji isaghatin tamtamon mako.

Ve tipapait tauzi ezazi toman aliñazi tiina.

¹¹ Yes titaghon ghau tilam gha tilivutin ghau wa.

* 17:3: Mbo 139:1

Ve tidaad matazi payau tighe tisik ghau nazi taan.

12 Yes timin laion tau pitoola ve ighe irangat gabua lesu ighani.

Yes timin laion paaghu tau iyoonj ila su loolo ve isasañan.

13 Yoova, uburig urav koiagna lak! Uyooz umin sigheu payau, upoon zi, ve utatan tapirizi.

Ukas zi pa mbuzaagh tsio, ve ugham mulin ghau pa zeran sasaghati tane. Lesu naleep poi.

14 Zerán tawe tigham njar tighe gabua to taan, ene gabua tauu.

Utotoi nimam pazi, ve ugham mulin ghau ila nimazi.

Atuya tau yo ughe ugham pazi na, upasovu pataghaan. Lesu tiyamaana kat!

Ve ugham tauvene pa natuzña ve iseenja ila iza to timbuzña paam.

15 Eemon yau ñeer dudunag. Tauvene yau aat naghita naghom.

Saawe tau naburig, yau aat naleep ila yo naghom, ve nayamaan naghe: Aa, gabua ta nazuari ghau pani, tauta naghamu wa! *

18

David ipait Maaron eeza

Mbounj to David, besoonja to Yoova. Saawe tau Yoova igham mulin David ila Saul ve koinja tisov

* 17:15: Mbo 11:7; Yo 17:24; 1Kor 13:12; 1Yo 3:2

nimazi, i imbou mbounj tane pa Yoova.

(2Sam 22:1-51)

¹ O Yoova, yau lolog igheen tsio kat, ve naghham tapirig ilat tsio.

² Yoova iponpoon ghau pa koiagna imin maetaaz tau izala kat. Ve i imin ruum ariaanja pa nayoŋ ila loolo. Saawe isov, i ighamgham mulin ghau pa patanjani tsiau.

Maaron tsiau iponpoon ghau pa zaab imin maet tintiina, ve yau nayonjoŋ ila tooni.

I imin sigheu payau, ve i Uleenja tsiau ariaanja. I imin didiin ariaanja tau ilivut ghau.

³ Iit aat tapait Yoova eeza!

Yau napoi pa uleŋ, ve i igham mulin ghau ila koiagna nimazi.

⁴ Liis to mateegh, rigmon kanan iliis ghau.

Patanjani naol titatan ghau imin dibom tintiina tipol izala pavog.

⁵ Ve ravraav ariaanja to mateegh ikaukau ghau, ve rigmon kanan igherev ghau nazila mateegha niazi.

Tauvene liis to mateegh, naghita igheen ila naghog.

⁶ Saawe tau naleep ila patanjani tawe loolo, yau napoi Yoova pa uleŋ.

Natanj rarai Maaron tsiau naghe ilam iuul ghau.

Tanjiz tsiau injaruini, ve ighur taliinja pani.

I ileep ila rumei tooni loolo, ve iloonj alinjag.

- 7 Tauvene igham yogyoog itok taan le taan katka-
tia,
ve loloz tisov pughuzi irur paam.
Pasaa, i aate yavyav kat.
- 8 Mbuas ivot pa uuzu puura,
ve yav yaama tomania ngilaanji ivot pa aavo,
ve ighan suvinia gabua. *
- 9 Ra sambam saamba ikaak,
ve i iyooz izala taitai gabgabuai, ve izilam.
- 10 I ileep izala anjela tooni ariaanja nduume, ve
iroov ilam.
Yaghur ibaado, ve ikaleel gha ilam.
- 11 I ipoon tauu pa ndoroom, lesa imin le niia to
yongaanj.
Taitai gabgabuai ikauu, ve ingooz tauu ila
lolo.
- 12 I ileep ta sewe toman mbonari tiina, ve igham
nugh ighani milmilia.
Tauta lalaav ingalngal izi, ve ais paatu paatu
tomania yav ngilaanji titaptap tizi pa taan.
- 13 Yoova ileep izi sambam, ve isaav toman aliinja
tiina kat, imin lalaav luutu.
Maaron Tiina Tau Iliiv Zimaronnja Tisov na
aliinja ivot. Ve yav ngilaanji tomania ais paatu
titaptap tizi. *

* 18:8: Igham 19:18+ * 18:13: Mbo 29:3+

- 14 I igham lalaav ingal koiŋa imin paneegh natŋa tooni.
Tauta roiŋ tiina igham zi, ve tighawaar mbiriis.
- 15 Yoova, saawe tau yo utotoi aatyavyav tsio pazi,
yaghur tiina ivot pa uzum, ve ivuvuur te ila soghan, le sausau ivot ighazooŋ.
Ve taan puughu tau igheen izila siina kat na ivot peria. Gabua eta ipoona muul mako. *
- 16 Ra Yoova ileep saanŋa, ve izuzuun niima izilam ikis ghau,
ve indai ghau nazaa pa mazavan belbeluunŋa loolo.
- 17 Koiagŋa tapirizi tiina, ve yau narau zi mako.
Yes tighur koi payau kat. Eemon Yoova iuul ghau, ve ipas ghau ila nimazi.
- 18 Saawe tau naleep ila patanani loolo, yes tipaburigin malmal payau.
Eemon Yoova ipoon ghau ve ipalot ghau.
- 19 I ipas ghau navot pa patanani tsiau, ve ighur ghau nala naleep izi nugh poia.
Pasaa, i loolo payau kat. Tauta igham mulin ghau ve naleep poi.
- 20 Yau nataghon ngar tau iduduunŋ ila Yoova maata.
Tauta i loolo payau ve igham poghani ghau.
Nimag igham sosor eta mako. Tauta i igham leg atuya poia.
- 21 Pasaa, saawe isov, yau nataghon eez to Yoova.

* **18:15:** Igham 15:1-12

Irau naghham n̄gar saghati ve naghur murig pa
Maaron tsiau ne mako. *

- 22 Pasaa, matag kisin tutuun̄ tooni tisov.
Tutuun̄ tooni tau tigheen pataghaan̄ na,
naghur murig pazi mako.
- 23 Tauta leg sosor eta ila i maata mako.
Yau nan̄gin taug poi, tauta naghham gabua eta
isosor mako.
- 24 Yau naghhamgham n̄gar duduun̄ja ve n̄gar
n̄galaan̄ja mon ila Yoova maata.
Tauta i loolo payau ve igham leg atuya poia.
- 25 Yoova, isaav ighe tamtamon eta loolo isaghav
ghom ariaan̄ ve itaghon eez tsio, yo pale
lolom isaghavu paam ve uule irau saawe.
Tamtamon tau ighe le sosor eta mako ve n̄gar
tooni isov popoia mon, ene pale yo upa-
muul n̄gar poia pani paam.
- 26 Ve isaav ighe n̄eer eta ighamgham n̄gar n̄galaan̄ja
mon, ene pale yo paam ugham n̄gar n̄galaan̄ja
pani.
Eemon yes tau lezi n̄gar tiina pa ghamuun̄
karom ve n̄gar saghati, na yo lem eez naol
to uyat n̄gar toozi tawe.
- 27 Tamtamon tau titatan tauzi na, yo ughamgham
mulin zi pa patajan̄i toozi.
Eemon yes tau tipapait tauzi ve tivelegh ghom
na, yo utatan zi tizi timin kaut sorok. *

* 18:21: Mbo 119:102 * 18:27: Mt 5:3, 23:12

- 28 Yoova, Maaron tsiau, yo ugham ghazonja tsio
isul ghau,
ve uziir ndoroom ighau payau, lesu naleep
poi. *
- 29 Yo upapalot ghau. Tauta yau irau naparav
tomania koiagna le naliiv zi.
Maaron tsiau ilepleep tomani ghau. Tauvene
yau irau nayaat malonon didiinj ariaanja tau
ilivut koiagna nugh toozi, ve nalonj nala.
- 30 Maaron eez tooni, ene poia le poia kat.
Ve saveenj tooni, ene onoon mon. Irau taghur
ila kat.
Tamtamon tisov tau tiyoonj ila tooni na, i imin
sigheu pazi. *
- 31 Yoova mon ta Maaron tauu. Ite paam mako.
I mon ta iponpoon ghiit imin maet tiina.
- 32 I ipapalot ghau pa tauu tapiri, tauta nayooz
tunjia.
Ve i injinjinj ghau pa laghoonj tsiau, ve itotoi
eez payau. *
- 33 I igham agheg tunjia ila taan, ve nalaan ariaanj
imin mekmek sagsag.
Tauvene saawe tau nalaagh ila nugh sapsapu,
irau agheg pusukia ve natap mako.
- 34 I itotoi ngar to ghamuunj malmal payau, ve ipalot
nimag.

* **18:28:** Yo 8:12; 2Kor 4:6; 2Pe 1:19 * **18:30:** Yo 17:17 * **18:32:**
Mbo 23:1-5; 1Pe 5:10

Tauta yau irau nadaad paneegh ariaañja tau tigharaata pa mbaras. *

35 Yoova, yo umin sigheu payau, ve ugham mulin ghau ila koiagnja nimazi.

Ve nimam tapir, tauta ipapalot ghau.
Yo uluul ghau, tauta ezag imin tiina.

36 Yo ugharaat poghania agheg niia.

Tauta agheg pusukia mako, ve nayooz tunja pa ghamuuj malmal.

37 Yau nalaan taghon koiagnja nala le nazaa toozi.

Ve naravuur zi le tisov kat. Eta ileep muul mako.

38 Yau narav zi le tisov titaptap tizi agheg puughu.

Eta irau iburig muul to igham malmal payau ne mako.

39 Pasa, yo upapalot ghau pa taum tapirim. Tauta nayooz ariaañ pa malmal.

Yo ughur koiagnja tila nimag ve naliiv zi.

40 Yo ugham zi titoor zi, ve tighau tila.

Yes tau tighur koi payau ne, yau napasov zi le tisov kat.

41 Yes tipoi pa uleej. Eemon eta iuul zi mako.

Tañiiz toozi injarui Yoova paam. Eemon i iloon zi mako.

* **18:34:** 2Kor 10:4; Ep 6:10-17

- 42 Yau narav mbirisai zi, le timin n̄gaupup tau yaghur ivuvuura gha ilale.
Ve navaghaaz zi imin tiinj tau igheen ila eeze.
- 43 Saawe tau tamtamon tiburig ve tizoor alin̄ag, yo uvoool tsiau, ve ugham mulin ghau ila nimazi.
Ve ughur ghau namin daaba pa nugh nugh.
Tamtamon to taan siriv tau yau nawatagh zi mako na, aazne tileep ila sambag ve tibees payau.
- 44 Ighe tiloonj alin̄ag, ene rekia mon ve titaghoni.
Nugh nugh tilam ve tiput aghezi payau toman roinj tiina.
- 45 Pasaa, tighilaal tighe tirau gabua eta mako.
Tauvene roinj tiina igham zi, ve tipul ruum toozi arian̄azi tau tiyon̄yoonj ila lolozu na, ve tilam tsiau.
- 46 Onoon kat, Yoova ilepleep!
I iponpoon ghau imin maet tiina.
I Uleen̄a tsiau. Tauvene yau napakuru ve napait eeza.
- 47 I ivool tsiau, ve iyat n̄gar sasaghati tau koiagn̄a tigham payau na.
Ve ighur nughmarinj tileep ila yau sambag.
- 48 I ipas ghau ila koiagn̄a nimazi, ve iuul ghau le naliiv zi.
I igham mulin ghau ila yes tau tilinj̄inj̄ sin̄ pa tamtamon na nimazi.

49 Tauvene Yoova, yau aat nayoora ezam ila tam-tamon to nugh nugh sosozi, ve nambou to napait ghom. *

50 Yoova iuluul yes tau i ighur zi timin kinik. Tauta tilivliiv malmal tintiina.
I tauu ighur David to igham pooz.
Tauvene loolo isaghavu, ve pale ighur poia tooni izazaa to David tomania paaghu tooni taghon taghon gha ila.

19

Gabua tau Maaron ighur zi na titotoi ghiit tighe i eeza tiina

Mbounj to David

1 Gabua naol isov tau tighenaar ila sambam saamba na titotoi ghiit tighe Maaron eeza tiina.

Gabua ta saanja we, ene i niima muuri.

Tauta titotoi Maaron tapiri tomania ngar ve poia tooni pait. *

2 Mataaz ta naol ne, tisavsaav pait.

Ve mbonj ta naol ne, tipaghazonjai ghiit pa ngar tooni.

3 Yes lezi avozi to tisavsaav mako.

Irau taloonj avozi luutu mako.

4 Eemon alinjazi ila irau taan isov.

Saveenj toozi ila irau taan ziige ta naol ne. *

* 18:49: Ro 15:9 * 19:1: Mbo 89:5, 97:6; Ro 1:19+ * 19:4: Ro 10:18

Maaron ighur aaz le niia ila sambam saamba
to igheen pani.

⁵ Aaz pisikia iza imin njeer tau ivai paaghu, ve ipul
ruum tooni ve ivot toman tintini.
Ve imin tamtamon to landoonj tau igharaat ghi
to ilaan toman loolo poia.

⁶ Aaz iza pa taan ziige ee,
ve imalaan ila izi pa ziige ite.
Ve gabua eta irau iyoonj pa maata ne mako.

*Saveenj to Maaron ene poia kat ve ipaghazonjai
ghiit pa ngar tooni*

⁷ Saveenj isov tau Yoova igham pait, ene poia kat ve
iduduun mon.
Ve ipariaan ghiit ve igham tapiriin ivot muul.
Eez tau Yoova ighuru pa tamtamon tooni na,
igheen tunja tauvene. Irau itoora muul
mako.
Ve ipaghazonjai yes tau lezi ngar tiina mako na,
le ngar toozi ivot. *

⁸ Tutuun naol tau Yoova ighur zi pait, ene
dudunazi mon, ve tigham ghiit loloon poia
kat.
Tutuun to Yoova imin ghazonja pait, ve
igham ghiit taghilaal. *

⁹ Ngar to taroi pa Yoova ve tataghon ngar tooni, ene
poia.

* **19:7:** Mbo 119:104; 2Tim 3:15 * **19:8:** Mbo 119:105, 130; 2Pe
1:19

Ngar tauvene, ene ingalaan ila i maata, ve
igheen tauvene taghon taghon gha ila.
Ve gabizoonj to Yoova, ene iduduunj ve onoon
mon.

- 10 Tamtamon tighita maet gol tighe ene gabua
tiina, ve lolozi pani.
Eemon Yoova saveenj tooni iliiv kat pa gol
katini tau ngalaanazi na.
Ve tok suuru tauvene paam, poia ve imon-
moon ila avoon.
Eemon Yoova saveenj tooni, ene poia kat le
iliiv tok suuru. *
- 11 Yoova, yau besoonja tsio. Saveenj tsio ipaghau
ghau pa pataanani naol.
Yes tau titaghon saveenj tsio, ene aat tigham
lezi atuya tiina. *
- 12 Sei irau ighilaal sosor tooni isov? Mako.
O Yoova, sosor naol tau naghilaal zi mako ve
nagham zi na, lolom isaghatin ghau ve upul
zi.
- 13 Yau besoonja tsio. Sosor tau naghilaal zi na,
upaghau ghau pazi.
Pa lolog pa ngar tauvene igham pooz payau
mako.
Leso nagham sosor tiina eta sov, ve ngar tsiau
iduduunj ila yo matam.
- 14 Tauvene yau naghe le saveenj tau ivot ila avog,
ve ngar tau igheen ila lolog ne, isov iduduunj
ila yo matam, ve igham ghom lolom poia.

* **19:10:** Mbo 119:72, 103 * **19:11:** Yo 14:21+; 1Tim 4:8

O Yoova, yo Uleeṅa tsiau ve uponpoon ghau imin maet tiina.

20

Yes Israela tighason Maaron to ipalot kinik toozi

Mbounj to David

¹ Saawe tau ighe yo uleep ila pataṅani loolo, Yoova pale ilooṅ suṅuuṅ tsio ve iuul ghom.

Maaron to Yakop, i eeza tiina pa tapiri ve poia tooni. I pale imin sigheu payo ve iṅgin ghom uleep poi.

² Maaron ileep ila rumei tooni patabuyaanṅ izi loloz Zion.

I pale iuul ghom ve ipalot ghom.

³ I aat maata iṅgal watoonṅrau tsio tisov. Irau loolo iveegh pazi mako.

Watoonṅrau tsio tau yav ighan dodolin zi, ene tighamu loolo poia.

⁴ Ve gabua tau yo lolom pani na, i aat igham payo.

Ve ṅgar isov tau lolom ighur ughe ugham zi na, i pale igham anooṅa ivot.

⁵ Murei, saawe tau yo uliiv koiamṅa, yei pale lolomai poia kat ve nisir.

Pale nigham pilak tsiei ve nisik zi ilala il-amlam, ve nipait Maaron toit eeza toman tintinmai.

Gabua naol isov tau yo ughason Yoova pani na, i pale ilooṅ ghom ve igham payo.

- ⁶ Ngarig gha nawatagh: Yoova pale iuul kinik tau i tauu ighuru pa uraat na.
I pale ileep izi nugh tooni patabuyaang sambam, ve iloon sunuun tooni, ve ipaloti pa tauu tapiri. Leso iliiv koiŋa tisov.
- ⁷ Zeran siriv tinumeer karis toozi to malmal, ve siriv tipakur zi pa hos toozi.
Eemon yei ninumeer Maaron tsiei Yoova. I eeza tiina pa tapiri ve poia tooni. *
- ⁸ Tauvene koiamaŋa pale aghezi pusukia ve titap-tap.
Eemon yei pale niburig ve niyooz tunja pa malmal.
- ⁹ O Yoova, ughur taliŋam pa taniiz tsiei tane, ve uul kinik tsiei. Leso iliiv koiŋa.

21

Yes Israela tipait Maaron pa uleenj tau i igham pa kinik toozi

Mbounj to David

- ¹ O Yoova, kinik tsiei loolo poia kat. Pasaa, yo upaloti pa taum tapirim.
Yo uule pa malmal le iliiv koiŋa. Tauta tintini kat.
- ² Gabua tau i loolo pani ve ighason ghom pani na, yo unghuruuta mako.
Yo ugham pani wa.
- ³ Yo ula uvot tooni, ve upakuru pa gabua popoia naol.

* **20:7:** Mbo 33:17

Ve ughur moghar ndamoonda milmilia izala
daaba.
Moghar tawe, tigharaata pa gol tau poia kat.

⁴I ighason ghom to unġini poi ila saawe to malmal,
leso imaat sov, ve ileep poia taghon taghon
gha ila.
Ve yo ulooŋ sunjuuŋ tooni.

⁵Yo uule gha iliiv malmal, tauta eeza ivot imin
tiina.
Ve upaboode pa tapirim ve poia tsio. Tauta
vaaru ilaan irau nugh nugh, ve tamtamon
tipaiti tighes i eeza tiina kat.

⁶Onoon kat, poia tsio pale izazaa tooni taghon
taghon gha ila.
Ve yo uleep tomania. Tauta loolo poia le poia
kat.

⁷Kinik tsiei inumeer Yoova. Tauvene gabua eta
irau ighamu itap ne mako.
Pasaa, Maaron Tiina Tau Iliiv Zimaronġa Ti-
sov na, loolo isaghavu ariaaŋ, ve iuluule
itaghon saveeŋ mbuaaŋ tooni.

⁸O kinik, nimam pale ikisiir koiamaġa tisov.
Yes tau tighur koi payo na, nimam tapir pale
isaghav zi.

⁹Saawe tau utotoi tapirim ivot ighazooŋ, yo pale
uvaghamun zi kat imin yav tiina ighan
gabua.
Onoon kat, aatyavyav to Yoova pale izaa toozi,
ve yav tooni ighaniir zi.

- 10 Natuzŋa paam, yo pale uravuur zi, ve upasov zi pa taan.
Tauvene murei, paaghu toozi eta irau ileep muul mako.
- 11 Onoon, yes tiil eez payo, ve timbu saveeŋ tigue tivaghamun ghom.
Eemon ŋgar toozi saghati tawe irau ighur anooŋa mako. *
- 12 Saawe tau tighita yo ughur paneegh naatu inarui zi,
yes pale tiroi ve tighau tila.
- 13 Yoova, uburig ve utotoi tapirim ivot ighazooŋ.
Leso nimbou ve nipait ezam pa tapirim.

22

Sunjuuŋ to ŋeer ee tau ileep ila patanani tiina loolo ve igham ŋgar ighu Maaron ighur muuri pani

Mbounj to David

- 1 Maaron tsiau, Maaron tsiau, puughu mindai ta ughur murim payau?
Patanani tsiau igham ghau nataŋ tiina. Puughu mindai ta yo uul ghau mako, ve uleep soghan payau? *
- 2 Maaron tsiau, mataaz ta naol ne, nataŋ rarai ghom. Eemon yo usavia leg saveeŋ eta mako.
Ve mboŋ tauvene paam. Namariau mako. Nanoknok tanjiiz.
- 3 Eemon Maaron, yau nawatagh: Yo patabuyaan.

* 21:11: Mbo 2:1; Mk 14:1 * 22:1: Mbo 10:1; Mk 15:34

Yo uleep ila niam to ghamuunj pooz, ve yes
Israela tipapait ghom.

⁴ Muunj ve ilam, timbumainja tinumeer ghom.

Yes tighur ilat tsio, ve yo upas zi tivot pa
pataņani toozi.

⁵ Saawe tau titaņ rarai ghom, yo ugham mulin zi
pa pataņani toozi.

Yes tinumeer ghom, ve yo uul zi. Tauvene
tighur matazi payo sorok mako.

⁶ Eemon yau, tamtamon tighit ghau tigde yau
tamtamon mako.

Matazi tatanin ghau, ve tivelegh ghau tigde
yau kaut sorok imin motmoot to taan lolu.
*

⁷ Tamtamon tisov tau tighit ghau ne, titurun luazi
payau ve tigde: ‘Aa, ughita wa?’

Ve tinij payau, ve tisik saveeņ veleghiin naol
payau. *

⁸ Tisavsav payau tigde: “Yo ughe unumeer
Yoova?”

Poia. Ighe tauvene, o taleep ve taghita. Isaav
ighe i loolu payo kat, i aat iuul ghom, ve
igham mulin ghom pa pataņani tsio.” *

⁹ Eemon Yoova, yo ta ughur ghau navot poi ila
tinaņ aapo.

Ve saawe tau naghunghun tuz, yo urarar
payau poi. *

* **22:6:** Is 53:3 * **22:7:** Mt 27:39; Mk 15:29 * **22:8:** Mt 27:43

* **22:9:** Mbo 71:6; Ga 1:15

- 10 Saawe tau tinaŋ ipoop ghau, tighur ghau nalat namin yo lem, lesu ungin ghau.
Tauta saawe tawe ve ilam, yau nanumeer ghom naghe yo Maaron tsiau.
- 11 Tauvene uleep soghan payau sov.
Pa aazne, pataŋani tiina ighe ivot payau.
Ve leg tamtamon eta to iuul ghau mako.
- 12 Ughita. Koiagna katini tilam tilivutin ghau.
Tapirizi tiina imin makau zitamoot to Basan tau bide tapirizi na.
- 13 Yes timin laion tau tikakaak avozi ve livozi imasis ilam payau.
Ve lolozi ŋuria tige tiranŋat ghau ve tighan ghau.
- 14 Tauvene tapirig isov kat, imin yaa tau igheen ila uur loolo ve tiliŋi ilale.
Tuag tisov goloŋja. Tauvene nayamaan taug naghe irau naghama gabua eta mako.
Ve roin tiina ighama ghau ve lolog imin waar mbuaan. Naghe paita namaat tane.
- 15 Ngarsuag igorgor kat.
Yo upul ghau ve nagheen ila ngaupup loolo ve naghe paita namaat tane.
- 16 Koiagna katini tilam tilivutin ghau imin ngavuun umbaal
ve tivarangatin agheg ma nimag. *
- 17 Ve tuag isov peria.

* **22:16:** Lu 23:33; Yo 19:18

Tauvene koiagna tiyooz ve timarar ghau, ve
loloji poia kat.

Pasaa, nasaghat wa.

18 Yes tighes pa namaat wa. Tauta tighes tivalagh
nonoghiinja tsiau tomania gabua tsiau siriv
irau zi.

Tauvene tipayooz mbuur, lesos tighita sei ta
pale igham saa gabua. *

19 Yoova, uleep soghan payau sov.

Uleenja tsiau, ulam rekia ve uul ghau!

20 Upoon ghau pa mbuzaagh to mateegh.

Upaghau ghau pa ngavuun sasaghati tane.
Mako pale tivaghamun ghau.

21 Ugham mulin ghau pa laion tane aavo,

ve upasali ghau pa makau sagsagna tane
zoñazi.

Aa, ngarig gha naghita naghe yo uloon ghau!

22 Tauvene yau aat navotia gabua tau yo ugham
payau ne pa zetagna.

Saawe tau tamtamon tsio tilup zi pa sunuun,
yau aat nala tomani zi ve nayoos ezam. *

23 Yam tau aroi pa Yoova ve ataghon ngar tooni na,
apakuru.

Yam sinj to Yakop, apait Yoova eeza pa tapiri
ve poia tooni.

Yam Israela asov, aroron ve aroi pani.

* **22:18:** Mt 27:35; Yo 19:24 * **22:22:** Hib 2:12

- 24 Pa yes tau tibadbaad pataņani ve tighur matazi pa Yoova na, i irau ighita pataņani toozi imin kaut sorok ne mako. Pale iuul zi. Irau ivelegh zi, ma ighur muuri pazi ne mako. Tauvene saawe tau titaņ raraini pa lezi uleen, i aat iloonj taņiiz toozi ve iuul zi.
- 25 Yoova, isaav ighe tamtamon tsio tilup zi pa sunjuuņ tiina, yau aat nayoor ezam ila naghozi, ve napait ghom pa ngar tau yo ugham payau na. Yau pale nataghon saveeņ mbuaaņ tsiau, ve naghām watoonrau payo ila yes tau tiroi payo ve titaghon ngar tsio na matazi.
- 26 Watoonrau tau naghām pa paitoonj Yoova na, yes mbolaana pale tighan sirivu, le apozi isuņ. Ve yes tau tizuari zi pa Yoova na, pale tipaiti. I tauu pale ighām poghani zi ve tileep poia taghon taghon gha ila.
- 27 Tamtamon irau taan ziige ta naol ne pale matazi ingal Yoova, ve titoor ngar toozi imuul ila pani. Nughmarin pale tisov tiput aghezi pani ve tipaiti. *
- 28 Pasaa, Yoova, i kinik tiina. I ingin tamtamon tisov to taan, ve ighamghām pooz pazi.
- 29 Tauvene kuaz puughu to taan tau tipapakur tauzi na, pale tisov tiput aghezi pani ve tipaiti.

* 22:27: Mbo 2:8; Syg 5:9-13, 7:9

Ve ila ila le yes tau tigharau tigde timaat
ve timin n̄gaupup na, yes paam pale tiput
aghezi pani ve tipaiti.

³⁰ Paaghu toit pale tibeas pa Yoova.

Yes tau tivot murei na, pale tiloon̄ Yoova
vaaru.

³¹ Yes tau tipoop zi murei na, ene pale tisavia n̄gar
duduun̄a to Yoova pazi,
ve tipaes pazi pa eez tau i igham mulin tamta-
mon tooni.

23

Yoova, i n̄giniin̄ toit

Mbounj to David

¹ Yoova, i n̄giniin̄ tsiau poia.

Irau nambool pa gabua eta mako. *

² I ighegherev ghau nala pa kikiliin̄ popoia tau
igheen yaa naliu ziige na.

Leso naghan, naghun yaa luuma, ve na-
mariau. *

³ I igham tapirig ivot muul,

ve ipaduduun̄ ghau le nataghon eez tau
iduduun̄ ila i maata.

Leso ipaghazon̄ai eeza tiina ivot ighazon̄.

⁴ Yoova, ighe nalaagh ila nugh sapsapu to ma-
teegh, ve ndoroom tiina ikau ghau, ene irau
naro i mako.

Pasaa, yo uleep tomani ghau.

* **23:1:** Yo 10:11; Hib 13:20 * **23:2:** Syg 7:17

Yau naghit ghom ukis zaab tsio tomania titi to upaduduunj sipsip pani, tauvene ateg izi.

⁵ Yau nalam namin loom payo, ve yo upakur ghau kat.

Yo ugham marewaanj tiina payau ila koiagna matazi.

Ve ulinj ngoreen izala dabag, ve ugham poghani ghau kat.

⁶ Onoon kat, saawe isov tau naleep izi taan, yo lolom isaghav ghau, ve poia tsio izazaa tsiau itaghton saveen mbuaan tsio.

Rumei tsio aat imin niag to lepoogh le irau saawe tsiau isov.

24

Maaron, i kinik tau eeza tiina pa tapiri ve poia tooni

Mbounj to David

¹ Taan tomania gabua naol isov tau tileep ve tighen ila, ene to Yoova.

Nugh tisov tomania tamtamon tau tilepaar ila, ene i tooni mon. *

² Pasaa, i ta ighur taan ipot izala te paavo.

Ve ipariaan taan puughu ighen tunja izila te loolo ta siija geeg. * *

³ Sei irau izala loloz to Yoova ve isunj pani?

* **24:1:** Mbo 50:12, 89:11; 1Kor 10:26 * **24:2:** Yes Kanaana tighur ila tigde te, i le maaron. Ve lezi maaron ite paam eeza Baal. Yes tighur ila tigde muunj geeg, yesuru tiparav, le Baal iliiv maaron to te tapiri, ve ighur taan ighen tunja izala te paavo. Neer tau itoor mbounj tane isaav tauvene: Yoova ta ighur taan ve te. * **24:2:**

Gnp 1:9; 2Pe 3:5

Ve sei irau ilonj ila rumei tooni patabuyaanj ve iyooz ila i naagho? *

⁴ Tamtamon tauvene: I igham sosor eta mako.
Ve ngar isov tau ighen ila loolo na, ene ingalaanj mon.
I ipait maaron karomnja mako,
ve iwaat Maaron eeza sorok to ipalot saveenj karom mako. *

⁵ Tamtamon tauvene, poia to Yoova aat iza a tooni.
Maaron tau Uleenja tooni na, pale igham mulini ve ileep poi, ve ipaghazonjaini ighe i neer duduunja.

⁶ Zeran tauvene tizuari zi pa Maaron.
Yes tigde tila tivot to Maaron to Yakop naagho, ve tisunj pani.

⁷ O yam ataman, akaak ve tinimim iza a.
Yam ataman to muunj geeg, tinimim iza a, ve akaak le akaak kat.
Leso sooso irau kinik tau eeza tiina pa tapiri ve poia tooni na itaghoni ilonj ila. † *

⁸ Laak, kinik tau eeza tiina pa tapiri ve poia tooni na, ene sei?
Ene Yoova.

* **24:3:** Mbo 15:1 * **24:4:** Igham 20:16; Mbo 51:10; Mt 5:8

† **24:7:** Ughita 2Sam 6:1-19. Bokis to Saveenj Mbuaanj tau muunj ighen ila balbaal patabuyaanj to Maaron ve yes Israela tibadbaado na, yes tighita tigde Maaron tau ilepleep ila. Tauvene saawe tau tibaad bokis tawe ve tilonj tila pa Yerusalem na, tigham ngar tigde Maaron tau ilonj ila pa Yerusalem. * **24:7:** Mt 21:5

I saksaki, ve tapiri tiina.

Ve i irau kat pa ghamuuj malmal. *

⁹ O yam ataman, akaak ve tinimim iza.

Yam ataman to muuj geeg, tinimim iza, ve akaak le akaak kat.

Leso sooso irau kinik tau eeza tiina pa tapiri ve poia tooni na itaghoni ilonj ila.

¹⁰ Laak, kinik tau eeza tiina pa tapiri ve poia tooni na, ene sei?

Ene Yoova.

I Maaron saksaki, ve injin gabua naol isov.

Onoon kat, i kinik tau eeza tiina pa tapiri ve poia tooni.

25

Neer ee isuj pa Maaron ighe ireu sosor tooni, ve itotoi eez pani

Mbounj to David

¹ O Yoova, naghur taug natal tsio, ve nasuj payo.

² Maaron tsiau, yau nanumeer ghom.

Upul koiagna titatan ghau sov.

Pale tipakur zi tigha tiliiv ghau, ve tigham ghau mayag.

³ Tamtamon tisov tau tisanan ghom pa uleen na, irau tighur matazi payo sorok ve mayazi ne mako.

Eemon yes tau tighur murizi payo na, yes pale mayazi.

⁴ Yoova, utotoi eez tsio payau.

* 24:8: Igham 15:3+

Upaghazonjai ngar tsiau pani, lesa nataghon dudunaini.

⁵ Ugham pooz payau, lesa laghoonj tsiau iduduunj pa saveenj tsio.

Ve upaghazonjai ghau pa ngar tsio.

Pasaa, yo Maaron tsiau ve Uleena tsiau.

Mbonoozo ila le ravrav izi, yau naghurghur matag payo.

⁶ Yoova, muunj ve ilam, yo lolom isaghatin tamtamon ve uluul zi.

Ve lolom isaghav tamtamon tsio ariaanj ve poia tsio izazaa toozi.

Matam ingal ngar tsio tana.

⁷ Sosor ve ngar to taliinjizi tau yau kukuag ve naghamgham zi na, matam ingal zi sov.

Yoova, yo poiam, ve lolom isaghav tamtamon tsio ariaanj ve uluul zi itaghon saveenj mbuaanj tsio.

Tauvene matam ingal ghau ve uul ghau!

⁸ Yoova ngar tooni, ene poia ve iduduunj mon.

Tauvene zeran tau tisapir pa ngar tooni na, i ipapaduduunj zi pa eez tooni.

⁹ Ve yes tau titatan tauzi ve tinumeer Maaron mon na,

i ighegherev zi ve itotoi eez tooni pazi, lesa titaghon ngar dudunja.

¹⁰ Yes tau matazi kisin saveenj mbuaanj toozi tomania Yoova, ve titaghon eez tau i ighuru pa tamtamon tooni na,

- i loolo isaghav zi ariaan ve iuluul zi itaghon saveen mbuaan tooni.
- 11 O Yoova, yau naghav sosor katini kat.
Eemon yo ezam tiina pa ngar tsio tau lolom isasaghatin yei tamtamon.
Tauvene ureu sosor tsiau.
- 12 Tamtamon tisor tau tiroi pa Yoova ve tigde titaghon ngar tooni na,
i pale itotoi eez pazi. Leso tiwatagh eez sindei tau yes aat titagho.
- 13 Zeran tauvene, lepoogh toozi pale poia kat.
Ve natuzna paam, pale tileep poia izi taan tau Yoova igham pa tamtamon tooni. *
- 14 Yes tau tiroi pa Yoova ve titaghon ngar tooni na, timin i zeetna duduun.
Tauvene i ivovotia ngar tooni yongaan pazi, ve ipaghazonai zi pa eez to yesna tivalupu zi timin eemon itaghon saveen mbuaan tooni.
- 15 Saawe isov, yau naghurghur matag pa Yoova naghe i aat iuul ghau.
I pale ipas agheg pa liis tau koiagna tighuru payau ne.
- 16 Yoova, yau besoon tsio. Tauvene matam imuul ilam payau. Lolom isaghatin ghau, ve uul ghau pa pataani tsiau.
Pa yau zigau kat. Leg etag eta to iuul ghau pa pataani tsiau tane mako.

* 25:13: Mbo 37:9, 11; Mt 5:5

- 17 Lolog ipatanjan kat ve naghams ngar naol. Pasaa, yau leg eez eta mako.
Upas ghau navot pa patanjani tsiau tane loolo.
- 18 Ughita patanjani ve saghatiinj tiina tau ivot payau ne, ve uul ghau.
Ve ureu sosor tsiau tisov tilalez.
- 19 Ughita. Koiagna, yes eval.
Ve atezi yavyav payau kat. Tighe le tivaghamun ghau.
- 20 Eemon yau nanumeer ghom naghe yo aat ugham mulin ghau ila koiagna nimazi, ve ungin ghau naleep poi.
Yau nayoonj ilat tsio. Tauvene upul zi tiliiv ghau sov. Ighe mako, pale mayag.
- 21 Yoova, ngar tsiau iyaryaan naghe nataghon ngar popoia tau iduduunj mon ila yo matam.
Tauvene yo aat upoon ghau pa gabua sasaghati ta naol ne.
Pasaa, yau naghurghur matag pa uleenj tsio.
- 22 O Maaron, upas tamtamon tsio Israel tivot pa patanjani toozi naol isov.

26

Neer ee ighason Maaron to ipaghazonjaini ighe i neer duduunja

Mbounj to David

- 1 O Yoova, yau naghe yo upaghazonjai ghau ila tamtamon matazi ughe yau neer duduunja.
Pasaa, laghoonj tsiau, yau nataghon ngar duduunja mon.

Ve naghur ilat tsio ariaañ. Lolog ruru payo mako. *

² Yoova, ugabiiz ghau, ve utoov ghau.
Utiir poghania lolog ve ngar tsiau, ve ughita:
Naduduun ila yo matam, ma mako? *

³ Monmon matag ingalngal ngar tsio tau lolom is-
aghav tamtamon tsio ariaañ ve uluul zi.
Yo utaghon saveej tsio irau saawe. Gabuam
tana ipapalot ghau pa laghoonj tsiau, tauta
nataghon eez tsio. *

⁴ Yau yeña zeran karomña niluplup ghei mako.
Yes tau tipamir tauzi pa ghuruunj ila toozi na,
yau napaak zi mako. *

⁵ Yau naghur koi pa yes tau tighamgham ngar
sasaghati, ve naleep soghan pazi.
Isaav ighe zeran sasaghati tilup zi, ene irau
naleep tomani zi mako.

⁶ O Yoova, yau nataghon ngar duduunja mon. Tauta
namin nimag, lesu itotoi ighe yau leg sosor
eta mako.
Ve nalaagh livutin artaal tau tighamgham wa-
toonjrau payo izala na, ve nasunjunj payo. *

⁷ Yau aat nambou mbounj toman lolog poia ve
napait ghom,
ve navotia uraat tsio ngeretazi tau maata ite
kat na.

* **26:1:** Mbo 7:8+ * **26:2:** Mbo 139:1, 23+ * **26:3:** Mbo 119:30

* **26:4:** Mbo 1:1; 2Kor 6:14 * **26:6:** Mbo 15:1, 24:3+

- ⁸ Yoova, yau lolog pa rumei tsio kat. Pa ene niam to lepoogh.
Yo utotoi tapirim ve mbonarim tomania poia tsio ivotvot ta sewe. *
- ⁹ Yes tau tissor pa eez tsio na, upasov ghau tomani zi sov.
Ve yes tau tilinjin sinj pa tamtamon na, urav ghau namaat tomani zi sov.
- ¹⁰ Zeran tauvene, nimazi igharghaar pa ghamuun ngar sasaghati naol.
Ve isaav ighe tighol zi to tigham ngar saghati eta, ene aat tiyok mon ve tighamu.
- ¹¹ Eemon laghoonj tsiau, yau nataghon ngar duduunja mon.
O Yoova, yau besoonja tsio. Lolom isaghatin ghau ve ugham mulin ghau.
- ¹² Yau nayooz tunja ila taan duduunja. Irau natap mako.
Tauvene saawe tau tamtamon tsio tilup zi pa sunjuunj, yau aat nala tomani zi, ve napait ghom pa poia tsio.

27

Mbounj to tamtamon tau iroi mako ve ighur ila to Maaron ariaanj

Mbounj to David

- ¹ Yoova imin ghazoonja payau, ve i Uleenja tsiau.
Pale naroi pa sei? Mako.
Pasaa, yau nanumeer Yoova. I imin ruum ariaanja to nayoonj ila loolo.

* 26:8: Igham 40:35

Tauta naroi pa gabua eta mako. *

² Isaav ighe zeran sasaghati tipaburigin malmal payau,
ve koiagna tighe tikari ghau,
ene pale Yoova igham aghezi ilot, ve titap.

³ Isaav ighe zaaba katini tilam tilivutin ghau to tigham malmal, ene irau lolog bubu ve naroi pazi mako.

Isaav ighe malmal iburig ve koiagna tinarui ghau tilam, yau aat nanumeer Maaron ve nayooz ariaan.

⁴ Gabua eemon geeg ta yau lolog pani kat. Tauta naghe naghason Yoova pani.

Saawe isov tau naleep izi taan, yau naghe le naleep toman Yoova ila rumei tooni loolo, ve naghita poia tooni.

Yau naghe naleep ila rumei tooni loolo, lesa naghasoni to itotoi tauu ve ngar tooni payau. *

⁵ Isaav ighe patanani tiina eta ivot payau, i aat ingin ghau naleep poi ila niima saamba.

I pale ingooz ghau ila rumei tooni loolo.

Ve i pale isur ghau nazala maetaaz ta saanja we, lesa koiagna tigham gabua eta payau sov.

⁶ Onoon, aazne, koiagna timeke tilam tilivutin ghau.

Eemon naroi mako. Pasaa, Yoova pale iuul ghau ve naliiv zi.

* 27:1: Mbo 118:6; Yo 8:12; Ro 8:31 * 27:4: Mbo 23:6; Pil 3:8

Tauvene nayoor eeza toman tintinig.
Nagham watoonrau pani ila rumei tooni loolo,
ve nambou ve narav gita to napait eeza.

⁷ Yoova, ighe natañ rarai ghom pa uleen, na uloon
taniiz tsiau.

Lolom isaghatin ghau ve uul ghau. Pa yau
besoonja tsio.

⁸ Yo usaav payau ughes: “Ulam usun payau, lesa
natotoi taug payo.”

Tauta lolog naghe nalat tsio, ve upatoonj taum
payau.

⁹ Yau besoonja tsio. Ungooz naghom payau sov.

Atem yavyav ve umbuzir payau sov.

Maaron, muun ve ilam, yo mon ta Uleenja
tsiau.

Tauvene upul ghau, ve ughur murim payau
sov.

¹⁰ Isaav ighe taman ve tinañ tighur murizi payau,
ene pale Yoova tauu igham ghau ve ingin
ghau.

¹¹ Yoova, upaghazonjai ghau pa eez tsio.

Umuun payau ve utotoi ghau pa eez duduunja.

Pa koiagna katini tisanjan ghau. *

¹² Upul ghau nala nimazi sov!

Pa yes tingalngal saveen karom naol payau, ve
tighamgham saveen paroinj payau. *

¹³ Eemon yau naghur ila naghe yes irau
tivaghamun ghau mako.

* **27:11:** Igham 33:13; Mbo 25:4+ * **27:12:** Mt 26:59+; Mbanj 6:13

Yau aat naleep matag yaryaare, ve naghita poia to Yoova.

¹⁴ Tauvene yo tau ughur ila to Yoova na, yau nasaav payo naghe: “Unumeer Yoova, ve ughur matam pani.

Uroi sov. Lolom eemon, uyooz ariaan, ve usaan pa uleenj tooni.” *

28

Maaron, uneneenj sov

Mbounj to David

¹ Yoova, yo uponpoon ghau pa koiagna imin maet tiina. Tauvene tanjiiz tsiau ilat payo.

Ughur talinam pa suruunj tsiau tane ve uul ghau lak!

Ighe uloonj ghau mako, ve uneneenj mon, ene pale namin yes tau timaat gha tizila puura to yes mateegha.

² Aazne, yau nait nimag izaan inarui rumei tsio loolo tau patabuyaanj kat na, ve natanj rarai ghom pa uleenj.

Uloonj tanjiiz tsiau tane ve lolom isaghatin ghau. Pa yau besoonja tsio.

³ Saawe tau yo ughur atuya pa zeran sasaghati, na ugherev ghau nala tomani zi sov.

Yes tau tinoknok ghamuunj sosor na, nalaleg tomani zi sov.

Zeran tawe tisasavia saveenj poia pa zetazna tigde lolozi pazi.

* **27:14:** Mbo 31:24, 62:5+; Ep 6:10

Eemon n̄gar tau ighéen ila lolozi na, ene ite.
Tighe tivaghamun zi.

⁴Yes tikaria ghamuun̄ sosor wa.
Tauvene ughur atuya pazi ve un̄gal matazi.
Leso uyat n̄gar toozi saghati tawe.
Ugham tauvene, o iduduun̄. Pasaa, n̄gar tau
tighamghamu na, poia mako. *

⁵Uraat tintiina tau Yoova niima ighamgham zi na,
yes tigham n̄gar pani mako.
Tauvene i pale ireu mbirisai zi gha tilalez kat,
imin ruum tau tireu mbirisaini, ve irau tirao
muul mako.

⁶Yau napait Yoova pa poia tooni.
Pasaa, yau natan̄ raraini to iuul ghau, ve i
iloon̄ tan̄jiz tsiau.

⁷Yau naghhamgham tapirig ila to Yoova, ve i imin
sigheu payau.
Yau naghur ila tooni ariaan̄ ila lolog, ve i
iuluul ghau.
Tauvene lolog poia le poia kat, ve napait eeza
pa poia tooni ila mboun̄.

⁸Yoova tamtamon tooni tighamgham tapirizi ila
tooni.
Ve kinik tau Yoova tauu ighuru pa uraat tooni
na, i iuluule ve iponpoona pa koin̄a imin
didiin̄ ariaan̄a. *

* **28:4:** Mt 16:27; Syg 20:12, 22:12 * **28:8:** Mbo 18:1, 27:1

⁹ Yoova, tamtamon tsio timin lem motot. Ugham mulin zi pa pataņani toozi, ve ughur poia tsio iza toozi.
Matam pa sipsip tsio, ve unġin zi poi. Ta aazne, ve taghon taghon gha ila. *

29

Maaron aliija ila uman ve lalaav

Mbounj to David

¹ Yam aņela arianaņim to sambam, apakur Yoova.
Apait eeza pa tapiri ve poia tooni. *

² Apait Yoova! Pa i eeza tiina kat.
I ipabood tauu pa nġar tooni patabuyaañ.
Taufene aput aghemim pani ve apaiti. *

³ Yoova aliija *
ila irau te ziige ta naol ne.
Maaron tau eeza tiina na aliija, ene imin lalaav luutu.
Yoova isaav toman aliija tiina izala te paavo.
*

⁴ Yoova aliija, ene tapiri tiina.
Aliija itotoia ighe i eeza tiina kat.

* **28:9:** Mbo 23:1, 95:7 * **29:1:** Mbo 103:20 * **29:2:** Mbo 96:7+

* **29:3:** Yes Kanaana tisunġun pa maaron karom ee, eeza Baal. Yes tige Baal inġin nugh. I igham uman izizi, ve igham nugh ighani milia. Ve i ta igham aniin to uum itum poi. Yes Israela titoor mbounj tane to titatan nġar karom tawe. Ve tige Baal igham uraat tawe mako. Yoova ta ighamu. Tauta ighe lalaav luutu, mako tige ene Maaron aliija. * **29:3:** Yo 12:28+; Syg 4:5

- ⁵ Yoova aliija ingalngal valaghin ai mezepur tintiina to Lebanon.
Aliija ingalngal mbirisai zi.
- ⁶ Yoova aliija itok loloz tintiina to Lebanon, le tiyatyat imin makau natja paghpaaghu tau tintinizi.
Ve itok loloz Ermon, le iyatyat imin bapolo sagsagna natuzja tau tintinizi.
- ⁷ Yoova aliija igham nugh ighani milia, ve yav ighan.
- ⁸ Ve itok taan to nugh nginaanja le irur.
Igham nugh nginaanja to Kades katkatia ilala ilamlam.
- ⁹ Yoova aliija igham mekmek sagsagna tau apozi na, tirur le tipoop pataghaan.
Ve igham ai raua tisov timburur tizi.
Tauvene tamtamon tisov tau tilup zi pa sunjuunj ila rumei tooni loolo na, tisaav toman alinjazi tiina tigde: “Tapait Yoova eeza. Pa i tapiri tiina kat!”
- ¹⁰ Muun, yaa ivot toman tapiri ve itav taan. Saawe tana, Yoova ileep ila niia to ghamuunj pooz ve injin gabua.
Ve aazne paam, i kinik tau ileep ila niia to ghamuunj pooz.
Pooz tooni pale ighengheen tauvene taghon taghon gha ila.
- ¹¹ Yoova ighamgham tapiri pa tamtamon tooni.

I pale ighur poia tooni izazaa toozi, ve ingin zi tileep poi toman lolozi luuma.

30

Neer ee ipait Maaron pasaa, Maaron ighamu tiini poia

Mbounj to David

Mbounj tane injarui saawe tau tigharaat Rumei Tina ve tighuru imin Maaron le

¹ O Yoova, yau napait ezam. Pasaa, saawe tau naleep ila patajani tiina lolo, yo ugham mulin ghau, ve uit ghau nazaa muul.

Imin ta yo upul ghau namaat, kananj koiagna lolozi poia ve tipakur zi tighe tiliiv ghau.

² O Yoova, Maaron tsiau, yau nataj rarai ghom to uul ghau.

Ve yo upasov moroghoonj tsiau, ve tinig poia wa.

³ Rigmon kananj namaat gha nazila mateegha niazi.

Eemon yo uul ghau, tauta naburig muul, ve aazne naleep poi. *

⁴ Yam tamtamon to Yoova tau lolomim isaghavu ariiaan ve ataghon eez tooni na, apaiti ila mbounj tsiam.

Yoova, i patabuyaanj. Tapiri ve ngar tooni, ene ite kat.

Tauvene lolomim poia pani ve apait eeza pa poia tooni.

* **30:3:** Yona 2:6

- 5 Aatyavyav tooni ighengheen malau mako.
Ighen rig, ve isov.
Eemon poia tooni, ene izazaa toit irau saawe
tau taleep izi taan.
Isaav ighe tatanj pa mbonj,
ene pale mbonjoozo, i igham ghiit loloon poia
muul. *
- 6 Saawe tau lepoogh tsiau poia mon, yau nasaav
naghe:
“Patanjani eta irau ivot payau ve itok ghau ne
mako.”
- 7 Pasaa, yo ughamgham poghani ghau ve upapalot
ghau.
Tauta napakur taug naghe yau aat naleep
tunjia tauvene irau saawe, imin loloz tinti-
ina.
Eemon saawe tau yo ungooz naghom payau,
roinj tiina igham ghau le nasanjej.
- 8 Saawe tana, napoi ghom ve natanj rarai ghom
naghe lolom isaghatin ghau ve uul ghau.
Yau nasaav payo naghe:
- 9 “O Yoova, isaav ighe namaat gha nazila ma-
teegha niazi, ene pale mateegh tsiau imin
saa poia?
Ughita. Mateegha tau tizila taan loolo gha
timin njaupup na, toozi eta irau ipait
ghom? Ma toozi eta irau ivotia njar tsio
tau utataghon saveenj mbuaanj tsio? Mako.
- 10 Tauvene Yoova, uloonj sunjuunj tsiau tane.

* 30:5: Mbo 103:8+; Yo 16:20+; 2Kor 4:17

Lolom isaghatin ghau ve uul ghau lak! Pa yau besoonja tsio.”

¹¹ Aa ngarig gha upasov tanjiiz tsiau! Tauvene yau aat tintinig ve nator.

Yo upasov patanani tsiau, ve uzuzuum uuli to monjiin izi pa tinig.

Yo ugham ghau lolog poia kat, ve naleep ila poia tsio loolo.

¹² Tauvene irau naneneen mako.

Yau aat nambou ve napait ezam toman lolog isov.

Yoova, yo Maaron tsiau. Yau aat napait ghom pa poia tsio ta aazne, ve taghon taghon gha ila.

31

Sunjuunj to neer ee tau inumeer Maaron ve ighur tauu ila Maaron niima

Mbounj to David

¹ O Yoova, yau nanumeer ghom ve nayoosj ilat tsio.

Upul koiagna titatan ghau sov. Pa ighe tiliiv ghau, ene pale mayag.

Ngar tsio iduduunj. Tauvene ugham mulin ghau.

² Ughur talinam pa sunjuunj tsiau, ve rekia uul ghau!

Yo Uleenja tsiau ariaanja. Yo uponpoon ghau imin maetaaz tau izala kat.

Ve umin ruum ariaanja to nayoosj ila loolo. Leso gabua eta ivaghamun ghau sov, ve naleep poi.

- ³ Onoon kat. Yo Uleenja tsiau ariaanja. Yo uponpoon ghau imin maetaaz tau izala kat. Ve umin ruum ariaanja to nayoony ila loolo.
Umuuny payau ve utotoi eez payau, lesu upaghazonjai ezam tiina ivot ighazonj.
- ⁴ Ughita liis tau koiagna tighuru payau na, ve upasali ghau pani.
Pa yo ta umin niag to yongaanj.
- ⁵ Yoova, yo Maaron tau utataghon saveenj mbuaan tsio.
Aazne, yau naghur taug ila nimam.
Ugham mulin ghau pa patajani tane. *
- ⁶ Yau nanumeer Yoova mon.
Tauvene yes tau tighurghur gabua soroksorok imin maaron pazi ve tibesbees pazi, na yau naghurghur koi pazi.
- ⁷ Yau tintinig ve lolog poia payo. Pasaa, yo lolom isaghav tamtamon tsio ariaanj ve uluul zi.
Saawe tau lolog ipatajan kat, ve ateg ipaparav, yo ughita patajani tsiau ve uul ghau.
- ⁸ Yo upul ghau nala koiagna nimazi mako.
Yo upas ghau navot pa patajani tsiau, ve ughur ghau naleep poia ila nugh ghazonja.
- ⁹ Yoova, yau besonja tsio. Lolom isaghatin ghau ve uul ghau lak! Pa aazne, patajani tiina igham ghau le lolog ipatajan.
Yau natanj tiina le matag isarsar, ve tapirig isov kat.

* **31:5:** Lu 23:46; Mbanj 7:59

- 10 Lolog ipatanjan kat ve nayakyak irau saawe.
 Patanani tane aat injoor saawe tsiau ilam
 tuuku.
 Igham ghau nayamaan taug naghe tapirig
 isov.
 Yau nakonkon kat le tuag isov peria.
- 11 Koiagna tisov tigham njalalan payau.
 Ve yes tau tileep tigharau ghau ne paam,
 tipaninjizai ghau.
 Zetagna lolozi pa tilam tigharau ghau mako.
 Ve yes tau tighit ghau izi eeze na, tiroi ve
 tilaagh eez ziige ite. *
- 12 Tamtamon matazi ingal ghau muul mako. Tighit
 ghau imin ta namaat wa.
 Yau namin uur tau ivavaal ve tisiki ilale.
- 13 Yau naloon eval tiina tivakamunai zi payau.
 Koiagna tilup zi ve tiil eez to tirav ghau na-
 maat.
 Tauvene patanani naol ilivutin ghau le roin
 tiina igham ghau.
 *
- 14 Eemon Yoova, yau nanumeer ghom.
 Tauta nasaav payo naghe: “Yo mon ta Maaron
 tsiau.”
- 15 Saawe tau naleep izi taan, saa gabua ma ngar
 tau ighe ivot payau, ene yau naleep ila yo
 nimam.
 Upas ghau ila koiagna nimazi,

* 31:11: Mk 14:50 * 31:13: Mt 12:14

ve upoon ghau pa yes tau tighamgham lilin ghau ne.

16 Yau besoonja tsio. Lolom poia payau ve ugham poghani ghau.

Yo lolom isaghav tamtamon tsio ariaan ve uluul zi. Tauvene ugham mulin ghau pa patañani tane.

17 Yoova, yau natañ rarai ghom to uul ghau.

Upul koiagna tiliiv ghau ve tipamayanin ghau sov.

Utatan zeran sasaghati tawe tapirizi, lesa mayazi.

Ve usik zi tizila mateegha niazi, lesa tineneen.

18 Upoon avozi. Pa yes zeran to karom.

Tipapait tauzi, ve tivevelegh tamtamon dudunazi, ve tisiksik saveen sasaghati naol pazi.

19 O Yoova, poia tsio, ene tiina le tiina kat.

Yes tau tiroi payo ve titaghon eez tsio na, yo ughur lezi gabua popoia katini isasaan zi.

Yes tau tinumeer ghom ve tiyonyoon ilat tsio na, yo pale ugham poghani zi ila eval tiina matazi. *

20 Yo ungooz zi ila zigem.

Tauvene koiazña tau tiliil eez pa ravuun zi timaat na, irau tigham gabua eta pazi mako.

Yo ungin zi tileep poi ila nimam saamba.

Tauvene saveen sasaghati tau koiazña tisiksiki pazi na, irau ivaghamun zi mako.

* **31:19:** Mbo 23:5+

- 21 Yau napait Yoova pa poia tooni.
 Pasaa, loolo isaghav ghau ariaan, ve igham
 ngar poia kat payau.
 Saawe tau koiagna tilivutin ghau to tigham
 malmal payau, i iuul ghau.
- 22 Imin maata yau naroi naghe Yoova aat iziir
 ghau naghau pa maata wa.
 Emon mako. Yau nataj raraini to iuul ghau,
 ve i iloonj tanjiz tsiau, ve igham mulin ghau
 pa patajani tsiau.
- 23 Yam tamtamon to Yoova tau lolomim isaghavu
 ariaan ve ataghon eez tooni na, aghur
 lolomim pani kat.
 Yes tau titaghon i aliina na, i pale injin zi tileep
 poi.
 Emon yes tau tiveleghe ve tipapait tauzi na,
 i pale ighur atuya pazi, ve iyat katin ngar
 toozi tawe.
- 24 Tauvene yam tau anumeer Yoova ve aghurghur
 matamim pani na, aroi sov.
 Apariaan taumim, ve ayooz ariaan!

32

Tavotia sosor toit

Mbounj to David

- 1 Tamtamon tau ighe izoor Maaron aliina ve isosor
 pa eez tooni, ighe Maaron ireu sosor tooni
 ilale,
 i aat tintini pa poia to Maaron tau izaa tooni.
 *

* 32:1: Mbo 103:3; Ro 4:6+

- 2 Onoon kat, tamtamon tau ighe n̄gar to karom eta
igheen ila loolo mako,
ve Yoova ighita ighe i le sosor eta mako,
i aat tintini pa poia to Maaron tau iza tooni.
*
- 3 Saawe tau nan̄g^{ooz} sosor tsiau, tuag tISOV
tiparyavyav le tapirig ISOV.
Ve nayakyak irau mbon̄ ve mataaz.
- 4 O Yoova, onoon kat, saawe tana, nayamaan katin
nimam irau mbon̄ ve mataaz.
Tauta igham ghau tapirig ISOV kat imin yaa
tau aaz ighaaz le imaak.
- 5 Naleep le mako, ra navotia sosor tsiau payo.
N̄gar tsiau saghati, nan̄g^{ooza} muul mako.
Saawe tana, yau naghe: “N̄gar tsiau to zoraan̄
Yoova aliṅa, yau aat navotia ila tooni.”
Tauvene navotia sosor tsiau payo, ve ureua
ilale. *
- 6 Tauvene tamtamon tISOV tau lolozi isaghav ghom
ariaan̄ ve titaghon eez tsio na, isaav ighe
pataṅani eta igham zi, ene yes aat tISOV
payo.
Isaav ighe pataṅani tiina kat ivot pazi imin yaa
tau ivot toman tapiri, yo pale uul zi, leso
pataṅani itatan zi sov.
- 7 Maaron, yo umin niag to yon̄gaan̄.
Yo uponpoon ghau pa pataṅani naol ISOV, ve
ugham mulin ghau.
Tauta eval tiina tau tilivut ghau ne, timbou ve
tipait ezam toman aliṅazi tiina.

* 32:2: Syg 14:5 * 32:5: Mbo 51:1, 103:9+; 1Yo 1:9

- 8 Ve Yoova isaav payau ighe: “Yau aat napagha-zonjai ngar tsio, ve natotoi ghom pa eez to utaghoni.
Yau aat matag payo, ve napaduduunj ghom pa ngar poia.
- 9 Tauvene ugham ngar poi. Dabam iyaryaanj imin hos ma donki sov.
Yes lezi ngar mako. Tauta tamtamon tighurghur ain sirivu tomania waar ila avozi, leso tipaduduunj zi pa laghoonj, ve titaghon ngar toozi.”
- 10 Zeran sasaghati, pataņani naol pale igham zi.
Ve yes tau tinumeer Yoova na, i pale loolo isaghav zi ariaan, ve tileep ila poia tooni loolo. *
- 11 Yam zeran tau ataghon ngar duduunja, lolomim poia ve tintinmim pa poia to Yoova.
Yam tau ngar poia igheen ariaan ila lolomim na, asov lolomim poia pa Yoova ve ayoor eeza toman aliņamim tiina!

33

Tambou mbounj paaghu pa Maaron

- 1 Yam tau ataghon ngar duduunja na, lolomim poia pa Yoova, ve ayoor eeza toman aliņamim tiina.
Yam tau aghamgham ngar poia na, apait Yoova eeza, o iduduunj.
- 2 Arav ambam ve gita, ve apakur Yoova.
Arav gabua maata maata, ve apaiti ila mbounj tau aliņa poia na.

* **32:10:** Ro 2:9+

- 3 Ambou mbounj paaghu pani, *
ve arav poghania ambam ve gita. Leso mbounj
tsiam paghuuna.
Ambou tiina, ve apaiti toman lolomim poia! *
- 4 Pa saveenj to Yoova, ene onoon ve iduduuj mon.
Uraat naol tau ighamgham zi na, ene itotoia
ighe i itataghon saveenj mbuaanj tooni. *
- 5 I loolo pa ngar duduujna ve ngar to gharatoonj
pataņani to tamtamon le iduduuj.
Ve loolo isaghav tamtamon tooni ariaanj ve
iuluul zi. Ngar tane, i itotoia irau taan isov.
*
- 6 Muuj, saveenj to Yoova mon, tauta gabua to
sambam saamba tisov tivot.
Aavo isaav, ve aaz, kaiyo, ve pitum tisov tivot
ila sambam saamba. *
- 7 I igham te ila ilup ghi ila niia eemon.
Mazavan tau muuj geeg itav taan na, ene i
ighur poghania ila niia. *
- 8 Yam tau aleep irau taan na, aroi pa Yoova ve
ataghon ngar tooni.
Yam nughmarinj, aroi pani ve apakuru.
- 9 Pa i isaav mon, ve sambam ve taan tivot itaghon
i tauu aliija.

* **33:3:** Saawe naol, isaav ighe Maaron igham uraat tiina ve igham
mulin tamtamon tooni, ene yes timbou mbounj paaghu to tipaiti.
Ughita Mbo 40:3, 96:1, 98:1, 144:9; Is 42:10; Syg 5:9, 14:3. * **33:3:**
Mbo 40:3, 96:1, 98:1, 144:9, 149:1; Is 42:10; Syg 5:9, 14:3 * **33:4:**
Mbo 19:8, 119:142; Syg 19:11 * **33:5:** Mbo 11:7 * **33:6:** Gnp
1:14+; Hib 11:3 * **33:7:** Gnp 1:2, 9-10

- I isaav ariaan, ve gabua tisov tivot ve tighen tunja ila niazi niazi.
- 10 Nugh nugh matazi ingal ngar katini tigde tigham zi.
Eemon Yoova iponpoon eez pazi.
Tauta ngar toozi tawe imin kaut sorok, ve le anooja mako.
- 11 Eemon Yoova, isaav ighe maata ingal ngar eta, ene pale ngar tana iyooz tauvene irau saawe.
Saa ngar tau ighe loolo ighur pani, ene pale ighengheen tauvene taghon taghon gha ila.
*
- 12 Yes Israela Maaron toozi, ene Yoova. Tauta tintinizi pa poia tooni tau izazaa toozi.
I tauu isiigh zi, ve igham zi timin le motot. *
- 13 Yoova ileep izi sambam, ve maata izizi pa eval tiina to taan. *
- 14 I ileep ila niia to ghamuunj pooz, ve ighitghita tamtamon tisov tau tileep izi taan.
- 15 I ta ighurghur ngar ila tamtamon enjaenja lolozi.
Ve ngar naol tau tamtamon tighamgham zi na, i iwatagh zi tisov. *
- 16 Isaav ighe kinik eta le zaaba katini, irau zaaba tana zigazi tiliiv pa malmal mako.
Zaaba arianaazi paam. Irau tauzi tapirizi ve tiliiv koiazna mako.

* **33:11:** Nam 23:19; 1Sam 15:29; Yems 1:17 * **33:12:** Mbo 144:15

* **33:13:** Mbo 11:4, 14:2, 53:2 * **33:15:** Mbo 119:73; Hib 4:13

- 17 Ve hos tau zaaba tilandoov zi pa malmal na, tauvene paam. Isaav ighe tighur matazi pazi to tiuul zi ve tiliiv koiazna, ene aat tighur matazi pazi sorok.
Onoon, hos tapirizi. Eemon irau tiuul zi mako. *
- 18 Onoon kat, yes tau tiroi pa Yoova ve titaghon ngar tooni na, i maata pazi.
Yes tau tinumeer Yoova tighe i loolo isaghav tamtamon tooni ariaan ve iuluul zi na, i injin zi tileep poi. *
- 19 I iuluul zi, ve igham mulin zi pa patanani toozi.
Leso tileep poi.
Ve isaav ighe pitool tiina ivot, i aat iuul zi, ve igham lezi aniin ve tileep poi. *
- 20 Tauvene iit tanumeer Yoova ve taghur mataan pani.
Pasaa, i Uleenja toit, ve imin sigheu pait.
- 21 I mon, tauta loloon poia kat ve tintiniin.
I patabuyaanj ve eeza tiina. Tauta taghur ila tooni ariaan.
- 22 Yoova, yei nighur matamai payo to uul ghei.
Ughur poia tsio iza tsiei itaghon ngar tsio tau lolom isaghav tamtamon tsio ariaan ve uluul zi.

* **33:17:** Mbo 20:7 * **33:18:** Igham 3:16; 1Pe 3:12 * **33:19:** Mbo 56:13; Mbanj 12:11

34

Mbouŋ to tapait Maaron tomania tutuun siriv

Mbouŋ to David

Muun, David ileep tomania Abimelek ve igham karom imin ngar tooni ivaghamgham. Tauvene Abimelek iziire ila. Mbouŋ tane injarui saawe tana

- ¹ Yau aat napait Yoova pa poia tooni irau saawe.
Irau naneneen mako. Monmon avog pale ipapaiti.
- ² Yau lolog poia pa Yoova, ve napakuru pa ngar popoia tau i igham payau na.
Yes tau tinumeer Yoova ve tibadbaad pataŋani na, irau tiloon alinag tane, lesu lolozu poia paam.
- ³ Yam alam itinja talup ghiit, ve tapakur Yoova.
Itinja tapait eeza. Pasaa, i eeza tiina le tiina kat.
- ⁴ Sunuun tsiau injarui Yoova, ve i iloon ghau.
Tauta igham mulin ghau pa gabua naol isov tau naroiroi pazi na.
- ⁵ Yes tau tighur matazi pani to iuul zi, ene pale lolozu poia ve tintinisi.
I aat iuul zi. Irau tighur matazi pani sorok ve mayazi ne mako.
- ⁶ Muun, pataŋani tiina igham ghau. Tauvene nataŋ rarai Yoova to iuul ghau.
Ve i iloon sunuun tsiau, ve igham mulin ghau pa pataŋani tsiau naol isov.

7 Yes tau tiroi pa Yoova ve titaghon ngar tooni na,
 anjela tooni ilepleep tomani zi, ve injingningin
 zi.

I ighamgham mulin zi pa pataņani toozi. *

8 Yoova, i poia kat. Taumim atoova ve aghita.
 Yes tau tinumeera ve tiyonjooņ ila tooni na,
 poia tooni izazaa toozi, le lolozi poia kat. *

9 Yam tamtamon patabuyaana to Yoova, aroi pani
 ve ataghon ngar tooni.

Pa yes tau tighamgham tauvene, irau timbool
 pa gabua eta mako. *

10 Laion paghpaaghu, tapirizi tiina. Eemon saawe
 siriv, lezi aniiņ mako ve pitool zi.

Ve yes tau tizuari zi pa Yoova, ene irau tim-
 bool pa gabua poia eta mako.

11 Natugņa, *

alam alooņ saveeņ tsiau tane.

Yau naghe napaghazonjai gham pa eez to aroi
 pa Yoova ve ataghon ngar tooni.

12 Mindai, yo ughe uleep poia,

ve uleep malau izi taan toman lolom poia?

13 Ighe tauvene, o ungin poghania avom.

Saveeņ saghati, ma karom eta ivot ila avom
 sov. *

* **34:7:** Mt 18:10; Mbanj 12:11 * **34:8:** Hib 6:5; 1Pe 2:3 * **34:9:**
 Mbo 23:1; 2Kor 9:8; Pil 4:19 * **34:11:** Yes ngara to Israel tiwatwaat
 yes tau tipaduduunj zi na tigde 'natuzņa'. * **34:13:** Mbo 141:3; 1Pe
 3:10; Yems 1:26, 3:2+

- 14 Ve ughur murim pa n̄gar saghati, ve ugham n̄gar poia mon.
 Uzuari ghom pa taghoniin̄ n̄gar luuma,
 ve uil eez to yam̄na tamtamon avalupu gham
 ve aleep poia. *
- 15 Tamtamon dudun̄azi, Yoova maata pazi,
 ve ighurghur taliin̄a pa tan̄jiiz toozi.
- 16 Eemon zeran sasaghati, i ighurghur koi pazi.
 I pale ipasov zi pa taan le tisov kat. Murei pale
 tamtamon matazi in̄gal zi muul mako.
- 17 Saawe tau tamtamon dudun̄azi titan̄ rarai Yoova
 pa uleen̄,
 i ilon̄loon̄ zi ve ighamgham mulin̄ zi pa
 patan̄ani toozi naol isov.
- 18 Yes tau patan̄ani igham zi le lolozu isaghat kat na,
 Yoova ileep igharau zi.
 Tamtamon tau igha patan̄ani itatani le tapiri
 isov, ene pale Yoova iuule. *
- 19 Onoon, tamtamon dudun̄azi, patan̄ani naol iv-
 otvot pazi.
 Eemon Yoova pale igham mulin̄ zi pa patan̄ani
 toozi ta naol ne. *
- 20 I pale in̄gin poghani zi kat.
 Irau tuazi eta ipol mako. *
- 21 Eemon yes tau tizorzoor Yoova aliin̄a na, n̄gar
 toozi sasaghati pale imuul pa tauzi, ve irav
 zi timaat.

* **34:14:** Mt 5:9; Ro 12:18, 14:19; Hib 12:14; Yems 3:17+ * **34:18:**

Mt 5:3+; Lu 18:13+; 2Kor 1:3+ * **34:19:** Ro 8:28, 35-39; 2Tim 3:11

* **34:20:** Yo 19:36

Yes tau tighurghur koi pa tamtamon
duduᅇazi, ene pale Yoova ighur atuya pazi,
leso iyat ᅇgar toozi tawe.

- ²² Yoova ighamgham mulin besooᅇa tooni pa
pataᅇani toozi, lesa tileep poia.
Yes tau tinumeera ve tiyoᅇyoᅇn ila tooni na, i
irau ighur atuya pazi mako. *

35

*Neer ee isun pa Maaron ighe igham mulini ila
koiᅇa nimazi*

Mbounj to David

- ¹ O Yoova, uul ghau ve utatan koiagᅇa tau aazne
yeᅇa nivazorai ghei ve tiᅇoᅇoᅇn payau ne.
Yes tau tigde tigham malmal payau ne, uvol
tsiau ve uparav tomani zi.
- ² Unonogh ghom pa gabua tsio to malmal, ve ukis
sigheu tsio,
ve uburig ulam uul ghau.
- ³ Upas iiz ve zaab tsio, ve upoon ghau pa yes tau
tigham liliᅇ ghau ne.
Yau naghe naloᅇn ghom usaav payau ughe:
“Yau Uleeᅇa tsio. Yau aat nauul ghom.”
- ⁴ Yoova, yes tau tigde tirav ghau namaat ne, utatan
tapirizi, ve ugham zi mayazi ve tighau tila.
Yes tau tiil eez to tivaghamun ghau ne, ugham
ᅇgar toozi ivaghamgham, ve timuul tila
toman mayazi.

* 34:22: Ro 8:1

- ⁵ Yoova, naghe anjela tsio inaan zi gha tighawaar,
imin yaghur ivuvuur n̄gaupup.
- ⁶ Anjela tsio tawe igham taghon zi, ve tilaan ila ndo-
room loolo taghon eez tau pusukpusukia
na, o poi!
- ⁷ Pasaa, yau naghām sosor eta pazi mako.
Eemon yes tiraar puugh tighē tisaghav ghau.
Ve titai puura tau izila kat, lesō natap nazila.
- ⁸ Yoova, upateen̄ zi pa saghatiin̄ tiina eta.
Ugham zi tighoon ila tauzi puugh toozi.
Ve ugham zi titaptap tizila puura tau titaii
payau na. Leso saghatiin̄ igham zi le tis-
aghat kat!
- ⁹ Yoova, ighe ugham tauvene, ene pale lolog poia
kat payo,
ve tintinig pa uleen̄ tau ugham payau.
- ¹⁰ Yau aat napait ezam toman lolog, ve naghe:
“Yoova, sei ta imin yo? Eta mako!
Pasaa, yes tau tapirizi imbool na, yo ugham
mulin zi ila yes tau tapirizi tiina na nimazi.
Yes mbolaan̄a ve yes tau tileep ila patan̄ani
loolo na, yo aat uvoool toozi, ve ugham mulin
zi ila umbuun̄a nimazi.” *
- ¹¹ Tamtamon naol tiburig ve tin̄gal saveen̄ karom
payau tighē tivaghamun ghau.
Eemon saveen̄ n̄galiin̄ tau tinoknok ghasoniin̄
ghau pani ne, ene yau nakankan̄a pani. *

* **35:10:** Igham 9:14 * **35:11:** Mt 26:60

- 12 Yau naghham n̄gar poia pazi. Eemon yes tipamuul n̄gar saghati payau.
Tauta lolog ipatañan kat.
- 13-14 Eemon saawe tau yes timorooñ le tisaghat, lolog ipatañan pazi, ve nagharaat taug mako.
Ve nan̄gun taug pa ghaniin̄ aniin̄, ve naghur zi ila sun̄uun̄ tsiau.
Eemon sun̄uun̄ tsiau tane, yo ugham anooña ivot mako.
Tauta lolog ipatañan kat, ve natañ pazi imin zetagna, ma ton̄vetaz tsiau duduun̄.
Ve nalaagh matag iza mako. Natudtud ve natañan, imin neer tau loolo ipatañan pa tiina imaat.
- 15 Eemon saawe tau patañani igham ghau gha naleep saghat, yes lolozi poia, ve tilup zi to tivaghamun ghau.
Yes tau tighē tigham malmal payau ne, yau nawatagh zi mako. Nakankaan pa n̄gar toozi.
Yes tinoknok n̄galiin̄ saveeñ payau.
- 16 Ve tisiksik saveeñ veleghiin̄ naol payau.
Atezi yavyav payau kat, ve tiñaan̄ maripazi tighē le tikari ghau. *
- 17 Yoova, puughu mindai ta umamarar zi ve tighamgham n̄gar tauvene payau? Pale n̄eez o uul ghau?
Yes timin laion tau tisañan pa ran̄gatiin̄ ghau.

* 35:16: Mbanj 7:54

Tauvene ugham mulin ghau ila nimazi, lesu naleep poi.

18 Ve ighe uul ghau, mako saawe tau tamtamom tsio tilup zi pa sunuun, yau aat nala tomani zi, ve napait ghom toman lolog poia.

Pale napait varum ila eval tiina tawe naghozi.

19 Koiagna, muun yeņa lupuun tsiei eemon. Eemon aazne, tighur koi payau sorok.

Tauvene uul ghau lak! Mako pale tiliiv ghau ve tipakur zi.

Ve tighan matazi payau, ve tigde: “Aa, ñeer ta ivaghamgham wa!”

O Yoova, ñgar tauvene ivot sov! *

20 Yes tisavia saveen luuma eta to tilup tamtamom ve tileep poi ne mako.

Tingalngal saveen naol pa tamtamom marowa to taan tane.

21 Ve aliñazi izazaa sorok, ve tisavsaav ila matag tigde:

“Aa, ñgarig gha nighit ghom!”

22 Yoova, ñgar toozi sasaghati ta naol ne, yo ughit zi wa.

Uneneen pazi sov! Tiina tsiau, uleep soghan payau sov.

23 Maaron, yo Tiina tsiau. Uburig ve uvool tsiau.

Uyooz payau, ve utatan zi.

24 Yoova, Maaron tsiau, ñgar tsio iduduun mon.

* **35:19:** Yo 15:25

Tauvene uyooz payau, ve upaghazonjai ghau
ila tamtamon matazi ughe yau leg sosor eta
mako.

Uul ghau. Mako pale koiagna tipakur zi pa
pataņani tau igham ghau ne.

25 Mako lolozi poia ve tisaav tigde:

“Aa, isov! Ngar tau taghe tagham pani, tauta
ivot pani gha isaghat wa!”

26 Yoova, yes tau tipakur zi pa pataņani tau igham
ghau ne,

ugham zi tivaghamgham, ve tighau tila
toman mayazi.

Yes tau tivelegh ghau ve tipapait tauzi na,
upamayanin zi le mayazi kat.

27 Eemon yes tau tigde yo uul ghau ve upaghazonjai
ghau ila tamtamon matazi ughe yau leg

sosor eta mako na,
yes pale lolozi poia ve tintinisi, ve tiyoor ezam
toman alinazi tiina.

Ve tisavsaav tigde: “Yoova eeza tiina kat!
Isaav ighe besoonja tooni ileep poi, ene pale
i paam loolo poia.”

28 Tauvene mbonjoozo ila le ravrav izi, avog pale
ivotia ngar duduunja tau yo ughamghamu
na, ve napapait ghom.

36

*Ngar saghati to tamtamon, ve ngar poia to
Maaron*

Mbounj to David, besoonja to Yoova

- ¹ Ngar to zoraan Maaron aliina tau igheen ila zeran sasaghati lolozi, ene isavsaav pazi, ve ighamgham pooz pazi.
Tauta matazi ingal Maaron mako, ve tiroi pani mako. *
- ² Sosor toozi tawe, ikau ngar toozi.
Tauta tipapakur tauzi, ve matazi ingal sorok tigde Maaron ighita sosor toozi mako, ve irau ighur atuya pazi mako.
- ³ Saveen karom ve saveen sasaghati mon ta ivotvot ila avozi.
Ngar tau iuul ghiit to taleep poia, ene tipuli wa.
Tauta tigham ngar poia eta mako.
- ⁴ Ngar toozi iyaryaan kat. Tighe le tigham ngar saghati mon.
Mbonj ta naol ne, tighengheen ila moogh toozi, ve matazi ingalngal pa saa ngar saghati tau pale tighamu.
Eez saghati tawe, lolozi pa tipuli mako.
- ⁵ Yoova, yo lolom isaghav tamtamon tsio, ve uluul zi irau saawe. Ngar tsio tana, ene tiina le tiina kat. Izala le ikis sambam saamba.
Ve ngar to taghoniin saveen mbuaan tsio paam. Izala le ikis taitai. *
- ⁶ Ngar tsio duduuna, ene imin loloz tintiina.
Ve ngar tsio tau ugabiiz tamtamon itaghon ngar duduuna ve ughur atuya pazi, ene

* **36:1** Ro 3:18 * **36:5** Mbo 57:10, 89:1, 108:4

paam tiina kat, imin mazavan belbeluunja
tau izila le izila kat.

Yoova, yo ungin tamtamon ve gabua maata
maata to su ve nughei, ve uluul zi, tauta
tileep poi. *

⁷ Maaron, gabuam tau lolom isaghav tamtamon
tsio ariaan ve uluul zi, ene gabua tauu.

Tamtamon tisov tiyoonj ila nimam saamba,
imin tatareek natja tiyoonj ila tinazi baage
saamba. *

⁸ Rumei tsio, ene ivon pa gabua popoia maata
maata. Tauvene tamtamon tighan le isoonj
zi.

Poia tsio izazaa toozi imin yaa tiina tau ir-
ereer. Yo upaghun zi pani, ve tiyamaana
poia kat. *

⁹ Yo ta umin puughu pa gabua naol isov tau tileep
matazi yaryaare.

Ve ghazoonja tsio isul ghei, tauta matamai
ighazoonj. *

¹⁰ Yoova, lolom isaghav yes tau tiwatagh ghom.

Yes tau ngar duduunja igheen ariaan ila lolozi
na, utotoi poia tsio pazi, ve uul zi itaghon
ngar tsio duduunja.

¹¹ Tauvene yes tau tipapait tauzi ezazi ve tivelegh
tamtamon tsio na, upul zi titatan ghau sov.

Ve upul zeran sasaghati tinaan ghau sov.

* **36:6:** Mbo 145:16

* **36:7:** Rut 2:12; Mbo 17:8, 57:1

* **36:8:**

Mbo 65:4; Yo 4:10+

* **36:9:** Yo 1:4, 4:10, 7:37+; 1Pe 2:9

- ¹² Aghita. Yes tau tinoknok ghamuunj ngar saghati, tauta Maaron irav zi titaptap tizi, le patazi tivaghengheen izala taan paavo.
Irau tiburig muul mako.

37

Poia to Maaron izaza to tamtamon duduñazi

Mbounj to David

- ¹ Zeran sasaghati tau aazne tipapakur zi na, ugham ngar naol pazi sov.
Ve yes to ghamuunj sosor na, lolom ighaar pa gabua toozi sov. *
- ² Pale tileep rig, mako tisaghat imin kikiliin tau aaz ighaazo gha imalai.
Pale timin gabua raua tau mbitaizi, ve tigor-gor gha titaptap tizizi. *
- ³ Unumeer Yoova, ve ugham ngar poia mon.
Leso gabua eta ivaghamun ghom sov, ve uleep poia izi taan tau i igham pa tamtamon tooni na.
- ⁴ Lolom poia pa Yoova tauu.
I pale igham gabua ivot payo itaghon yo lolom. *
- ⁵ Saa ngar tau yo ughe ughamu na, unumeer Yoova, ve ughur taum ila i niima.
I pale iuul ghom, ve itotoi ghom pa eez to utaghoni. *

* **37:1:** Mbo 73:2+ * **37:2:** Yems 1:10+ * **37:4:** Mbo 145:19; Mt 6:33 * **37:5:** 1Pe 5:7

- 6 I pale igham ngar tsio duduunja igheen gha-zoonja kat ila tamtamon matazi, imin aaz mbonari.
Tauvene tamtamon pale tighilaal tighe yo lem sosor eta mako, ve ngar tsio poia mon.
- 7 Isaav ighe uraat to zeran sasaghati ilaan poia, ve tiyau lezi gabua naol ila eez saghati, na ugham ngar naol pazi sov.
Atem izi, ve usanjan Yoova. I tauu pale ighur atuya pazi.
- 8 Tauvene atem yavyav ve ugham ngar naol sov.
Uyai ghom ve utatan atem.
Mako pale aate yavyav tsio tana igherev ghom, ve ugham sosor. *
- 9 Pasaa, Yoova pale ipasov zeran sasaghati gha tilalez.
Eemon yes tau tinumeer Yoova ve tighur matazi pani na, pale tileep poia ila taan tau i igham pa tamtamon tooni.
- 10 Malau mako pale zeran sasaghati tisov tilalez.
Isaav ighe uil naghozi, ene pale irau ughit zi muul mako.
- 11 Eemon yes tau titatan tauzi ezazi ve tinumeer Yoova, yes pale tileep poia ila taan tau i igham pa tamtamon tooni.
I pale igham zi tileep poia kat toman tintinizi.
*

* **37:8:** Ep 4:31; Kol 3:8 * **37:11:** Mbo 73:18+; Mt 5:5

- 12 Zeran sasaghati tilup zi ve tiil eez to tivaghamunia tamtamon duduñazi.
Atezi yavyav kat ve tiñaan maripazi ila pazi.
- 13 Eemon Yoova, i inñj pazi.
Pasaa, i iwatagh: Malau mako pale saawe toozi ivot gha tilalez.
- 14 Zeran sasaghati tipas mbuzaagh toozi to tirav yes mbolaanja tau tirau gabua eta mako na.
Ve tidaad paneegh toozi to tivanegh zi.
Tighe tirav yes tau titaghon eez duduñja na.
- 15 Eemon Yoova pale ipamuul mbuzaagh toozi imuul pa tauzi.
Ve paneegh toozi pale ipolpol.
- 16 Isaav ighe tamtamon duduñja eta le gabua ñgiira mon, ene irau.
Lepoogh tooni pale poia iliiv zeran sasaghati naol tau lezi gabua katini.
- 17 Pasaa, Yoova pale ipasov zeran sasaghati tapirizi.
Eemon i ipapalot tamtamon duduñazi, ve inñgin zi tileep poi.
- 18 Yes tau lezi sosor ila Maaron maata mako na, Yoova iwatagh lepoogh toozi, ve maata pazi.
Ve gabua tau i igham pazi motot na, ene pale igheen toozi taghon taghon gha ila. *
- 19 Saawe tau ighe patañani ivot, yes pale tileep poi.

* **37:18:** 1Pe 1:4

Isaav ighe pitool ivot, ene pale tirau kat pa aniiṅ.

20 Eemon zeran sasaghati pale tisov tilalez.

Yoova koiṅa pale timatmaat imin manman ruunḡu tau timalai ve timburur tizi.

Pale tisov imin yav mbuasa tau imbuṅ iza, ve imbiriiis gha ilale.

21 Zeran sasaghati tighamgham bun, ve tiyatu mako.

Eemon tamtamon duduṅazi, yes tireirei gabua toozi pa yes mbolaṅa. *

22 Yes tau poia to Yoova izazaa toozi na, pale tileep poia ila taan tau i igham pa tamtamon tooni.

Eemon yes tau aatyavyav tooni igheen toozi na, i pale ipasov zi gha tilalez.

23 Yes tau titaghon eez to Yoova na, tighamu loolo poia kat.

Ve i pale itotoi eez pazi, ve ipalot zi pa laghoon toozi.

24 Tamtamon tauvene, isaav ighe aaghe ilot pa gabua eta, ene irau itap mako.

Pasaa, Yoova ikiskis niima ve ipapaloti.

25 Saawe tau yau kukuag gha ilam aazne namin kooṅ ne, yau naghita Yoova ighur muuri pa tamtamon duduṅazi pai eta soone.

Ve naghita toozi eta naatu pitoola, ve isunṅun tamtamon pa le aniiṅ soone. *

* 37:21: Mbo 112:5; Mt 5:42; 2Kor 8:7 * 37:25: Hib 13:5

- 26 Tamtamon dudun̄azi matazi rein̄ gabua, ve
 tiyokyok pa tamtamon to tigham bun ila
 toozi.
 Ve natuz̄nja paam timin eez to tamaz̄nja tighita
 poia to Yoova iza a to tamtamon.
- 27 Ughur murim pa n̄gar saghati, ve ugham n̄gar
 poia mon.
 Leso uleep poi ila taan tau Yoova igham payo
 na taghon taghon gha ila. *
- 28 Pasaa, Yoova loolo pa n̄gar duduun̄ja.
 Tauvene tamtamon tooni tau lolozi isaghavu
 ariaan̄ ve titaghon eez tooni na, i irau ighur
 muuri pazi mako.
 I pale ingin poghani zi taghon taghon gha ila.
 *
- Eemon zeran sasaghati natuz̄nja, i pale ipasov
 zi gha tilalez.
- 29 Zeran dudun̄azi pale tigham taan tau Yoova
 igham pa tamtamon tooni na,
 ve tileep poia ta sewe irau saawe.
- 30 Saveen̄ tau ivotvot ila tamtamon dudun̄azi
 avozi, ene n̄gar poia igheen ila.
 Yes tisasavia n̄gar duduun̄ja mon.
- 31 Tutuun̄ to Maaron toozi igheen ariaan̄ ila lolozi
 ve n̄gar toozi.
 Tauta irau titap mako.
- 32 Zeran sasaghati tighamgham lilin tamtamon
 dudun̄azi.
 Tizuari zi tighe le tirav zi timaat.

* 37:27: Mbo 34:14; 3Yo 11

* 37:28: Mbo 18:25

- 33 Eemon Yoova ivool to tamtamon tooni. Irau ipul zi tileep ila koiazna nimazi ne mako.
Ve isaav ighe tamtamon tipayooz zi pa savsaveen, ene pale Yoova tauu iyooz ila murizi, ve ipaghazonai zi ighe lezi sosor mako.
- 34 Tauvene atem izi, ughur matam pa Yoova, ve utaghon dudunai eez tooni.
Leso ipakur ghom, ve ezam pa taan tau i igham pa tamtamon tooni na.
Ve yo pale ughita Yoova ivaghamunia zeran sasaghati gha tilalez.
- 35-36 Muun, yau nawatagh neer saghati ee.
Saawe isov, i iparoi tamtamon, ve itatan zi le tileep saghat.
Neer tawe tapiri tiina kat. I imin ai mezepur tiina to Lebanon.
Eemon murei, nalaagh izi nugh tooni, ve naghita neer tana ileep muul mako.
Nail naagho le mako. Aat ila mindai?
- 37 Matam ila pa yes tau lezi sosor mako, ve ugham ngar pa yes tau ngar toozi popoia mon na, ve ughita saa ngar ta ivotvot pazi.
Neer marowa tau ilup tamtamon timin eemon ve iuluul zi to tileep poia, i tomania paaghu tooni pale tileep poia taghon taghon gha ila.
- 38 Eemon yes to zoraan Maaron aliina, Yoova pale irav zi tisov timatmaat.
Ve paaghu toozi paam. I pale ipasov zi le tisov.
- 39 Yoova, i Uleenja to tamtamon dudunazi.
Isaav ighe patanani ivot pazi, i pale imin lezi niazi to yongaan.

- ⁴⁰ I iuluul zi, ve ipaspas zi pa patañani toozi.
 I ighamgham mulin zi ila zeran sasaghati ni-
 mazi, ve tileep poi.
 Pasaa, yes tinjaruini tila, lesa tiyoonj ila tooni.

38

Suruunj to tamtamon tau moroghoonj tiina ighamu

Mbounj to David

Saawe tau tamtamon tigham watoonjrau ve tigha-
 son Maaron to maata injal zi, timbou mbounj tane

- ¹ O Yoova, uyaon ghau toman atem yavyav sov.
 Ve isaav ighe upaduduunj ghau, na unjal
 matag sov.
- ² Yo uvanegh ghau pa paneegh tsio natja,
 ve nimam itatan katin ghau.
- ³ Atem yavyav payau kat. Tauta tinig isov isaghat
 wa. Anonag sirivu eta igheen poi mako.
 Sosor tsiau, tauta tuag isov iyavyav gha
 nasaghat.
- ⁴ Patañani to sosor tsiau itatan ghau kat imin di-
 bom tintiina tipolpol izala pavog.
 Tauta igham patañani tiina payau le irau
 nabaado mako.
- ⁵ Yau naghham ngar imin yes boraunja ve nazoor
 aliñam.
 Tauta aazne, mbotmboot toman nanagh tau
 vaazi saghati ne igham ghau.
- ⁶ Yavyavuunj tiina igham ghau, ve natudtud ve
 nayakyak.

Tauvene mbonoozo ila le rabrab izi, lolog ipatanan ve natanan.

⁷ Tinig ituntun kat, ve anonag isov isaghat wa.
Anonag sirivu eta igheen poi mako.

⁸ Moroghoon tane ingoor katin ghau le tapirig isov kat.
Tauvene lolog ipatanan ve nayakyak.

⁹ Yoova, yo uwatagh: Yau naghe yo uul ghau leso tinig poia.
Yau lolog ipatanan ve natanan. Gabua tane iyoon payo mako.

¹⁰ Aazne, ateg ipaparav ve tapirig imbool.
Tauvene naghog poia muul mako.

¹¹ Zetagna ve yes tau ruum toozi igharau ghau ne, tighita moroghoon tsiau tane, le tileep soghan payau. Tigharau ghau muul mako.
Ve ziiri waaro tsiau tauvene paam. Tilam tigig ghau rigta mako.

¹² Koiagna tau tizuari zi pa ravuun ghau namaat na, tighur liis katini payau.
Mbonoozo ila le ravrav izi, yes tisavsaav pa eez to tivaghamun ghau,
Lolozu ighurghur pa eez yongaana to tikari ghau.

¹³ Eemon matag ila pa saveen toozi tawe mako.
Yau naneneen mon imin tamtamon tau aavo ve taliina ivool, ve irau isavsaav mako, ve ilonloon saveen mako.

- 14 Onoon kat, yau namin tamtamon tau taliija
ivool ve ilonloon saveen mako,
ve irau iyol saveen eta mako.
- 15 O Yoova, Maaron tsiau, yau naghur matag payo
ve nasaan ghom.
Yau nanumeer ghom naghe yo pale uloon
sunuun tsiau tane ve uul ghau.
- 16 Maaron, upul patanani tane iliiv ghau sov. Pa
ighe natap, ene pale koiagna tintinizi, ve
tipakur tauzi tigde tiliiv ghau.
- 17 Ughita. Yavyavuun tane ipul ghau rigta mako.
Moroghoon tane irav matin tapirig le naghe
natap.
- 18 Onoon, yau nazoor alinam. Tauta aazne, lolog
ipatanan ve navotia sosor tsiau payo.
- 19 Koiagna, yes eval kat, ve tapirizi tiina.
Ngar tau tigham payau ne, iduduun mako.
Pasaa, yau naghham sosor eta pazi mako.
Yes tighur koi payau sorok.
- 20 Ngar popoia tau muun yau naghhamgham pazi
na, aazne tiyoli pa ngar saghati.
Yes tighurghur koi payau pasaa, yau nazuari
ghau pa ngar poia mon.*
- 21 O Yoova, ughur murim payau sov.
Maaron tsiau, uleep soghan payau sov.
- 22 Yoova, yo ta Uleenja tsiau.
Ulam rekia, ve uul ghau!

* **38:20:** 1Yo 3:12

39

Lepoogh toit to taan, ene tuuku kat

Mbounj to David

David itoor mbounj tane pa Yedutun, i njeer tau imunmuun pa mbounj

¹ Yau nasaav pa taug naghe: “Yau aat nanjin taug poi. Leso avog isosor sov.

Isaav ighe naleep tomania zeran sasaghati, yau aat nanjin avog poi.” *

² Tauvene napoon avog, ve nasavia saveenj eta mako.

Nayai ghau, ve naneneenj mon.

Eemon naghama njar naol ila ila le lolog ipaza-agh ghau naghe nasaav.

³ Pasaa, naghama njar naol kat, le ateg basbasuunj.

Tauta irau naneneenj muul mako, ve naghason Maaron naghe:

⁴ “Yoova, upaghazonjai ghau. Ndaman tsiau piiz ta ighengheen soone?

Pale njeer o namaat ve nasov pa taan?

Uul ghau lesa naghilaal naghe: Malau mako pale lepooch tsiau to taan isov. *

⁵ Yo ughur leg saawe tuuku mon to naleep izi taan.

Saawe to lepooch tsiau izi taan, ene imin gabua sorok ila yo matam.

Onoon kat, tamtamon tisov to taan lepooch toozi, ene imin avuvuun tau ivot ila avoon.

* **39:1:** Mbo 34:13; Yems 1:26, 3:2 * **39:4:** Mbo 90:12; Yems 4:14

Tileep rig ve tisov. Irau taghit zi muul mako.
*

- ⁶ Tamtamon tilaghlaagh pa uraat naol.
Eemon lepoogh toozi, ene tuuku imin ai yavyaava tau ighe aaz izila, ene taghita muul mako.
Matazi imin naol, ve tilala tilamlam pa uraat tigde tindou lezi gabua katini.
Eemon tirav tauzi sorok. Pasaa, tikankaan pa sei ta pale ighamuur gabua toozi tawe. *
- ⁷ Yoova, saa gabua ta pale naghur matag pani to iuul ghau?
Gabua eta mako. Yau naghur matag payo mon.
- ⁸ Yau nazoor alinam ve naghram solor.
Upul solor tsiau isov, ve ugham mulin ghau pa patañani to solor tsiau.
Mako pale yes kankanooña tau tiwatagh ghom mako na tisik saveen veleghiin payau.
- ⁹ Aazne, yau naneneen mon. Irau saveen eta ivot ila avog mako.
Pasaa, yo taum ta ugham patañani tane ivot payau.
- ¹⁰ Maaron, ungal matag irao!
Nimam ighanghan ghau le tapirig isov wa.
- ¹¹ Isaav ighe tamtamon tigham ngar saghati, na yo uyaon zi ve uloslos zi to upaduduun zi.

* 39:5: Mbo 90:4, 144:4 * 39:6: Lu 12:20; Yems 4:14

Ve gabua toozi popoia tau lolozi pani kat na,
yo uvavaghamunia imin up ivaghamunia
uuli.

Ene imin tau yau nasavia ila wa. Yei tamta-
mon to taan nimin kaut sorok. Nileep rig-
mon ve nisov, imin avuvumai tau ivotvot
ila avomai ne. *

¹² Yoova, upoon taliņam pa taņiiz tsiau sov.

Ughur taliņam payau, ulooņ suņuuņ tsiau
tane, ve uul ghau.

Pa saawe tsiau to naleep izi taan, ene malau
mako.

Saawe tuuku tau naleep izi taan tane, yau
naleep namin loom payo, raraate imin
tibugņa tisov. *

¹³ Lolom isaghatin ghau ve upul ghau. Uņgal
matag irao.

Leso saawe tuuku tau naleep izi taan ne,
naleep toman lolog poia, mako namaat ve
nasov pa taan.”

40

*Suņuuņ to tamtamon tau ipait Maaron pa uleeņ
tooni*

Mbounj to David

¹ Saawe tau pataņani igham ghau, ateg izi ve
nasaņan Yoova.

Ve i ighur taliņņa pa taņiiz tsiau, ve iuul ghau.

² Muuņ, lepoogh tsiau imin yau naleep ila puura
to yes mateegha loolo.

* **39:11:** Hib 12:5+ * **39:12:** Gnp 23:4, 47:9; Hib 11:13; 1Pe 2:11

Eemon Yoova indai ghau nazaa.
 Agheg brusia ila tiinj tiina, ve naghe pale nazal
 nazila.
 Eemon i ipas ghau nazaa, ve ighur ghau nay-
 ooz ila taan ariaanja. *

- ³ Ve ipaburigin ghau ve nambou mbounj paaghu.
 Ene mbounj to tapait Maaron toit eeza.
 Ngar tau Yoova igham payau na, pale igham
 eval tiina tighilaal. Tauvene yes pale tiroi,
 ve tighur ila tooni. *
- ⁴ Tamtamon tau ighe inumeer Yoova, ene pale
 tintini ve poia to Yoova izazaa tooni.
 Tamtamon tauvene, i ipaak yes tau tipapait
 tauzi ezazi ne mako.
 Ve yes tau tipul eez to Maaron, ve tibesbees pa
 maaron karomnja na, i ileep soghan pazi. *
- ⁵ Yoova, yo Maaron tsiau. Eta irau ghom mako.
 Pasaa, yo ughamgham uraat ngeretazi naol to
 uul ghei. Uraat tana, maata ite kat.
 Ve lolom ighur pa ngar popoia naol tau ughe
 ugham payei.
 Isaav ighe natoova to nanin zi tisov ve nasavi
 zi, ene aat narao mako.
- ⁶ Ngar to ravuunj gabua imin watoonjrau payo, to-
 mania ngar to ghamuunj aniinj payo imin
 paitoonj, ene yo lolom pani mako.
 Ve ngar to ghuruunj gabua izala artaal leso
 yav ighan dodolini, tomania ngar to ravuunj
 gabua pa rewaanj sosor to tamtamon, ene
 paam, yo ughur matam pani mako.

* **40:2:** Mbo 27:5, 31:8, 69:14
 Mbo 1:1, 84:12; 2Kor 6:14+

* **40:3:** Mbo 96:1; Syg 5:9

* **40:4:**

Yo ugham talinag ikaak, lesu naloon alinam. *

7 Tauta nasaav payo naghe: “Maaron, yau taug ene.

Nataghon saveen tau tiboode inarui ghau ila rau tsio, tauta nalam.” *

8 Maaron tsiau, isaav ighe nataghon duduñai yo lolom, ene igham ghau lolog poia le poia kat.

Pasaa, tutuun tau yo ugham payei na, ighen ariaan ila lolog. *

9 Yoova, yo uwatagh: Uleen ve ngar tsio duduña, yau naneneen pani mako.

Saawe tau eval tiina tilup zi pa sunuun, nasasavia varum pazi. *

10 Onoon kat, uleen ve ngar duduña tau utotoia payau na, yau nangooza ighen to taug mon mako.

Ve gabuam tau lolom isaghav tamtamon tsio ariaan ve uluul zi, ene paam, nangooza pa tamtamon tsio mako. Saawe tau tilup zi pa sunuun, yau nasasavia gabuam tana pazi.

Ngar tsio tau uluul tamtamon itaghon saveen mbuaan tsio, ene navovotia pazi.

11 Yoova, matam kisin sosor tsiau sov. Lolom isaghatin ghau ve upul sosor tsiau.

Ngar tsio tau lolom isaghav tamtamon tsio ariaan ve utataghon saveen mbuaan tsio, ene aat imin sigheu payau.

* 40:6: Mbo 51:16-19; Hib 10:5+

* 40:7: Yo 5:39, 46; Hib 10:7

* 40:8: Yer 31:33; Mt 26:39; Ro 7:22

* 40:9: Mbo 22:22, 25

- 12 Ughita. Aazne, patanjani naol tilivutin ghau.
Irau nanin zi mako.
Ngar tsiau sasaghati atuya, tauta injarui ghau
ne.
Tauvene naghita naghe leg eez eta muul
mako.
Sosor tsiau, katini kat. Iliiv dabag rau.
Tauvene naroi ve tapirig isov kat.
- 13 O Yoova, lolom isaghatin ghau ve ugham mulin
ghau pa patanjani tane!
Ulam rekia mon ve uul ghau!
- 14 Yes tau tiliil eez to tirav ghau namaat na, utatan
zi ve ugham ngar toozi ivaghamgham, lesa
mayazi.
Ve yes tau tighita patanjani tsiau tane ve tin-
tinizi pani na paam. Upamuul zi tila toman
mayazi.
- 15 Ve yes tau tisavsaav payau tigne: “Aa, ughita
wa? Ngar tau nighe ivot payo, tauta ivot
wa!”
Zeran tauvene, utatan zi ve ugham zi
tivaghamgham. Lesa mayazi pa ngar tau
tighamu na.
- 16 Eemon tamtamon tisov tau tizuari zi tigne le
tiwatagh katin ghom na, yes aat lolozu poia
ve tintinizi payo.
Ve yes tau lolozu pa uleenj tsio, ene pale
lolozu poia kat, ve monmon tisavsaav tigne:
“Tapaït Yoova. Pa i eeza tiina le tiina kat.”
- 17 Yoova, matam ilam payau lak!

Pa patanjani tane itatan ghau le tapirig imbool.
 Narau gabua eta muul mako.
 Yo mon ta irau uul ghau ve ugham mulin
 ghau.
 Maaron tsiau, uzuar sov. Ulam rekia mon ve
 uul ghau!

41

Sunjuunj to neer tau imoroonj

Mbounj to David

- ¹ Isaav ighe tamtamon eta maata ingalngal yes
 mbolaanja ve iuluul zi, ene pale poia to
 Yoova izazaa tooni ve tintini.
 Ve isaav ighe patanjani eta ivot pani, ene pale
 Yoova iuule. *
- ² Yoova tauu pale imin sigheu pani ve ingini. Leso
 imaat sov, ve ileep poia.
 I pale ileep izi taan tau Yoova igham pa tamta-
 mon tooni na, ve poia to Yoova izazaa tooni.
 Yoova irau ipuli ila koinja nimazi mako.
- ³ Ve isaav ighe i imoroonj ve ighengheen, ene pale
 Yoova tauu ingini, ve ipasov moroghoonj
 tooni.
- ⁴ Yau nasaav naghe: “Yoova, yau naghama sosor
 payo wa.
 Lolom isaghatin ghau ve upasov moroghoonj
 tsiau. Pa yau besoonja tsio.”
- ⁵ Koiagna tisasavia saveen sasaghati injarui ghau
 tigue:

* **41:1:** Mbo 112:5, 9; Mt 5:7; Yems 2:13+

“Ñeer tawe, ñeez o imaat lesu eeza ilale ve loloon iveegh pani?”

⁶ Ve saawe tau tamtamon tilam tigig ghau, tisavia saveeñ toman lolozu mako.

Yes tilam to tigig ghau pa moroghoonj tsiau mon.

Ve saawe tau timuul tila, tisasavia varug sorok irau nugh tige: “Paita imaat.”

⁷ Yes tau tighur koi payau ne, tisov tige le nasaghat kat.

Tauvene tikakamuun payau tige:

⁸ “Aa, ñeer tawe, moroghoonj saghati kat ighamu.

Irau maata pakia ve iburig muul ne mako. Paita imaat.”

⁹ Ve etag ite tau nanumeera kat naghe yeiru lupuunj tsiei eemon, ve niluplup ghei pa ghanghaniin na,

i paam ighur muuri payau, ve imin koiag. *

¹⁰ Yoova, lolom isaghatin ghau ve uul ghau. Pa yau besoonja tsio.

Upasov moroghoonj tsiau ve ugham tinig poia muul.

Lesu nayat ñgar saghati tau koiagna tigham payau ne.

¹¹ Yoova, aazne yau nawatagh naghe yo lolom poia payau. Pasaa, koiagna titatan ghau mako. Tauvene irau alinjazi iza sorok tige yes tiliiv ghau ne mako.

* **41:9:** Mbo 55:12+; Lu 22:21; Yo 13:18

- 12 Yau nataghon n̄gar duduun̄a mon. Tauta yo upalot ghau ve nayooz ariaan̄.
Ve yo pale ugham ghau naleep tomani ghom taghon taghon gha ila.
- 13 Tapait Yoova pa poia tooni! I Maaron to iit Israela.
Tapait eeza ta aazne, ve taghon taghon gha ila. Onoon le onoon kat.

42

Sun̄uun̄ to n̄eer ee tau ipasawal pa Maaron ve rumei tooni

Mbounj to yes Kora

- 1 Maaron, yau naghe le naleep nagharau ghom, o poia. Eemon aazne, naleep malau payo.
Tauvene napasawal payo imin n̄gai sagsag tau murunu, ve iliil yaa tau irereer leso ighun.
*

- 2 Yoova, yo Maaron tau uleep matam yaryaare.
Yau lolog payo kat imin tamtamon tau murun matini, ve iliil yaa pa ghunuun̄.
Pale n̄eez o nalat peria tsio muul, ve nayooz ila naghom ve nasun̄ payo? *

- 3 Mbon̄oozo ila le ravrav izi, tamtamon tinoknok veleghiin̄ ghau tigde: “Maaron tsio ileep sindei?”
Saveen̄ toozi tawe igham ghau natan̄tan̄ ve naghunghun matag suuru irau mbon̄ ve mataaz.

* **42:1:** Mbo 63:1, 119:131, 143:6 * **42:2:** N̄eer tau itoor mbounj tane ighe le imuul ila Yerusalem ve isun̄ pa Maaron ila Rumei Tiina loolo.

- 4 Yau matag ingal imuul ila pa ngar tau muun naghhamghamu na, tauta navotia lolog ila to Yoova.
Saawe tana, yau namunmuun pa eval tiina, ve yenja nizazala pa Maaron rumei tooni, leso nilup ghei pa sunuun.
Yei nimboubou toman lolomai poia kat, ve niyoryoor Maaron eeza pa poia tooni. *
- 5 Tauta naghason taug naghe mindai ta aazne lolog isaghat?
Lolog ipatanjan ve naghham ngar naol pasaa?
Yau aat naghur ila to Maaron ariiaan, ve naghur matag pani.
Pasaa, i Maaron tsiau ve Uleenja tsiau. Tau-vene yau aat napaiti muul.
- 6 Onoon, aazne lolog ipatanjan kat, ve napasawal payo.
Pasaa, naleep nagharau ghom mako.
Yau naleep izi yaa Yordan daaba tau igheen izi loloz Ermon ziige tau ila pa loloz Mizar.
Eemon yau aat matag ingal imuul ila pa ngar tsio.
- 7 Patanani tau yo upuli ivot payau ne, ene itatan ghau kat.
Ene imin yaa tau irereer toman luutu tiina na, iyatyaat izala pavog ve imbelmbeluut ghau.
Ve imin dibom tintiina to mazavan tipolpol izala pavog.
- 8 Eemon mataaz ta naol ne, Yoova loolo isaghav ghau ve iuluul ghau.

* 42:4: Mbo 100:2+

Tauvene mbonj ta naol, yau namboumbou to napakuru.

Sunjuunj tsiau injanarui Maaron. Pasaa, i ta injin lepoogh tsiau.

⁹Maaron, i Volaanja tsiau ariaanja. I iponpoon ghau imin maetaaz tau izala kat.

Tauvene naghasoni naghe: “Puughu mindai ta lolom iveegh payau?”

Mindai ta upul koiagna titatan ghau, ve tigham ghau lolog isaghat?”

¹⁰Saawe isov koiagna tisasavia saveenj veleghiin payau.

Ve tinoknok ghasoniin ghau tigde: “Maaron tsio ileep sindei?”

Saveenj toozi tawe ingalngal ghau imin iiz.

¹¹Tauta naghason taug naghe mindai ta lolog isaghat?

Lolog ipatanan ve naghham ngar naol pasaa?

Yau aat naghur ila to Maaron ariaanj ve naghur matag pani.

Pasaa, i Maaron tsiau ve Uleenja tsiau. Tauvene yau aat napaiti muul.

43

Sunjuunj sirivu to neer tau ipasawal pa Maaron

¹Maaron, yes tau matazi ingalngal ghom mako na, tighamgham patanani payau.

Uyooz payau, ve upaghazonjai ghau ila matazi ughe yau naghham sosor eta mako.

Upas ghau ila zeran karomnja ve zeran sasaghati tane nimazi.

- ² Pa yo Maaron tsiau, ve yau nayoony ilat tsio.
Puughu mindai ta ughur murim payau?
Mindai ta upul koiagna titatan ghau, ve
tigham ghau lolog isaghat?
- ³ Naghe ugham ghazoonja tsio isul ghau ve upag-
hazonjai ghau pa saveeny tsio onoon.
Pasaa, gabua ru tawe pale titotoi eez payau ve
tigham pooz payau, lesa nazala pa niam to
lepoogh tau igheen izi loloz tsio patabuyaany
daaba. *
- ⁴ Mako nanjarui artaal tsio, ve nayooz ila naghom
ve napait ghom.
Pasaa, yo Maaron tsiau, ve yo ta ugham ghau
lolog poia kat.
Tauvene yau aat narav gita, ve nambou to
napait ezam.
Pasaa, yo Maaron tsiau.
- ⁵ Tauta naghason taug muul naghe mindai ta
aazne lolog isaghat?
Lolog ipatanjan ve naghom ngar naol pasaa?
Yau aat naghur ila to Maaron ariaany, ve
naghur matag pani.
Pasaa, i Maaron tsiau ve Uleenja tsiau. Tau-
vene yau aat napaiti muul.

44

Sunjuunj to saawe tau yes Israela koiaznja tiliiv zi
Mbounj to yes Kora

- ¹ Maaron, muun saawe to timbumainja, yo
ughamgham uraat tintiina pazi.

* 43:3: Mbo 25:5, 27:1; Yo 8:12; 2Kor 4:6

Tauta tisisinaia ilam ilam le aazne, yei niloonja
pa taumai talinjamai paam.

² Yes nugh nugh tau muunj tileep izi taan tane, ila
taum tapirim, yo uziir zi tighau tila,
ve upalepoghai timbumainja tileep izi taan
tane gha imin lezi motot.
Yo utatan yes Kanaana le tapirizi isov kat,
ve ugham timbumainja tileep poia izi taan
tane. *

³ Onoon, timbumainja tigham malmal pa taan
tane.
Eemon tauzi tapirizi ve mbuzaagh toozi
igham zi tiliiv koiazja ne mako.
Yo uleep tomani zi ve matam pazi, ve utotoi
tapirim pa koiazja ve uparav tomani zi.
Tauta timbumainja tiliiv zi, ve tigham taan
toozi imin lezi.
Pasaa, yo lolom pazi kat. *

⁴ Yoova, yo kinik tsiau ve Maaron tsiau.
Yo usaav ariaan ughe yei Israela tau sinj to
Yakop pale niliiv koiamainja.

⁵ Ila yo tapirim, yei nitatan koiamainja.
Yei nighur ilat tsio, ve sunjuunj tsiei inajarui
ghom. Tauta yo uul ghei, ve nirav zi ve
nivaghaaz zi ila aghemai saamba.

⁶ Yau nanumeer paneegh tsiau mako.
Ve mbuzaagh tsiau paam, ene irau igham
mulin ghau mako.

* **44:2:** Igham 15:17; Mbanj 7:45 * **44:3:** Igham 15:16

- 7 Yo mon ta uluul ghei, ve ughamgham mulin ghei
ila koiamaiņa nimazi.
Yo ugham zi tivaghamgham, ve tighau tila
toman mayazi.
- 8 Maaron, yo uluul ghei, tauta monmon nipapakur
ghom, ve lolomai poia payo.
Yei aat nipait ezam taghon taghon gha ila. *
- 9 Eemon aazne, yo ughur murim payei, ve upaak
zaaba tsiei muul mako.
Ve upul koiamaiņa tiliiv ghei le mayamai kat.
- 10 Yo ugham ghei tapirimai imbool.
Tauta nipul malmal ve nighawaar, ve koia-
maiņa tiyauur gabua tsiei isov.
- 11 Yo ughur ghei nila nimazi, imin sipsip tau timbit
zi pa ravuunj zi.
Ve ureu ghei nimbiriis irau nugh nugh.
- 12 Yei tamtamon tsio. Eemon aazne, ugholia ghei
nila koiamaiņa nimazi gha nimin besoonja
pazi.
Ve ugham gabua tiina eta ila nimazi mako.
Yo ughur atuyamai izi geeg, imin yei kaut
sorok.
- 13 Yes tau tileep tigharau ghei na, tighita njar tau
yo ugham payei,
le tinj ve tigham nalalanj payei.
- 14 Yes nugh nugh tau tiwatagh ghom mako na,
tighit ghei nimin mogheraanj.

* 44:8: Mbo 34:2; 1Kor 1:31

Ve tinjinj payei, ve tililiit dabazi.

15 Saawe isov, mbonoozo ila le ravrav izi, tamtamon tipapamayanjin ghau.

Tauvene matag iza mako. Mayag, ve natudtud mon.

16 Pasaa, tamtamon tighita ngar tau koiagna tiyoli payau na,
ve tisiksik saveen veleghiin ve saveen mayana naol payau.

17 Yau naghama ngar naol naghe puughu mindai ta yo upul patajani naol tane ivot payei?
Pasaa, yei lolomai iveghai ghom mako.
Ve saveen tau nimbua tomani ghom na, yei nireua mako.

18 Yei nighur murimai payo mako.
Ve laghoonj tsiei, nisosor pa eez tsio mako.

19 Eemon yo uvaghamun ghei kat, le nugh tsiei nginaana imin gabua sagsagna niazi to lepooogh.
Lepoogh tsiei, ene imin ndoroom tiina ikau ghei.

20-21 Maaron tsiei, yo uwatagh: Lolomai iveghai ghom mako,
ve nisun pa maaron karom eta mako.
Imin ta nigham ngar tauvene, kanan yo uwataghi.
Pasaa, ngar ngozana isov tau igheen ila lolomai ne, eta iyoonj payo mako.

- 22 Yei nibesbees pa yo mon. Tauta mbonjoozo ila le ravrav izi, koiamainja tiravrav ghei nimatmaat.
Tighit ghei nimin sipsip tau timbit zi pa ravuuj zi. *
- 23 Yoova, ugheen irao! Uburig!
Ugham ngar eta to uul ghei lak!
Pale ughur murim payei tauvene taghon taghon gha ila?
- 24 Puughu mindai ta ungooz naghom payei?
Ughita. Koiamainja titatan ghei gha nisaghat wa. Patanjani tiina tau nibadbaado ne, lolom iveegh pani sov!
- 25 Aazne, koiamainja titatan ghei kat.
Tauvene nitap nizi taan ve nigheen ila ngaupup loolo.
- 26 Maaron, uburig! Ulam uul ghei lak!
Yo lolom isaghav tamtamon tsio ariaan ve uluul zi.
Tauvene upas ghei nivot pa patanjani tane.

45

Mbounj to kinik vaij tooni

Mbounj to yes Kora

Neer tau imunmuun pa mbounj na aat isaav pa tamtamon to timbouia itaghon aliija 'manman ruunju pisosoonja.'

Ene mbounj to tamoot ve livaa tau lolozu pa tauzi

* 44:22: Ro 8:36

- ¹ Lolog ipazaagh ghau pa saveeņ popoia, tauta natoon mbounj tane inarui kinik.
Avog raurau pa toraan mbounj, imin neer tau niima poia pa bodeeņ.
- ² O kinik, yo paghunam kat uliiv tamtamon tisov.
Ve saveeņ popoia tau ivotvot ila avom, ene igham poghania tamtamon.
Tauvene poia to Maaron aat igheen tomani ghom irau saawe. *
- ³ Yo arianaam ve urau kat pa ghamuunj malmal.
Ezam tiina, ve upabood taum le paghunam kat.
Ugham mbuzaagh tsio, ve ugharaat ghom pa malmal. *
- ⁴ Yo ezam tiina kat.
Uzaa hos tsio, ve ula uparav tomania koiamņa le uliiv zi.
Uparav ariiaan pa saveeņ onoon, ngar to tatatan tauun, ve ngar duduunja.
Nimam tapir pale igham uraat tintiina. Leso koiamņa tighita ve tiroi. *
- ⁵ Kinik tsiei, paneegh tsio natņa matazi kat.
Tauta tinjal koiamņa le tiyamaan katini.
Tauvene yes nugh nugh pale tilam ve titaptap izi aghem saamba.
- ⁶ Maaron, pooz tsio irau isov ne mako. Pale uleep ila niam to ghamuunj pooz irau saawe.

* **45:2:** Lu 4:22 * **45:3:** Mbo 149:6; Syg 1:16 * **45:4:** Syg 6:2, 19:11+

Ngar duduuna tau ughamgham pa tamtamona, ene imin ilaal pa pooz tsio. *

⁷ Pasaa, yo lolom pa ngar duduuna, ve ughurghur koi pa ngar saghati.

Tauvene Maaron tsio ipakur ghom le uliiv zetamna siriv, ve ilinj ngoreen izala pavom to ighur ghom umin kinik.

Tauta igham ghom lolom poia le poia kat. *

⁸ Nonoghiina tsio mamalaua, ene tighur naunaun vaazi popoia maata maata ila.

Ruum tsio, tipaboode pa gabua popoia tau tigharaat zi pa gabua zonazi.

Yes to ravuun gita ve gabua siriv tau lutuzi popoia na, tileep tomani ghom ila ruum tsio loolo, ve mbounj toozi igham ghom lolom poia kat.

⁹ Zilivaa tau lezi ezazi na tilam tileep tomani ghom ila ruum tsio paam. Ve toozi siriv, ene kinik natuzlivaana.

Livaa paaghu tau iyooz ila pa nimam tapir ve ughe uvaii, i garwaat.

I itiiik tauu pa gabua popoia le paghuuna kat. Gabua tawe, tigharaat zi pa gol poia kat tau ilam pa taan sirivu to Opir na.

¹⁰ Natugliva, yo ughe uvai kinik. Tauvene ughur talinam poi ve uloonj alinjag tane.

Ugham ngar pa tamtamona ve ziiri waaro tsio muul sov.

* 45:6: Yo 1:1, 14; Hib 1:8 * 45:7: Mbo 11:5, 33:5

- 11 Yo paghunam kat. Pale usan kinik aate.
I ta imin tiina tsio. Tauvene yo aat uloonj aliinja
ve uleep ila i saamba.
- 12 Tamtamon to nugh Tiro pale tigham lem gabua
popoia katini.
Yes tau kuaz taunja kat na, pale tigham lem
gabua popoia maata maata. Leso matam
injal zi ve lolom poia pazi.
- 13 Livaa garwaat tau ighe ivai kinik na, ileep ila
ruum tooni loolo. I paghuuna le paghuuna
kat.
Nonoghiinja tooni, ene tisaii pa teret tau
tigharaata pa gol.
- 14 I inonogh ghi pa nonoghiinja tau ngeretazi popoia
na, ve tighamu ila to kinik.
Yesnja zeetnja zilivaa paghpaaghu tilaagh tila.
*
- 15 Tamtamon tintinizi, ve tigherev zi toman lolozi
poia, gha tilonj tila ruum to kinik.
- 16 O kinik, yo pale upoop natumnja zitamoot katini,
leso tiyol timbuznja.
Ve yo pale ughur zi to tigham pooz pa nugh-
marij.
- 17 Mbounj tsiau tane, tamtamon pale timbouia, ve
matazi injal ezam taghon taghon gha ila.
Tauvene nughmarij pale tipait ezam irau
saawe.

* **45:14:** Syg 19:7+

46

Maaron imin niaan ariaanja to yonjaan

Mbounj to yes Kora

¹ Maaron imin niaan ariaanja to yonjaan, ve ipa-palot ghiit.

Isaav ighe patanani eta ivot pait, i pale ileep zigeen ve iuul ghiit.

² Tauvene irau taroi mako.

Isaav ighe yogyoog itok taan,
ve loloz tipolpol tizila te loolo,

³ ve te isaghat gha dibom tipaparav,

ve tisasabur loloz puughu le loloz tirurur, ene poia.

Irau tasanjeen mako.

⁴ Maaron Tiina Tau Iliiv Zimaronja Tisov na, nugh tooni patabuyaan, i le yaa tau monmon irereer.

Yaa tawe igham tamtamon to nugh tooni tileep poia toman tintinizi. *

⁵ Maaron ilepleep ila nugh tawe ve inginngini.

Tauvene gabua eta irau itok nugh tawe mako. Isaav ighe patanani eta ivot pazi, Maaron irau isaan le mbonoozo mako. Pale iuul zi rekia mon.

⁶ Nugh nugh, roinj tiina igham zi ve tisanjeen.

Kinik to taan tapirizi isov, le nugh toozi tivaghamgham.

* **46:4:** Mbo 36:8; Ezek 47:1-9; Yo 7:37-39; Syg 22:1

- Ve Maaron isaav aliinja tiina imin lalaav luutu,
le taan ituntun ve ireer imin yaa. *
- ⁷ Yoova, i Maaron saksaki ve injin gabua naol isov.
I ileep tomani ghiit irau saawe.
Maaron to Yakop imin niaan ariaanja to
yongaaj. *
- ⁸ Alam aghita uraat tintiina tau Yoova igham zi na.
Uraat tooni igham tamtamon tiroi ve avozi
ikaak.
- ⁹ I ipapasov malmal irau taan ziige ta naol ne.
Ve ingoor polpolin paneegh ve iiz, ve isan
sigheu to malmal, ve isuruuv zi tizala yav.
- ¹⁰ I isaav pa tamtamon ighe: “Aparav irao!
Atemim izi, ve aghilaal ghau. Yau mon ta
Maaron.
Nughmarij pale tipait ghau,
ve ezag imin tiina irau taan isov.”
- ¹¹ Yoova, i Maaron saksaki ve injin gabua naol
isov. I ileep tomani ghiit irau saawe.
Maaron to Yakop imin niaan ariaanja to
yongaaj.

47

*Maaron i kinik tau ighamgham pooz pa gabua
naol isov*

Mbounj to yes Kora

- ¹ Yam nughmarij, tintinmim ve aposai nimamim!
Yam asov ayoor Maaron eeza, ve ambou
mbounj to apakuru!

* 46:6: Mbo 97:5; 2Pe 3:10+

* 46:7: Ro 8:31

² Pa Yoova, i Maaron Tiina Tau Iliiv Zimaronᅇa Tisov. Aroi pani ve ataghon ᅇgar tooni.
Onoon kat, i kinik tiina. Tamtamon tisov to taan tileep ila i saamba. *

³ I itatan nugh nugh, ve ighur zi tileep ila sambamai.
Yes tau tiwataghi mako na, i irav zi tizi, ve nivaghaaz zi ila aghemai saamba.

⁴ Iit sinj to Yakop, Yoova loolo igheen toit kat. Tauta irav motin taan sirivu, ve igham pait imin leen motot.
Iit tintiniin ve tapakur ghiit pa taan tau i igham pait. *

⁵ Maaron izala niia to ghamuunj pooz ve ileep ta sewe. *
Tauvene tavuur itanᅇanᅇ, ve tamtamon tisirsir toman lolozu poia. *

⁶ Ambou, ambou! Ambou ve apakur Maaron!
Ambou ve apait kinik toit eeza!

⁷ Pa Maaron, i kinik tiina. Tamtamon tisov to taan tileep ila i saamba.
Tauvene ambou mbounj to apakuru! *

⁸ Maaron ileep ila niia patabuyaanᅇ to ghamuunj pooz, ve inᅇinᅇinᅇ nughmarinᅇ.

* **47:2:** Mbo 46:10, 95:3 * **47:4:** 1Pe 1:4 * **47:5:** Saawe siriv yes Israela tisinᅇ bokis to saveenᅇ mbuaanᅇ, ve tilaagh irau Yerusalem loolo to tipakur Maaron. Ra tighur bokis ilonᅇ ila Rumei Tiina loolo muul. * **47:5:** Mbo 68:18 * **47:7:** Mbo 95:3; Kol 3:16

Tamtamon tisov tileep ila i saamba. *

⁹ Daaba to nugh nugh tilup tomania iit tau tabes-bees pa Maaron to Abaram na, ve itinja tapait eeza.

Pasaa, pooza tisov to taan tileep ila i niima.
Tapait eeza izala le izala kat.

48

Maaron nugh tooni Zion

Mbounj to yes Kora

¹⁻² Yoova eeza tiina kat.

Tauvene iit tau taleep ila nugh tooni ne, aat tapait eeza izala le izala kat.

Nugh tooni, ene igheen izala loloz tooni patabuyaaj Zion.

Loloz tawe, ene paghuuna ve izala kat.

Tamtamon tisov to taan loloz poia pa loloz Zion ve tipaiti.

Pasaa, ene Maaron tauu niia to lepoogh. Nugh to kinik tiina igheen ta sewe.

³ Tamtamon tiwatagh: Maaron iponpoon nugh tooni imin didiin ariaaja.

I ilepleep ta sewe ve imin sigheu pazi.

Tauta tamtamon to nugh tawe tileep poia. *

⁴⁻⁵ Kinik siriv tilup zi tigde tigham malmal pa Maaron nugh tooni.

Eemon saawe tau tilam tighita, yes tirur pani, ve tiroi, ve tighau tila.

* 47:8: Syg 4:9 * 48:3: Mt 5:35

- 6-7 Roinj tiina igham zi le tisanjeenj imin zilivaa tau apozi iyavyav pa popaanj.
Ve yo uvaghamun zi le tisaghat kat, imin waanj tintiina to nugh Tarsis tau tighaughau tila, ve ragh izaal le irav mbirisai zi.
- 8 Yoova, i Maaron tsiei saksaki ve injin gabua naol isov. Muun, nilonjlooj uraat tooni tintiina varuzi mon.
Eemon aazne, nileep ila nugh tooni, ve i igham uraat tauvene ivot muul, le nightit katini pa taumai matamai.
Maaron ipapalot nugh tooni.
Tauvene nugh tawe pale iyooz ariaanj taghon taghon gha ila.
- 9 Maaron, yei nileep ila rumei tsio loolo, ve matamai ingalngal gabuam tau lolom isaghav tamtamon tsio ve uluul zi.
- 10 Maaron, varum ilaan irau taan ziige ta naol ne.
Tauta nughmarinj tipapait ezam.
Yo utotoi tapirim, lesu upalot ngar duduunja.
- 11 Gabizooj tsio, ene iduduunj mon.
Tauvene tamtamon tisov to nugh Zion, tomania nugh nugh to Yudea lolozi poia kat ve tintinizi.
- 12 Yam aburig ve alaghlaagh ila nugh Zion loolo.
Ala aghita didiinj ariaanja tau ilivut nugh na.
- 13 Anin ruum dabazi mamalaua tau yes zaaba tiyozooz ila to tiyeel koiaznja.
Ve matamim ila pa ruum arianazi to zaaba tiyooj ila ve tigham malmal.

Leso yam aat asavia nugh tane pa paaghu
tsiam tau pale tivot murei.

- 14 Pale asaav pazi tauvene: “Maaron toit tane, i
ariaaŋa imin nugh Zion.
I ileep irau saawe.
Ve i pale imuunj pait, ve itotoi eez pait taghon
taghon gha ila.”

49

Iit tasov pale tamaat

Mbounj to yes Kora

- 1-2 Yam nughmarin, aloonj saveenj tsiau tane.
Yam tamtamon tau aleep irau taan na, aghur
talinamim payau poi.
Yam tau lemim ezamim mako, ve yam tau
ezamim tintiina na paam.
Ve yam tau kuaz taunja, ve yam mbolaanja
paam.
Yam asov aloonj poghania alinag tane.
- 3 Pa avog pale ivotia ngar popoia siriv tau igheen
ila lollog ne.
Saveenj tsiau tane irau ipaburigin ngar tsiam,
leso aghilaal ngar poia. *
- 4 Yau naghe nasavia saveenj palelaan siriv payam.
Le isov o, narav gita ve napaghazonjai puughu
payam.
- 5 Isaav ighe saawe saghati eta ivot, ve zeran
sasaghati tomania zeran karomnja tilivutin

* 49:3: Mbo 37:30

ghau to tivaghamun ghau, ene irau naroi mako. *

⁶ Onoon, yes tindoundou lezi gabua katini.
Tauta tinumeer gabua toozi tawe, ve tipakur zi pani. *

⁷⁻⁸ Eemon gabua toozi tawe irau igham mulin zi pa mateegh mako.
Pasaa, tamtamon eta irau ighol Maaron leso ipaghau mateegh pani ve lepoogh tooni to taan iseenga taghon gha ila ne mako.
Ngar tauvene, tapuli ileple.
Pa lepoogh tauvene, atuya ite kat. *

⁹ Tauvene kuaz toit eta irau ipoon ghiit pa mateegh mako.
Gabua eta to taan irau igham ghiit taleep le alok ne mako. Mako kat! *

¹⁰ Iit taghita yes ngara timatmaat raraate imin yes kankanooŋa tau lezi ngar mako na.
Ve saawe tau timaat, yes pale tipuliir gabua toozi naol isov izi ileple, ve gabua tawe imin tamtamon siriv lezi.

¹¹ Saawe tau tileep matazi yaryaare, yes ezazi tintiina. Pasaa, lezi taan tiina ve gabua katini.
Eemon saawe tau timaat, naal toozi imin lezi niazi irau saawe.

* **49:5:** Mbo 23:4, 27:1 * **49:6:** Mbo 73:12; 1Tim 6:17 * **49:7-8:**
1Pe 1:18+ * **49:9:** Mt 16:26

- 12 Tauvene isaav ighe tamtamon eta eeza tiina, ve le gabua popoia katini, ene poia.
Eemon gabua tooni irau ipaghau mateegh pani ne mako. Pale ileep rigmon, ve isov.
Pale imaat gha ilale, raraate imin ngavuun ve ngai.
- 13 Ene eez to yes tau tigham ngar to boraunja ve tipakur zi pa gabua toozi.
Aghita ngar tau ivotvot pazi ve yes tau titaghon zi pa ngar toozi, o aghilaal. *
- 14 Yes timin sipsip tau timbit zi pa ravuunj zi.
Mateegh pale imin nginiinj pazi, ve igherev zi gha tizila mateegha niazi, ve patazi imbuuz fa sewe.
Ve mbonjoozo, mako zeran dudunjazi pale tighet zi ve lolozi poia.
- 15 Eemon yau, nugh to mateegha le tapiri to ikis ghau mako.
Pasaa, Maaron pale igham mulin ghau pa mateegh.
I pale ipas ghau pa mateegh, ve igham ghau nala yeiru nileep. *
- 16 Tauvene isaav ighe tamtamon eta indoundou le kuaz,
ve gabua popoia katini ivon ila ruum tooni, na ugham ngar naol pani sov.
- 17 Pa saawe tau i imaat, i irau ikis gabua tooni eta ve ila ne mako.

* 49:13: Lu 12:20 * 49:15: Mbo 56:13; 1Kor 15:51+; 1Tes 4:13+

Gabua popoia naol tau i eeza tiina pani na,
irau ila tomania mako. *

- 18-19 Saawe tau tamtamon tana ileep maata
yaryaare, i ileep poia toman tintini.
Ve eval tiina tipait eeza pasaa, tighita tighi i
irao.
Eemon i pale imaat, ve ileep tomania timnja ila
ndoroom loolo.
Yes to nugh tawe irau tighita ghazonja muul
mako.
- 20 Tauvene tamtamon tau ighe eeza tiina ve le
gabua katini, ene poia. Eemon i ighilaal
mako.
Murei, i pale imaat gha ilale, raraate imin
ngavuun ve ngai.

50

*Ngar tau tapait Maaron pa poia tooni ve
tataghon tutuunj tooni, ene watoonjrau tauu*

Mbounj to Asap

- ¹ Yoova, i Maaron saksaki.

Aliinja ilat pa yam tamtamon to taan.

I ipoi gham ighe yam asov alam alup gham ila
naagho.

Yam tau aleep ila pa aaz iza, ve yam tau aleep
ila pa aaz izila na paam.

- ² Nugh Zion, ene paghuuna le paghuuna kat.

Maaron ileep ta sewe, ve mbonari isul ivot.

- ³ Maaron toit ighe ilam tane. Irau ineneenj muul
mako.

* **49:17:** Lu 12:15+; 1Tim 6:7

Yav ighan imuunj pani, ve yaghur tiina toman
uman ilivuti. *

⁴ I ipoi sambam ve taan ighe tilam, leso tighita
igabiiz tamtamon tooni ve ighur atuya pazi.

⁵ Ve isaav ighe: “Tamtamon tsiau tau lolozi is-
aghav ghau ve titaghon njar tsiau na, ayau
zi tisov tilam tilup zi ila naghog. Ene
yes tau tigham watoonrau payo, ve timbu
saveenj tomani ghau tigde yeja nivalupu
ghei nimin eemon.” *

⁶ Maaron igagabiiz tamtamon ve ighurghur atuya
pazi.

Ve gabua to sambam saamba tipaghazonjaini
tighe gabizoonj tooni, ene iduduunj mon.

*

⁷ “Yam tamtamon tsiau Israel, aloonj saveenj tau
naghe nasavia payam.

Pasaa, yau ta Maaron tsiam.

Aazne, yau aat nasaav ila matamim, ve navo-
tia sosor tsiam.

⁸ Watoonrau tau aghamgham zi payau ne, yau
nayaon gham pani mako.

Monmon naghit gham aghurghur watoonrau
izala artaal, leso yav ighan dodolin zi. Ene
poia. *

⁹ Eemon yau irau nagham makau, ma mekmekek
tau tileep ila olol tsiam loolo ne mako.

* **50:3:** Igham 19:16, 18 * **50:5:** Igham 24:7 * **50:6:** Mbo 19:1+;

Ro 1:20 * **50:8:** Mbo 40:6

- 10 Pasaa, yau nambool pa gabua eta mako.
 Gabua naol isov tau tilaghlaagh ila su loolo,
 ve makau tau tileep irau loloz ta naol ne, ene
 tsiau mon. *
- 11 Ve man tau tirovroov ila taitai saamba na, yau
 nawatagh zi tisov ve nangin zi.
 Ve gabua naol isov tau tilaghlaagh ila regh
 loolo na paam, ene yau tsiau. *
- 12 Isaav ighe pitoool ghau, ene irau nasaav payam
 mako.
 Pasaa, taan tomania gabua naol isov tau
 tileep ve tigheen ila na, ene yau tsiau mon.
 *
- 13 Mindai, yam aghe yau naghanghan makau mi-
 iza,
 ma naghunghun mekmek siinji? Mako.
- 14 Watoonrau tau yau lolog pani, ene tauvene:
 Lolomim poia payau, ve apait ghau pa poia
 tsiau.
 Ve saveen tau ambua tomania Maaron tsiam
 tau ileep saanja le saanja kat na, agham ura-
 toini le anoonja ivot. *
- 15 Ve isaav ighe patanjani igham gham, na atar
 rarai ghau pa uleen.
 Leso naghham mulin gham, ve apait ezag pa
 tapirig ve poia tsiau.” *

* **50:10:** Mbo 104:24 * **50:11:** Mt 6:26 * **50:12:** Igham 19:5;
 Mbo 24:1; 1Kor 10:26 * **50:14:** Mbo 66:13+; Hib 13:15 * **50:15:**
 Mt 7:7; Yems 5:13

- 16 Eemon yes zeran sasaghati, Maaron isaav pazi ighe:
“Tutuunj tsiau tau naghur zi pataghaan na, yam awatwaat zi sorok pasaa?
Ve puughu mindai ta asasavia saveenj tau nambua tomania tamtamon tsiau ne?”
- 17 Pa saawe tau yau napaduduunj gham, yam ambuzir pa alinjag.
Ve azoroor saveenj tsiau ve aveleghi imin kaut sorok.
- 18 Isaav ighe aghita umbuunja eta, na yam lolomim poia pani, ve aghamu imin etamim.
Ve yes tau tighurghur boog na, yam apaak zi ve yamja alaghlaagh. *
- 19 Saveenj sasaghati ve karom naol, ta ivotvot ila avomim.
- 20 Yam anjalngal saveenj pa ziiri waaro tsiam, ve avavaghamunia tonjetaz tsiam ezazi.
- 21 Mindai, yam aghamgham tauvene ve aghita naneneen, tauta aghe yau nayok pa ngar tsiam tana?
Yam aghe itinja rarateen? Mako!
Tauta aazne, yau nayaon gham, ve nasaav ila matamim, ve navotia sosor tsiam ivot ighazonj.
- 22 Tauvene yam tau lolomim iveghveegh payau na, ayamaan gham!

* **50:18:** Ro 1:32

Mako pale naburig, ve navaghamun gham kat. Ve eta irau ipas gham ila nimag mako.

²³ Tauvene lolomim poia payau, ve apait ghau pa poia tsiau.

Pa watoonjrau tauvene, tauta igham ezag imin tiina.

Tamtamon tau maata ingal tauu pa laghoonj tooni, ene pale natotoi uleenj tsiau pani, ve naghham mulini. *

51

Surjuunj to tavotia sosor toit

Mbounj to David

Mbounj tane injarui saawe tau David igham sosor tiina ve propet Natan ila iyaoni [2Sam 12:1+]

¹ O Maaron, yo lolom isaghav tamtamon tsio ari-aan ve uluul zi.

Tauvene lolom isaghatin ghau ve upul sosor tsiau.

Yau nazoor alinjam. Eemon poia tsio, ene tiina kat, ve lolom isaghatin tamtamon tsio kat.

Tauvene ureu sosor tsiau isov ilale. *

² Yau nasosor pa eez tsio, ve naghham ngar saghati ila yo matam.

Urughuuz ghau, ve ugham ghau nangalaan ila yo matam muul.

Ureu sosor tsiau isov ilale. *

³ Pa yau naghilaal sosor tsiau wa. Yau nazoor alinjam ve nasosor pa eez tsio.

* **50:23:** Mbo 91:16; Lu 2:30
22:16; Hib 9:14; 1Yo 1:9

* **51:1:** Lu 18:13

* **51:2:** Mbanj

Saawe isov, sosor tsiau ighengheen tomani
ghau, ve matag ingalngali.

- ⁴ Sosor tau naghamu ne, ene inarui ghom mon.
Yau naghama ngar saghati ila yo matam.
Tauvene isaav ighe uvotia sosor tsiau ivot
ighazon, ene iduduun.
Onoon kat, isaav ighe ugabiiz ghau ve ughur
atuya payau, ene sosor mako. *
- ⁵ Saawe tau tina ipoop ghau ve ilam, yau nasosor
pa eez tsio.
Saawe tau tina inaam ghi payau, saghati ikis
ghau pataghaan wa. *
- ⁶ Maaron, yo ughe yau nataghon saveen onoon
toman lolog.
Tauvene taum upaghazonai ghau pa ngar
popoia.
Leso nakisi tunja ila lolog. *
- ⁷ Ureu sosor tsiau isov ilale. Leso nangalaan ila yo
matam.
Urughuuz ghau le nangalaan kat imin taitai
pisosoonja. *
- ⁸ Yau naghe naloon ghom usaav ughe yo ureu
sosor tsiau wa.
Leso tintinig ve lolog poia muul.
Yo ughur patanani tiina kat inarui ghau pa
sosor tsiau. Uul ghau, lesa tintinig muul.

* **51:4:** Lu 15:21; Ro 3:4 * **51:5:** Gnp 8:21; Ep 2:3 * **51:6:** Mbo
119:66; Yo 4:23 * **51:7:** Is 1:18; Syg 7:14

- 9 Ngar tsiau naol tau isosor pa eez tsio na, matam ila pani muul sov.
Ureu sosor tsiau isov ilale.
- 10 Maaron, ugham ngar ngalaanja ivot ila lolog, ve upalot ghau.
Leso nayooz tunja muul ve nataghon dudunjai ngar tsio. *
- 11 Uziir ghau pa naghom sov.
Ve usan Avuvum Patabuyaanj ighau payau sov.
- 12 Muunj, yo ugham mulin ghau le lolog poia kat.
Aazne, naghe ugham tauvene payau muul.
Upaburigin ghau, lesa matag lonlonjai payo irau saawe.
- 13 Ighe ugham tauvene, yau aat napaduduunj yes tau tizorzoor alinjam,
ve yes tau tinghamgham sosor na, pale titoor ngar toozi imuul ilat payo.
- 14 Maaron, sosor tsiau to nalinj sinj, ene tiina kat.
Irau to namaat pani.
Eemon yo Maaron tsiau ve Uleenja tsiau.
Tauvene ugham mulin ghau, ve ureu sosor tsiau ilale.
Leso lolog poia kat, ve nambou toman alinjam tiina, ve napait ezam pa ngar tsio dudunja.
*
- 15 Yau mayag pa sosor tsiau, ve naneneenj mon.
Tauvene ureu sosor tsiau ilale. Leso avog pakia, ve napait ezam.

* **51:10:** Ezek 36:26; Yo 3:3+; 2Kor 5:17 * **51:14:** Ro 6:23

- 16 Maaron, yo lolom pa naghama ngai imin watoonrau payo mako.
Watoonrau tau yav ighan dodolini na paam.
Imin ta igham ghom lolom poia, kanan naghama.
Eemon yo lolom pa ngar tauvene kat mako.
- 17 Watoonrau tau yo lolom pani na, ene tauvene:
Yau aat natatan taug, ve lolog ipatanan pa sosor tsiau.
Ene watoonrau tauu.
Tamtamon tau ighe itatan tauu, ve loolo ipatanan pa sosor tooni, ene yo irau ughur murim pani mako. *
- 18 Maaron, ugham poghania nugh Zion itaghon taum lolom.
Ugharaat mulin didiin ariaana tau ilivut Yerusalem na, le izaa iyooz muul.
- 19 Leso nigham watoonrau tau iduduun ila yo matam.
Pale niyau makau tilam, ve nighur zi izala artaal tsio ve yav ighan dodolin zi.
Leso ughita ve lolom poia kat.

52

Maaron pale ighur atuya payes zeran sasaghati

Mbounj to David

Mbounj tane inarui saawe tau Doeg tau Edom tamazi na ila ipaes pa Saul ighe David ileep tomania Ahimelek

* 51:17: Mbo 34:18

- ¹ Yo ñeer ariañam, mindai ta aliñam izazaa, ve upakur ghom pa ñgar saghati tau ugham pa Maaron tamtamon tooni?
Poia, ughamu lak! Eemon saawe isov, Maaron loolo isaghav tamtamon tooni ve iuluul zi. Ñgar tooni tawe irau isov ne mako.
- ² Yo ñeer to karom! Monmon, uiliil eez to uvaghamunia tamtamon.
Ve saveeñ isov tau ivotvot ila avom, ene imin gharghar tau maata kat.
- ³ Ñgar poia ve saveeñ onoon, yo lolom pani mako.
Ve ñgar saghati ve saveeñ karom, yo lolom pani kat.
- ⁴ Yo avom karom.
Ve saveeñ sasaghati naol tau ivaghamunia tamtamon na, yo lolom pani kat.
- ⁵ Tauvene Maaron pale ivaghamun ghom le usaghat kat. Irau uburig muul mako.
I pale ilonñ ila ruum tsio loolo, ve isasaar ghom uvot ula muuri,
mako ipas ghom ila yes tau matazi yaryaare na sosozi, ve isik ghom uzila nugh to mateegha.
- ⁶ Ñgar tau Maaron pale igham payo na, ighe zeran dudunazi tighita, ene pale tiroi.
Mako tinññ payo, ve tisaav tigde:

- 7 “Aghita. Ene njeer tau loolo pa igham uleenj ila to Maaron ve iyoonj ila tooni mako.
I kuaz tauu kat. Ve inumeer gabua tooni naol tawe toman njar tooni saghati ighe pale ighamu ileep poi.”
- 8 Eemon yau pale nayooz tunja ve naleep malau izi taan, imin ai oliv tau iyooz ilonj ila Rumei to Maaron sirsiira.
Pasaa, yau nanumeer Maaron naghe i pale loolo isaghav tamtamon tooni ve iuul zi taghon taghon gha ila.
- 9 Maaron, yau lolog poia kat pa njar tau yo ughamu na.
Tavene yau aat napait ghom pa poia tsio taghon taghon gha ila.
Ve napait ezam ila yes tau lolozi isaghav ghom ariiaan na matazi, ve nasavi ghom pazi naghe: Yo poiam le poiam kat.

53

Zeran kankanoonja tau tiwatagh Maaron mako

Mbounj to David

- 1 Yes kankanoonja tau tiwatagh Maaron mako na, tigham njar ila lolozi tigde: “Maaron eta ileep mako.”
Zeran tavene, Maaron loolo pazi mako kat. Pasaa, njar toozi isaghat wa. Tauta tighamgham njar sasaghati naol.
Eta igham njar poia mako. *
- 2 Maaron ileep izi sambam, ve maata izizi pa tamtamon.

* 53:1: Mbo 10:4, 14:1+

I ighe ighita: Toozi eta ighilaalo, ve izuari ghi ighe le iwatagh katini, ma mako?

- ³ Eemon tisov tipul murizi pani, ve tisaghat wa.
Toozi eta igham ngar poia mako. Mako le mako kat. *
- ⁴ Tauvene Maaron igham ngar naol ighe: “Zeran tau tinoknok ghamuun ngar sasaghati na, lezi ghilaloon ma mako?
Saawe isov, yes tipapasov tamtamon tsiau, le gabua toozi isov kat, imin yes tau luazi itan pa ghaniin aniin popoia, ve tighan suvinia. Ve matazi ingal ghau ve tisun payau mako.”
- ⁵ Zeran tauvene aat tiyamaan zi. Pasaa murei, roin tiina kat pale igham zi.
Muun, tiroi tauvene mako.
Eemon tipaburigin malmal payam, tauta Maaron pale irav zi timatmaat, ve tuazi igheen imin ngiriis.
Tauvene yam pale aliiv zi, ve mayazi. Pasaa, Maaron ighur muuri pazi kat.
- ⁶ Oyai, Maaron tau ileep izi nugh Zion na, iuul yes Israela ve igham mulin zi pa patanani toozi, o poi!
Isaav ighe Maaron iuul tamtamon tooni, ve tileep poia muul, ene pale tintinizi.
Onoon kat, Yakop paaghu tooni pale lolozu poia le poia kat. *

* 53:3: Gnp 6:5; Ro 3:10+; Ep 2:3

* 53:6: Mt 1:21; Ro 11:26

54

Tamtamon ee ighason Maaron to itatan koiņa

Mbounj to David

Mbounj tane injarui saawe tau tamtamon to nugh Zip tila to Saul, ve tipaes pani tighhe David iyonjyoon ila sosozi. Neer tau imuun pa mbounj na, aat isaav pa tamtamon to tirav gita ve timbou mbounj tane

¹ O Maaron, yo ezam tiina pa tapirim ve poia tsio.

Uvool tsiau ve upas ghau navot pa patanjani tsiau tane!

Utotoi tapirim pa koiagna, ve ugham mulin ghau ila nimazi. Leso upaghazonjai ghau ila tamtamon matazi ughe yau naghham sosor eta mako.

² Maaron, ughur talinam pa sunjuunj tsiau.

Uloonj alinag tane ve uul ghau.

³ Pa zeran sasaghati to nugh malau tilam tipaburigin malmal payau.

Yes tau tizuari zi pa ravuunj ghau namaat ne, tamtamon tiroi pazi. Pasaa, lolozi isaghatin tamtamon rigta mako.

Yes tipapakur tauzi, ve matazi ingal Maaron mako.

⁴ Eemon Maaron, i Uleenja tsiau.

Yau naleep ila Tiina tsiau niima, tauta aazne naleep matag yaryaare.

⁵ Ngar saghati tau koiagna tigham payau ne, upamuule ila pa tauzi.

Upasov zi le tisov kat itaghon saveen mbuaan tsio.

⁶ Yoova, yo poiam kat!

Tauvene lolog poia payo, ve naghe nagh
watoonrau to napait ezam.

- ⁷ Pasaa, yo uul ghau ve upas ghau navot pa
pataņani tsiau naol isov.
Yo utatan koiagna ila taug matag, ve naliiv zi
wa.

55

Sunjuunj to tamtamon tau iitete ighur koi pani

Mbounj to David

Neer tau imuun pa mbounj na, aat isaav pa tamta-
mon to tirav gita ve timbou mbounj tane

- ¹ O Maaron, ughur taliņam pa sunjuunj tsiau.

Yau nataņ rarai ghom: Lolom isaghatin ghau
ve uul ghau. Uņgooz naghom payau sov.

- ² Uloonj sunjuunj tsiau tane, ve uul ghau.

Pa pataņani naol igham ghau le isoonj ghau
kat.

Tauta lolog bubu ve tapirig isov.

- ³ Koiagna aliņazi izazaa, ve tigham saveeņ paroiņ
payau.

Zeran sasaghati tawe tigham pataņani tiina
payau tighe titatan ghau.

Atezi yavyav payau, ve tighur koi payau kat.

- ⁴ Paita namaat tane. Tauvene ateg ipaparav, ve
naroi kat.

- ⁵ Roiņ tiina igham ghau le tinig irur, ve punitag izi.

- ⁶ Tauvene napasawal naghe: “Oyai, leg bageg imin
mbuun, o poi!

Leso narooov naghau nala nugh malau, ve namariau.

⁷ Pale nala nala le nala nugh nginaanja ta malau geeg we, ve nail niag poia eta to naleep pani.

⁸ Onoon kat, imin ta leg bageg imin man, kanan rekia mon naghau nala ve nail niag eta to yonjaan.

Leso naleep ta sewe, ve nasaan le patanani tane isov. Pasaa, ene imin naleep ila uman ve yaghur tiina loolo.”

⁹ Tiina tsiau, ukau zeran sasaghati tawe saveen toozi, lesa ighur anooja sov. Ve upasov zi gha tilalez.

Pa yau naghita ngar to ghamuun malmal ve zoraan saveen ivon kat ila nugh tiina tane loolo.

¹⁰ Mbonj ve mataaz, ngar tauvene ivotvot ila nugh loolo.

Nugh tane ivon kat pa ngar sasaghati naol ve patanani.

¹¹ Onoon kat, tamtamon tivaghamunia lepooch to nugh le isaghat kat.

Tamtamon to nugh tane, isaav igha tilup zi izi maaran to tigharaat saveen, ma tiraokol, ene monmon titatan zetazja ve titombaan zi, lesa tium gabua toozi. Ngar toozi tawe, tipulpuli mako.

¹² Imin ta koiag eta ivelegh ghau, kanan poia. Patanani tauvene, yau irau nabaado.

Ve imin ta tamtamon ite paam tau ighur koi
payau na, maata tatanin ghau, kananj poia.
Pasaa, tamtamon tauvene, yau irau nayoony
pani.

13 Eemon mako. Ena yo ta muunj, naghit ghom
naghe ituru ngar toit eemon.
Ve naghe pa yo njeer tsiau, ve etag duduunj.

14 Ve tinig irav ilat tsio, ve naghita ituru lupuunj toit
poia.
Ve muunj, itiņa eval tiina taluplup ghiit pa
sunjuunj ila Maaron rumei tooni loolo.

Eemon aazne, yo uzi gha umin koiag. *

15 Maaron, koiagna lolozi ve ruum toozi, ene ivon
pa ngar sasaghata naol.
Upateenj zi pa mateegh, o poia.
Naghe tileep matazi yaryaare ve tizila nugh to
mateegha. *

16 Tauvene yau aat napoi Maaron to iuul ghau.
Yau nawatagh: Yoova pale igham mulin ghau
pa patanjani tsiau.

17 Saawe isov, yau natanj raraini pa mbonjoozo,
zegmatuugh, ve ravrav, ve navotia patanjani
tsiau pani.

* 55:14: Mbo 41:9; Yo 13:18+ * 55:15: Muunj, saawe tau yes
Israela tilaghlaagh izi nugh nginaanja, tamtamon tol tizoor Mose
tighe i irau ingin zi mako. Ezazi ene Kora, Datan, ve Abiram. Ngar
toozi tawe igham Maaron aate yavyav. Tauvene igham taan ikaak,
ve yesņa tamtamon toozi tisov titap tizila. Ra taan aavo ila ivool
muul (Ughita Namba 16:1-34.) Njeer tau itoor mbounj tane igha
Maaron igham ngar tauvene ivot pa koiņa, o poia.

Ve i pale iloonj alinjag, ve iuul ghau.

18 Onoon, koiagna katini tilup zi tighe tigham malmal payau, ve titatan ghau.

Eemon Maaron pale ipas ghau ila nimazi, ve naleep poi.

19 I pale iloonj sunjuunj tsiau, ve itatan zi.

Pasaa, muunj geeg ve ilam, i ilepleep ila niia to ghamuunj pooz.

Ve itortoor ngar tooni mako.

Tauvene yes tau tiroi pani mako, ve ngar toozi iyaryaaj tighe tizoor i aliinja na, i pale itatan zi.

20 Etag tau muunj yeiru niluplup ghei na, ighita saveenj mbuaaj tooni imin kaut sorok.

Tauta ireu saveenj tooni, ve igham malmal pa zeetja tau muunj yesja lupuunj toozi eemon na.

21 Saveenj tooni, ene poia ve ngoreenja kat.

Eemon ila loolo, i ighe igham malmal.

Taloonj saveenj tooni tawe, ve taghe pa i ighe igham loloon poia.

Eemon mako. Saveenj tau ivot ila aavo na, injal tamtamon imin mbuzaagh.

22 Saa gabua ma patanjani tau ighe ivot payo na, ughur zi tila Yoova niima.

I pale ipariaaj ghom, ve ikis ghom uleep poi.

Pasaa, i maata injalngal zeran dudunjazi.

Irau ipul zi titap pa tovaaj eta ne mako. *

* 55:22: Mt 6:25+; Lu 12:22+; 1Pe 5:7

23 Eemon zeran karomņa, ve yes tau tilinļiņ siņ pa
 tamtamon na,
 Maaron, yo pale urav motin saawe toozi
 tuuku,
 ve usik zi tizila nugh to mateegha.
 Ve yau, o nanumeer ghom naghe pale uul
 ghau.

56

Sunjuuņ to tamtamon tau inumeer Maaron

Mbounj to David

Mbounj tane iņarui saawe tau yes Pilistia tikis
 David izi nugh Gat. Aliiņa tauvene: 'Mbuun tau
 ileep nugh malau ve ineneņ mon.'

1 O Maaron, yau besooņa tsio. Lolom isaghatin
 ghau, ve uul ghau lak!
 Pa koiagna tinanaan ghau ne.
 Mboņ ve mataaz, tamtamon tizuari zi tighe le
 titatan ghau.

2 Saawe isov, yes tau tiņgalņgal saveeņ payau ne,
 tighamgham lilin ghau tighe tirav ghau na-
 maat.
 Yes tau tighamgham malmal payau ne, eval
 kat.

3 Maaron, yo Maaron Tiina Tau Uliiv Zimaronņa
 Tisov.
 Saawe tau roin tiina igham ghau, yau aat
 nanumeer ghom.

4 Yau napakur Maaron pa saveeņ mbuaaņ tooni,
 ve naghur ila tooni ariaaņ.
 Irau naroi mako.

Pasaa, tamtamon to taan tapirizi igheen sin-dei, lesó tivaghamun ghau? Mako. *

⁵ Saveenj tsiau, ene poia. Eemon saawe isov, ta mbonjoozo ila le ravrav izi, koiagna titortoor alinag muul imin saveenj saghati. Ve tiliil eez tighe le tivaghamun ghau.

⁶ Tilup zi ve tipapadeu pa laghoonj tsiau, ve tisanan tighe tirav ghau namaat. *

⁷ Maaron, puughu mindai ta upul zeran sasaghati tawe tileep? Uyat ngar toozi tawe lak! Utotoi aatyavyav tsio pazi, ve utatan zi, lesó tapirizi isov kat!

⁸ Yo uwatagh: Yau nabaad patanani naol ve natanjan. Eemon patanani tsiau isov, yo ubood zi ila rau tsio wa. Ve naghe matag suuru paam, uwatoa ila yaa paatu tsio, ve ughuru igheen. Lesó matam ingalngal ngar ma patanani tau ivotvot payau ne.

⁹ Maaron, yau nawatagh: Yo uvolvool tsiau. Tauvene saawe tau ighe natanjan rarai ghom pa uleen, yo pale uul ghau, ve ugham koiagna titoor zi, ve tighau muul tila.

¹⁰⁻¹¹ Tauvene yau napakur Maaron pa saveenj mbuaanjan tooni, ve naghur ila tooni ariaanjan. Irau naroi mako.

* **56:4:** Mbo 27:1, 118:6; Ro 8:31; Hib 13:6 * **56:6:** Mk 3:6

Pasaa, tamtamon to taan tapirizi igheen sin-dei, lesó tivaghamun ghau? Mako. *

12 Maaron, yau naghe naghám watoonraú payo itaghon saveen mbuaan tsiau.

Pasaa, yo uul ghau ve ugham lolog poia kat. Tauvene yau aat naghám watoonraú, ve napait ghom pa poia tsio.

13 Pasaa, yo ugham mulin ghau pa mateegh, ve uul ghau le naliiv koiagna.

Tauta yes irau tigham ghau natap mako.

Yo ugham tauvene, lesó naghilaal naghe yo uleep tomani ghau pa lepoogh ve laghoon tsiau, ve ghazooná tsio isul ghau ve naleep poi.

57

Maaron, utotoi tapirim ve poia tsio ivot ighazoonj

Mbounj to David

Mbounj tane inarui saawe tau David ighau pa Saul, ve iyoon ila maet puura. Paesiinj ila pa neer tau imunmuun pa mbounj na tauvene: Mbounj tane aliinja, ene: 'Ureua sov.'

¹ O Maaron, yau besooná tsio. Lolom isaghatin ghau ve uul ghau lak!

Yau nanarui ghom naghe nayoonj ilat tsio.

Upoon ghau imin tatareek ipagud natja ila baage saamba, le irau patanani tane isov.

Pa aazne, lepoogh tsiau, ene imin naleep ila uman ma yaghur tiina loolo.

* **56:10-11:** Mbo 27:1, 118:6; Ro 8:31; Hib 13:6

- 2 Yau natanj rarai Maaron Tiina Tau Iliiv Zimaronja Tisov na, naghe iuul ghau.
Pasaa, ngar tooni ighurghur anooja. Saa ngar tau i ighe ivot payau, ene aat ivot.
- 3 I pale ileep izi sambam, ve igham uleenj payau, ve igham mulin ghau.
Pale iyooz payau, ve itatan koiagna tau tinanaan ghau ne.
Pasaa, i loolo isaghav tamtamon tooni ve iuluul zi, ve saawe isov itataghon saveenj mbuaanj tooni.
- 4 Koiagna tilivutin ghau wa.
Yes timin laion tau luazi isaghat pa ghaniinj tamtamon.
Livozi maata kat imin paneegh natja ve iiz.
Ve yamazi paam, maata kat imin mbuzaagh to malmal.
- 5 Maaron, ugham ilaal eta ivot ila sambam saamba. Leso tamtamon tighita ve tighilaal ghom tigde yo ezam tiina kat.
Ve utotoi tapirim ve poia tsio le irau taan isov paam!
- 6 Patanjani tane itatan ghau kat.
Pasaa, koiagna tiraar puugh payau tigde tisaghav ghau.
Ve titai puura ila eez tsiau, lesu natap nazila.
Eemon mako. Tauzi titap tizila.
- 7 Maaron, lollog ruru payo mako.
Lolog isaghav ghom ariaanj.
Tauvene yau aat nambou ve narav gita to napakur ghom.

- 8 Lolog ighur naghe nughitun, o naburig, ve nagharaat taug,
ve narav ambam tsiau ve gita ila ila le aaz pisikia iza.
- 9 Tiina tsiau, yau aat napait ghom pa poia tsio ila tamtamon to nugh nugh matazi.
Pale yeŋa tamtamon to nughmarin̄ nilup ghei pa suŋuun̄, ve nait mbounj to napait ghom.
- 10 O Yoova, yo lolom isaghav tamtamon tsio, ve uluul zi.
Ngar tsio tana, ene tiina le tiina kat. Izala izala le ikis sambam.
Ve ŋgar to taghoniin̄ saveeŋ mbuaaŋ tsio tau-vene paam. Izala le ikis taitai. *
- 11 Maaron, ugham gabua eta ivot ila sambam saamba imin ilaal pa tamtamon. Leso tighita, ve tipait ezam izala le izala kat.
Ve utotoi tapirim ve poia tsio irau taan isov!

58

Neer ee ighason Maaron to ighur atuya pa yes daaba sasaghati

Mbounj to David

Paesiin̄ ila pa ŋeer tau imun̄muun̄ pa mbounj na tauvene: Mbounj tane aliin̄a, ene: 'Ureua sov.'

1 Yam daaba, aloon̄. Ngar tau yam asasavia na, ene iduduun̄?

Ve isaav ighe agabiiz saveeŋ to tamtamon ve aghur atuya pazi, yam ataghon ŋgar duduun̄a? Mako kat!

* 57:10: Mbo 36:5

- ² Lolomim ariaan pa n̄gar saghati mon,
ve avavaghamunia tamtamon irau nugh
nugh.
- ³ Zeran sasaghati, saawe isov, tissor pa eez poia.
Saawe tau tinaz̄na tipoop zi ve ilam, avozi
karom, ve tissor pa Maaron eez tooni.
- ⁴⁻⁵ Saveen̄ tau ivotvot ila avozi na, ene ivav-
aghamunia tamtamon imin moot saghati.
Ve isaav ighe tatoova to tapaduduun̄ zi, ene
irau tiloon̄ ghiit mako. Pasa, tipoon
talin̄azi.
Yes timin moot to malmal tau talin̄azi puura
mako. Tauvene isaav ighe moot tawe
taama iviv pirai, les̄o ighamu loolo poia ve
imogheer, i irau iloon̄ pirai luutu mako.
- ⁶ O Maaron, zeran tawe timin laion paghpaaghu
tau matazi ghamuun̄ malmal.
Arav polpolin livozi, ve apas zi! Les̄o
tivaghamun tamtamon sov.
- ⁷ Upasov zi gha tilalez, imin yaa tau ireer ila le
imaak.
Uvaghaaz zi ila aghem saamba imin tamta-
mon tivaghaaz kikiliin̄ le igorgor.
- ⁸ Ugham zi timin golgool tau timaat ve timbuuz.
Naghe timin geegeu tau tinaz̄na tipoop zi ve
timin sin̄ mon.
Irau tileep ve tighita aaz mako.
- ⁹ Maaron pale rekia mon in̄goor saawe toozi tuuku,
imin gabua gorgori tau yav ighani rekia.

Aatyavyav tooni pale iza a toozi, ve ipasov zi gha tilalez, imin pen tau yaghur ivuvuura ila.

¹⁰ Isaav ighe tamtamon dudunazi tighita Maaron ighur atuya pa zeran sasaghati ve iyat ngar toozi, ene pale lolozi poia.

Zeran sasaghati sinj toozi pale ireer izi ve ipot izala taan paavo, ve tamtamon dudunazi tilaagh ila.

¹¹ Mako tamtamon tisaav tighe:

“Onoon kat, Maaron ilepleep, ve igagabiiz tamtamon to taan, ve ighurghur atuya pazi. Ve yes tau titaghon ngar duduunja na, i ighamgham lezi atuya popoia.” *

59

Neer ee ighason Maaron to ipoona pa koiŋa

Mbounj to David

Mbounj tane inarui saawe tau kinik Saul imbaan uraata tooni siriv tila ruum to David, to tipadeu pani ve tiravu imaat. Paesiin ila pa neer tau imunmuun pa mbounj na tauvene: Mbounj tane aliinja, ene: ‘Ureua sov.’

¹ Maaron tsiau, uul ghau ve upas ghau ila koiagna nimazi.

Ughur ghau nazaa saanja, ve matam payau. Leso koiagna tivaghamun ghau sov.

² Ugham mulin ghau, ve upas ghau ila zeran sasaghati tane nimazi.

Pa yes zeran to linjin sinj.

* **58:11:** Mbo 37:37; 2Tes 1:5+

- 3-4 Maaron, ughita! Yes tau tapirizi tiina na, tilup
zi ve tigham lilin ghau tigha tirav ghau na-
maat.
Yes lolozi isaghatin tamtamon mako.
Ve yau leg sosor eta mako.
Nazoor saveeņ eta mako, ve naghama ngar
saghati eta mako.
Eemon aazne, tigharaat tauzi tigha tigham
malmal payau.
Maaron, uburig uvool tsiau, ve ughit zi!
- 5 Yoova, yo Maaron saksakim ve unġin gabua naol
isov. Yo mon ta Maaron to Israel.
Yes nugh nugh tau aazne tighur koi payau ne,
muuņ lupuuņ tsiei eemon. Ve aazne tighur
koi payau.
Uburig ve ughur atuya pazi.
Ughurghur zi sov! Pa yes zeran sasaghatizi,
ve avozi karom.
- 6 Ravrav ta naol ne, koiagna tilamlam, ve tilagh-
laagh ila nugh loolo.
Tiņaaņ maripazi ve lolozi nurnuria imin
ngavuun tau ighe ighan tamtamon.
- 7 Ughita. Saveeņ sasaghati mon ta ivotvot ila
avozi.
Yamazi, ene imin mbuzaagh maata.
Ve tisavsav tigha: “Sei pale iloon ghei?”
- 8 Eemon Yoova, yo ughit zi, ve unġin pazi.
Yes nugh nugh tau tiwatagh ghom mako na,
yo uvelegh zi ve ughe tirau saa?
- 9 Maaron, yau naghama taping ilat tsio.
Tavene naghurghur matag payo, ve
nasasaņan mon.

Koiagna irau tigham gabua eta payau mako.
Pasaa, yo uponpoon ghau pazi imin mae-
taaz tau izala kat.

10 Maaron tsiau, yo lolom isaghav tamtamon tsio
ve uluul zi.

Yo aat ulam tomani ghau, ve utatan koiagna,
ve naghita pa taug matag.

11 Eemon urav zi timaat rekia sov.

Upul zi tileep toman patanani. Leso tamtamon
tsiau matazi kisin ngar tsio tau ughurghur
atuya pa zeran sasaghatizi.

Maaron, yo umin sigheu payei.

Utatan zi pa tapirim le tivaghamgham, ve
ureu zi le timbiriis tilalez lez.

12 Pa saveenj tau ivotvot ila avozi na, poia mako.
Monmon avozi isosor.

Yes tighamgham karom pa tamtamon, ve
tisiksik saveenj sasaghati naol pazi.

Eemon ngar toozi tau tipapait tauzi ve tivelegh
ghom, ene pale imin liis pazi.

13 Tauvene utotoi aatyavyav tsio pazi, ve
uvaghamun zi.

Maaron, upasov zi le tisov kat.

Leso tamtamon irau taan ziige ta naol ne,
tighilal ghom tighe yo ughamgham pooz
pa yei tau Yakop paaghu tooni ne.

14 Ravrav ta naol ne, koiagna tilamlam, ve tilagh-
laagh ila nugh loolo.

Tinjaan maripazi, ve lolozi nurnuria imin
ngavuun tau ighe ighan tamtamon.

- 15 Yes timin ngavuun tau tilaghlaagh ve tiliil aniinj.
Ve isaav ighe tighan irao mako, ene aat tino-
knok tanjiz.
- 16 Eemon yau aat nambou, ve napait ezam pa
tapirim tiina.
Mbonjoozo ta naol ne, yau aat nambou ve na-
pait ghom pa ngar tsio tau lolom isaghav
tamtamon tsio ve uluul zi.
Pasaa, yo uponpoon ghau imin maetaaz tau
izala kat.
Isaav ighe patanani ivot payau, yo pale umin
didiinj ariaana payau, lesa nayoonj ila.
- 17 Maaron, yau naghhamgham tapirig ilat tsio. Tau-
vene nambou ve napait ezam.
Maaron tsiau, yo uponpoon ghau imin mae-
taaz tau izala kat.
Ve yo lolom isaghav ghau, ve uluul ghau irau
saawe.

60

*Neer ee ighason Maaron ighe maata imuul ila pa
tamtamon tooni*

Mbounj to David

Timbou mbounj tane to tipaduduunj tamtamon.
Mbounj tane injarui saawe tau David yesna yes
Aramea, ve Mesopotamia, ve yes Soba tigham
malmal, ve Yoab imuul ila ve irav yes Edoma
12,000 izi nugh duduuna tau sol ighéen ila.

- ¹ Maaron, yo atem yavyav payei, ve ughur murim
payei.
Tauta koiamaina tireu mbirisai didiinj ariaana
tau ilivut nugh tsiei ne, ve tilonj tilam.
Tiina tsiei, matam imuul ilam payei, ve
ugham lepoogh tsiei poia muul.

- ² Malmal tau ivot ne, ene imin ugham taan tsiei irur le ivavaal, ve aavo ikaak.
Nugh tsiei isaghat wa.
Tauvene nitanj rarai ghom nighe ugharaat mulin nugh tsiei. Mako pale nisaghat le nisaghat kat.
- ³ Yei tamtamon tsio. Eemon yo ugham patanjani tiina kat ivot payei. Nighita saawe tane saghati kat.
Aatyavyav tsio iza tsiei, le igham ghei ni-vaghamgham imin upaghun ghei pa yaa ariaanja.
- ⁴ Saawe tau saghatiinj tane ighe ivot payei, yo utotoi pilak tsio pa yei tau niroi payo ve nitaghon ngar tsio.
Leso niñarui ghom nilat, ve upon ghei pa koiamanja.
- ⁵ Maaron, yei niwatagh: Yo lolom igheen tsiei kat.
Uloonj sunjunnj tsiei tane, ve utotoi tapirim ve uul ghei.
Ugham mulin ghei pa patanjani tane.
- ⁶ Muunj, Maaron ileep nugh tooni patabuyaan, ve isaav ighe:
“Yau naparav le naliiv koiagna wa.
Tauta tintinig ve navalagh taan Sekem ve nugh duduunja to Sukot, ve nareii irau tamtamon tsiau.
- ⁷ Taan sirivu to Gileat, ve taan to yes Manase paam, ene yau tsiau.
Rumei to yes Epraima timin hat ariaanja to napoon dabag pa malmal.

Ve rumei to yes Yuda timin titi tau nakisi imin
ilaal pa pooz tsiau.

⁸ Taan sirivu to yes Moapa, ene imin oon tsiau to
ririwaan.

Ve taan sirivu to yes Edoma, ene nugh tau
nasik zuzuunja to agheg izala.

Ve yes Pilistia, yau naparav tomani zi le naliiv
zi. Tauta tintinig ve nasir.”

⁹ Sei irau igham ghau naliiv koiagna ve nalon nala
nugh toozi tau didiin ariaanja ilivuti na?

Sei pale imuun payau, ve igherev ghau nala
navot taan sirivu to yes Edoma?

Ite paam mako. Yo mon.

¹⁰ Eemon Maaron, aazne yo ughur murim payei,
ve upaak zaaba tsiei muul mako.

¹¹ Maaron, uul ghei, leso niliiv koiamaanja.

Pa uleenj tau nighamghamu ila to tamtamon,
ene irao mako. Ene kaut sorok.

¹² Eemon isaav ighe Maaron ilam tomani ghei, ene
aat niliiv zi.

I irau itatan zi le tapirizi isov kat.

61

Sunjuunj to neer ee tau ileep malau pa nugh tooni

Mbounj to David

Neer tau imuun pa mbounj na, aat isaav pa tamta-
mon to tirav gita ve timbou mbounj tane

¹ O Maaron, uloonj tanjiiz tsiau.

Ughur talinam pa sunjuunj tsiau tane, ve uul
ghau.

- ² Pa aazne, yau naleep malau kat pa nugh tsiau,
 ve roinj tiina igham ghau le tapirig isov.
 Tauvene napoi ghom naghe uul ghau.
 Ugham ghau nazala maetaaz ta saanja we. *
- Leso gabua eta ivaghamun ghau sov, ve naleep poia.
- ³ Pa yo ta umin niag to yonjaan.
 Yo uponpoon ghau pa koiagna imin ruum ariajaan tau daaba malaua na.
- ⁴ Yau nanjuuv naghe le naleep ila balbaal tsio loolo, ve namin loom payo irau saawe.
 Yau naghe natal tsio ve upoon ghau imin tatareek ipagud natja ila baage saamba.
- ⁵ Maaron, saveen tau nambua tomani ghom na, yo ulooja wa.
 Yes tau tiroi payo ve titaghon ngar tsio na, yo ughamgham gabua popoia pazi imin lezi motot. Gabua tawe, yo ugham payau paam.
- ⁶ O Maaron, useen saawe to kinik tsiei.
 Nighe i ileep tauvene taghon taghon gha ila.
- ⁷ Nighe i ileep ila niia to ghamuun pooz ila naghom, ve igham pooz irau saawe.
 Yo lolom isaghav tamtamon tsio ariiaan ve uluul zi. Ve saawe isov, utataghon saveen mbuaan tsio.
 Tauvene matam pa kinik tsiei, ve unjini ileep poi. *

* **61:2:** Ngara siriv tige maetaaz tau neer tane isavia, ene loloz Zion tau rumei to Maaron iyooz izala na. Ve siriv tige maetaaz tawe iza ta Maaron tauu. * **61:7:** Lu 22:69; Ep 1:20

- ⁸ Isaav ighe yo ugham tauvene, yau aat nambou to napait ezam irau saawe.
 Ve mataaz ta naol ne, yau pale naghham uratoi saveenj tau nambua tomani ghom na, lesa anoonja ivot.

62

Sunjuunj to neer tau ighur ila to Maaron ariaan

Mbounj to David

Timbou mbounj tane itaghon ngar to Yedutun, i neer tau imunjuun pa mbounj

- ¹ Yau lolog bubu mako. Ateg izi, ve nasaan Maaron to iuul ghau.
 Pasaa, yau nawatagh: I mon ta irau igham mulin ghau pa patajani tsiau.

- ² Onoon kat, i mon ta Uleenja tsiau ariaanja.
 I iponpoon ghau imin maetaaz tau izala kat, ve imin ruum ariaanja to nayoony ila loolo.
 Tauvene gabua eta irau ivaghmun ghau mako.

- ³ Yam tau aghe avaghmun ghau ne, neez o apul ngar tsiam saghati tana?
 Yam asov azuari gham pa ravuun ghau pasaa?
 Aghita. Tapirig isov wa. Yau namin olol munjaana tau puughu imbuuz ve ighe imatit.

- ⁴ Yau leg ezag. Tauta ireu lolomim ve azuari gham aghe atatan ghau nazi.
 Yam zeran to karom kat! Agham karom, o lolomim poia.

- Yam asavsav ila avomim uuli aghe Maaron
ighur poia tooni iza tsiau.
Ve lolomim, aghe Maaron ivaghamun ghau.
- ⁵ Eemon yau lolog bubu mako. Ateg izi ve nasaŋan
Maaron to iuul ghau.
Yau naghurghur matag pani mon.
- ⁶ Onoon kat, i mon ta Uleeŋa tsiau.
I iponpoon ghau pa koiagŋa imin maetaaz tau
izala kat,
ve imin ruum ariaaŋa to nayoŋ ila loolo.
Tauvene gabua eta irau igham ghau narur ne
mako.
- ⁷ Yau nanumeer Maaron naghe i pale igham mulin
ghau pa patanani tsiau,
ve igham ezag ivot imin tiina.
Irau naroi mako. Pasaa, i ta imin niag to
yongaan,
ve iponpoon ghau imin maetaaz ariaaŋa.
- ⁸ Yam tamtamon to Maaron, anumeera irau
saawe.
Avotia lolomim pani, ve asavia patanani tsiam
isov ila tooni.
Pa i ta imin niaan to yongaan.
- ⁹ Tamtamon tisov timin kaut sorok.
Yes tau lezi ezazi mako, ve yes tau ezazi tinti-
ina na paam. Tileep rigmon ve tisov, imin
avuvuun tau ivotvot ila avoon ne.
Irau tanumeer zi mako.
Isaav ighe tagabiiz zi poi, ene tirau gabua eta
mako.
Pasaa, tomania uraat ve gabua toozi rekia
mon tilalez imin avuvuun tau ivotvot ila
avoon ne.

- 10 Tauvene ngar to ghamuuj malmal leso tayau leen gabua to tamtamon, anumeera sov.
 Ve ngar to umbuuj paam, aghur matamim pani to igham gham aleep poia na sov.
 Ve isaav ighe maet ma kuaz tsiam ivot imin naol, na aghur lolomim pani sov. *
- 11 Saawe naol, yau naloonj Maaron isaav ighe i mon ta le tapiri tiina.
- 12 Tiina tsiei, yo lolom isaghav tamtamon tsio ve uluul zi irau saawe.
 Ve yo ughurghur atuya pa tamtamon tisov itaghon ngar toz toz. *

63

Sunjuuj to njeer tau ipasawal ighe ileep igharau Maaron

Mbounj to David

Mbounj tane injarui saawe tau David ileep izi nugh nginaanja to Yudea

¹ O Maaron, yo Maaron tsiau.

Mbonjoozo geeg, sunjuuj tsiau injarui ghom naghe ulam uleep zigege.

Yau napasawal naghe le nalat nagharau ghom, o poi.

Pasaa, aazne naleep soghan payo.

Yau lolog payo kat, imin njeer tau ilaghlaagh ila nugh tau le yaa mako na, ve murun matini.

*

* **62:10:** Lu 12:16+; 1Tim 6:6, 17 * **62:12:** Mt 16:27; Ro 2:6; 1Kor 3:8; 2Kor 5:10; Syg 22:12 * **63:1:** Mbo 42:2, 84:2

- ² Pasaa, matag ingal imuul ila pa saawe tau naghith ghom ila rumei tsio patabuyaanj loolo, ve naghith katin tapirim tomania mbonarim.
- ³ Lepoghag to taan, ene poia. Eemon naghitha naghe ngar to lolom isaghav tamtamon tsio ve uluul zi, ene gabua tau poia le poia kat. Tauvene yau aat nayoora ezam ve napait ghom.
- ⁴ Pale napait ezam pa poia tsio ila ila le lepoogh tsiau to taan isov. Pale nait nimag iza, ve nasun payo.
- ⁵ Pasaa, yo ugham lolog poia kat, imin naleep ila ghanghaniinj, ve naghan aniinj tau poia ve ngoreenja kat le isoonj ghau kat. Tauta lolog poia kat, ve nambou mbounj to napait ghom. *
- ⁶ Saawe tau nazi nagheen, matag ingalngal ghom. Naghamgham ngar payo mbonj ila le nughizau.
- ⁷ Pasaa, yo ta Uleenja tsiau. Yau naleep poi ila nimam saamba imin tata-reek natnja tiyoonj ila baage saamba. Tauta namboumbou toman tintinig.
- ⁸ Yau lolog isaghav ghom kat, ve nimam tapir ipapalot ghau.
- ⁹ Yes tau tizuari zi pa ravuunj ghau namaat na, tauzi pale timaat ve tizila nugh to mateegha.

* 63:5: Mbo 23:5+; Mt 5:6

- 10 Pale mbuzaagh ighan zi gha timatmaat,
ve ngavuun sagsagna tighan patazi.
- 11 Eemon kinik tsiei, Maaron pale iuule ve ighamu
loolo poia kat.
Ve tamtamon tisov tau tiwaat Maaron eeza to
tipariaan saveen mbuaan toozi ve titaghoni
na, yes paam pale tipait Maaron eeza pa
tapiri ve poia tooni.
Eemon yes tau avozi karom na, Maaron pale
ipoon avozi.

64

Neer ee ighason Maaron to ipoona pa koinja

Mbounj to David

- 1 O Maaron, yau natan rarai ghom naghe uul ghau.
Uloon alinag tane, ve upoon ghau pa koiagna.
Pasaa, yes tigham ghau naroi kat.
- 2 Zeran sasaghati tilup zi ve tiliil eez to
tivaghamun ghau.
Upaghau ghau pazi: Mako pale tivaghamun
ghau.
- 3 Saveen tau tisiksiki payau ne, poia mako.
Yamazi, ene imin mbuzaagh tau tipoti le
maata kat.
Saveen tau tingalngali payau ne, ene imin pa-
neegh natja tau tikum gabua lilia ila.
- 4 Yes tiyonyoon, ve tيسانان yes tau lezi sosor
mako na.
Ve saawe tau tilam peria, mako rekia ve
tivanegh zi.
Pasaa, yes tiroi pa gabua eta mako.

- 5 Yes tipapazaagh tauzi pa ghamuuj ngar sasaghati.
Ve tivasavo zi pa nugh sindei tau pale tingooz liis toozi pani ve tisaghav tamtamon. Ve tighē:
“Ngar tau taghe taghamu ne, sei pale iwataghi?”
- 6 Yes tiil eez pa ngar saghati tau tighē tighamu, ve tipait tauzi tighē:
“Yei nirau kat pa ngar! Tauvene ngar to nighe nighamu, ene pale ighur.”
Oyai, iit tamtamon, tangooz ngar sasaghati naol ila loloon!
- 7 Eemon Maaron pale ivanegh zi pa paneegh tooni natja.
Pale rekia mon ve ivaghamun zi.
- 8 Saveenj sasaghati tau ivotvot ila avozi, ene pale imuul pa tauzi ve ivaghamun zi.
Ngar tau Maaron pale igham pazi na, pale tamtamon tighita, ve tililiit dabazi pazi ve tivelegh zi.
- 9 Ngar tau Maaron igham pazi na, ene pale igham tamtamon tisov tiroi, ve tigham ngar tiina pani, ve tisavia vaaru.
- 10 Tauvene zeran duduñazi pale lolozu poia pa Yoova, ve tiyoon ila tooni.
Yes tau ngar duduña igheen ariaañ ila lolozu na, pale tipaiti toman tintinzi.

65

Yes Israela tipait Maaron pa uman ve mariri poia

Mbounj to David

¹ Maaron, yei pale nilat nugh Zion ve nipait ghom, ve nigham uratoi saveeņ tau nimbua tomani ghom. Ngar tauvene, ene iduduņ.

² Pasaa, yo ulonloņ suņuuņ to tamtamon ve uluul zi.

Tamtamon tisov to taan aat tilat tilup zi ila naghom, ve tipait ghom.

³ Ighe ngar to zoraan saveeņ ve ngar sasaghati ikau ghei ve itatan ghei kat, yo ureu sosor tsiei. *

⁴ Yes tau yo usiigh zi timin lem, ve ugham zi tilat tileep tigharau ghom ila sirsiir to rumei tsio loolo, ene pale lolozu poia kat ve poia tsio izazaa toozi.

Yei nighe le nileep ila sirsiir to rumei tsio patabuyaan loolo.

Pasaa, rumei tsio, ene ivon pa gabua popoia naol.

Tauvene saawe tau nileep sewe, ene igham ghei lolomai poia le poia kat, ve niyamaan nighe nirao wa.

⁵ O Maaron, yo Uleeņa tsiei.

Yo ulonloņ suņuuņ tsiei, ve ughamgham uraat ngeretazi tintiina. Tamtamon tighit zi le tiroi.

Ugham mulin ghei itaghon ngar tsio duduņa.

* 65:3: Ro 3:25, 5:8

Tamtamon tau tileep irau taan tiina ve yes tau tileep irau sisi paam, tisov tinumeer ghom ve tighurghur matazi payo pa uleej.

⁶ Tapirim ilivut ghom imin nonoghiinja tsio.
Ila yo tapirim, ugham loloz tisov tivot, ve tiyooz tunja ila niazi niazi.

⁷ Isaav ighe te isaghat, ve dibom ipolpol toman luutu tiina, yo irau ughamu aate izi.
Ve tamtamon tauvene paam. Isaav ighe tipaburigin malmal toman oroor tiina, yo irau upasov malmal toozi, ve ugham zi atezi izi.

⁸ Tamtamon tau tileep irau taan ziige ta naol ne, tighita gabua ngeretazi tintiina tau yo ughamgham zi na, le roinj tiina igham zi.
Yes tau tileep ila pa aaz iza, ve yes tau tileep ila pa aaz izila na paam, yo ugham zi loloz poia kat. Tauvene tiyoor ezam toman alinjazi tiina.

⁹ Yo ta unjin taan, ve ugham uman izizi, leso taan ibees.
Ve yo ta ugham taan ngoreenja tiina ivotvot.
Yaa to Maaron, ene ivon ve irereer tauvene.
Irau imaak mako.
Yo ugharaat taan itaghon taum ngar tsio. Leso aninj katini ivot pa tamtamon.

¹⁰ Yo ugham uman izizi, leso ser ibees, ve aninj anooja katini ivotvot.
Yo ututur taan le ibees kat.

Ve poia tsio, tauta igham aniinj itum poi iza.
*

- 11 Yo poiam kat. Pasaa, ndaman tane, ugham mariri tiina ivot payei.
Aniinj tau itum ila uum tsiei, ene ipaboode imin moghar ndamoonda to yes kinik.
Nugh sindei tau ighe yo ula pani, ene gabua popoia katini tivotvot. *
- 12 Yo ugham kikiliinj popoia titum ila nugh nginaanja, lesu ngai maata maata tighan.
Ve uum popoia tau tigheen izala loloz na, ene upabood zi le paghunazi kat. Tauta loloz ta naol ne loloz poia ve tintinizi.
- 13 Nugh tau kikiliinj igheen ila na, makau ve sipsip tivon ila.
Ve aniinj katini titumtum ila nugh raapa.
Tauvene tamtamon loloz poia, ve timbou ve tiyoor ezam toman aliñazi tiina.

66

Tamtamon to Maaron tipaiti pa uraat tooni tin-tiina

¹ Yam tau aleep irau taan isov na, lolomim poia pa Maaron, ve ayoor eeza toman aliñamim tiina.

² Ambou ve apait eeza pa tapiri ve poia tooni.
Apakuru kat, pa i eeza tiina.

* 65:10: Mbanj 14:17 * 65:11: Mbo 67:6

- ³ Asaav pa Maaron aghe: “Uraat tintiina tau yo ughamgham zi na, tamtamon tighit zi le tiroi.
Pasaa, tapirim tiina le tiina kat.
Tauta koiamña tiroi payo kat, ve tiput aghezi ila naghom, ve titan rarai ghom tighe lolom isaghatin zi.
- ⁴ Ve yes mon mako. Tamtamon tau tileep irau taan isov, pale tiput aghezi payo, ve timbou ve tipakur ghom.
Loloji poia kat ve timbou to tipait ezam.”
- ⁵ Alam aghita uraat tau Maaron ighamu na.
I igham uraat tintiina to iuul tamtamon.
Uraat tawe itotoi katin tapiri. Tauta tamtamon tighita, le roinj tiina igham zi.
- ⁶ Muunj, i ivalagh te le sirivu ila pa ñas, sirivu ila pa tapir, ve taan mamaasa ivot.
Tauta timbuunña tilaagh taghoni, ve tila tivool pa ziige ite.
Tauvene iit loloon poia ve tintiniin pa ñgar tau i igham pazi ta sewe. *
- ⁷ I tapiri tiina kat. Pale igham pooz taghon taghon gha ila.
Saawe isov, i maata pa tamtamon to nugh-marinj, ve igagabiiz zi.
Tauvene yam to zoraanj saveenj, azoor pooz tooni muul sov. Aleep ila i saamba. *
- ⁸ Yam nugh nugh, apait Maaron tsiei pa poia tooni.

* 66:6: Igham 14:22 * 66:7: Igham 15:18

Apakuru toman alinamim tiina, leso tamtamon tiloonj paitoonj tsiam.

- ⁹ Pa i ta ikiskis ghiit taleep mataan yaryaare.
Ve i injinginjgin ghiit, tauta tatap mako, ve tay-ooz tunja.
- ¹⁰ Onoon kat, Maaron yo utoov ghei pa patanani siriv to ugham ghei ningalaanj ila yo matam, imin silva tau tighuru ila yav, leso yav ighani gha muun ighau, ve injalaanj kat. *
- ¹¹ Yo ugham ghei nighoon ila puugh tsio, ve ughur patanani tiina kat iza tsiei.
- ¹² Yo upul koiamainja tiliiv ghei, ve karis toozi to malmal tilaan izala pavomai.
Patanani tsiei, ene imin nilaagh ila yav tau ighanghan na loolo, ve nilaagh ila yaa tau ivon le tapiri tiina.
Eemon yo upas ghei nivot pa patanani tsiei, ve ugham ghei nileep poia, ve nirau kat pa gabua naol. *
- ¹³⁻¹⁴ Saawe tau naleep ila patanani loolo, yau nasaav payo naghe: “Isaav ighe yo uul ghau, yau aat naghams watoonjrau payo.”
Tauta aazne, nataghon saveenj mbuaanj tsiautana,
ve nalam rumei tsio naghe naghur watoonjraut siau izala artaal, leso yav ighan dodolini.

* **66:10:** Yems 1:2+; 1Pe 1:7 * **66:12:** Is 43:2

- 15 Yau aat naghham gabua tumbunazi, ve narav zi timin watoonrau payo, ve yav ighan zi le tisov.
Yav pale ighan sipsip tsiau zitamoot, ve vazizi poia izalat payo.
Ve tane mon mako. Pale naghham watoonrau pa makau ve mekmek paam.
- 16 Yam tau aroi pa Maaron ve ataghon ngar tooni na, asov alam ve aloon saveen tsiau tane.
Yau naghe navotia uraat tiina tau i igham payau.
- 17 Yau nataņ raraini pa uleenj,
ve avog ipaiti paam.
- 18 Saawe tana, imin ta nakis ngar saghati eta igheen ila lolog,
kananj Neer Tiina irau iloonj sunjuunj tsiau mako.*
- 19 Eemon i ighur taliinja payau,
ve iloonj sunjuunj tsiau.
- 20 Tauta napait Maaron pa poia tooni.
Pasaa, i imbuzir pa sunjuunj tsiau mako, ve ipas poia tooni payau mako.
Ngar tooni tau lolo isaghav tamtamon tooni ve iuluul zi, tauta itotoia payau.

* **66:18:** Yo 9:31; Yems 4:3; 1Yo 3:22

67

Yes Israela tipait Maaron pa mariri tau i igham pazi

Neer tau imuun pa mbounj na, aat isaav pa tamtamon to tirav gita ve timbou mbounj tane. Timbou mbounj tane to tapakur Maaron

¹ Maaron igham poghani ghiit ve ighur poia tooni iza toit.

I pale loolo poia pait, ve ghazonja tooni isul ghiit. *

² Leso tamtamon tau tileep irau taan na tiwatagh ngar tooni,

ve nughmarinj tighilaalo tighe i mon ta irau igham mulin zi. *

³ Maaron, nighe tamtamon to nugh nugh tipakur ghom.

Nughmarinj tipait ezam, o poi!

⁴ Nighe tamtamon to nugh nugh lolozi poia ve timbou toman tintinizi to tipakur ghom.

Pasaa, yo ugapabiiz tamtamon, ve ughagharaat patanjani toozi itaghon ngar duduunja.

Ve yo ta ughamgham pooz pa nughmarinj tau tileep irau taan isov.

⁵ Maaron, nighe tamtamon to nugh nugh tipakur ghom.

Nughmarinj tipait ezam, o poi!

⁶ Mariri poia ivot ila taan toit wa.

* **67:1:** Nam 6:24+ * **67:2:** Tit 2:11

Poia to Maaron toit pale igheen tomani ghiit
tauvene taghon taghon gha ila. *

⁷ Onoon kat, Maaron ighur poia tooni iza a toit.
Leso tamtamon tau tileep irau taan ziige ta
naol ne tiroi pani, ve titaghon ngar tooni. *

68

Maaron, i Uleenja ariaanja to tamtamon tooni

Mbounj to David

¹ Maaron aat iburig ve ireu mbirisai koinja.
Yes tau tighur koi pani, i pale iziir zi tighau pa
naagho.

² I aat ipasov zi le tisov kat, imin yav mbuasa tau
iza a, ve yaghur ivuvuura gha ilale.
Isaav ighe zeran sasaghati tileep ila Maaron
naagho, i pale ivaghamun zi gha tilalez,
imin bagil tau igheen igharau yav ziige, ve yav
ighamu ireer ila, le isov.

³ Eemon zeran dudunazi, yes pale lolozu poia kat.
Pale tileep ila Maaron naagho, ve tiyoor eeza
toman tintinzi.

⁴ Ambou pa Maaron. Ambou ve apait eeza, ve
agharaat eez pani.
I Neer tau ileep ila taitai paavo, ve ilandoova.
I eeza Yoova.

Alup gham ila naagho, ve tintinmim pani. *

⁵ Maaron ileep ila niia patabuyaanj, ve injinjin
yes paroonja imin tamazi.

* **67:6:** Mbo 65:11 * **67:7:** Mt 28:19; Syg 7:9 * **68:4:** Igham
19:16; Mbo 18:10+; Mt 26:64

I ivolvool to yes zinaara ve iyozyooz pazi. *

⁶ Yes tau zigazi tileep, ene pale Maaron igham tamtamon siriv timin zetazña, leso yesña tilup zi ve tileep.

Ve yes tau koiazña tizeev zi sorok tilonj tila ruum to yavyavuunj na, i ipaspas zi tivot, ve imuunj pazi, ve ighegherev zi tila, leso tigham lepoogh poia.

Tauvene yes timbou toman tintinizi, ve titaghoni gha tila.

Eemon yes tau tighamgham taliinjizi na, pale tileep saghat ila taan gorgori tau le yaa mako na.

⁷⁻⁸ Maaron, saawe tau yo umuunj pa tamtamon tsio Israela, ve yamña alaagh izi nugh nginaanja na,
yogyoog itok taan, ve uman tiina itap sambam saamba gha izi.

Maaron to Israel, nugh tsio to ghamuunj pooz, ene loloz Sinai. Yo utotoi taum uvot ughazoonj ta sewe. *

⁹ Maaron, taan tau yo ugham pa tamtamon tsio na, isaav ighe aaz tiina ve igorgor,
na yo ughamgham uman tiina izizi to ipabees taan, leso gabua titum muul.

¹⁰ Tamtamon tsio tigham taan tane imin lezi nugh to lepoogh.

* **68:5:** Igham 22:22+; Mbo 10:14, 146:7+ * **68:7-8:** Igham 19:16+

Yei mbolaan̄a. Lemai gabua eta mako. Eemon
Maaron, yo poia puughu.

Tauta ugham taan tane payei, lesu iuul ghei.

11 Neer Tiina ivotia malmal vaaru ighe i iliiv koin̄a
wa.

Tauvene zilivaa eval tilaan tila, ve tibobaini
tighe:

12 “Ou aloonj! Yes kinik tomania zaaba toozi tila
wa. Tisov tighawaar wa!

Tauta zaaba toit tiyau gabua to koiaan̄a
tilam, ve tigham pa zilivaa tau tileep nughei
we, lesu tivarei zi.

13 Zilivaa tsiei tipabood zi pa silva ma gol le paghu-
nazi kat, imin mbunumoor tau tigharaata
pa silva, ve tipaak gol milmilia ila baage.

Puughu mindai ta yam siriv ala pa malmal
mako, ve aleep sorok nughei tomania sip-
sip?”

14 Saawe tau Maaron saksaki ireu mbirisai yes
kinik,

i igham ais paatu paatu titaptap tizi ila loloz
Zalmon. Tauta inaan zi gha tighawaar.

15 Loloz to nugh Basan, ene tiina ve daaba izala
kat, ve le mbua ve sapsapu katini.

Daaba izala kat, tauta i le eeza.

16 Loloz to nugh Basan, yo lem mbua naol. Puughu
mindai ta ughita Maaron igham loloz Zion
imin niia to lepoogh, ve ireu lolom? Tauta
lolom isaghat pani ne?

Onoon kat, i pale ileep izi loloz tane taghon taghon gha ila.

17 Neer Tiina ipul loloz Sinai, ve ilaagh tomania karis tooni ndiḡndiḡ ndiḡndiḡ to malmal, le tila tivot niia patabuyaaj ta Zion we.

18 Maaron, yo ugherev koiamḡa katini tau uliiv zi na, gha titaghon ghom ve yamḡa azala loloz tsio daaba ta saaja we.

Tamtamon tigham lem gabua popoia maata maata.

Yes tau tizorzoor aliḡam na paam, tiput aghezi payo, ve tigham lem gabua.

Onoon kat, Maaron toit Yoova, monmon i ilepleep izi loloz tooni tane. *

19 Tapait Neer Tiina pa poia tooni!

Saawe isov, i iuluul ghiit pa badooḡ patañani toit.

Maaron toit, i Maaron tau ighamgham mulin ghiit pa patañani toit. *

20 Maaron toit, i Maaron to uleeḡ.

Onoon kat, Maaron toit Yoova, i ighamgham mulin ghiit. Tauta tamaat mako, ve taleep poi. *

21 Maaron pale irav valaghin koiḡa dabazi.

Yes tau titaghon eez saghati ve tighamgham sosor na, i pale irav mbirisai dabazi rubrubu, le tisov timataar.

* **68:18:** Ep 4:8 * **68:19:** Mbo 81:6; 2Kor 1:4+ * **68:20:** Mbo 56:13; 1Kor 15:51+; 1Tes 4:13+; Syg 1:18

- 22 Neer Tiina isaav ighe: “Koiagna irau tighau mako.
Isaav ighe tileep izi loloz to nugh Basan, ma tileep siina kat izila mazavan,
ene aat naghama zi tisov timuul tilam.
- 23 Sinjizi pale ireer izi, ve ipot ila taan paavo, leso awai ila.
Ve ngavuun tsiam pale tighunu, le isoon zi.”
- 24 Maaron, yo kinik tsiau.
Yo uliiv koiamna wa.
Tauta aazne, ulam toman lolom poia, ve ulon ula rumei tsio patabuyaang ila eval tiina matazi.
Yo umuun, ve tamtamon tsio titaghon ghom gha yamna alon ala.
- 25 Yes to mbounj timuun,
ve zilivaa paghpaaghu tau titoktok kakaap na titaghon zi.
Ve yes to ravuun ambam, ve vivuun mboi ve tavuur ma gabua siriv paam tilaagh murei.
- 26 Yam Israela tau avot ila to Yakop na, alup gham ila Maaron naagho ve apaiti pa poia tooni.
Yam asov apait Yoova eeza!
- 27 Aghita. Rumei to Benjamin tau eval mako na, timuun.
Mako yes daaba to Yuda tomania tamtamon toozi titaghon zi.
Ve yes daaba to Sebulun ve Naptali tilaagh murei.

- 28 Maaron, yo usaav ariaan pataghaan ughe yei Israela aat lemai tapirimai tiina ve niyooz ariaan.
Utotoi tapirim payei muul, imin muun utotoia payei.
- 29 Yes kinik to taan pale tilam tivot Yerusalem, ve tigham lem gabua popoia ilonj ila rumei tsio patabuyaan.
- 30 Yes Isipa tilepleep ila pizpiiz loolo ta yaa Nil ziige we imin poghai.
Ve yes kinik to nugh siriv tilaghlaagh tomania zaaba toozi timin makau umbaal tau tiket-keet tomania natuzna.
Uyaon koiamaina tawe, lesa tiput aghezi payo, ve tighur maet silva toozi imin lem to tipakur ghom.
Nugh nugh tau lolozi pa ghamuunj malmal na, ureu mbirisai zi.
- 31 Kinik to yes Isipa pale imbaanj uraata tooni tilam Yerusalem, lesa yensa nisavsaav pa lupuunj tsiei.
Ve yes to Etiopia paam, pale rekia tiit nimazi iza, ve tisunj pa Maaron.
- 32 Yam kinik to taan tomania tamtamon tsiam, ambou pa Maaron.
Ambou mbounj pani ve apakuru.
- 33 I Neer tau ileep izala taitai paavo, ve ilandoova ila sambam saamba tau igheen muunj geeg ve ilam.
Aloonj. I isavsaav toman tapiri tiina.

Aliiŋa luutu tiina imin lalaav. *

- ³⁴ Tauvene yam avotia Maaron tapiri.
I kinik tiina tau ighamgham pooz pa iit Israela,
ve itotoi tapiri ivotvot ila sambam saamba.
- ³⁵ Maaron to iit Israela, i ilepleep ilonj ila rumei tooni patabuyaanj ve itotoi tapiri.
Tauvene tamtamon tighita ve tiroi.
I ireirei tapiri pa tamtamon tooni ve ipapalot zi.
Tapait Maaron pa poia tooni! *

69

Sunjuunj to tamtamon tau ibaad pataŋani tiina pa Maaron eeza

Mbounj to David

Njeer tau imuŋmuunj pa mbounj na aat isaav pa tamtamon to timbou mbounj tane itaghon aliinja tauvene: 'manman ruunju pisosooŋa.'

¹ O Maaron, uul ghau lak!

Pa yaa ivon izalam imuul luag gha naghe nazal tane.

² Aazne, agheg brusia ila tiinj tiina.

Leg taan ariaaŋa eta to nayooz izala ne mako.
Yau naleep izila mazavan loolo.

Lepoogh tsiau ta aazne, ene imin yaa ivot toman tapiri, ve izugh ghau gha nalaleg.

³ Maaron, yau nasaghat wa.

* 68:33: Mbo 29:3, 68:4 * 68:35: Igham 19:5+; Mbo 29:10+

Tañiiz tsiau inañarui ghom le alinag imarmaar.
 Yau naghurghur matag payo naghe yo pale
 uul ghau. Eemon mako.

Tauta tapirig isov.

⁴Tamtamon tau tighurghur koi payau ne, yes eval
 le eval kat. Tiliiv dabag raua.

Irau nanin zi mako.

Koiagna tau tighe tivaghamun ghau na, tapi-
 rizi tiina,

ve tingalngal saveen karom naol payau.

Yau naum gabua toozi eta mako. Eemon tisavsaav
 payau tighe napamuul gabua toozi.

Pale napamuul saa? *

⁵Maaron, yo uwatagh: Yau naghama ngar sasaghati
 naol imin yes borauna.

Sosor tsiau ta naol ne, eta iyoon payo mako.

⁶Yoova, yo Maaron saksakim ve ungin gabua naol
 isov. Uul ghau lak!

Mako pale naghama mayaņa pa yes tau tinu-
 meer ghom ve tighurghur matazi payo na.

Maaron to Israel, yau naghama ngar tiina pa
 yes tau tizuari zi tighe le tiwatagh katin
 ghom.

Isaav ighe yo uul ghau pa patanjani tsiau tane
 mako, ene pale mayazi.

⁷Yau nabesbees payo, tauta tamtamon tisiksik
 saveen veleghiin payau.

Yes tigham ghau mayag ve natudtud mon.

⁸Taug sinj tsiau tighit ghau imin yau neer suumbu.

* 69:4: Yo 15:25

Ve tonjvetaz tsiau duduunj tau tinamai eemon
na, tighur murizi payau imin yau to nugh
ite. *

⁹ Ngar tsiau iyaryaanj naghe le nagharaat rumei
tsio. Eemon ngar tane, ta aazne imin pu-
ughu pa nabaad patanani tiina imin yav
ighan ghau.
Yes tau tivelegh ghom na, tivelegh ghau paam.
*

¹⁰ Saawe tau natatan taug, ve nanjun taug pa
ghaniinj aniinj,
tamtamon matazi veleghin ghau.

¹¹ Ve saawe tau lolog ipatanan, ve nagharaat taug
mako, ve nanonogh ghau pa uuli to monjiinj,
tiinj payau.

¹² Yes tau tiluplup zi ila maaran aate na, tisisinai
ghau.
Ve yes ghunuunja timboubou ghau imin
nalalanj.

¹³ Eemon sunjuunj tsiau injanarui ghom mon.
Yoova, poia tsio, ene tiina le tiina kat. Lolom
isaghatin ghau ve uul ghau lak!
Lolom isaghav tamtamon tsio, ve uluul zi irau
saawe.
Tauvene saawe sindei tau ughita poia, na
uloonj sunjuunj tsiau tane, ve uul ghau. *

¹⁴ Upas ghau navot pa patanani tiina tane.

* **69:8:** Mbo 31:11; Yo 7:5
2Kor 6:2

* **69:9:** Yo 2:17; Ro 15:3

* **69:13:**

Mako pale agheg brusia ila tiinj ve malmalig nazila!
Ugham mulin ghau ila koiagna nimazi.
Uit ghau nazaa pa mazavan loolo.

15 Uul ghau. Mako pale yaa ivot toman tapiri ve izugh ghau, ve igherev ghau gha nalaleg!
Ughita. Paita nazal nazila mazavan loolo tane.
Aazne, yau naleep izila puura to yes ma-teegha, ve aavo ighe ivool tane. Upas ghau navot.

16 Yoova, yo poiam. Lolom isaghav tamtamon tsio ve uluul zi irau saawe. Tauvene uloonj sunjuunj tsiau tane ve uul ghau.
Yo lolom isaghatin ghei kat. Tauvene matam imuul ilam payau.

17 Yau besoonja tsio. Ungooz naghom payau sov.
Pa aazne naleep ila patajanani tiina loolo.
Tauvene uloonj sunjuunj tsiau, ve uul ghau rekia.

18 Ulam uyooz ila zigeeg, ve uul ghau.
Ugham mulin ghau ila koiagna nimazi.
19 Ngar tau koiagna tighamgham payau ne, yo uwataghi wa.
Yes tivevelegh ghau, ve tipamayanjin ghau, ve tivaghamunia ezag kat.

20 Saveen veleghiinj tau tisiksiki payau, ene igham lolog ipatajan kat. Naghita naghe irau poiag muul mako.

Yau naghe pale tamtamon lolozi isaghatin
ghau, ve tilam tirav ateg.
Eemon mako. Eta ilam peria tsiau mako.

- 21 Saawe tau pitoool ghau, koiagna tighur gabua
lilia ila aniiñ tsiau.
Ve saawe tau murun ghau, tigham leg vaen
papaii. *
- 22 Tauvene sunuñ tsiau inarui ghom naghe:
Saawe tau koiagna yesña zetazña tilup zi
pa ghanghaniñ, na ugham boor tau aniiñ
toozi igheen izala na, imin liis pazi ve
ivaghamun zi. *
- 23 Ugham matazi ikumkuum, lesu tighita nugh
muul sov.
Ve ugham tapirizi isov, ve aghezi imatmaat.
- 24 Naghe ungal matazi ve tiyamaan katin
aatyavyav tsio.
Aatyavyav tsio tana izaa toozi ve ivaghamun
zi kat, o poi!
- 25 Upasov zi le nugh toozi balim.
Balbaal toozi ta naol ne, tamtamon eta ileep
ila muul sov. *
- 26 Pasaa, tamtamon tau yo ulosi ve ughur patañani
pani na,
zeran sasaghati tawe tighur patañani izaa
tooni muul, ve tisisinaii pa patañani tau ivot
pani na.

* 69:21: Mt 27:34, 48; Yo 19:29
Mbanj 1:20

* 69:22: Ro 11:9+

* 69:25:

- 27 Sosor to zeran tawe, lolom iveegh pani sov.
Matam kisini, ve ughur atuya pazi le tiya-
maana kat!
Ughurghur zi sov.
- 28 Umus ezazi pa rau to lepoogh maata yaryaare.
Rau tau zeran dudunazi ezazi igheen ila na,
yes tawe ezazi ila tomani zi sov. *
- 29 O Maaron, aazne nabaad patanjani ve nayamaan
yavyavuunj tiina.
Tauvene ulam uul ghau.
Unghuaaz ghau nazala saanja. Leso naleep poi.
- 30 Yau aat nambou ve napait Maaron eeza. Pasaa,
i igham ghau lolog poia kat.
Tauvene yau naghe napakuru.
- 31 Ngar tauvene, ene igham Yoova loolo poia kat
le iliiv makau katini tau tighamgham zi pa
watoonraun na. *
- 32 Yes tau tinumeer Maaron ve tibadbaad patanjani
na, isaav ighe tighita Maaron iuul ghau, ene
pale tintinisi.
Ve yes tau tizuzuari zi pa Maaron na paam.
Ighes tighita uleenj tau i igham payau ne, ene
pale ipalot zi. *
- 33 Pasaa, yes tau tibadbaad patanjani ve tinumeer
Yoova na, i ilonjloonj sunjuunj toozi.

* **69:28:** Igham 32:32+; Syg 20:12, 21:27
51:16+ * **69:32:** Mbo 34:2

* **69:31:** Mbo 50:9,

Tamtamon tooni tau tileep ila koiazŋa nimazi na, i irau loolo iveegh pazi mako.

³⁴ Sambam saamba, taan, ve te, tomania gabua naol isov tau tilepaar ila na, yam asov apait Maaron.

³⁵ Pa i pale igham mulin nugh Zion, ve ipaburigin nugh tisov to Yudea muul.

Leso tamtamon tooni timuul tila ta sewe, ve tigham mulin taan toozi, ve tileep ila.

³⁶ Ve murei, taan toozi pale izi pa paaghu toozi, ve tighamu imin lezi, ve tileep ila.

Tauvene yes tau lolozi ighen to Maaron na, pale tileep poia izi ta sewe.

70

Sunjuunj to ŋeer tau ipasul Maaron to iuule

Mbounj to David

Paesiinj ila pa ŋeer tau imuŋmuun pa mbounj na tauvene: Saawe tau tamtamon tigham watoonrau ve tighason Maaron to maata ingal zi, timbou mbounj tane

¹ O Maaron, upas ghau navot pa patanjani tsiau tane.

Yoova, ulam uul ghau rekia lak! *

² Yes tau tigham lilin ghau ne, ukau ŋgar toozi.

Leso ŋgar toozi ivaghamgham, ve tighau tila toman mayazi.

Ve yes tau tighita patanjani tsiau tane ve lolozi poia pani na,

* **70:1:** Mbo 22:19, 40:13+

yes paam, upamuul zi tila toman mayazi.

- ³ Zeran tawe tipañizai ghau tigde: “Aa! Saghatiin tau taghe ivot pani, tauta ivot wa!”
Tauvene utatan zi, ve ugham zi mayazi ve tighau tila.
- ⁴ Eemon tamtamon tisov tau tizuzuari zi payo na, yes pale tintinzi ve lolozi poia payo.
Yes tau lolozi pa uleenj tsio kat, ene pale monmon tisavsaav tigde: “Maaron, i eeza tiina le tiina kat!”
- ⁵ Yoova, patañani tane itatan ghau le tapirig isov kat. Narau gabua eta muul mako.
Ve yo mon ta Uleenja tsiau. Yau naghur matag payo to upas ghau navot pa patañani tane.
Tauvene uzuar sov. Reikia ulam uul ghau!

71

Sunjuunj to koonj ee tau ghuruunj ila tooni iyaryaanj kat

- ¹ Yoova, yau nanumeer ghom ve nayoony ilat tsio.
Upul koiagna titatan ghau sov. Pa ighe tiliiv ghau, ene pale mayag.
- ² Yo utataghon ngar duduunja. Tauvene uul ghau ve upas ghau navot pa patañani tsiau tane.
Ughur taliñam payau ve uul ghau lak.
- ³ Yo Uleenja tsiau ariaanja. Uponpoon ghau pa koiagna imin maetaaz tau izala kat.
Ve umin ruum ariaanja to nayoony ila lolo.
Saawe isov, yau irau nanjarui ghom, leso gabua eta ivaghamun ghau sov, ve naleep poia.

Aliŋam ilam pataghaan wa ughe yo pale
ugham mulin ghau.

- ⁴ Maaron tsiau, ugham mulin ghau ila zeran
sasaghati nimazi.
Pa yes zeran to sosor, ve lolozi isaghatin tam-
tamon eta mako.
Isaav ighe tikis ghau, ene pale tivaghamun
ghau kat.
- ⁵ Yoova, yau naghurghur matag payo to uul ghau.
Tiina tsiau, saawe tau kukuag ve ilam, yau
nanumeer ghom.
- ⁶ Saawe tau naleep ila tinaŋ aapo ve ilam, yau
naleep ila yo nimam.
Tauvene saawe tau tinaŋ ipoop ghau, yo ungin
ghau.
Tauta monmon napapait ghom pa poia tsio.
- ⁷ Eval tiina tigham ngar naol payau. Pasaa, tighita
ngar tau ivotvot payau ne, le tighilaal katin
ghom.
Yo umin niag ariaaŋa to yoŋgaŋ.
- ⁸ Tauvene mboŋoozo ila le ravrav izi, lolog poia kat
payo,
ve avog ipapait ezam pa tapirim ve poia tsio.
- ⁹ Aazne, namin koon wa. Eemon ughit ghau
namin gabua saghati tau tamtamon tisiki
ilale na sov.
Tapirig imbool wa. Ughur murim payau sov.
- ¹⁰ Pa koiagna tilup zi, ve tiliil eez pa ravuun ghau
namaat.

Saawe tau tiyonjoon ve tisaanjan pa ravuun ghau, tisavsaav tighe:

- 11 “Aa, Maaron ighur muuri pani wa!
Tataghoni ve takisi. Pa i le tamtamon eta to
iuule mako.”
- 12 O Maaron, uleep soghan payau sov!
Maaron tsiau, rekia ulam uul ghau!
- 13 Koiagna tau tingalngal saveen payau na, ugham
zi mayazi, ve urav zi le tISOV.
Yes tau tighe tivaghamun ghau na, utatan zi,
ve ugham zi mayazi kat.
- 14 Eemon yau aat naghur matag payo irau saawe,
ve nasajan ghom to uul ghau.
Yau naghe napait ghom le napait ghom kat.
- 15 Avog pale ivovotia ngar tsio duduunja pa tamta-
mon.
Mbonjozo ila le ravrav izi, yau aat nasasavia
uraat tintiina tau yo ughamgham zi pa
uleen tamtamon.
Uraat tawe, isaav ighe natoova to nanin zi,
ene aat narao mako.
- 16 Yoova, yo utotoi tapirim ila uraat tintiina. Tau-
vene yau aat nala ve navotia uraat tsio tana
pa tamtamon leso matazi ingali.
Naghe nasavia ngar duduunja tau yo
ughamghamu na.
Lolog pa nasavia gabua ite paam mako.
Naghe nasavia ngar tsio duduunja mon.
- 17 Saawe tau kukuag ve ilam aazne, yo upagha-
zonjai ghau pa ngar tsio.

Tauta navovotia uraat tsio ngeretazi pa tamtamon. Uraat tawe, maata ite.

18 O Maaron, aazne namin koonj, ve moom igham dabag wa.

Eemon ughur murim payau sov!

Uleep tomani ghau le irau navotia tapirim ve uraat tsio tintiina pa natmainja, timbomainja, ve iseenga taghon gha ila. *

19 Maaron, tapirim ve ngar tsio duduuna, ene tiina le tiina kat. Izala izala le ikis sambam.

Ve uraat naol tau yo ughamgham zi na, tau-vene paam. Ene tintiina kat.

Sei irau ghom? Eta mako.

20 Onoon, yo upul patajani naol ivot ve ivaghamun ghau.

Eemon yo pale ugham ghau naleep poia muul.

Paita namaat gha nazila naal tane.

Eemon yo pale ugham mulin ghau. Irau namaat mako.

21 Ve yo pale upakur ghau, ve ugham ezag ivot imin tiina,

ve urav ateg, lesololog poia muul.

22 Tauvene yau aat narav gita ve napait ezam.

Pasaa, yo utataghton saveenj mbuaanj tsio.

Maaron tsiau, yo Maaron patabuyaanj to yes Israela.

Yau aat narav gita tsiau, ve nambou mbounj to napait ghom.

* 71:18: Mbo 78:4

- 23 Pale avog iyoor ezam toman lolog poia kat, ve nambou to napait ghom.
Pale napakur ghom toman lolog.
Pasaa, yo ta ugham mulin ghau pa pataņani tsiau.
- 24 Tauvene saawe isov, mbonoozo ila le ravrav izi, yau aat nasavia nęar tsio duduņęa.
Pasaa, yes tau tighe tivaghamun ghau na, yo utatan zi le tapirizi isov, ve upamuul zi tila toman mayazi.

72

Yes Israel tighason Maaron to ipalot kinik toozi
Mbounj to Solomon

- 1 O Maaron, upaduduņę kinik tsiei, ve uule to itaghon nęar tsio duduņęa.
Leso iyooz pa tamtamon tsio, ve igharaat pataņani toozi le iduduņę.
- 2 Ve igabiiz poghania tamtamon tsio, ve igharaat saveeņę toozi itaghon nęar duduņęa.
Ve iyooz pa yes mbolaņęa ve yes tau lezi ezazi mako na, ve iuul zi pa pataņani toozi.
- 3 Nighe lepoogh poia ivot irau loloz tisov to nugh tane. Ve nugh mbua mbua tighita anooņęa to nęar duduņęa.
- 4 Ugham kinik tsiei iyooz pa yes tau lezi ezazi mako na, ve iparav pazi ariaaņę.
Ve yes tau mbolaņę igham zi na, i aat iuul zi.

- Eemon yes tau titatan tamtamon ve tighurghur patanjani pazi na, i aat itatan zi le tapirizi isov kat, o poia.
- ⁵ Maaron, tamtamon tsio pale tiroi payo ve titaghon ngar tsio taghon taghon gha ila, imin aaz ve kaiyo tau tighen irau saawe.
- ⁶ Nighe kinik tsiei iuul tamtamon tileep poi, imin uman tau itap izi ila uum, ve ipabees taan, ve igham aniiñ itum poi.
- ⁷ Saawe tau i ingin ghei, nighe ngar duduunja ve ngar luuma ivotvot imin tiina.
Leso tamtamon tileep poi ila ila le saawe isov, ve taghita kaiyo muul mako. *
- ⁸ Kinik tsiei aat ingin nugh tiina kat. Te ziige ee pale imin ngat pani, ve ila ivool pa te ziige ite.
Ve yaa Euprates pale imin ngat pani, ve ila ila le irau taan ziige ta naol ne.
- ⁹ Yes tau tileep izi nugh nginaanja na, pale tilam ve tiput aghezi pani. Ve koinja pale titap tizi ila naagho ve tipel zi ila ngaupup. Pasaa, tirau gabua eta muul mako.
- ¹⁰ Ve yes kinik to Tarsis * tomania yes kinik tau tileep irau sisi tISOV na pale tilam ve tigham gabua popoia siriv pa kinik tsiei to tipakuru.

* **72:7:** Lu 2:14 * **72:10:** Tarsis, ene nugh ee to yes Pilistia tau ighen izi taan sirivu to Spen. Ighen malau kat pa Israel.

Yes kinik tau tinjin taan sirivu to Arabia ve Etiopia paam, pale tilam ve tigham gabua popoia pani. Leso titotoi tigde yes pale tileep ila i saamba.

11 Nigde kinik tisov tilam tiput aghezi pa kinik tsiei, ve tileep ila i saamba.

Nughmarinj tibeas pani, o poia *

12 Pasaa, saawe tau yes mbolaanja tipooi pa uleenj, i iloonj tanjiiz toozi.

Ve yes tau tileep saghat ve lezi uleenja eta mako na, i iuluul zi pa pataņani toozi.

13 Iloolo isaghatin yes mbolaanja ve yes tau tapirizi imbool na,
ve ighamgham mulin zi pa pataņani toozi.
Leso tileep poi.

14 Isaav ighe tamtamon titatan zi ve tivaghamun zi, i iyozyooz pazi, ve ighamgham mulin zi ila koiazņa tawe nimazi.

Pasaa, i loolo pazi kat. Tauvene irau imarar zi ve sinj toozi imalinj sorok ne mako.

15 Maaron, upalot kinik tsiei, leso ileep malau izi taan.

Ve yes Arabia aat tigham le maet gol tau ngalaanja kat.

Ve saawe isov, tamtamon aat tighur kinik tsiei ila sunjuunj toozi, ve tighason Maaron to ipaloti ve ighur poia tooni iza tooni.

* **72:11:** Mt 2:11; Ro 14:11; Pil 2:9+

- 16 Maaron, ugham aniiṅ katini ivot ila taan tsiei le irao uum tsiei ta loloz we.
 Ve wit anooṅa katini ivot ve ayazi kalkalia ilala ilamlam, imin yes Lebanon toozi.
 Ve tamtamon tauvene paam. Nugh tsiei tISOV aat timasa timin naol,
 imin kikiliinṅ tau isaas le itav taan.
- 17 Kinik tsiei eeza pale ighengheen tauvene taghon taghon gha ila.
 Eeza tiina pale igheen irau saawe isov, imin aaz tau monmon ighazghaaz.
 Pasaa, i pale imin eez pa nughmarinṅ, lesO poia to Maaron iza a toozi.
 Nugh nugh pale tighita kinik tsiei ve tipaiti tigh e poia to Maaron igheen tomani. *
- 18 Tapait Yoova!
 I Maaron to iit Israela!
 I mon ta ighamgham uraat ṅgeretazi tintiina.
 Uraat tana, maata ite.
- 19 Tapait eeza pa tapiri ve poia tooni irau saawe!
 Tamtamon tau tileep irau taan na, pale tighi-laalo tigh e i eeza tiina pa tapiri ve poia tooni. Onoon le onoon kat!
- 20 Sunṅuunṅ to Yesi naatu David, tauta ilam imuul ta sene.

73

*Lepoogh poia to zeran sasaghati itoov ghuruunṅ
 ila to ṅeer ee*
 Mbounj to Asap

* 72:17: Gnp 12:3; 2Pe 3:18

- ¹ Onoon kat, Maaron ighamgham n̄gar poia pa yes Israela.
Yes tau n̄gar n̄galaan̄a igheen ariaan̄ ila lolozi na, i igham poghani zi kat. *
- ² Eemon yau, saawe ee agheg pusukia, ve rigmon kanan̄ natap.
Onoon kat, saawe tana, rigmon kanan̄ napul ghuruun̄ ila tsiau.
- ³ Pasaa, naghita zeran sasaghati tau tipapait tauzi ve tivelegh Maaron na, lepoogh toozi poia kat.
Tauvene naghama n̄gar pa gabua tane, le irau lolog mako. *
- ⁴ Yes titum le tinizi poia kat. Lezi patan̄ani mako, ve tileep poia mon ila le irau mateegh toozi.
- ⁵ Patan̄ani naol to taan tau ighamgham tamtamom siriv na, igham zi mako.
Yes lezi patan̄ani eta mako.
- ⁶ N̄gar to pakuruun̄ tauzi, ene titotoia ivot ighazon̄ ila tamtamom matazi, imin namatabub tau tamtamom tighuru ila luazi.
Ve n̄gar toozi to ghamuun̄ malmal, yes tipulpuli mako, imin nonoghiin̄a tau monmon tinonogh zi pani.
- ⁷ Lepoogh toozi, poia mon. Tauvene titum kat.
Loloji ivon pa n̄gar sasaghati naol, ve monmon tiliil eez to tivaghamaun̄ tamtamom.

* **73:1:** Mt 5:8 * **73:3:** Mbo 37:1, 7

- 8 Monmon tivevelegh tamtamon, ve tisiksik saveen sasaghati pazi.
Ve tipapait tauzi ezazi, ve tiparoi tamtamon tighe yes pale titatan zi.
- 9 Yes tipakur tauzi, ve tisiksik saveen veleghiin pa Maaron to sambam.
Ve zetazna tau tileep izi taan ne, zeran tawe matazi veleghin zi, ve tighe titatan zi.
- 10 Yes tigherev tamtamon to Maaron paam, gha titaghon zi pa ngar toozi tawe.
Eval tiina tighe le tilonloonj saveenj toozi.
- 11 Zeran sasaghati tawe tisavsavv tighe: “Ah, Maaron tau ileep saanja kat na, i le ngar?
Ngar tau nighamghamu ne, Maaron iwataghi mako.”
- 12 Aghita. Zeran sasaghati, lepoogh toozi tauvene.
Lezi patanjani eta mako, ve tindoundou lezi gabua katini.
- 13 Muun, yau naghham ngar tauvene pa lepoogh toozi. Tauta nasaav pa taug naghe: “Yau tane, nazuari ghau naghe le leg sosor eta sov, ve ngar ngalaanja mon igheen ila lolog.
Eemon ngar tau nataghooni ne, anoonja eta mako. Naghhamghamu sorok.
- 14 Pasaa saawe isov, ta mbonoozo ila le ravrav izi, Maaron ighurghur patanjani payau.
Mbonoozo ta naol ne, i iloslos ghau.”
- 15 Maaron, ngar tsiau saghati tane, imin ta nasavia ivot ighazoonj gha tamtamon tiloonja,

- kananj naghham karom pa tamtamon tsio, ve nakau ngar toozi. Tauta igheen to taug mon.
- 16 Yau naghham ngar naol pa lepoogh poia to zeran sasaghati, ve nail puughu. Eemon narao mako.
Tauta igham lolog ipatanjan kat.
- 17 Murei ra, nalonj nala rumei patabuyaanj to Maaron ve nasunj.
Saawe tana ra, naghilaal ve ngar tsiau ivot pa gabua tau murei pale ivot pa zeran sasaghati.
- 18 Onoon kat, yo pale ugham zi tilaagh ila eez tau pusukpusukia.
Leso ugham zi titap, ve saghatiinj tiina igham zi.
- 19 Pale upasov zi rekia mon,
ve ureu mbirisai zi gha tilalez.
Ve mateegh toozi, pale toman roinj tiina. *
- 20 Maaron, isaav ighe yo uburig ve uvaghamun zi, ene pale upasov zi kat. Eta irau ileep muul mako.
Pale timin gabua tau taghita ila vivuunj, ve mbonjoozo taburig loloon iveegh pani.
- 21-22 Saawe tau naghham ngar pa zeran sasaghati, ene ireu lolog ve igham ghau ategh yavyav.
Ve ngar tsiau ikaukau, ve navaghamgham.
Yau namin ngai sagsag tau le ngar payo mako.
- 23 Eemon yo upul ghau mako.

* **73:19:** Mbo 37:9-10, 35-36

Monmon ulepleep tomani ghau,
ve ukis nimag tapir, ve upalot ghau.

- 24 Yo ugham pooz payau, lesa nataghon njar tsio.
Ve murei, yo pale upakur ghau, ve ugham
ghau natal naleep tomani ghom ila
mbonarim loolo.
- 25 Yau naghama njar pa gabua eta to nugh sambam
mako. Yo mon ta naghama njar payo.
Yo ulepleep tomani ghau, tauvene nail saa
gabua muul izi taan? Mako.
Pasaa, yo mon ta urao. *
- 26 Isaav ighe tapirig isov, ve njar tsiau imbool, ene
pale Maaron ipalot ghau.
Tauvene yau naghita Maaron naghe i gabua
tauu.
Yau naghama njar tapirig ila tooni, ve naleep
ila tooni imin taan poia ee tau tipuli payau
to naleep ila.
- 27 Yes tau lolozu igheen soghan payo, ene pale
tilalez.
Ve yes tau tighur murizu payo na, yo pale
upasov zi.
- 28 Eemon yau, saawe tau naleep nagharaa ghom,
nayamaan naghe ene poia kat.
Yoova, yo Maaron tsiau. Yau nanumeer ghom
ve nayoon ilat tsio.
Yau naghe navotia uraat tisov tau
ughama njar zi na pa tamtamon.

* 73:25: Mbo 16:2; Pil 3:8

74

Tanjiiz to yes Israela injarui Maaron pa rumei toozi

Mbounj to Asap

- 1 O Maaron, mindai ta ughur murim payei kat?
Pale upul ghei nileep tauvene taghon taghon
gha ila?
Yei sipsip tsio, ve yo nginiinj tsiei.
Puughu mindai ta atem yavyav kat payei tau-
vene? *
- 2 Yei tamtamon tsio. Muun, yo usiigh timbu-
mainja timin lem kat, ve uyozyooz pazi, ve
ughamgham mulin zi pa patajani toozi.
Tauvene matam ingal ghei muul.
Ve matam ingal niam to lepoogh tau igheen izi
loloz Zion na paam. *
- 3 Taum ulam ve ulaagh ila nugh loolo ve ughita.
Isaghat wa! Irau poia muul mako.
Koiamainja tireu mbirisai rumei tsio
patabuyaanj, ve tivaghamunia gabua naol
isov tau tigheen ila loolo na.
- 4 Nugh tau muun itinja taluplup ghiit ilonj ila na,
koiamja tilonj tila ve tighamu imin lezi, ve
tisir toman alinjazi tiina.
Ve tipayooz pilak toozi ilonj ila, leso itotoi ighe
tliiv ghei wa.
- 5-6 Yes tivaghamunia Rumei Tiina imin yes tau
tigham nakavasi toozi gha tila su to tingor
ai.

* 74:1: Mbo 43:2, 95:7 * 74:2: Igham 15:16; 1Kor 6:20

Ai popoiazi naol tau tisap gabua anunuzi ila
to tipabood rumei tsio na, tigham nakavasi
gha tipalpaal zi,
ve tiravrav berekai zi pa hama toozi tintiina.

⁷ Ve titun rumei tsio patabuyaaj, le yav ighan
suvinia.

Tauvene taum niam to lepoogh tau ezam
ighengheen ila na, tivaghamunia imin
gabua sorok, le isaghat kat.

⁸ Yes tigha titatan ghei ve tivaghamun ghei kat.

Tauvene nugh tisov to taan tsiei tau tamta-
mon tiluplup zi ila ve tisuᅇsuᅇ payo na,
titunuur zi le tisov.

⁹ Aazne, yei nighita gabua eta tau itotoi ighe yo
ulepleep tomani ghei ne mako.

Ve propet eta ileep muul to ipaghazonai ghei
pa ᅇgar tsio ne mako.

Ve tsiei eta iwatagh mako: Pale ᅇzez o,
pataᅇani tane isov?

¹⁰ Maaron, aazne koiamaᅇa tiᅇiᅇiᅇ payo, ve
tivevelegh ezam.

Mindai, pale upul zi tigham tauvene taghon
taghon gha ila?

¹¹ Puughu mindai ta ughur nimam ila murim, ve
umamarar ghei mon?

Irau uul ghei mako?

¹² Maaron, muuᅇ ve ilam, yo kinik tsiei ve Uleeᅇa
tsiei.

Ve yo ughamgham uraat tintiina izi taan to
uul ghei.

- 13 Muunj, taum tapirim ta uvalagh te gha sirivu ila pa n̄as, ve sirivu ila pa tapir.
Ve gabua sasaghati siriv tau tilepleep ila te loolo na, yo urav valaghin dabazi.
- 14 Leviatan paam, gabua saghati tiina tau ilepleep ila te loolo na, yo urav valaghin daaba ta naol ne,
ve ugham anoon̄a, ve upan gabua sagsagna tau tileep nugh nginaāna na pani. * *
- 15 Nugh siriv, yo ugham yaa ivotvot pa taan ve irereer.
Ve yaa tintiina to nugh siriv tau tirereer irau saawe na, yo ugham zi timakmaak. *
- 16 Yo ta ughur mbonj ve mataaz, ve un̄gin̄gin zi.
Ve yo ughur aaz ve kaiyo tigheen ila niazi. *
- 17 Yo ughur taan sen̄gaan̄a,
ve ughur saawe to nugh tuntunu, ve saawe to nugh yaun̄a. *
- 18 Yoova, matam in̄gal saveēn veleghiin̄ tau koiam̄na tisiksiki payo na.

* **74:14:** Yes Kanaana tighur ila tighe gabua saghati tiina ee ileep ila te, eeza Leviatan. I daaba katini, ve naagho imin moot ma poghai, ma vene. Mos ziiri siriv, saveēn Leviatan izaa to kinik to Isip. Tauvene zeran ngara siriv tighe ziiri tane, ene saveēn palelaān tau in̄arui saawe tau yes Israela timbut Te Sīns̄in̄ai, ve Maaron irav yes Isipa timatmaat. * **74:14:** Igham 14:21; Mbo 89:9+ * **74:15:** Igham 17:6; Mbo 107:33+ * **74:16:** Gnp 1:14 * **74:17:** Gnp 8:22; Mbanj 17:26

Aazne, yes kankanoŋa tau tiwatagh ghom mako na, tivavaghamunia ezam, ve tighit ghom umin kaut sorok.

- 19 Koiamainja ŋgar toozi imin gabua sagsagna. Loloji isaghatin tamtamon eta mako. Ve yei tamtamon tsio tapirimai irau gabua eta mako
Tauvene upul ghei nila nimazi sov.
Lolom iveegh payei sov. Pa yes titatan ghei le nileep saghat kat.

- 20 Muun, yo umbu saveeŋ tomani ghei ughe yo pale umin Maaron tsiei, ve yei nimin tamtamon tsio. Matam iŋgal saveeŋ mbuaaŋ tsio tana, ve uul ghei.
Ughita. Aazne, taan tsiei ivon pa zeran sasaghati tau tiyoŋyooŋ ila ndoroom loolo, ve tisasaŋan pa lijiin siŋ pa tamtamon.

- 21 Upul zeran sasaghati titatan tamtamon ve tipamayanin zi sov.
Uul yes mbolaŋa ve yes tau tileep saghat na. Leso tipait ezam.

- 22-23 Maaron, yei tamtamon tsio. Uburig ve uyooz payei lak!
Koiamja tipapakur tauzi toman alinazi tiina. Mataaz ta naol ne, mboŋoozo ila le ravrav izi, yes kankanoŋa tau tiwatagh ghom mako na, tighamgham oroor tiina ve tivevelegh ghom.

Lolom iveegh sov. Matam ingal n̄gar tau
tighamghamu na, ve ughur atuya pazi.

75

*Maaron pale igabiiz tamtamon ve ighur atuya
pazi*

Mbounj to Asap

Paesiin̄ ila pa n̄eer tau imuṅmuṅ pa mbounj na
tauvene: Mbounj tane aliin̄a ‘Uvaghmunia sov’

¹ Maaron, yei lolomai poia payo, ve nipakur ghom
pa poia tsio.

Pasaa, monmon yo ulepleep ugharau ghei.

Tauvene yei nipapait ezam, ve nivovotia
uraat n̄geretazi tau ughamgham zi na.

² Ve Maaron isaav ighe: “Yau taug naghur saawe to
nagabiiz tamtamon ve naghur atuya pazi.

Ve gabizoon̄ tsiau, ene pale iduduun̄ mon.

³ Isaav ighe yogyoog itok taan ve tamtamon tiso
tisaṅeen̄,

yau aat nakis taan puughu, lesa igheen tun̄ia.

⁴ Yes tau tipapait tauzi ezazi na, yau nasaav pazi
naghe: ‘Apait taumim irao!’

Ve nasaav pa zeran sasaghati naghe: ‘Tapir-
imim igheen sindei? Apait tapirimim irao!’

⁵ Tauvene apakur taumim sov, ve asik saveen̄
veleghiin̄ payau sov!’ ”

⁶ Pa tamtamon to aaz izaa, ma tamtamon to aaz
izila, ma tamtamon to nugh siriv paam, ene
irau tigham tamtamon eta eeza ivot imin
tiina ne mako.

⁷ Maaron mon ta igham tamtamon ezazi ivot imin tiina.

Pasaa, i ta igagabiiz tamtamon ve ighurghur atuya pazi.

Tamtamon siriv, i itatan zi. Ve siriv, i ipakur zi le ezazi tintiina. *

⁸ Yoova ikis rubruub ee ila niima.

Rubruub tawe ivon pa vaen ariaaṇa. Vaen tawe, ene aatyavyav tooni.

Zeran sasaghati tau tileep izi taan ne, i pale ilin vaen tawe, ve ipaghun zi pani, le tisov tighunu le isov.

Rabrab tau ighéen ila rubruub mboole na, pale tighunu paam. *

⁹ Eemon yau navotia uraat tintiina to Yoova irau saawe.

Pale namboubou mbounj, ve napapait Maaron to Yakop eeza.

¹⁰ Pasaa, i isaav ighe: “Zeran sasaghati, yau aat napasov tapirizi.

Ve zeran dudunazi, yau aat napakur zi ve napalot zi, leso tapirizi ivot imin tiina.”

76

Neer ee ipait Maaron pasaa, i iliiv koiṇa

Mbounj to Asap

Neer tau imuun pa mbounj na, aat isaav pa tamtamon to tirav gita ve timbou mbounj tane

¹ Yes tau tileep izi taan sirivu to Yuda na, tiwatagh Maaron.

* **75:7:** Mbo 147:6; Lu 1:52; Syg 18:7+ * **75:8:** Syg 14:10, 16:19

Ve yes tau tileep ila taan sirivu to Israel na,
tipakuru paam, pa i eeza tiina.

² Rumei to Maaron igheen izi Yerusalem.
Ve loloz Zion, ene Maaron niia to lepooch.

³ Saawe tau koiņa tigham malmal pani ta sewe,
i ingoor polpolin paneegh natņa tau yav
ighanghan ila matazi na, tomania mbuza-
agh toozi,
ve irav valaghin sigheu toozi.
Tauvene gabua toozi to malmal, i ivaghamun
zi le tisov.

⁴ O Maaron, yo mbonarim tiina.
Yo paghunam ve ezam tiina kat. Uliiv loloz
tintiina tau tigheen irau saawe.

⁵ Koiamaiņa, zeran ariañazi. Tiroiroi mako.
Eemon yo uparav tomani zi le uliiv zi. Tauta
tamtamon tsio tila tiyau gabua toozi to mal-
mal isov imin lez.
Yo urav koiamņa tisov timataar, ve patazi
tivaghengheen ila taan.
Onoon, yes zeran ariañazi. Tirau kat pa
ghamuņ malmal. Eemon irau tigham
gabua eta mako.

⁶ Maaron to Yakop, yo uparoi zi ve uyaon zi,
le yes tau tilandoov hos tomania karis tisov
titaptap tizi le timatmaat.

⁷ O Maaron, yo mon ta tamtamon tisov tiroiroi
payo.
Pa ighe atem yavyav, sei irau iyooz ila
naghom?

- 8-9 Yes tau koiazņa tighamgham patanjani pazi ve titatan zi na,
 yo uyooz pazi, ve ugham mulin zi tisov.
 Yo uleep sambam, ve aliņam izilam ve usavia atuya tau pale ughuru pa koiazņa na.
 Ve saawe tau ughur atuya tana pazi, tamtamon tisov to taan tighita, le roinj igham zi, ve tineneej mon.
- 10 Onoon kat. Aatyavyav to tamtamon paam, ene irau imin eez to utotoi tapirim. Tauta tamtamon tipait ghom.
 Ve yes tau aatyavyav tsio ivaghamun zi mako na, yes pale tilivutin ghom, lesu tisunj payo ve tipait ghom. *
- 11 Yam tau ambu saveej aghe agham gabua pa Maaron tsiam Yoova na, matamim injal saveej tsiam ve ataghoni.
 Ve yam nugh nugh tau aleep agharau na, tauvene paam. Agham gabua tsiam popoia siriv ilam pa Neer tau tamtamon tiroiroi pani.
- 12 Yes pooza tau tinumeer tauzi tapirizi na, Maaron itatan zi.
 Tauta yes kinik to taan tiroiroi pani.

77

Sunjuuj to neer tau ighita ighe Maaron ighur muuri pa yes Israela

Mbounj to Asap

Neer tau imuuj pa mbounj na, aat isaav pa tamtamon to timbou mbounj tane itaghon aliņņa ‘Yedu-

* **76:10:** Igham 9:16; Ro 9:17

tun'

¹ Yau nataŋ rarai Maaron.

Taŋiiz tsiau iŋaruini naghe ighur taliŋa pa
suŋuunj tsiau tane, ve iuul ghau.

² Saawe tau naleep ila patanani tiina loolo, yau
nazuari ghau naghe le naghama uleenj ila to
Maaron.

Mboŋ ve mataaz, naitiit nimag iza, ve na-
suŋsuŋ pani. Irau namariau mako.

Emon gabua eta irau irav ateg mako.

³ Yau matag iŋgalŋgal Maaron, ve lolog isaghat ve
nataŋ.

Naghamaŋgar ŋgar naol. Tauta lolog ipatanan
ve tapirig isov.

⁴ Mboŋ ta naol ne, Maaron ipul ghau nagheen poi
mako.

Lolog ipatanan kat le irau nasavia saveenj eta
mako. Naneneenj mon.

⁵ Pasaa, matag iŋgal imuul ila pa ndaman katini
tau ila wa.

Ve nanjuzuuv ŋgar tau muunj Maaron
ighamaŋgar pa tamtamon tooni.

⁶ Tauvene mboŋ ta naol ne, naghama ŋgar tiina ila
lolog,

ve matag iŋgalŋgal naghe:

⁷ "Mindai, pale Maaron ighur muuri payei, ve ipul
ghei nileep saghat taghon taghon gha ila?

Irau loolo poia payei muul mako?

- 8 Ngar to loolo isaghav tamtamon tooni ve iuluul zi, ene isov wa?
Ve saveeṅ katini tau i imbua tomani ghei na, pale izi imin kaut sorok taghon taghon gha ila?
- 9 Ma Maaron aate yavyav kat, le ighamu loolo iveghai poia tooni?
Tauta loolo isaghatin ghei muul mako ne?”
- 10 Nagham ṅgar tauvene, tauta nasaav pa taug naghe: “Lolog ipataṅan kat pasaa, Maaron tau ileep saanṅa le saanṅa kat na, itoor ṅgar tooni wa.
Taghita tapiri ilam ilam le aazne, taghita muul mako.”
- 11 Yoova, yau aat matag iṅgal imuul ila pa uraat tsio tintiina, ve gabua ṅgeretazi tau muuṅ ughamgham zi na.
- 12 Yau aat matag iṅgal uraat tsio arianṅazi ta naol ne, ve nagham ṅgar pazi poi.
- 13 O Maaron, yo ughamgham ṅgar patabuyaṅ mon. Ngar tsio ve gabuam, ene maata ite kat.
Maaron ite paam eeza tiina imin yo ne mako.
*
- 14 Yo Maaron tau ughamgham gabua ṅgeretazi tintiina.
Utotoi tapirim ivot ighazoonṅ ila nugh nugh matazi gha tighit katini wa.

* **77:13:** Igham 15:11

- 15 Yakop ve Yosep paaghu toozi, ene tamtamon tsio.
Muun, ila taum tapirim, yo upas yes Israela tivot pa pataņani toozi wa. *
- 16 O Maaron, saawe tau yaa tintiina tighit ghom, roiņ tiina igham zi.
Ve te tau ighen izila siinņa we, iroi paam, ve imbelmbeluut ghi ilala ilamlam. *
- 17 Saawe tana, taitai gabgabuuņ ve uman tiina izi.
Ve lalaav lutluutu tiina, ve ighani milmlia ilala ilamlam.
- 18 Yo ugham yaghur tiini ililiit, ve lalaav lutluutu tiina kat.
Ve nugh ighani milia, ve mbonari isul nugh.
Ve yogyoog itok taan gha ilala ilamlam.
- 19 Eez tsio imbut te ve ila pa ziige ite.
Yo uvalagh mazavan, le sirivu ila pa ņas, ve sirivu ila pa tapir, ve ulaagh ila bodbodaan.
Eemon tighita aghem niia mako. *
- 20 Yo umuuņ pa tamtamon tsio imin ņginiin to sipsip.
Ve ughur Mose yesuru Aron tigham naghom, ve tigherev zi gha tila.

* 77:15: Igham 6:6
14:22

* 77:16: Igham 14:21

* 77:19: Igham

78

*Maaron ighamgham n̄gar popoia pa yes Israela.
Eemon yes tizorzoor i aliija.*

Mbounj to Asap

- ¹ Yam tamtamon tsiau, aghur talinamim pa saveen
tau naghe napaduduun̄ gham pani ne.
Saveen̄ tau naghe nasavia payam ne, yam
asov aloon̄ poghania.
- ² Yau pale nakaak avog, ve nasavia saveen̄ pale-
laan̄ siriv payam.
Pale nasavia gabua siriv tau muun̄ tivot na.
Gabua tawe, pughuzi iyoon̄.
- ³ Sinain̄ tane, timbuun̄ṅa tisavia payei gha
niloon̄ṅa, tauta niwataghi.
- ⁴ Muun̄, Yoova itotoi tapiri ivot ighazoon̄.
I igham gabua n̄geretazi ve uraat tintiina iv-
otvot.
Tauta tamtamon tipait eeza pa tapiri ve poia
tooni.
Uraat tooni tawe, irau tan̄gooza pa natuun̄ṅa
mako. Iit aat tasavia pazi.
Leso paaghu toit tau murei pale tivot na, ti-
wataghi paam.
- ⁵ Eez to itija Maaron tavalupu ghiit tamin eemon,
muun̄ i ivotia pa timbuun̄ṅa tau Yakop
paaghu tooni na.
I isavia tutuun̄ tooni pa yes Israela, ve isaav
ariaan̄ pa timbuun̄ṅa ighe tipaduduun̄
natuzṅa pani. *

* 78:5: Igham 10:2, 12:26+

- ⁶ Leso yes paam tiwataghi,
ve anazi tisavia pa natuznja,
ve iseengja tauvene taghon taghon gha ila.
- ⁷ Tauvene paaghu toozi irau lolozi iveegh pa uraat
tintiina tau Maaron igham zi ne mako.
Ve yes pale tinumeera, ve matazi ingal tutuun
tooni, ve titaghoni.
- ⁸ Leso tigham ngar imin timbuznja sov.
Pasaa timbuznja, ngar toozi iyaryaan kat.
Lolozi pa titoor ngar toozi mako. Monmon
tighamgham taliinjizi ve tizoroor Maaron
aliinja.
Lolozi ikisi tunja mako.
Ve saveenj tau yesnja Maaron timbua na,
titaghoni mako.
- ⁹ Paaghu to Epraim, yes tirao pa vaneghuun pa
paneegh.
Eemon saawe tau malmal iburig, tiroi ve
tighawaar.
- ¹⁰ Ve saveenj tau yesnja Maaron timbua na, matazi
kisini ve titaghoni mako.
Lagoonj toozi, lolozi pa taghoniinj tutuun
tooni mako.
- ¹¹ Ve uraat tintiina tomania gabua ngeretazi tau
muunj Maaron igham zi ila matazi na, yes
lolozi iveghaini kat.
- ¹² Saawe tau timbuznja tileep izi Isip,

Maaron igham gabua ngeretazi tintiina izi taan raraate to Zoan, ve tighita pa tauzi matazi.

¹³ Ve saawe tau tila tivot Te Sijsinai, i ivalagh te, le sirivu ila pa nas, ve sirivu ila pa tapir. I igham te iyooz imin didiin. Tauta eez ivot pazi, ve titaghoni tila tivool pa ziige ite.

¹⁴ Mataaz, i igham taitai ivot, lesu itotoi eez pazi. Ve mbonj, i igham yav ivot, lesu imuun pazi ve titaghoni. *

¹⁵ Saawe tau tileep izi nugh nginaanja, Maaron irav valaghin maet, ve igham yaa ivot pani. I igham yaa ireer tiina, lesu tighun. *

¹⁶ Onoon kat, i igham yaa katini tivot ila maet, ve tireer tizi le timin yaa tintiina.

¹⁷ Eemon yes tinoknok ghamuun sosor pa Maaron Tiina Tau Iliiv Zimaronja Tisov na. Saawe tau tilaghlaagh izi nugh nginaanja, tizoor-zoor aliinja.

¹⁸ Yes titovtoov Maaron tapiri. Tauta tisaav pani tige igham lezi aniin tau luazi itanjanj pani na. *

¹⁹⁻²⁰ Ve tivelegh Maaron tige:

* **78:14:** Igham 13:21; Mbo 105:39 * **78:15:** Igham 17:6; 1Kor 10:4 * **78:18:** Igham 16:3, 17:2; 1Kor 10:9; Hib 3:16

“Laak, Maaron tapiri irau igham lemai aniin
 izi nugh nginaanja tane?
 Onoon, i irav valaghin maet, ve yaa tiina iyaat
 ivot toman tapiri ve ireer izi.
 Eemon irau igham tamtamon tooni lezi aniin
 toman ziigha?”

21 Yoova iloonj saveenj toozi tawe, le ipas aate.
 Tauvene igham yav izi ighan Yakop paaghu
 tooni.
 Aate yavyav kat pa yes Israela, ve ivaghamun
 zi.

22 Pasaa, yes tighur ila tooni mako.
 Tinumeer tighe tapiri irau iuul zi ne mako. *

23 Tauvene Maaron isaav ariaanj, ve ataman to
 sambam saamba ikaak,

24 ve igham aniin manna izi pazi.
 I igham aniin to sambam pazi leso tighan. *

25 Onoon kat, tamtamon tighan aniin to yes anjela.
 Maaron igham lezi aniin katini, ve tighan le
 isoonj zi.

26 Ra ipaburigin yaghur kaaguragh ilam.
 Tauu tapiri igham yaghur tiina izaa pa ragh
 puughu.

27 Ve igham man umbaal tiroov tilam, ve titaptap
 tizi nugh tau tilepleep pani na.

* 78:22: Hib 3:19 * 78:24: Igham 16:4; Yo 6:31; 1Kor 10:3

Man tawe, sorok mako kat. Yes timin sausau
to nari. *

28 Maaron igham zi titaptap tizi nugh tau tam-
tamon tooni tilepleep pani na, le tilivutin
balbaal toozi.

29 Tauvene yes Israela tighan le isoonj zi.
Pa gabua tau luazi itañ pani, tauta i igham
pazi.

30-31 Yes Israela tighanhan man tawe le tipasovu
soone
ve Maaron aatyavyav tooni iza toozi, ve irav
tamtamon toozi ariañazi gha timatmaat.
Geegeu toozi paghpaaghu tau popoiazi kat na,
i ipasov zi.

32 Yes Israela tighita gabua naol isov tawe. Eemon
tinoknok ghamuunj sosor soone.
Tikaria ghitoonj gabua ngeretazi. Eemon
tighur ila to Maaron mako.

33 Tauta i ingoor saawe toozi tuuku.
Lepoogh toozi isov rekia mon imin yaghu-
raan tau ivotvot ila avoon.
Mateegh ipateen zi, le roinj tiina igham zi.

34 Onoon, saawe tau Maaron irav tamtamon toozi
siriv, rekia mon ve eval tiina tighilaal, ve
titoor njar toozi imuul ila pani,
ve tisunj pani ariañ tighe loolo isaghatin zi ve
ireu sosor toozi.

* 78:27: Igham 16:13

- 35 Ve matazi ingal muul tighe: Maaron, i iponpoon
zi imin maetaaz tau izala kat.
Maaron Tiina Tau Iliiv Zimaronᵇa Tisov na, i
ta Uleenᵇa toozi.
- 36 Eemon tipaiti pa avozi uuli mon.
Saveenᵇ tau ivotvot ila avozi na, tisavia toman
lolozi mako. Tigham karom.
- 37 Lolozi ikis Maaron ariaanᵇ mako.
Ve saveenᵇ tau yesᵇa Maaron timbua na,
matazi kisini ve titaghoni mako.
- 38 Eemon Maaron loolo isasaghatin zi, ve ireureu
sosor toozi. Tauta ivaghamun zi kat mako.
Onoon, saawe naol, i aate yavyav pazi kat.
Eemon iyai ghi, ve itatan aatyavyav tooni. *
- 39 Pasaa, maata ingal ighe: Yes to taan mon. Tapi-
rizi tiina mako.
Tileep rig, ve tilalez, imin yaghur tau taloonᵇ
luutu ilam, ve isov.
- 40 Saawe tau tileep izi nugh ᵇginaanᵇa, tizoor
Maaron aliinᵇa pai katini.
Yes tilaghlaagh ila nugh tau sausau mon, ve
tighamgham Maaron loolo ipatanᵇan.
- 41 Maaron Patabuyanᵇ to yes Israela, yes tinoknok
tovaanᵇni.
Tauta tipas aate, le aate yavyav kat. *
- 42 Yes lolozi iveghveegh pa Maaron tapiri.

* **78:38:** Igham 34:6 * **78:41:** Igham 17:2

Matazi ingal saawe tau i igham mulin zi ila
koiazɲa nimazi na mako.

43 Muun, i igham gabua ngeretazi katini ivotvot izi
Isip to itotoi tapiri pazi.

I ighamgham uraat tintiina izi taan raraate to
Zoan. Uraat tawe, tamtamon tighita le nɣar
toozi imbool. *

44 I itoor yaa tintiina to yes Isipa timin siɲ.
Tauvene yes Isipa lezi yaa eta to ghunuun
mako. *

45 Ve igham nimnim tintiina tau tinutɲut tamta-
mon na tivot izi nugh toozi, ve tinut zi le
tisaghat kat.

Ve igham gob katini tivot le tivaghamun zi
paam. *

46 Ve igham siis tivot le titav nugh toozi, ve tighan
aniin toozi.

Uum tau tighun punitazi pani na, siis
tighaniir gabua to uum tawe le isov. *

47 Ve igham ais paatu paatu titaptap tizi, le
ivaghamunia ai vaen toozi.

Ve uman tiina tomania ais izi le ivaghamunia
ai fik toozi paam. *

48 I igham ais paatu paatu titaptap tizi, ve irav
makau toozi timatmaat.

Ve igham lalaav ingalɲgal sipsip toozi.

* **78:43:** Igham 10:1 * **78:44:** Igham 7:20 * **78:45:** Igham 8:2,

6 * **78:46:** Igham 10:13 * **78:47:** Igham 9:23+

- 49-50 Maaron aate yavyav le yavyav kat.
 Loolo basbasuuj, ve irau aate izi muul mako.
 Tauta ighur yes Isipa muul mako, ve
 aatyavyav tooni iza toozi kat.
 I imbaanj anjela tooni eval tila tivaghamun zi
 pa moroghoonj saghati. *
- 51 I irav yes Isipa natuzņa aidabazņa, le tisov
 timataar.
 Natuzņa tau tipoop zi imin maata, tauta tisov.
 Eta ileep muul mako. *
- 52 Ra igham tamtamon tooni tipul Isip.
 I imuuj pazi imin nginiinj to sipsip, ve yesņa
 tilaghlaagh izi nugh nginaanja.
- 53 I imuujmuuj pazi ve inginņgin zi. Tauvene tiroi
 pa gabua eta mako, ve tileep poia mon.
 Eemon koiazņa, te itav zi, le tisov timataar ila
 te loolo. *
- 54 I igherev zi tila tigharau taan tooni patabuyaanj
 ziige,
 ve loloz tau i iparav pani ve ighamu imin le
 na. *
- 55 Ve iziir nugh nugh tau tileep ila taan tawe na
 tighawaar,
 leso tamtamon tooni tila tigham taan toozi
 imin lezi motot.

* **78:49-50:** Igham 15:7; 1Kor 10:10 * **78:51:** Igham 12:12

* **78:53:** Igham 14:19, 28, 15:7 * **78:54:** Igham 15:13, 17

Ve irei taan tawe tomania ruum tau tighenaar
ila na, le irau rumei rumei to yes Israela, ve
tighamu imin lezi to tileep ila. *

56-57 Eemon tizi ve titoov Maaron Tiina Tau Iliiv
Zimaronja Tisov na muul.

Tizorzoor aliija, ve eez tau i ighuru pazi na,
titaghoni mako.

Yes tamtamon tooni. Eemon tighur murizi
pani, ve tireu saveen mbuaan tau timbua
tomania Maaron na raraate imin timbuzja.

Tauvene i irau inumeer zi mako. Yes timin
paneegh tau ool ipas pani, ve le uraat mako.

58 Maaron iriu zi pasaa, tighagharaat maaron
karomja anunuzi.

Yes tiluplup zi izala nugh mbua ta naol ne, ve
tisujsu pa maaron karomja. Tauta tipas
Maaron aate.

59 Maaron ighita ngar toozi tawe,
le aate yavyav ve ighur muuri pazi kat.

60 Saawe tana, i ipul balbaal tooni patabuyaan tau
igheen izi nugh Silo na, izi ileple.

Niia to lepoogh tau igheen ila tamtamon tooni
sosozi na, i ileep ila muul mako.

61 Ve Bokis to Saveen Mbuaan tau imin ilaal pa
tapiri ve mbonari na, i ipuli ila yes Israela
koiazja nimazi. *

62-63 Aate yavyav kat pa tamtamon tooni.

* 78:55: Mbanj 13:19 * 78:61: 1Sam 4:4+

Tauvene ipul zi tila koiazna nimazi ve timbut zi pa mbuzaagh, le geegeu toozi paghpaaghu timataar.

Zilivaa toozi paghpaaghu irau timbou mbounj to vain muul mako. Pasaa, zitamoot tileep ve tivai zi muul mako.

64 Zeran to watoonrau paam, mbuzaagh ighan zi gha timatmaat.

Ve azuwazna zilivaa tau tileep timin zinaarana, irau titan pazi mako.

65 Ra Maaron igham ngar imin tamtamon tau igheen gha iburig.

I imin tamtamon ariana to malmal tau ighun le ivaghamgham. Mako maata pakia ve iburig ila igham malmal muul.

66 I itatan koina, ve tighau tila toman mayazi.

Mayana tawe pale ighengheen tauvene taghon taghon gha ila.

67 Maaron ighur muuri pa Yosep paaghu tooni. Ve niia to lepoogh paam, igheen tomani zi muul mako.

Irau igham yes Epraima pa uraat tiina eta muul mako.

68 Ve isiigh rumei to Yuda, lesu tigham pooz pa tamtamon tooni.

Ve igham loloz Zion imin i le.

Loloz tawe, i loolo pani kat.

69 I irau rumei tooni patabuyaana izala, lesu imin niia to lepoogh.

Rumei tawe iyaryana kat imin sambam.

Pale iyooz tunja tauvene taghon taghon gha
ila, imin taan tau i ighuru na.

⁷⁰ Ve i isiigh besoonja tooni David to imin kinik.
David inginngin sipsip ila olol loolo, ve
Maaron ighuru pa uraat tooni. *

⁷¹ I maata pa sipsip tinazja tomania natuzja tau
tighunghun tuz na,
ve Maaron ighamu imin nginiinj to yes Israela
tau Yakop paaghu tooni na.

⁷² Tauvene David ingin zi itaghon ngar duduunja, ve
igham pooz pazi poi. *

79

*Tanjiz to yes Israela injarui Maaron pasaa,
koiazja tireu Yerusalem*

Mbounj to Asap

¹ O Maaron, aazne nugh nugh tau tiwatagh ghom
mako na, tilam taan tsio tane, ve tighe
tighamu imin lezi.
Yes tivaghamunia rumei tsio patabuyaanj le
isaghat,
ve tireu mbirisai nugh tiina Yerusalem.

² Yes tirav besoonja tsio timatmaat, ve tipul patazi
tivaghengheen taghon taan paavo, leso
man tighan zi.
Tamtamon tsio tau lolozi isaghav ghom ari-
aanj ve titaghon eez tsio, tauta mizazi imin
gabua sagsagna lezi to tighani.

* **78:70:** 1Sam 16:11+ * **78:72:** Mt 2:6; Yo 10:11

- ³ Koiamaïña tirav tamtamon tsiei katini, ve sin toozi ireer imin yaa irau Yerusalem loolo.
Ve tsiei eta ileep to itavi zi mako.
- ⁴ Tauvene nugh nugh tau tileep tigharau ghei ne, tighit ghei, ve tighamgham ñalalañ payei.
Yes tinjinj payei, ve tivevelegh ghei kat.
- ⁵ O Yoova, pale ñeez o lolom imuul ilam payei?
Pale uriuriu ghei, ve aatyavyav tsio ighanghan ghei imin yav irau saawe?
Pale aatyavyav tsio izazaa tsiei tauvene taghon taghon gha ila?
- ⁶ Ugham aatyavyav tsio iza a to nugh nugh tau tiwatagh ghom mako na, ve tiyamaan katini.
Ughur atuya inarui yes tau tisun̄sun̄ payo mako na, o poia.
- ⁷ Pasaa, yei tau Yakop paaghu tooni na, tiravuur ghei nisov.
Ve tivaghamunia taan tane, le nugh tsiei ñginaañja.
- ⁸ Sosor tau muun̄ timbumain̄ja tighamgham zi na, ughur atuya iza a tsiei sov.
Lolom isaghatin ghei, ve rekia ulam uul ghei.
Pa aazne, saghatiin̄ tiina ivot payei gha nisaghat wa.
- ⁹ O Maaron, yo ta Uleen̄ja tsiei. Uul ghei lak!
Leso eval tipait ezam pa tapirim ve poia tsio.
Upas ghei nivot pa patañani tane, ve ureu sosor tsiei. Pasaa, gabuam tauvene. Tauta tamtamon tipapait ezam.

- 10 Maaron, isaav ighe uul ghei mako, ene pale nugh nugh tisavia saveen veleghiin payei tigde:
 “Laak, Maaron tsiam ileep sindei?”
 Maaron, yes tau tilinlin sin pa besoonja tsio na, uyat ngar toozi tawe, ve nighita.
 Leso nugh nugh tiwatagh tigde yo ughurghur atuya pa ngar saghati.
- 11 Uloonj tanjiz to yes tau tileep ila koiazna nimazi na.
 Yes tau koiazna tigde tirav zi timaat na, ugham mulin zi. Pa yo tapirim tiina kat.
- 12 O Maaron, nugh nugh tisiksik saveen veleghiin payo.
 Ngar toozi tawe, uyatu le uyat katini.
- 13 Ighe ugham tauvene, ene pale yei tamtamon tsio lolomai poia payo, ve nipait ezam pa poia tsio irau saawe.
 Pale nisinai uraat tsio taghon taghon gha ila.
 Pasaa, yei sipsip tsio, ve yo nginiin tsiei.

80

Yes Israela tighason Maaron to uuul zi, lesa tileep poia muul

Mbounj to Asap

- 1 O Maaron, yo nginiin to yei Israela, ve yei sipsip tsio.
 Yo ta umunmuun pa yei paaghu to Yosep.
 Ughur talinam pa sunuun tsiei tane.
 Yo uleep ila niam to ghamuun pooz tau igheen izala anjela arianazi avarazi na.

Utotoi mbonarim ivot ighazoonj payei.

² Yo saksakim ve arianjam.

Uburig ve utotoi tapirim ila Epraim,
Benyamin, ve Manase paaghu toozi matazi.
Ulam uul ghei.

³ O Maaron, uul ghei ve upalot ghei.

Lolom poia payei, ve ugham poghani ghei.
Leso nileep poia muul.

⁴ O Yoova, yo Maaron saksakim ve ungin gabua
naol isov.

Yei tamtamon tsio. Eemon atem yavyav
payei, ve uloonj sunuunj tsiei mako.
Pale njez o aatyavyav tsio isov?

⁵ Yo ugham ghei nibaad patanani tiina le isoonj
katin ghei.

Tauvene nitanj tiina, ve nighun matamai su-
uru imin lemai yaa.

⁶ Yo ughur murim payei. Tauvene nugh nugh tau
tileep tigharau ghei ne, tivazorai zi pa taan
tsiei tighe tighamu imin lezi.

Ve koiamainja tivevelegh ghei, ve tinjinj
payei.

⁷ Yo Maaron saksakim ve ungin gabua naol isov.
Uul ghei ve upalot ghei.

Lolom poia payei, ve ugham poghani ghei.
Leso nileep poia muul.

⁸ Muunj, ai vaen ee iyooz ila taan to yes Isipa.

Yo usuru, ve ughamu ilam ta sene, ve uziir
nugh tane tamtamona tighau, ve uvazoghi
ila taan toozi. *

⁹ Ve uzavaan puughu, leso itum poi.
Tauvene waria izila taan loolo kat, ve booga
titum tila mamalau, le titav taan tane isov.

¹⁰ Ai vaen tane itum izaa izaa, le itav loloz to nugh
tane, ve imin yavyaav pazi.
Ve ai mezepur tintiina tiyooz ila saamba
paam.

¹¹ Booga siriv tiraraav zi tila le tivot nari to te
Mediterenian.
Ve siriv tiraraav zi tila le peria yaa tiina Eu-
prates.

¹² Mindai ta aazne ureu didiin tau muunj ilivutin
uum vaen tsio na?
Ughita. Tamtamon tau tilaghlaagh sorok na,
tisov tilam tilonj tila ve tiyummyum anoonja.

¹³ Ve ngai sagsag tisuus puughu ve tivavaghaaza,
ve gabua naol to su tighanghan anoonja.

¹⁴⁻¹⁵ O Maaron, yo saksakim ve ungin gabua naol
isov. Matam imuul ilam payei.
Uleep sambam ve matam izilam ughita ai
vaen tau nimam tapir ivazoghi na. Isaghat
wa!
Tauvene ulam ugharaata! Leso itum poi
muul.

* **80:8:** Igham 15:17; Is 5:1-7; Mt 21:33+; Mbanj 7:45

- 16 Aazne, koiamŋa tiŋgor ai vaen tsio izi, ve tisuru-
uva izala yav.
Ughit zi ve uyaon zi, ve upasov zi gha tilalez!
- 17 Eemon tamtamon tsio tau ileep ila nimam tapir
na, uŋgin poghania ila nimam saamba.
Kinik tsiei tau yo taum usiigho ve ughuru pa
uraat na, matam pani ve upaloti, leso igham
uraat payo.
- 18 Ighe ugham tauvene, ene yei aat irau nighur
murimai payo muul mako.
Tauvene uul ghei nileep poia muul. Leso
nibeas payo ve nipait ezam.
- 19 O Yoova, yo Maaron saksakim ve uŋgin gabua
naol isov. Uul ghei ve upalot ghei.
Lolom poia payei, ve ugham poghani ghei.
Leso nileep poia muul.

81

Mbouŋ to lupuuŋ tiina to suruuŋ

Mbouŋ to Asap

- 1 Lolomim poia pa Maaron, ve ambou pani. Pa iit
taghamgham tapiriin ila tooni.
Tintinmim pa Maaron to Yakop, ve ayoor eeza
toman alinamim tiina.
- 2 Ait mbouŋ ve ambou.
Ve atok kakaap, ve arav gita ve gabua siriv,
leso agham mbouŋ paghuuna.
- 3 Saawe to kaiyo iza paaghu, ve saawe to kaiyo
dodoliin, ene saawe to talup ghiit ve tasuŋ.

Tauvene aviv tavuur *
ve apaburigin sunjuunj.

⁴ Pa ngar tauvene, ene itaghon tutuunj tau Maaron
ighuru pa iit Israela alok wa.
Maaron to Yakop ighe tataghon tutuunj tane.

⁵ Saawe tau i igham malmal pa yes Isipa,
i isaav pa iit Israela to tataghon tutuunj tane,
leso itinja tavalupu ghiit tamin eemon.
Yau naloonj neer ee aliinja ilam.
Ta muunj ve ilam, naloonj aliinja tauvene mako.
Isaav ighe:

⁶ “Yau ta nazugh yauyaunj patanjani izi pa
avaramim,
ve naghams gham amariau pa badoonj gabua.
* ”

⁷ Muunj, yam aleep ila patanjani tiina loolo, ve atan
rarai ghau to nauul gham.
Ve yau naloonj tajiiz tsiam, ve napas gham
avot pa patanjani tsiam.
Yau nayoos ila taitai gabgabuai tau lalaav
lutluutu ivotvot pani na, ve nayol alinjanim.
Ve yau natoov gham izi yaa ziige to nugh
Meriba. *

⁸ Yam tamtamons tsiu, aloonj saveenj ariaanja tau
naghe nasavia payam ne.

* **81:3:** Saawe tau yes Israela tipaburigin sunjuunj toozi, tiviviv
mekmek zitamoot zonzazi imin iit taviv tavuur. * **81:6:** Igham
1:11, 6:6; Mt 11:28 * **81:7:** Igham 17:7

Yam Israela, aghur talinamim pa alinag tane ve ataghoni, o poi!

⁹Maaron ite paam ileep ila sosomim ve abees pani sov. Yau mon, o abees payau.

Tauvene aput aghemim pa maaron karomnja to nugh siriv sov. *

¹⁰Pa yau Yoova ta Maaron tsiam. Yau ta naghham gham apul Isip.

Yau nasaav payam naghe: Akaak avomim tiina. Leso napavoni pa gabua popoia.

¹¹Eemon tamtamon tsiau tiloonj alinag mako.

Yes Israela timbuzir payau. *

¹²Ngar toozi iyaryaanj kat. Lolozi pa lonjaanj saveenj mako.

Tauta napul zi titaghon tauzi ngar toozi. *

¹³Yau napasawal naghe le tamtamon tsiau tiloonj alinag, ve titaghon eez tsiau!

¹⁴Leso rekia mon ve koiaznja tiyamaan nimag, ve natatan zi.

¹⁵Yes tau tighurghur koi payau na, pale tilam titap izi naghog toman roinj tiina.

Ve atuya tau pale iza toozi, ene aat ighengheen tauvene taghon taghon gha ila.

¹⁶Eemon yam Israela, pale napan gham pa aniin popoia,

* **81:9:** Igham 20:3 * **81:11:** Igham 32:1+ * **81:12:** Mbanj 7:42; Ro 1:24

ve napaghun gham pa tok to su suuru le isoon
gham.”

82

Maaron iyaon yes pooza to taan

Mbounj to Asap

¹ Maaron ileep ila niia to ghamuunj pooz, ve yes
daaba to nugh sambam tilup zi ila naagho.

I ipayooz zimaronja *

pa savsaveen, ve igabiiz zi pa uraat toozi. Ighe:

² “Yam tane, eez tsiam to ghamuunj pooz, iduduunj
mako. Pale neez o apul ngar tana?

Saawe tau daaba to taan tigharaat saveenj to
tamtamon, yam apul zi tivoolvol to zeran
sasaghati.

³ Yam aat apaburigin zi, leso tigharaat saveenj to
yes tau tapirizi imbool ve yes parooja, le
iduduunj mon.

Ve tiyooz pa yes tau tileep ila patajani loolo,
ve yes tau lezi uleenj eta mako na, ve tiuul zi
pa patajani toozi.

⁴ Tauvene yes tau tapirizi imbool, ve yes mbo-
laanja,
yam irau matamim pazi, ve agham mulin zi
ila zeran sasaghati nimazi.

* **82:1:** Zeran ngara siriv tigde zimaronja tau mbounj tane isavi zi, ene anjela siriv tau Maaron ighur zi to tingin nugh nugh. Anjela tawe, tauta tighamgham pooz pa yes daaba to taan. Maaron iyaon zi pasaa, tipaburigin yes daaba to taan to tigham pooz poi itaghon ngar duduunja mako. Yes tipul daaba to taan tigham ngar sasaghati naol.

- 5 Eemon yam aghamgham tauvene mako.
 Lemim ghilaloonj mako. Ngar tsiam ivot soone.
 Laghoonj tsiam, yam ataghon ngar to ndo-room.
 Tauta ngar ve tutuunj naol tau timin puughu pa lepoogh poia izi taan na, yam avaghamunia le isaghat kat. *
- 6 Onoon, muunj yau nawaat gham naghe 'zimaronja.'
 Ve nasaav payam naghe: 'Yam asov amin Maaron Tiina Tau Iliiv Zimaronja Tisov na natja.' *
- 7 Eemon yam pale asov amatmaat raraate imin eval tiina to taan.
 Pale atap imin yes daaba to taan, ve lemim ezamim muul mako."
- 8 O Maaron, uburig ve ughur atuya pa zeran sasaghati tau tileep izi taan na.
 Pasaa, nughmarij to taan tomania gabua toozi, ene yo tsio mon.

83

Yes Israela tighason Maaron to itatan koiazja

Mbounj to Asap

- 1 O Maaron, mindai ta avom luutu mako ve uneneen mon?
 Mindai ta uput nimam ve ulepleep sorok?
- 2 Ughita. Koiamja tigde tipaburigin malmal.
 Yes tau tighurghur koi payo na, tipakur tauzi ve tighamgham aghezi payo. *

* 82:5: Mbo 11:3 * 82:6: Yo 10:34 * 83:2: Mbo 2:1

- ³ Tamtamon tsio tau lolom pazi kat na,
koiamņa tawe tilup zi, ve tiil eez to
tivaghamun zi.
- ⁴ Tighe: “Alam tala ve tapasov yes Israela le tisov
kat.
Leso ezazi igheen muul sov, ve tamtamon
loloji iveegh pazi.”
- ⁵ Onoon kat, koiamņa tawe tilup loloji ve ngar
toozi imin eemon,
ve timbu saveeņ tighe tigham malmal payo ve
tivaghamunia tamtamon tsio.
Yes tamtamon to nugh tane:
- ⁶ Yes Edoma tomania Ismael paaghu tooni,
ve yes Moapa tomania yes Agri,
- ⁷ ve yes to taan sirivu to Gebal tomania yes Amona
ve Amaleka,
ve yes Pilistia ve tamtamon to nugh Tiro.
- ⁸ Ve yes Asiria paam tau zeran arianazi to malmal
na, tivool to yes Amona ve Moapa tau Lot
paaghu tooni na, lesu tiuul zi pa malmal. *
- ⁹ Tauvene yei nitanj rarai ghom nighe ugham ngar
raraate pa yes tawe imin tau muuņ ugham
pa yes Midiana,
ve murei ugham pa Sisera yesuru Yabin izi
yaa Kison na.
- ¹⁰ Saawe tana, yo urav zi timataar izi nugh Endor,

* **83:8:** Gnp 19:37+

ve patazi tivaghengheen taghon taan paavo
gha timbuzaar.

- 11 Yes daaba to koiamainja, ugham ngar raraate
pazi imin tau muun ugham pa Oreb yesuru
Zeeb na.
Ve yes pooza toozi tauvene paam. Utatan
zi imin tau muun utatan Zeba yesuru Zal-
muna na.
- 12 Zeran ru tawe, muun tisaav tigde: “Maaron taan
tooni, le kikiliin popoia. Tala taghamu imin
leen.”
- 13 Maaron tsiau, ureu zi le timbiriis imin ngaupup
ve rabrab tau yaghur ivuvuura gha ilale.
- 14 Uvaghmun zi imin yav tau ighan suvinia regh,
ve imin yav tau ighan izala loloz, le ipasov su.
- 15 Ugham uman tiina izi, ve yaghur tiina iza, lesu
tiroi ve tighau.
- 16 O Yoova, utatan zi. Lesu mayazi kat, ve tighilaal
tighe yo ezam tiina, ve tisuñ payo.
- 17 Ugham zi tivaghamgham, ve tileep toman
mayazi taghon taghon gha ila.
Upamayanjin zi, ve upasov zi.
- 18 Lesu tighilaal tigde: Yoova, yo mon ta ezam
tiina.
Yo Maaron Tiina Tau Uliiv Zimaronja Tisov,
ve ungin taan isov.

84

*Mbounj to yes tau tilaagh nugh malau ve tilam
Yerusalem pa sunuuj tiina*

Mbounj to yes Kora

- ¹ O Yoova, yo saksakim ve ungin gabua naol isov.
Yau lolog pa rumei tsio kat. Pa ene paghuuna
kat ve imin niam to lepoogh. *
- ² Yau napasawal naghe le naleep ila sirsiir to
rumei tsio loolo, o poia.
Maaron, yo uleep matam yaryaare irau
saawe.
Tauvene lolog ve ngar tsiau isov inajarui
ghom, ve lolog poia kat ve namboubou
payo. *
- ³ Yoova, yo saksakim ve ungin gabua naol isov.
Yo kinik tsiau ve Maaron tsiau.
Man tau tileep ila sirsiir to rumei tsio loolo na,
loloji poia kat.
Ve maetbooga tiraurau rumazi ila rumei tsio
loolo, leso tileep tigharau artaal tsio, ve
tipoop natuzna ta sewe.
- ⁴ Yes tau tilepleep ila rumei tsio loolo na, poia tsio
izazaa toozi ve loloji poia kat.
Tauta timboubou ve tipapait ghom.
- ⁵ Yes tau tighamgham tapirizi ilat tsio na, poia tsio
izazaa toozi ve loloji poia kat.
Loloji iyaryaan tighhe le titaghon eez tau ila pa
loloZ Zion na, leso tisun payo izi ta sewe. *

* **84:1:** Mbo 27:4 * **84:2:** Mbo 42:1, 63:1 * **84:5:** Hib 11:13+

- 6 Saawe tau tilaagh ila taan raraate tau le yaa mako na,
yaa katini bolokbolokia ila taan ve tizazaa.
Maaron igham uman izi pa taan tawe, tauta yaa ipot irau nugh.
- 7 Tauvene tamtamon tooni tapirizi ivotvot, ve tilaghlaagh taghon eez,
le tila tivot Maaron naagho izi loloz Zion.
- 8 O Yoova, yo Maaron saksakim ve unġin gabua naol isov. Ulooġ sunġuunġ tsiau tane.
Maaron to Yakop, ughur taliġam payau.
- 9 Maaron, sunġuunġ tsiei inġarui ghom pa kinik tsiei tau yo taum usiigho na.
Matam pani ve ughur poia tsio izaa tooni.
Pa i ta imin sigheu payei.
- 10 Isaav ighe yau naleep ila sirsiir to rumei tsio loolo pa aaz eemon geeg,
ene igham ghau lolog poia iliiv saawe ndiġndiġ ndiġndiġ tau naleep izi nugh siriv.
- Yau lolog pa naleep tomania zeran sasaghati ila ruum toozi mako.
Yau naghe le naleep ataman aavo to Maaron tsiau rumei tooni, o poia.
- 11 Maaron toit Yoova, ghazooġa tooni isul ghiit imin aaz, ve i imin sigheu pait.
I ighamgham poghani ghiit, ve igham ezaan ivot imin tiina.
Yes tau laghoonġ toozi iduduunġ ila maata na, i irau inġuruut gabua poia eta pazi mako. *

* 84:11: Mbo 34:10

12 O Yoova, yo saksakim ve ungin gabua naol isov.
Yes tau tinumeer ghom na, poia tsio izazaa
toozi ve lolozu poia kat. *

85

*Maaron tamtamon tooni tighasoni to iuul zi,
leso tileep poia muul*

Ene mbounj to njeer tau imuun pa mbounj
Mbounj to yes Kora

1 O Yoova, muunj yo ughamgham poghania nugh
tsio.

Yei tau Yakop paaghu tooni ne, saawe tau
nileep ila patanjani loolo, yo uul ghei ve
ugham ghei nileep poia muul.

2 Ve saawe tau tamtamon tsio tigham sosor, yo
upul sosor toozi.

Ngar toozi tau isosor ila yo matam na, yo
ureua isov ilale.

3 Yo utatan aatyavyav tsio,
ve lolom iluum pazi muul.

4 Ve aazne, nitanj rarai ghom muul.

Maaron, yo Uleenja tsiei. Matam imuul payei
ve uul ghei, leso nileep poia muul.

Atem yavyav payei muul sov.

5 Mindai, pale aatyavyav tsio izazaa tsiei irau
saawe?

Pale ighengheen tauvene taghon taghon gha
ila?

* 84:12: Mbo 2:12

- 6 Yei tamtamon tsio. Tauvene matam imuul ilam payei, ve upaburigin ghei muul.
Leso lolomai poia payo, ve nipait ghom.
- 7 O Yoova, lolom isaghav tamtamon tsio ariaan ve uluul zi. Utotoi ngar tana payei muul, ve ugham mulin ghei. Leso nileep poi.
- 8 Yau aat naghur taliṅag poi pa saveeṅ tau Maaron ighe ivotia pa tamtamon tooni.
Pasaa, yau nawatagh: Yoova pale isavia saveeṅ luuma pait.
Tamtamon tooni tau lolozi isaghavu ariaan ve titaghon eez tooni na, i pale iuul zi, leso tileep poia muul.
Eemon yes aat tiyamaan zi. Ngar to boraunṅa tau muun tighamghamu na, tighamu muul sov. *
- 9 Onoon kat. Yes tau tiroi pa Maaron ve titaghon ngar tooni na, i ilepleep igharau zi ve isasaan pa uleeṅ zi.
I aat ileep tomani ghiit, ve itotoi tapiri ve poia tooni ivot ighazoonṅ izi taan tsiei tane
- 10 Maaron lolo isaghav tamtamon tooni ariaan ve iuluul zi, ve yes titaghon tutuunṅ tooni.
Tauta yesṅa tilup zi timin eemon.
Yes titaghon ngar duduunṅa, ve i igham zi tileep poia toman lolozi luuma. Tauta lupuunṅ toozi eemon. *
- 11 Ngar to taghoniin saveeṅ onoon, ene ivotvot izi taan.

* 85:8: Yo 14:27; Ro 5:1; 2Tes 3:16 * 85:10: Mbo 89:14; Ro 3:26

Ve Maaron ileep izi sambam, ve maata pait
itaghon ngar tooni duduunja.

¹² Onoon kat, Yoova pale igham lemai gabua
popoia.

I pale igham mariri poia ivot ila taan tsiei. *

¹³ Ngar duduunja, ta imunmuun pani,
ve ighagharaat eez pani to ilam.

86

*Neer ee ighason Maaron to ipaghazonjaini pa eez
tooni*

Mbounj to David

¹ O Yoova, ughur taliŋam payau. Uloonj sunjuun
tsiau tane, ve uul ghau.

Pa yau naleep ila patanjani loolo ve nailiil eez.

² Yau besoonja tsio, ve nanumeer ghom.

Lolog isaghav ghom, ve nataghon eez tsio.

Yo Maaron tsiau.

Tauvene uvool tsiau, ve ugham mulin ghau.

Mako pale namaat.

³ Tiina tsiau, lolom isaghatin ghau ve uul ghau!

Pa saawe isov, ta mbonjoozo ila le ravrav izi,
tanjiz tsiau injararui ghom.

⁴ Yoova, yau besoonja tsio. Yau nasun payo toman
lolog.

Ugham lolog poia muul.

* **85:12:** Mbo 67:6; Yems 1:17

- 5 Tiina tsiau, yo poiam kat, ve upulpul sosor to tamtamon.
Tamtamon tisov tau tisuṅsuṅ payo na, lolom isaghav zi ariaaṅ, ve uluul zi. *
- 6 Tiina tsiau, ughur taliṅam pa suṅuuṅ tsiau.
Ulooṅ taṅiiz tsiau tane ve uul ghau. Pa yau besooṅa tsio.
- 7 Saawe tau naleep ila pataṅani loolo, yau natanṅ rarai ghom.
Pasaa, yau nawatagh: Yo aat ulooṅ suṅuuṅ tsiau ve uul ghau.
- 8 Tiina tsiau, yo mon ta Maaron tauu. Maaron ite paam raraate imin yo mako.
Eta irau igham uraat tintiina imin yo ne mako.
*
- 9 Yoova, yo ughur tamtamon tisov tileep irau nugh toz toz.
Nughmariṅ pale tilam tiput aghezi payo, ve tipait ezam pa tapirim ve poia tsio. *
- 10 Pasaa, yo ezam tiina, ve ughamgham gabua ṅgeretazi tintiina.
Tauvene yo mon ta Maaron tauu.
- 11 O Yoova, utotoi eez tsio payau
Leso laghoṅ tsiau iduduṅ mon itaghon saveṅ tsio onoon.
Ve ugham ghau naghur lolog isov inarui ghom.
Leso naroi payo, ve nataghon aliṅam. *

* **86:5:** Igham 34:6; Yona 4:2 * **86:8:** Igham 8:10, 15:11 * **86:9:** Syg 7:9-10, 15:4 * **86:11:** Igham 33:13; Mbo 25:5; Yer 32:39; Ezek 11:19+

- 12 O Tiina, yo Maaron tsiau.
Yau lolog poia payo, ve napakur ghom toman lolog isov.
Yau aat napait ezam pa tapirim ve poia tsio irau saawe.
- 13 Pasaa, yo lolom isaghav ghau ariaan ve uluul ghau.
Muunj, rigmon kananj nazila mateegha niazi.
Eemon yo ugham mulin ghau, tauta namaat mako.
- 14 O Maaron, ughita. Aazne, zeran sasaghati tiburig tighe tivaghamun ghau.
Yes to taliinjizi tilup zi, ve tighe tirav ghau namaat.
Lolozi isaghatin tamtamon eta mako, ve matazi injal ghom rigta mako.
- 15 Tiina, yo Maaron tau lolom isasaghatin ghei, ve ughamgham poghani ghei.
Atem yavyav rekrekia mako.
Poia tsio, ene tiina kat. Yo lolom isaghav ghei ariaan ve uluul ghei, ve utaghon saveenj tsio irau saawe. *
- 16 Tauvene matam imuul ilam payau, ve lolom isaghatin ghau.
Upalot ghau. Pa yau besoonja tsio. Yau nabesbees payo imin tinaj ibesbees payo.
Tauvene ugham mulin ghau pa patajani tsiau tane.
- 17 O Yoova, ugham ngar eta leso itotoi ighe yo lolom poia payau.

* **86:15:** Igham 34:6

Pasaa, ighe yo uul ghau, ve ugham ghau ateg izi, ene pale koiagna tighita tigde onoon yo lolom payau. Mako mayazi ve tineneen.

87

Zion, nugh patabuyaanj to Maaron

Mbounj to yes Kora

¹ Yoova tauu ipayooz nugh tooni izi loloz tooni patabuyaanj.

² I loolo pa nugh Zion kat iliiv nugh naol tau Yakop paaghu tooni tileep ila na. *

³ O Yerusalem, yo Maaron nugh tooni.
Tauta tamtamon tipait varum kat.

⁴ Maaron isaav ighe: “Yes Isipa ve Babilona pale tiwatagh ghau, ve nawaat zi ‘tamtamon tsiau.’

Ve yau aat nasaav pa yes Pilstia, yes to nugh Tiro, ve yes to Etiopia paam tauvene:
‘Yam amin Yerusalem tamtamona, raraate imin yes tau tipoop zi izi ta sene.’ ”

⁵ Onoon kat, pale tisavia nugh Zion tigde:
“Maaron Tiina Tau Iliiv Zimaronja Tisov na igham tamtamon to nughmarinj timin Yerusalem tamtamona.
Nugh tawe, i tauu ipayooze.”

⁶ Tauvene saawe tau Yoova ibood tamtamon tooni ezazi ila rau,

* [87:2: Mbo 48:1](#)

i pale ibood saveen to ipaghazonai nughmarin
tawe ighe: “Yes nugh tauu to Yerusalem.”

⁷ Tauvene tamtamon pale timboubou, ve titor-
tor toman lolozi poia, ve tisaav tigde:

“A Yerusalem, yo umin puura tau yaa bolok-
bolokia pani. Pasaa, yo, tauta gabua popoia
katini ivotvot payei!”

88

Sunjuunj to neer tau ileep ila patanjani tiina loolo

Mbounj to yes Kora

Heman, tau paaghu to Ezra na itoor mbounj tane

¹ Yoova, yo Maaron tsiau ve Uleena tsiau.

Mataaz ta naol ne, natañtanj toman alinag tiina
injarui ghom naghe uul ghau.

Ve mbonj paam, nalam naleep ila naghom, ve
nasunjsunj payo.

² Uloonj sunjuunj tsiau tane.

Ughur taliñam pa tanjiiz tsiau, ve uul ghau.

³ Pa patanjani naol itatan ghau,

ve naghita naghe naleep ila naal aavo wa.

⁴ Tamtamon tighit ghau tigde paita namaat ve
nazila nugh to mateegha tane.

Pa tapirig isov kat wa.

⁵ Tamtamon tighit ghau imin namaat wa. Tauta
lolozi iveegh payau, ve zigau naleep.

Yau namin zeran tau tirav zi timatmaat, ve
tisuruuv patazi izila naal.

Ve namin yes mateegha tau yo lolom iveghai
zi ve irau uul zi muul mako.

- 6 Yo ughur ghau nazila puura to mateegha tau izila le izila kat.
Naleep siinja kat ila ndoroom loolo.
- 7 Aatyavyav tsio itatan ghau kat,
imin dibom tintiina tipolpol izala pavog ve titavtav ghau.
- 8 Yo ugham zetagna timoghaagh payau.
Loloji pa tighit ghau mako. Pasaa, ngar tau ugham payau ne, ene igham zi tighit ghau namin gabua saghati.
Lepoogh tsiau, ene imin naleep ila ruum to yavyavuun loolo, ve leg eez to navot mako.
- 9 Yoova, mataaz ta naol ne, yau naitiit nimag izazaa,
ve natañtañ rarai ghom to uul ghau.
Lolog ipatañan kat, ve natañ tiina le matag isarsar.
- 10 Laak, yo ugham gabua ngereeta eta pa yes mateegha leso uul zi?
Ma mateegha irau tiburig ve tipait ezam?
Mako.
- 11 Ve yes tau tigheen ila naal loolo na, tisasavia ngar tsio tau lolom isaghav tamtamon tsio ve uluul zi?
Ma yes tau tileep ila nugh to saghatiin na, tisavsaav pa ngar tsio to utataghon saveen mbuaan tsio? Mako.
- 12 Ve yes tau tileep ila ndoroom loolo na, tiwatagh gabua ngeretazi tau ughamgham zi ne?

Ma mateegha tau tamtamon lolozi iveghai
zi na, matazi ingalngal ngar tsio duduunja?
Mako kat!

¹³ Eemon yau, o natanjan payo naghe uul ghau.
Yoova, mbonoozo ta naol ne, sunuunj tsiau
injanarui ghom.

¹⁴ Yoova, mindai ta ughur murim payau, ve ungooz
naghom payau?

¹⁵ Saawe tau kukuag ve ilam, nabadbaad patanani
tiina, ve nalepleep ila naal aavo.
Yo ughurghur patanani payau, ve upaparo
ghau imin koiam yau.
Tauta lolog ipatanan kat, ve naghita naghe
narau gabua eta muul mako.

¹⁶ Pasaa, aatyavyav tsio itatan ghau kat.
Yo uvaghamun ghau le naroi kat.

¹⁷ Saawe isov ta mbonoozo ila le ravrav izi, lepoogh
tsiau, ene imin dibom ipol toman tapiri, ve
rigmon kanan izugh ghau gha nalaleg.
Patanani naol tilivutin ghau, ve leg eez to
napaghau taug mako.

¹⁸ Yo ugham zetagna ve tonvetaz tsiau timoghaagh
payau.
Yes tau muunj yenja lupuunj tsiei eemon na,
tigharau ghau muul mako.
Aazne, ndoroom tiina ikau ghau.

Maaron imbua tomania David na, puughu mindai ta Maaron itaghoni mako?

Mbounj tane to Etan, i Ezra paaghu tooni

¹ O Yoova, yau aat nambou ve napait ghom irau saawe. Pasaa, yo lolom isaghav tamtamon tsio ariaan ve uluul zi.

Ve ngar tsio to taghoniin saveen mbuaan tsio tauvene paam. Avog pale ivovotia pa tamtamon ta aazne ve iseenga taghon gha ila.

² Pale navoti ghom pa tamtamon naghe: Ngar tau lolom isaghav tamtamon tsio ve uluul zi, ene pale ighengheen tauvene le alok.

Ve ngar to taghoniin saveen mbuaan tsio paam, ene igheen tunja irau saawe, imin sambam saamba.

³⁻⁴ Muun, yo usaav ughes: “Yau nasiigh besoonja tsiau David ve nambu saveen tomania.

Saveen tane, npariaanja le iyaryaan kat naghe:

‘Yau pale napalot paaghu tsio, ve naghur zi timin kinik irau saawe. Yes pale tileep ila niam to ghamuun pooz, ve tingin yes Israela taghon taghon gha ila.’ ”

⁵ Yoova, yes anela patabuyaanja tiluplup zi izi sambam, ve tipapait ezam pa gabua ngeretazi tau ughamgham zi na.

Yes tipapakur ghom pasaa, yo utataghon saveen mbuaan tsio. *

⁶ Yoova, sei ta irau ghom?

Yes tau tileep izi sambam na, yo uliiv zi tisov.

* 89:5: Syg 4:8

Anjela eta irau ghom mako.

⁷ Saawe tau yes daaba to anjela patabuyaana tilup
zi pa savsaveen izi nugh sambam, yes
tiyooz livutin ghom toman roinj tiina, ve
tipakur ghom.

Pasaa, yo tapirim tiina ve uliiv zi kat.

⁸ Yoova, yo Maaron saksakim ve ungin gabua naol
isov. Sei tapiri tiina kat imin yo? Eta mako.
Ve yo utortoor ngar tsio mako. Saawe isov,
utataghon saveenj mbuaan tsio.

⁹ Yo ta ungin te.

Isaav ighe yaghur tiina iza ve ipei dibom
tintiina, yo irau ugham dibom imaat, ve
taun izi.

¹⁰ Muunj geeg, yo urav valaghin Rahab daaba gha
imaat.*

Nimam patanani.

Tauta urav matin koiama, ve ureu mbirisai
zi tighawaar.

¹¹ Sambam ve taan, ene yo tsio.

Pasaa, yo ta ughur zi tomania gabua naol isov
tau tileep ve tigheen ila.*

¹² Yo ughur taan tau igheen ila pa ragh, ve ila
imuul yavaar puughu.

* **89:10:** Muunj, tighur ila tighe gabua saghati tiina ee ileep te
loolo, eeza Rahab. Naagho imin moot ma poghai, ma vene. Saawe
isov, i izuzuari ghi ighe ivaghamunia gabua. Ve tighe muunj geeg,
Maaron yesuru Rahab tiparav, ve Maaron iliivo. Tauta aazne
Rahab ivaghamunia gabua muul mako. * **89:11:** Mbo 24:1

Loloz Tabor ve loloz Hermon timboubou
toman loloz poia ve tipait ezam.

13 Yo saksakim ve tapirim tiina.

Nimam tapir, ene saghati. Tauta urav
koiamña ve uliiv zi.

14 Ngar duduunja tomania ngar to gabizoonj tam-
tamon itaghon ngar duduunja, tauta imin
puughu pa pooz tsio.

Ve ngar isov tau ughamgham zi na, itotoi ighe:
Yo lolom isaghav tamtamon tsio ariaan ve
uluul zi, ve utataghon saveen mbuaan tsio.

15 Yes tau tilup zi pa sunjuunj toman loloz poia ve
tiyoryoor ezam na,
tilaghlaagh ila ghazoonja tsio, ve poia tsio iza-
zaa toozi. *

16 Yes tiwatagh ghom tomania ngar tsio.

Tauvene saawe isov, ta mbonjoozo ila le ravrav
izi, loloz poia kat, ve tipapait ezam pa ngar
tsio duduunja.

17 Yei nigham tapirimai ilat tsio, tauta tinimai iza
ve ezamai imin tiina.

Poia tsio, tauta igham tapirimai ivot le niliiv
koiamainja.

18 Yoova, yo usiigh neer tau imin sigheu payei. I ta
iponpooon koiamainja.

Maaron patabuyaanj to yei Israela, yo ughur
lemai kinik to igham pooz payei.

*Saveen mbuaan tau muun Maaron igham pa
David*

* **89:15:** Yo 8:12; 1Yo 1:7

- 19 Yes tau lolozi isaghav ghom ariaan ve titaghon eez tsio na, muun geeg, yo upaghazonjai zi pa ngar tau ughe ughamu. Yo usaav pazi ila tandaghiin ughe:
“Zaaba ariaan ee ilepleep ila sosomim.
Yau taug nasiigho ve naghuru imin kinik.
Tauta nauule ve naghram eeza ivot imin tiina.
- 20 Yau naghita besoonja tsiau David, i irao.
Tauta nalin ngoreen tsiau patabuyaan izala daaba, ve naghuru pa uraat. *
- 21 I pale ileep ila yau nimag,
ve napaloti irau saawe.
- 22 Tauvene koinja irau tiliivo mako,
ve zeran sasaghati irau titatani mako.
- 23 Pasaa, yau taug pale namuun pani, ve natatan koinja le tapirizi isov.
Yes tau tighur koi pani na, yau aat narav zi tisov timataar.
- 24 Yau aat nataghon saveen mbuaan tau naghram pani na, ve lolog isaghavu ariaan, ve naghur poia tsiau izazaa tooni.
Pale naleep tomania ve napaloti, leso tapiri ivot imin tiina ve iliiv koinja. Tauvene eeza pale imin tiina kat.
- 25 Yau aat naghram eval tiina tileep ila i saamba.

* **89:20:** Mbanj 13:22

Yes tau tileep izi nari to Te Mediterenian, ve
ila imuul yaa Euprates ziige.

26 I pale isaav payau ighe: ‘Yau Tamañ yo.

Yo ta Maaron tsiau, ve Uleenja tsiau ariaaña.
Yo uponpoon ghau pa koiagna imin maet
tiina.’

27 Ve yau pale naghamu imin natug aidaaba.

Tauvene i pale eeza tiina kat le iliiv kinik tisov.
*

28 Pale lolog isaghavu ariaañ ve nauule irau
saawe.

Ve saveeñ tau nambua pani na, tauvene
paam. Pale igheen ariaañ tauvene taghon
taghon gha ila.

*Saveeñ tau Maaron imbua pa David paaghu
tooni*

29 Ziiri waaro tooni irau isov mako. Pale nanjin
paaghu tooni, ve tileep poi taghon taghon
gha ila imin sambam saamba.

Pale tileep ila David niia to ghamuñ pooz, ve
tingin yes Israela irau saawe. *

30 Eemon isaav ighe paaghu tooni tighur murizi pa
saveeñ tsiau,

ve laghoon toozi isapir pa tutuun tau naghuru
na,

31 ma tivelegh tutuun tsiau tau igheen pataghaan
na imin kaut sorok,

ve timalaan pa tutuun tsiau ngara,

* **89:27:** Ep 1:20+; Kol 1:18; Syg 1:5 * **89:29:** Lu 1:33; Hib 1:8

- 32 ene pale nanjal matazi pa ngar toozi to zoraan saveen,
ve nalos matin zi pa sosor toozi.
- 33-34 Eemon ngar tau lolog isaghav David ve paaghu tooni ve naluul zi, ene irau napuli mako. Pale ighengheen tauvene taghon taghon gha ila.
Ve saveen tau nambua pani na, irau nareua mako.
Saveen tau ivot ila taug avog, ene irau natoora mako.
- 35 Pasaa, yau Maaron patabuyaan. Tauvene saveen mbuaan tsiau tau napariaanja le iyaryaan kat, ene pale igheen tauvene taghon taghon gha ila.
Irau natombaan David mako.
- 36 Paaghu tooni irau tisov mako. Sinj toozi pale iparseen taghon taghon gha ila.
Pale matag pazi ve pooz toozi iyaryaan imin aaz, ve ighengheen tauvene.
- 37 Pooz toozi pale tunja irau saawe imin kaiyo.
Kaiyo tau igheen ila sambam saamba, ene imin ilaal ighe saveen mbuaan tsiau tane, ene onoon.”
- Tariiz to yes Israela injarui Maaron pa kinik toozi*
- 38 Yoova, muun yo umbu saveen ariaanja tauvene pa David ve paaghu tooni.
Eemon aazne, atem yavyav kat pa kinik tsiei tau taum usiigho ve ughuru pa uraat na.
Yo lolom pani muul mako, ve ughur murim pani kat.

- 39 Saveen mbuaan tau muun ugham pa besoonja tsio na, aazne yo ureua wa.
Ve uzugh moghar ndamoonda tooni izi pa daaba, ve usiki ila ngaupup.
- 40 Didiin ariaanja tau ilivutin nugh tooni na, yo ureu mbirisaini izi.
Ve uvaghamunia ruum tooni arijaazi paam, le tisov timbiriis.
- 41 Tauvene tamtamon tisov tau tilala tilamlam na, tiyummyum gabua tooni.
Ve yes nugh nugh tau tileep tigharauu na, tiveveleghi ve tighamgham njalalanj pani.
- 42 Yoova, yo taum upalot kinik tsiei koinja ve tiparav ariaanj le tiliivo.
Tauta tisov lolozi poia ve tipakur zi.
- 43 Saawe tau kinik tsiei igham malmal, yo upaloti mako,
ve upamuul mbuzaagh tooni maata imuul pa tauu.
- 44 Tauvene gabua tooni popoia tau i eeza tiina pani na, yo uwalaav zi pani,
ve ureu niia to ghamuunj pooz izi taan.
- 45 I neer paaghu. Eemon yo ugham koinja tiliivo, tauta igharaat tauu mako ve ipul tauu.
Taghita imin koonj.

Yes Israela tighason Maaron to igham mulin zi pa patanjani toozi

- 46 O Yoova, pale neez o matam ilam payei muul?

Mindai, pale unḡooz naghom payei, ve
aatyavyav tsio izazaa tsiei taghon taghon
gha ila?

47 Yoova, matam inḡal: Yei tamtamon to taan
nileep malau mako.

Onoon, yo taum ughur ghei. Eemon, pale
nisov nimataar nimin kaut sorok. *

48 Sei irau imaat mako, ve ileep maata yaryaare
taghon taghon gha ila?

Ma sei irau ipasalia tauu pa mateegh? Eta
mako. *

49 Yoova, muuḡ yo umbu saveeḡ pa David ve
upariaaḡa le iyaryaḡaḡ kat ughe yo pale
lolom isaghavu ve uule irau saawe.

Eemon aazne, poia tsio tana igheen sindei?
Mindai ta utaghon saveeḡ mbuaḡaḡ tsio
muul mako?

50 O Yoova, yau besooḡa tsio. Matam inḡal ghau ve
uul ghau lak!

Pa aazne, nugh nugh tipamayaḡin ghau,
ve tivevelegh ghau le lolog isaghat kat.

51 Yoova, yo taum usiigh ghau ve ughur ghau
namin kinik.

Ughita. Nugh sindei tau nala pani, ene
koiamaḡa tipaḡinḡizai ghau,
ve tisiksik saveeḡ veleghiḡ payau.

52 Tapait Yoova pa poia tooni irau saawe.

Onoon le onoon kat!

* 89:47: Mbo 39:5 * 89:48: Mbo 49:7+

90

Iit tamtamon, saawe toit tuuku

Sunjuunj to Mose, i Maaron tamtamon tooni

- ¹ O Tiina, muunj ve ilam,
yo umin niamai to lepoogh.
- ² Yo Maaron tau uleep irau saawe.
Muunj geeg, saawe tau ugham taan ve loloz
tivot soone, yo ulepleep.
Ve yo pale ulepleep tauvene taghon taghon
gha ila.
- ³ Yo ugham yei tamtamon to nimaat nimin
ngaupup.
Yo usaav payei ughe yei aat nimaat ve nizila
nimin taan muul. *
- ⁴ Yo ughita ughe ndaman ndinndin ndinndin ee
(1,000), ene saawe tuuku mon.
Ila ngar tsio, ene imin noor ve ilam aazne.
Ve imin saawe tuuku to mboj tau yes zaaba
tiyooz, ve timamaat. *
- ⁵⁻⁶ Yo upasov lepoghamai, imin tamtamon igheen
ve iviv, ve isov.
Yei nimin manman tau ighe aaz iza, ene
ruunju iravalagh ve ghitoonja poia.
Ve ighe ravrav izi, ene imalai ve itap. *
- ⁷ Aatyavyav tsio, ene ipapasov ghei.
Lolom basbasuunj pa sosor tsiei ve ughurghur
atuya payei. Tauta roiñ tiina igham ghei.

* **90:3:** Gnp 3:19 * **90:4:** 2Pe 3:8 * **90:5-6:** Yems 1:10; 1Pe 1:24

- 8 Pasaa, ngar tsiei isov tau isapir pa ngar tsio, ene yo matam kisin zi.
Sosor tsiei tau ngozaan na, tISOV tIGHEEN gHAZOOŋa ila yo matam. Eta iyoonj mako. *
- 9 Tauvene saawe isov tau nileep izi taan ne, aatyavyav tsio izazaa tsiei.
Tauta nileep saawe tuuku mon, mako yaghu-ramai isov, ve nimaat.
- 10 Nileep irau ndaman tamoot tol sanjavul (70) mon, ve nimaat.
Ve ighe tapirimai irao, o nileep irau ndaman tamoot paan (80) ma vene.
Ve ndaman tsiei ta naol ne, niravrav ghei pa uraat, ve nibadbaad pataŋani. Saawe saghati, ve saawe poia paam.
Nighamgham tauvene ila le rekia mon nizaa pa saawe tsiei, mako nisov.
- 11 Maaron, sei ighilaal katin aatyavyav tsio tapiri? Aatyavyav tsio tau iŋaŋarui ghei ne, sei ighazoonj pani, lesO iroi payo ve itaghon alinam? Eta mako.
- 12 Tauvene ugham ghei nighilaal nighe lepoogh tsiei to taan, ene tuuku kat.
LesO ngar tsiei ivot, ve nighilaal eez to nileep poia. *
- 13 O Yoova, ŋeez o utoor ngar tsio ve matam ilam payei muul?
Lolom isaghatin ghei ve uul ghei.
Pa yei besoonja tsio.

* 90:8: 1Kor 4:5; Hib 4:13 * 90:12: Mbo 39:4

- 14 Mboŋoozo ta naol ne, nighe upavon ghei pa poia tsio, ve utotoi ŋgar tsio tau lolom isaghav tamtamon tsio ve uluul zi.
Leso lolomai poia ve tintinmai, ve nimbounbou ila le saawe tsiei isov.
- 15 Ugham saawe poia ivot.
Leso lolomai poia, ve iyat ndaman katini tau ughurghur patanani payei ve nileep saghat na.
- 16 Yei besoonja tsio nighe nighit ghom ugham uraat tintiina tivot muul.
Ve paaghu tsiei tau pale tivot murei na paam, nighe utotoi tapirim pazi tomania poia tsio tau ezam tiina pani na, ve tighita.
- 17 Yoova, yo Maaron tsiei. Lolom poia payei ve ughur poia tsio iza tsiei.
Leso uraat tau nighamghamu pa nimamai ne ilaan poia.
Upalot uraat tsiei. Leso ighur anoonja.

91

Maaron imin niaan to yongaan

- 1 Ighe tamtamon eta iyoon ila to Maaron Ariaŋa Tau Iliiv Zimaronŋa Tisov na, i pale ileep poi ila i saamba.
- 2 I irau isaav pa Yoova ighe: “Maaron tsiau, yau nanumeer ghom.
Yoova, yo umin niag to yongaan, ve uponpoon ghau pa koiagna imin didiin ariaaŋa.”
- 3 Onoon kat, i pale ipasalia aghem pa liis tau koiamŋa tighuru payo.

Ve ipaghau moroghoonj saghati payo.

⁴I pale ingin ghom ila niima saamba imin tatareek ipagud natja ila baage saamba.

Yes tau tiyoonj ila tooni na, pale tileep poi.

Pasaa, i itataghon saveen mbuaan tooni. Ngar tana pale imin sigheu payo, ve ipoon ghom pa gabua sasaghati.

⁵Tauvene yo irau uroi pa gabua sasaghati to mbonj mako.

Ve mataaz paam, irau uroi pa koiamja pa-neegh toozi natja mako.

⁶Tauvene moroghoonj sasaghati tau ighamgham tamtamon pa mbonj,

ve patanani tau iravrav zi pa mataaz na, yo irau uroi pazi mako.

⁷Isaav ighe tamtamon ndinndinj ndinndinj ee (1,000) timatmaat ve titaptap ila zigem,

ma tamtamon ndinndinj ndinndinj sanjavul (10,000) tau tilivut ghom na timataar, na uroi sov.

Pa gabua saghati eta irau ilam igharau ghom mako.

⁸Atuya tau iza to zeran sasaghati na, yo pale uleep, ve ughit katini pa taum matam.

⁹Pasaa, yo uyonyoonj ila to Yoova, ve i imin niam to lepoogh.

Maaron Tiina Tau Iliiv Zimaronja Tisov na inginjin ghom, tauta uleep poi ila i saamba.

- 10 Tauvene gabua saghati eta irau ivaghamun ghom mako,
ve moroghoon saghati eta irau igharau niam to lepoogh mako.
- 11 Pasaa, Maaron pale imbaan anjela tooni to tingin ghom.
Nugh sindei tau ighe yo ula pani, yes pale matazi payo.
- 12 Yes pale tikis ghom pa nimazi, ve tipalot ghom.
Leso utut aghem ila maet sov. *
- 13 Isaav ighe utut laion paaghu, ma uvaghaaz moot saghati eta, ene irau tigham gabua eta payo mako. *
- 14 Pasaa, Yoova isaav ighe: “Yes tau lolozi isaghav ghau ve titaghon eez tsiau na, yau aat napas zi tivot pa patanani toozi.
Ve yau aat naghur zi tizala saanja ve matag pazi. Leso gabua eta ivaghamun zi sov.
Pasaa, yes tiwatagh ghau, ve lolozi igheen ilam tsiau.
- 15 Isaav ighe titan rarai ghau, yau aat naloon zi.
Saawe tau tileep ila patanani loolo, yau aat naleep tomani zi.
Pale nauul zi, ve napakur zi.
- 16 Yau pale naseen saawe toozi ila malau, lesa tileep toman lolozi poia.
Ve natotoi uleen tsiau ivot ighazoon pazi.”

* **91:12:** Mt 4:6; Lu 4:10; Hib 1:14 * **91:13:** Mk 16:18; Lu 10:19

92

Maaron igham zeran dudunazi tileep poia

Mbounj to umbom patabuyaaj

¹ Yoova, yo Maaron Tau Uliiv Zimaronja Tisov.

Isaav ighe yau napakur ghom pa poia tsio, ve nambou to napait ezam, ene igham lolog poia.

² Mbonjoozo ta naol ne, navovotia ngar tsio tau lolom isaghav tamtamon tsio ariaaj ve uluul zi.

Ve mbonj, yau navovotia gabuam tau utataghon saveej mbuaaj tsio.

Ngar tauvene igham lolog poia kat.

³ Yau naravrav gita ve kulele, ve namboubou to napakur ghom.

⁴ Pasaa, Yoova, uraat tsio igham lolog poia kat.

Matag ilala pa gabua naol tau nimam igharaat zi na, ve nambou toman tintinig.

⁵ Yoova, uraat tau yo ughamgham zi, ene tintiina kat.

Ve ngar tsio paam, puughu ariaaja. Ila le ila kat. Tauvene naghama ngar pani, eemon narao mako.*

⁶ Eemon yes kankanoonja tighilaal mako.

Ngar toozi imin boraaja. Tauta patajani tau pale ivot pa zeran sasaghati na, yes tigham ngar pani mako.

* 92:5: Ro 11:33

- 7 Onoon, aazne, zeran sasaghati tivot timin naol imin oot sasaghati tau isaas le itav taan.
Ve yes tau tinoknok ghamuunj sosor na, taghita taghe lepoogh toozi, ene poia kat.
Eemon murei, yo pale upasov zi, le tisov kat.
- 8 O Yoova, yo uleep saanja, ve ughamgham pooz irau saawe.
- 9 Onoon kat, koiamna tau tighamgham ngar saghati na, yo pale ureu mbirisai zi gha tisov tilalez.
- 10 Eemon yau, yo upakur ghau, ve ugham tapirig ivot tiina imin makau sagsag.
Ve poia tsio izazaa tsiau, imin tilinj ngoreen poia izala pavog.
- 11 Yo utatan koiagna ve naghit katin saghatiinj toozi.
Yo uvaghamunia zeran sasaghatizi tawe, ve naloonj katin tanjiiz toozi.
- 12 Eemon zeran dudunazi pale tileep poia, ve ngar popoia katini ivotvot ila sosozi imin niu tau irav kat.
Ve irau tisaghat mako. Pale tiyooz tunja ve tileep malau, imin ai mezepur tintiina to Lebanon. *
- 13 Yes timin ai tau tivazogh zi ila rumei patabuyaanj to Yoova ziige.
Pale tileep poia ilonj ila Maaron toit rumei tooni sirsira.

* **92:12:** Mbo 1:3, 52:8

- 14 Ve saawe tau timin zikoon, tapirizi ighengheen soone, ve tighamgham njar popoia ivotvot, imin ai paghpaaghu tau anonazi katini. *
- 15 Ve tivovotia saveen tauvene tigde: “Yoova ipon-poon ghau imin maetaaz tau izala kat. Sosor eta igheen tooni mako. Njar tooni isov, ene iduduun mon.”

93

Yoova, i kinik tiina

- 1 Yoova, i kinik tiina tau ighamgham pooz pa gabua naol isov.
Mbonari tomania tapiri, tauta ilivuti imin nonoghiinja tooni.
Muunj geeg, i ighur taan le puughu iyaryaan kat. Tauta gabua eta irau izuure mako.
- 2 Yoova, muunj geeg, saawe tau ughur gabua eta ivot soone, yo uleep pataghaan wa.
Saawe tawe ve ilam, pooz tsio igheen ariaan.
- 3 Yoova, te iburig toman tapiri ighe ireu nugh, ve luutu tiina imin lalaav.
Dibom ipol ve ighel taan toman luutu tiina.
- 4 Eemon Yoova, yo saksakim.
Yo uleep saanja, ve ughamgham pooz pa gabua naol isov.
Te tau luutu tiina imin lalaav na, yo tapirim iliivo. Ve dibom tauvene paam, tapirim iliiv zi.
- 5 O Yoova, eez tau yo ughuru pa tamtamon tsio lesu yamja avalupu gham amin eemon,

* 92:14: Yo 15:5

ene ighéen tunjia tauvene irau saawe. Irau
utoora mako.
Ngar patabuyaanj pale ipabood rumei tsio
taghon taghon gha ila.

94

Maaron iyatyat ngar saghati to tamtamon

- ¹ O Yoova, yo Maaron tau uyatyat ngar saghati to
tamtamon.
Utotoi ngar tsio duduunja ivot ighazonj, ve
ughur atuya pa zeran sasaghati.
- ² Pa yo ta ugagabiiz tamtamon tisov to taan ve
ughurghur atuya pazi.
Tauvene uburig gha ughur atuya injarui yes
tau tipapakur tauzi na.
Upamuul ngar toozi sasaghati imuul ila pa
tauzi, o iduduunj. *
- ³ O Yoova, zeran sasaghati tighamgham tinizi, ve
loloji poia pa ngar tau tighamghamu we.
Pale njeez o upasov ngar toozi tawe?
- ⁴ Yes tau tighamgham ngar saghati na, saveenj
pakuruunj naol ivotvot ila avozi.
Alinjazi izazaa, ve tipapait tauzi pa ngar toozi
tighe yes tirao.
- ⁵ Yoova, ughita. Yes tighamgham saghatin tamta-
mon tsio.
Yes tau yo ugham zi timin lem na, zeran tawe
tighamgham patanjani tiina pazi.
- ⁶ Ve tiravrav zinaara ve yes paroonja timatmaat.

* 94:2: Gnp 18:25

Ve loomba tau tileep tomani ghei izi nugh tsiei ne, tirav zi paam.

⁷ Ve matazi veleghin ghom tighe: “Ah, Yoova ighit ghiit?

Ngar tau taghamghamu ne, Maaron to Yakop irau maata ila pani mako.”

⁸ Yam zeran sasaghatmim, lemim ngar mako imin boraunja!

Pale njez o ngar tsiam ivot ve aghilaal?

⁹ Maaron ta igharaat taliŋamim. Irau iloonj saveenj tsiam mako?

Ve i ta igharaat matamim. Irau ighit gham mako?

¹⁰ I ighurghur patanjani pa tamtamon to nugh-mariŋ, lesu ipaduduunj zi. Pale ighurghur gham?

Ve i ta ighamgham tamtamon lezi ngar. Mindai, aghe i le ngar mako?

¹¹ Ngar naol tau igheen ila iit tamtamon loloon na, Yoova iwataghiir zi tisov.

Ve i iwatagh: Ngar toit katini, pale anoonja mako.

Ene isov rekia mon imin yaghuraan tau ivotvot ila avoon. *

¹² Yoova, tamtamon tau ighe yo ughur patanjani pani to upaduduunja,

ve upaghazonjaini pa tutuunj tsio, ene aat poia tsio tau izaan tooni, ve loolo poia kat. *

* **94:11:** 1Kor 3:20 * **94:12:** 1Kor 11:32; Hib 12:5

- 13 Tamtamon tauvene, isaav ighe ileep ila pataņani, yo pale uule.
Leso aate izi, ve isasaņan le irau titai puura pa yes zeran sasaghati ve titap tizila.
- 14 Yoova irau ighur muuri pa tamtamon tooni ne mako.
Yes tau i igham zi timin le na, loolo iveghai zi mako. *
- 15 Ve i pale ipaduduunj yes pooza, lesu tigharaat pataņani to tamtamon itaghon ngar duduņa.
Ve tamtamon tisov tau ngar duduņa igheen ariaaņ ila lolozu na, yes pale tipalot ngar tauvene paam.
- 16 Isaav ighe tamtamon tigham saghatin ghau, sei pale iyooz payau ve iuul ghau?
Ve sei ta iponpoon ghau pa zeran sasaghatizi? Ite paam mako. Yoova mon.
- 17 Imin ta Yoova iuul ghau mako, kanaņ namaat rekiā mon gha nala nugh tau le oroora mako na.
- 18 Yoova, saawe tau naghe pale natap pa ghuruunj ila tsiau,
ngar tsio tau lolom isaghav tamtamon tsio ariaaņ ve uluul zi na, tauta ipalot ghau gha nayooz tunjia.
- 19 Ve saawe tau lolog ipataņan ve naghām ngar naol,
yo urav ateg, ve ughām lolog poia muul.

* **94:14:** Ro 11:1+

- 20 Yes pooza sasaghati tau tighurghur tutuun naol
to tivaghamunia tamtamon na,
yo irau upaak zi pa ngar toozi tawe mako.
- 21 Yes tilup zi ve timbu saveen to tivaghamunia
zeran duduñazi.
Ve yes tau lezi sosor mako na, yes pooza tawe
tighur saveen tighe yes aat timaat. *
- 22 Eemon Yoova, i imin didiin ariaaña payau, leso
nayoonj ila.
Maaron tsiau iponpoon ghau imin maetaaz
tau izala kat.
- 23 I pale ipamuul ngar sasaghati to zeran tawe
imuul pa tauzi ve ivaghamun zi.
I pale ipasov zi tomania ngar toozi sasaghati
tawe.
Yoova tau Maaron toit, pale ipasov zi le tisov
kat.

95

Mbounj to poinj tamtamon pa sunjuun

- 1 Alam tambou ve tapakur Yoova.
Tintiniin, ve tayooreeza.
Pa i Uleena toit ariaaña tau iponpoon ghiit pa
koaana imin maet tiina.
- 2 Alam tala tayooz ila naagho, ve tapakuru pa poia
tooni.
Alijaan iza, ve tambou toman tintiniin, ve
tapaiti. *
- 3 Pasaa, Yoova, i Maaron tiina.

* 94:21: Mt 27:4 * 95:2: Ep 5:19

I kinik tiina kat tau iliiv zimaronŋa tisov. *

⁴ Gabua naol isov to taan tigheen ila i niima.
Taan puughu ta siinŋa we, le izala loloz daaba
paam, ene i inŋiniir zi tisov.

⁵ Te tomania taan, ene gabua tooni mon.
Pasaa, i niima ta ighur zi.

⁶ Yam alam talup ghiit ve tasuŋ pa Yoova.
Tatud pani ve taput agheen ve tapakuru.
Pasaa, i ta ighur ghiit. *

⁷ I Maaron toit, ve iit sipsip tooni.
I inŋinŋin ghiit ve maata pait.
Taleep ila i niima, ve i tauu ipanpan ghiit. *
Aazne, ighe yam alooŋ Yoova aliinŋa ve
ataghoni, o poia.

⁸ I isaav payam ighe: “Apoon lolomim payau ve
agham taliinŋizi imin muuŋ timbumimŋa
tighamu izi nugh nginaaŋa to Meriba ve
Masa na sov. *

⁹ Saawe tana, yau naghama uraat tintiina ila sosozi,
ve tighita pa tauzi matazi wa.
Emon tighur ilam tsiau mako. Ve tinoknok
tovaan ghau. *

¹⁰ Tauta lolog pazi mako kat irau ndaman tamoot
ru.

* **95:3:** Mbo 47:2, 48:1 * **95:6:** Pil 2:10 * **95:7:** Mbo 23:1
* **95:8:** Igham 17:7; Hib 4:7 * **95:9:** 1Kor 10:9

Ve nasaav naghe: ‘Zeran tawe, lolozi pa titaghon n̄gar tsiau mako. Monmon tisor pa eez tsiau.’

- ¹¹ Tauta nasaav ariaaṅ pazi toman ateg yavyav, ve napariaaṅ saveeṅ tsiau naghe:
 ‘Onoon kat. Nugh to mariaaṅ tau yau naghuru pazi na, yes irau tiloṅ tila mako le mako kat!’ ” *

96

Yoova i kinik tiina

- ¹ Ambou mbounj paaghu pa Yoova!
 Yam tamtamon tau aleep irau taan na, ambou pa Yoova. *
- ² Ambou mbounj pani, ve apait eeza pa poia tooni.
 Uraat tintiina tau i ighamgham zi to iuul ghiit na, saawe isov asasavi zi.
- ³ Avotia eeza tiina tomania tapiri ve poia tooni irau nugh naol isov.
 Ve uraat tooni n̄geretazi tau maata ite na, asavi zi ila irau nughmariṅ. *
- ⁴ Pasaa, Yoova, i eeza tiina kat.
 Tauvene iit aat tapait vaaru le tapaiti kat, ve taroi pani iliiv zimaronṅa tisor.
- ⁵ Pasaa, zimaronṅa tisor tau nugh nugh tibesbees pazi na, ene maaron karomṅa mon.

* **95:11:** Nam 14:21-35; Hib 3:7, 18

* **96:1:** Mbo 98:1; Syg 5:9

* **96:3:** Mt 28:19

Ve Yoova, i Maaron tauu ta ighur sambam tomania gabua naol isov. *

- ⁶ I eeza tiina kat ve mbonari ilivuti.
Tapiri ve poia tooni ipavon rumei tooni loolo, ve ipaboode le paghuuna kat.
- ⁷ Tauvene yam tamtamon to nughmariņ, ņgar tsiam ivot ve aghilaal Yoova!
ņgar tsiam pakia ve apakuru. Pa i le eeza, ve tapiri tiina kat.
- ⁸ I eeza tiina le tiina kat. Tauvene yam apaiti, o iduduunj.
Alam tomania paitoonj tsiam, ve alonj ala sir-siir to rumei tooni loolo.
- ⁹ Yoova ipabood tauu pa ņgar tooni patabuyaanj.
Tauvene aput aghemim pani ve apaiti.
Yam tamtamon to taan, asov aroi pani, ve atatan taumim ila naagho.
- ¹⁰ Asaav pa nughmariņ aghe: “Yoova, i kinik tiina tau iņgin gabua naol isov!
Muunj, i ighur taan le puughu iyaryaanj kat.
Tauta gabua eta irau izuure mako.
I pale igabiiz nughmariņ, ve ighur atuya pazi.
Ve gabizoonj tooni, ene iduduunj mon.”
- ¹¹ Yam gabua to sambam ve taan, lolomim poia ve tintinmim.
Ve te tomania gabua naol isov tau tileep ila loolo na paam, aliņamim izaa tiina ve apait Yoova.

* 96:5: Gnp 1:1; 1Kor 8:4+

- 12 Ve uum tomania gabua naol isov tau titum ila loolo na, lolomim poia ve tintinmim.
Ve ai tomania gabua naol isov to su loolo paam, alinamim iza, ve ayoor Yoova eeza.
- 13 Pasaa, i ighe ilam. Leso igabiiz tamtamon tisov to taan ve ighur atuya pazi.
I pale inġin tamtamon tisov to taan, ve igabiiz zi.
Ve gabizoonj tooni, ene iduduunj ve onoon mon. *

97

Maaron, i kinik tiina tau iliiv zimaronġa tisov

- 1 Yoova, i kinik tiina tau inġin gabua naol isov.
Tauvene yam tamtamon tau aleep irau taan na, lolomim poia.
Ve yam sisia tauvene paam, tintinmim. *
- 2 I inġoznġooz tauu ila taitai gabgabuai, ve ndo-room ikau.
Ngar duduunġa tomania nġar to uleenj, tauta imin puughu pa pooz tooni. *
- 3 I igham yav ighan imuunj pani,
ve ighaniir koinġa tisov.
- 4 I igham nugh ighani milmilia irau taan.
Tauvene taan ighita, le irur.
- 5 Yoova, i tiina tau inġin taan isov.

* 96:13: Mbanj 17:31 * 97:1: Igham 15:18; Mbo 93:1 * 97:2: Igham 19:16+; Mbo 89:14

Saawe tau i ilam ve itotoi tapiri, loloz tisov
tireer ve timbiriis ila i naagho. *

⁶ Gabua naol tau tighenaar ila sambam saamba
na, tipaghazonjai Yoova tigde n̄gar tooni
iduduun̄ mon.

Nughmarin̄ tighita gabua tawe, ve tighilaal
tigde Yoova, i eeza tiina.

⁷ Tamtamon tisov tau tibesbees pa maaron
karom̄ṇa anunuzi na, Yoova igham zi
mayazi. Pasaa, maaron karom̄ṇa toozi
tirau gabua eta mako.

Maaron toozi tawe pale tisov tiput aghezi pa
Yoova ve tipakuru.

⁸ Maaron, yes to Zion tiloon̄ varum pa uraat tau yo
ughamghamu na, le loloz poia.

Ve nugh nugh to Yuda paam, tisov tintinizi.

Pasaa, yo uyozyooz pa tamtamon tsio, ve
uluul zi pa pataṇani toozi.

⁹ Yoova, yo Maaron Tiina. Tamtamon tisov to taan
tileep ila yo sambam.

Yo ezam tiina le tiina kat. Uliiv zimaronṇa
tisov.

¹⁰ Yoova loolo pa yes tau tighurghur koi pa n̄gar
saghati.

Tamtamon tooni tau loloz isaghavu ariaan̄,
ve titaghon eez tooni na, i imin sigheu pazi,
leso gabua eta ivaghamun zi sov.

Ve ighamgham mulin zi ila zeran sasaghati
nimazi.

* 97:5: Mbo 46:2, 6

- 11 I ighurghur ghazonja pa zeran duduñazi.
Yes tau ñgar duduña igheen ariaañ ila loloz
na, i igham zi loloz poia kat.
- 12 Yam zeran duduñamim, tintinmim pa Yoova!
Apaiti pa poia tooni, ve apakur eeza
patabuyaañ! *

98

*Maaron, i kinik tiina tau iparav ariaañ le iliiv
koinja*

- 1 Ambou mbounj paaghu pa Yoova!
Pa gabua ñgeretazi tau i ighamgham zi na,
maata ite kat.
Niima tapir iparav ariaañ le iliiv koinja wa.
I itotoi tapiri patabuyaañ, ve igham mulin
tamtamon tooni. *
- 2 Yoova ivotia uleenj tiina tau i igham pa tamtamon
tooni.
I itotoi ñgar tooni duduña ila nughmarinj
matazi gha tighit katini wa. *
- 3 Saveenj tau i imbua tomania yes Israela na, i
maata ingalngali ve itataghoni. Tauta loolo
isaghav zi ariaañ ve iuluul zi.
Maaron toit iparav ariaañ gha igham mulin
ghiit ila nughmarinj matazi, ve tighita wa.
- 4 Yam nughmarinj asov lolomim poia pa Yoova ve
ayoor eeza.
Tintinmim pani, ve ait mbounj to apakuru.

* **97:12:** Pil 3:1, 4:4 * **98:1:** Igham 15:6, 12, 16; Mbo 118:15-16;

Lu 1:51 * **98:2:** Lu 2:30

- ⁵ Arav ambam tomania gita, ve ambou to apait Yoova!
Arav ambam tomania gita le luutu poia, ve apakuru.
- ⁶ Yoova, i kinik tiina.
Aviv tavuur tomania trampet ila naagho, ve ayoor eeza toman tintinmim.
- ⁷ Te tomania gabua naol isov tau aleep ila loolo na, alinamim iza ve apait Yoova!
Ve taan tomania tamtamona ve gabua naol isov tau aleep ila na paam. Alinamim iza ve apaiti!
- ⁸ Ve yaa paam, asov aposai nimamim pani ve apakuru.
Ve yam loloz asov alup avomim, ve ambou toman lolomim poia izi Yoova naagho, ve ayoor eeza.
- ⁹ Pa i ighe ilam. Leso igabiiz tamtamon tisov to taan ve ighur atuya pazi.
I pale igabiiz nughmarin to taan.
Ve gabizoon tooni, ene iduduun mon. *

99

Maaron, i kinik patabuyaan

- ¹ Yoova, i kinik tiina tau ingin gabua naol isov.
Yam nughmarin asov aroi pani ve tinimim irur.

* 98:9: Mbo 96:10; Mbanj 17:31

I ileep ila niia to ghamuunj pooz tau igheen
 izala anjela arianjazi avarazi na. *
 Tapiri igham taan irur ve ilala ilamlam imin
 yogyoog itoktok.

² Yoova ilepleep izi nugh tooni Zion. Eeza tomania
 tapiri, ene tiina kat.

Nughmarinj tisov tileep ila i saamba.

³ Yoova, yo ezam tiina, ve tapirim paam, tiina kat.
 Ve yo patabuyaanj.

Tauta tamtamon tisov aat tiroi payo ve tipait
 ezam.

⁴ Yo kinik saksakim ve arianjam, ve lolom pa ngar
 duduunja kat.

Yo ta umin puughu pa ngar duduunja.

Yo upapalot ngar duduunja, le igheen ariiaan
 ila yes Israela sosozi, ve uluul zi pa patajanj
 toozi. *

⁵ Tapait Yoova, i Maaron toit.

Tala taput agheen ila niia to ghamuunj pooz
 naagho ve tapakuru.

Pa i patabuyaanj.

⁶ Muunj, Mose gha Aron timin zeran to watoonjrau.

Yes tau titanj rarai Maaron pa uleenj na, propet
 Samuel, i toozi ee paam.

* **99:1:** Anjela arianjazi tane, tiwaat zi tigde 'cherubim.' Tapirizi ve
 ngar toozi, ene tiina kat, ve yes irau tila tilam rekrekia mon. Ezekiel
 ngat 1 ipaghazonjai ghiit pazi ighe Maaron niia to ghamuunj pooz
 iyooz izala avarazi. Yes Israela tipayooz cherubim anunuzi ru izala
 bokis to saveenj mbuaanj paavo. Pasaa, tighita tigde bokis tawe
 imin Yoova niia to ghamuunj pooz. * **99:4:** Is 11:2-5

Ve Yoova iloonj sunjuunj toozi, ve iuul yes Israela. *

⁷ Saawe tau yes Israela tilaghlaagh izi nugh nginaanja, Yoova ileep ila taitai loolo, ve isavsaav pazi.

I ighur tutuunj pazi, lesu yesja tivalupu zi timin eemon.

Ve matazi kisin tutuunj tawe tomania tutuunj siriv tau i igham pazi na, ve titaghon zi. *

⁸ Yoova, yo Maaron tsiei. Yo ulonjloonj sunjuunj to tamtamon tsio, ve upulpul sosor toozi.

Eemon ughurghur atuya pa sosor toozi paam. *

⁹ Tapait Yoova, i Maaron toit.

Taput agheen pani izi loloz tooni patabuyaanj, ve tapakuru.

Pasaa, Maaron toit Yoova, i patabuyaanj.

100

Loloon poia pa Maaron ve tapaiti

Mbounj to tapait Maaron pa poia tooni

¹ Yam tamtamon to aleep irau taan isov, tintinmim pa Yoova, ve apaiti toman alinjamim tiina.

² Abesbees pani toman lolomim poia.

Alam alup gham ila i naagho, ve amboubou pani.

³ Lolomim iveegh pa Yoova sov. Aghilaal aghe: I mon ta Maaron tauu.

* **99:6:** Igham 4:15; 1Sam 7:9 * **99:7:** Igham 19:9, 33:9 * **99:8:** Igham 34:6+

I ta ighur ghiit, ve iit tamtamon tooni.
Iit sipsip tooni. Tauta maata pait ve iŋginŋgin
ghiit.

⁴ Lolomim poia pani ve ataghon ataman to Rumei
Tiina gha aloŋ ala.
Apaiti ve aloŋ ala sirsiir tooni loolo.
Lolomim poia pani ve apakur eeza pa poia
tooni.

⁵ Pasaa, Yoova, ŋgar tooni poia mon.
I loolo isaghav tamtamon tooni ariaaŋ, ve
iuluul zi irau saawe.
Ve itataghon saveeŋ mbuaaŋ tooni, taghon
taghon gha ila.

101

Kinik imbu saveeŋ tomania Maaron

Mbouŋ to David

¹ O Yoova, yau nambou mbouŋ tane to napait
ghom.

Pasaa, yo utaghon ŋgar duduunja mon.
Ve lolom isaghav tamtamon tsio, ve uluul zi
itaghon saveeŋ mbuaaŋ tsio.

² Yau naghe le ŋgar tsiau isov iduduunj mon ila yo
matam.

Tauvene yau aat nataghon ŋgar duduunja mon
ila ruum tsiau,
ve naghams pooz pa tamtamon tsiau itaghon
ŋgar duduunja tsio.

Ve ŋeez o ulam uul ghau?

- ³ Yau irau nayok pa gabua saghati eta igheen ila naghog mako.
Ve yes tau tisor pa eez tsio na, yau naghurghur koi pazi ve nazirziir zi tighaughau. Irau tipaak ghau mako.
- ⁴ Yau aat naleep soghan pa ngar karom. Ngar tauvene, eta irau igheen tsiau mako.
Ve ngar saghati tauvene paam, irau matag ila pani mako.
- ⁵ Yes tau tingalngal saveen pa zetazña imin ngozaan na, yau aat navaghamun zi, lesu napoon avozi.
Ve yes tau tipakur tauzi tigde ezazi tintiina, ve tivelegh zetazña ve titatan zi, ene irau napul zi tileep mako.
- ⁶ Eemon taan tane tamtamona tau avozi onoon ve titaghon eez tsio na, yau nailiil zi naghe tilam tileep tomani ghau.
Ve yes tau laghoon toozi iduduun mon, ene pale naghun zi timin besoonña tsiau, ve tiuul ghau pa uraat.
- ⁷ Eemon zeran karomña irau tileep tomani ghau ila ruum tsiau ne mako.
Isaav ighe neer eta aavo karom, ene irau iyooz ila yau naghog mako.
- ⁸ Mbonjoozo ta naol ne, yau aat navaghamunia tamtamon sasaghatizi tisov tau tileep izi taan tane.
Yes tau tighamgham ngar saghati, ene aat naziir zi tighau pa Yoova nugh tooni. *

* **101:8:** Ro 13:4

102

Sunjuunj to ñeer tau ibaad patañani

Ene sunjuunj to ñeer tau ibaad patañani tiina le tapiri isov kat. Tauvene isavia loolo ve itañ rarai Maaron to iuule

¹ O Yoova, tanjiiz tsiau ilat payo.

Uloonj sunjuunj tsiau tane ve uul ghau.

² Unjooz naghom payau sov. Pa yau naleep ila patañani tiina loolo.

Ighe poinj tsiau ilat, na ughur talinjam payau.

Uloonj sunjuunj tsiau ve rekia mon uul ghau.

³ Paita namaat tane.

Lepoogh tsiau, ene imin yav mbuasa tau im-bunj izaa, ve imbiriis gha ilale.

Tinig ituntun kat, ve tuag isov iparyavyav.

⁴ Yau namin kikiliinj tau tamtamon tivaghaaza gha igorgor.

Tauvene lolog pa ghaniinj aniiñ muul mako.

⁵ Yau nayamaan yavyavuunj ve nayak tiina.

Ve nakonkoñ le nakonkoñ kat.

⁶ Yau naghita naghe zigau kat.

Yau namin man to mbonj tau zigani ileep izi nugh nginaañ, ma ileep izi nugh tau muunj tamtamon tilepleep pani ve tipuli gha isaghat na.

⁷ Yau irau nagheen mako. Namamaat le nughizau.

Yau raa zigau kat. Namin man ta zigani ileep izala ruum paavo.

- 8 Saawe isov, mbonjoozo ila le ravrav izi, koiagna tisiksik saveen veleghiin payau ve tinjinj payau.
Ve isaav ighe tighur saghatiin pa tamtamon eta, ene tiwatwaat sorokin yau ezag tigde: Patañani tau igham ghau ne, ene pale igham tamtamon tana paam.
- 9-10 Yo atem yavyav payau kat.
Tauta usik ghau nala ziige imin pen.
Avav imin leg aniiñ, ve matag suuru imin leg yaa to ghunuñ.
- 11 Lepoogh tsiau to taan, ene imin aaz izila ve yavyaava ilam.
Tapirig isov imin kikiliin tau raua imalai ve igorgor.
- 12 Eemon Yoova, yo kinik tau ulepleep ila niam ton ghamuñ pooz. Muuñ, aazne, ve taghon gha ila.
Tauvene tamtamon paaghu tau murei pale tivot na, yes pale tiwatagh tigde ezam tiina ighengheen tauvene, taghon gha ila.
- 13 Yo lolom isaghatin nugh tsio Zion. Tauvene yo pale uburig ve uule.
Pasaa, saawe to ughur poia tsio iza tooni, tauta ivot wa.
- 14 Onoon, tireu mbirisai nugh Zion gha gabua naol isov imbiris ilale wa.
Maet popoiazi tau tirau ruum pani na, ene tisik zi tila soghan soghan imin gabua sorok.

Eemon besoonja tsio lolozi pa nugh tawe kat.
Tauta tighita gabua tana, le lolozi isaghat
kat.

15-16 Eemon murei, Yoova pale igharaat mulin
nugh Zion,
ve itotoi tauu tomania tapiri ve poia tooni ivot
ighazoonj.

Mako yes to nugh nugh tomania kinik toz toz
tighilaal tigde Yoova eeza tiina pa tapiri ve
poia tooni,
ve tiroi pani, ve tileep ila i saamba.

17 Tamtamon tooni tau tileep sorok kat na, i irau
imbuzir pa tanjiz toozi ne mako. I pale iloonj
sunjuunj toozi ve iuul zi.

18 Gabua tau Yoova ighamu na, uboode ila rau.
Leso tamtamon tooni tau murei pale tivot
na, tiwataghi ve tipait eeza. Uhood saveen
tauvene:

19 Yoova ilepleep izi nugh tooni patabuyaanj, ve
maata ilala ilamlam.
I ileep izi sambam, ve maata izizi pa taan.

20 Tauvene yes tau tileep ila koiaznja nimazi ve
tiyakyak na,
i ilonloonj tanjiz toozi ve iuluul zi.
Ve yes tau tisanjan saawe to koiaznja tirav zi
timaat na, i ipaghau zi pa mateegh.

21-22 Leso murei, yes nugh nugh tomania kinik toz
toz tilam tilup zi pa sunjuunj izi Yerusalem,
ve tivotia Yoova vaaru.
Yes pale tipait eeza izi loloz tooni Zion.

23 Yau namin olman kat soone. Eemon aazne
Yoova igham ghau tapirig isov, ve ingoor
saawe tsiau tuuku.

24 Tauvene nasaav pani naghe:

“Maaron tsiau, ugham ghau rekia sov. Pa namin
koon soone!

Ve yo, o lepoogh tsio ighengheen tauvene
taghon gha ila.

25 Yoova, muun geeg, yo ugharaat taan puughu le
tuja.

Ve sambam saamba paam, ene nimam muuri.

*

26-27 Eemon murei, sambam saamba ve taan pale
tisaghat gha tilalez, imin uuli munjaana tau
perekperekia na.

Tauvene yo pale usik zi tilalez,
ve uyol zi pa sambam saamba paaghu ve taan
paaghu.

Eemon yo ulepleep tauvene.

Utortoor gabuam ve ngar tsio mako, ve saawe
tsio irau isov mako.*

28 Yei tau nibesbees payo ne, yo pale ungin nat-
mainja ve tileep poia.

Ve paaghu toozi tau tivot murei na paam, yo
pale ugham zi tiyooz ariaan, ve tileep poia
ila yo naghom irau saawe.”

* **102:25:** Gnp 1:1+; Hib 1:10+
Yems 1:17; Syg 20:11

* **102:26-27:** Mt 24:35; Hib 13:8;

103

Tapait Maaron pa poia tooni

Mbounj to David

¹ Yau nasaav pa taug naghe yau aat napait Yoova pa poia tooni.

Onoon kat, ila lolog ve ngar tsiau isov, yau aat napakur Yoova eeza patabuyaaj.

² Nayol aliŋag muul. Yau aat napait Yoova pa poia tooni.

Ngar ve gabua popoiazi naol tau i ighamgham zi payau ne, irau lolog iveegh pa eta ne mako.

³ I irewaar sosor tsiau,

ve ipasovuur moroghoonj tsiau naol isov. *

⁴ I igham mulin ghau pa mateegh. Tauta namaat mako.

I igham ghau lolog poia kat imin tamtamon tau tighuru imin kinik.

Pasaa, ngar tooni tau loolo isaghav tamtamon tooni ariaaŋ ve iuluul zi, ene i itotoia payau paam.

⁵ Lepoogh tsiau to taan, i ighamgham leg gabua popoiazi maata maata le narao kat.

Ve igham ghau namin paaghu muul, le tapirig tiina imin manbog. *

⁶ Ngar tau Yoova ighamghamu, ene iduduunj mon.

* **103:3:** Igham 15:26, 34:7; Mbo 32:1+; 1Pe 2:24; 1Yo 1:9 * **103:5:** 2Kor 4:16

Tauvene tamtamon tisov tau koiazŋa titatan
zi ve tigham saghatin zi na, i iyozyooz pazi,
ve iuluul zi pa pataŋani toozi. *

⁷ Muuŋ, Yoova ivotia gabua ve ŋgar tooni pa Mose.
Ve itotoi uraat tintiina toman tapiri ila yes
Israela matazi.

⁸ Yoova loolo isasaghatin ghiit, ve ighamgham
poghani ghiit.
Irau aate yavyav rekrekia mako.
Poia tooni, ene tiina kat. I loolo isaghav ghiit
ariaaŋ, ve iuluul ghiit irau saawe. Ve mon-
mon itaghon saveeŋ tooni. *

⁹ Onoon, pai siriv, i iŋgal mataan pa sosor toit.
Eemon igham tauvene monmon mako.
Ve irau ikis aatyavyav tooni le malau ne
mako. Igheen rig, ve isov.

¹⁰ Onoon, isaav ighe tagham ŋgar tau isapir pa
tutuŋ tooni, ene Maaron irau iyat sosor
toit ve ighur atuya pait.
Eemon i ighamgham tauvene mako. *

¹¹ Yes tau tiroi pani ve titaghon ŋgar tooni na,
Yoova loolo isaghav zi, ve poia tooni tiina
izazaa toozi itaghon saveeŋ mbuaaŋ tooni.
Loolo poia tana, ene tiina kat, imin sooso to
taan ve izala pa sambam. *

* **103:6:** Lu 4:18 * **103:8:** Igham 34:6 * **103:10:** Ro 6:23

* **103:11:** Mbo 57:10; Ep 3:18+

- 12 Ve sosor toit tau tazoroor Maaron aliin̄a ne, ene
 Yoova ipaghau zi tila malau kat pait,
 irau sooso to taan ziige tau ila pa aaz iza, ve
 ila pa aaz izila.
- 13 Yes tau tiroi pa Yoova ve titaghon n̄gar tooni na,
 i loolo isasaghatin zi,
 imin tamaan̄a lolozi isasaghatin ghiit. *
- 14 Pasaa, i tauu ta igharaat ghiit.
 Tauta monmon maata in̄galn̄gal ighe: Iit tamin
 n̄gaupup mon. *
- 15 Lepoogh to iit tamtamon to taan, ene malau
 mako. Taleep rig, ve talaleen imin kikiliin̄.
 Iit tamin manman ruun̄gu. Mbon̄oozo, isaav
 ighe aaz iza, ene iravalagh. Ve ravrav izi,
 ene imalai.
- 16 Ve ighe yaghur ivuvuura,
 ene pale itap izi, ve niia n̄ginaan̄a. Taghita
 muul mako.
- 17-18 Eemon yes tau tiroi pa Yoova ve titaghon n̄gar
 tooni na,
 i loolo isaghav zi ve iuluul zi irau saawe.
 Aazne ve taghon taghon gha ila.
 Ve natuz̄na ve timbuz̄na paam. I itotoi n̄gar
 duduun̄a pazi ve iseen̄ga taghon gha ila.
 Tauvene yes tau matazi kisin saveen̄ tau
 yes̄na Maaron timbua, ve matazi in̄gal tu-
 tuun̄ tooni ve titaghoni na,

* **103:13:** Is 63:16, 64:7+ * **103:14:** Gnp 2:7, 3:18; Mbo 139:13+

i pale loolo isaghav zi, ve iuul zi taghon gha
ila. *

19 Yoova ighur niia to ghamuunj pooz igheen tunja
izi sambam.

I kinik tau ighamgham pooz pa gabua naol
isov.

20 Tauvene yam anjela to Yoova, yam asov apaiti pa
poia tooni.

Yam anjela arianamim tau alonjlooj Yoova
aliinja ve atataghoni na, apakuru.

21 Yam zaaba to sambam tau abesbees pa Maaron
ve ataghon ngar tooni na,
apait Yoova pa poia tooni!

22 Yam gabua to sambam ve taan tau Yoova
igharaat gham ve aleep ila i saamba na,
yam asov apaiti pa poia tooni.

Ve yau paam, aat napait Yoova pa poia tooni.

104

*Maaron igharaat gabua maata maata, ve
injginjin zi*

1-2 Yau nasaav pa taug naghe yau aat napait Yoova
pa poia tooni.

O Yoova, Maaron tsiau, yo ezam tiina kat.

Tapirim tiina tomania mbonarim, ve gabuam
naol isov tau ezam tiina pani na, ene ipa-
bood ghom imin nonoghiinja to yes kinik. *

* **103:17-18:** Igham 20:6; Lu 1:50 * **104:1-2:** 1Tim 6:16

Muunj geeg, yo ugharaat sambam saamba imin niam to lepoogh irau moogh balbaala tau tamtamon tiraraava leso tileep ila saamba.

³ Ve upayooz ruum tsio izala yaa tau igheen ila sambam saamba na paavo.

Yo ugham taitai imin lem karis, leso uyooz izala paavo ve ighau.

Tauvene yaghur ibaad ghom, ve ughaughau ila sambam saamba.

⁴ Yo ugham yaghur imin lem mbanjoona.

Ve yav yaama, ene imin lem besoonja. * *

⁵ Muunj, yo ughur taan iyooz tunja ila puughu.

Tauta irau izuur mako. Ighengheen tauvene.

⁶ Saawe tana, ugham te itav taan tomania loloz naol isov. *

⁷ Ra alijam iza, ve uyaon te gha ighau.

Alijam tapiri tiina imin lalaav luutu.

Tauta te iloonj ghom, ve rekia mon ighau ila ilup ghi ila ziige ee, ve taan peria. *

⁸ Tauvene te imaak, ve loloz peria, ve imaak izi izi le nugh rapazi peria paam.

Tauta aazne, yaa ve te tigheen duduunj ila niazi niazi tau yo taum ughuru pazi na.

* **104:4:** Yav yaama tane, ngara siriv tighe ene iza to lalaav tau ighani milia. Ve siriv tighe ene iza to anela siriv tau ghitoonazi imin yav yaama. Muunj, Isaia ighita anela tauvene (Is 6:2). * **104:4:**

Hib 1:7 * **104:6:** Gnp 1:2 * **104:7:** Gnp 1:9-10

- 9 Ve yo ughur ngat pa te ve taan.
Leso te itav taan ve ireu nugh muul sov.
Ngat tawe, te irau imalaan pani mako. *
- 10 Yo ugham yaa tivot ila taan puura tau tighenaar
taghon loloz zigezi,
ve tireer taghon sariipa tizila pa nugh
duduñazi.
- 11 Yaa tawe tighenaar, lesu gabua naol to su tighun.
Donki sagsagna paam. Isaav ighe murun zi,
ene pale tighunu le isoon zi.
- 12 Man tirau rumazi ila ai tau tiyooz ila yaa zigezi
na bogazi,
ve tileep ila ve titanjan.
- 13 Yo uleep ila niam ta saanja we, ve ugham uman
izizi ila loloz.
Uraat tsio tana, tauta igham taan ngoreenja ivot
ve gabua popoia naol titum poi.
- 14 Yo ugham kikiliin itum, lesu makau, sipsip ve
gabua siriv paam tighan.
Ve ughur gabua maata maata to iuul tam-
tamon paam. Leso tivazogh zi ve tigham
uratoi zi.
Yo ugham aniin anoonja ivotvot ila taan. *
- 15 Ve ughur ai vaen, lesu tamtamon tigharaata ve
tighun suuru, ve igham zi loloz poia.
Ve ugham ai oliv pazi paam. Leso tigham
ngoreenja, ve tisop tinizi ma naghozi pani, le
milmilia.

* 104:9: Gnp 9:15 * 104:14: Gnp 1:11

Ve ugham aniiñ maata maata pazi, ve tighani to ipalot zi.

16 Yoova, ai tsio mezepur tau uvazogh zi izi Lebanon na, yo ungin zi poi, ve ugham uman izizi pazi. Tauta aazne tizaa timin tintiina.

17 Ai tawe, man tirau rumazi izala bogazi. Ve man ngau, o tighagharaat rumazi ila ai tau imin yar na bogazi.

18 Loloz mamalaua dabazi, ene mekmek sagsagnja niazi to lepooğh. Ve gabua siriv tau imin momot, ma uzuuv ma vene, ene tionyoon ilonj ila maet tintiina sosozi izala loloz.

19 Yo ughur kaiyo to ingat saawe to ndaman. Ve aaz, ene iwatagh saawe sindei to izaa, ve saawe sindei to izila.

20 Yo ugham mbonj izi le nugh ndoroom, lesu gabua sagsagnja to su tilaagh.

21 Tauvene laion paghpaaghu alinjazi izazaa ve tilaghlaagh, ve tiliil lezi gabua to tighan. Ve Maaron tau igham pazi.

22 Saawe tau aaz izaa, mako timuul tila pa niazi to ghenoon, ve tizi tigheen.

23 Mako tamtamon anazi tivot tila pa ghamuunj uraat. Tighamgham uraat ila ila le ravrav izi.

24 O Yoova, yo ughur gabua maata maata.

Ve gabua naol tau yo ugharaat zi na, titotoi
ghom tighe n̄gar tsio tiina le tiina kat.
Taan ivon kat pa gabua ndiñndiñ ndiñndiñ tau
yo ugharaat zi na.

²⁵ Ve naghām n̄gar pa te paam. Ene tiina kat.
Ve gabua ndiñndiñ ndiñndiñ tau matazi
yaryaare na tileep ila. Siriv tintiina, ve
siriv geegeu.
Gabua tawe, tanin zi, ene aat tarao mako.

²⁶ Waan̄ tiravraav ila te paavo,
ve Leviatan †
ilaghlaagh ila te loolo. Gabua tana, tiina le tiina
kat. Muun̄ geeg, yo ugharaata, lesō imomogheer
ila te.

²⁷ Gabua naol tawe tighurghur matazi payo to
ughām lezi aniin̄.
Saawe tau pitool zi, yo taum upanpan zi.

²⁸ Yes tilepaar ila yo nimam.
Isaav ighe ughām aniin̄ pazi, yes pale
tighamu.
Ighe ukaak nimam to upan zi, ene pale tighan
gabua popoia le apozi isun̄. *

† **104:26:** Yes Kanaana ve Babilona lezi sisiin̄ siriv tau isaav
tauvēne: Gabua saghati ee ileep ila te loolo. Tiwaat eeza tighe
'Leviatan.' Gabua tawe tiina le tiina kat, ve tapiri paam tiina kat.
Tauvēne yes Babilona ve Kanaana tiroi pani. Ve tighe muun̄ geeg,
Leviatan iparav tomania Maaron, ve ipazaagh te le ireu nugh.
Eemon Maaron iliivo ve itatani, tauta aazne gabua naol tileep
poi. N̄eer tau ibood mbounj tane, ivelegh sisiin̄ toozi tawe ighe
gabua tana, Maaron ighita ighe tiina mako. Ene gabua sorok tau
imomogheer ila te loolo. * **104:28:** Mt 6:26

- 29 Ve isaav ighe unḡooz naghom pazi,
ene pale tiroi ve tivaghamgham.
Ve isaav ighe upas avuvuzi ighau,
ene pale timatmaat ve timin nḡaupup muul.
- 30 Gabua naol tau tileep izi taan ne, yo uviv Avu-
vum ila pazi, tauta tileep matazi yaryaare.
Ve saawe tau timaat, yo ugham paaghu toozi
tivot izi taan, leso tigham niazi.
- 31 Yoova eeza tiina aat igheen taghon taghon gha
ila.
Ve i loolo poia pa gabua naol tau i igharaat zi
na.
- 32 I tapiri tiina kat. Isaav ighe maata izi pa taan,
ene pale taan irur.
Ve isaav ighe itut loloz eta, ene pale yav ighan
loloz tana.
- 33 Tauvene saawe tau naleep matag yaryaare, yau
aat nambou mbounj to napait Yoova.
Pale lolog poia pani, ve napakuru pa mbounj
ila ila le lepoogh tsiau to taan isov.
- 34 Yoova igham ghau lolog poia kat.
Tauvene saawe tau naleep ve naghhamgham
nḡar pani, naghe i ighit ghau ve loolo poia
pa nḡar tsiau.
- 35 Eemon zeran sasaghatizi tau tighamgham sosor
ila Yoova maata na, poia to i ipasov zi pa
taan gha tilalez.
Ve yau ene, nasaav pa taug naghe yau aat
napait Yoova pa poia tooni.
Aleluia! Tapait Yoova!

105

Maaron maata ingalngal tamtamon tooni Israela

- ¹ Apait Yoova pa poia tooni, ve avotia eeza tiina.
Asavia n̄gar tau i ighamghamu na irau nugh
nugh, leso tiwataghi.
- ² Ambou pani. Ambou ve apakuru.
Avotia uraat tooni n̄geretazi ta naol ne. Uraat
tana, maata ite kat.
- ³ Yoova, i eeza patabuyaaj. Apaiti toman lolomim
poia.
Yes tau tizuari zi pani, ene pale lolozi poia kat
ve tintinisi.
- ⁴ Sunjuun̄ tsiam in̄jarui Yoova. Leso ipalot gham pa
tapiri.
Azuari gham to ala aleep ila naagho irau
saawe.
- ⁵⁻⁶ Yam tau avot ila to Maaron besoon̄a tooni
Abaram,
yam sin̄j to Yakop tau Maaron isiigh gham
amin i le na,
matamim ingal gabua n̄geretazi ve uraat tinti-
ina tau Yoova ighamgham zi na. Uraat tooni
tawe maata ite kat.
Ve matamim ingal saawe naol tau i igabiiz
tamtamon ve ighur atuya pazi na.
- ⁷ Yoova, i mon ta Maaron toit.
Uraat to gabizoon̄ tamtamon ve ghuruun̄
atuya pazi, ene i itotoia irau taan isov.

- 8 I monmon maata ingalngal saveen mbuaan tooni,
ve itataghoni.
Tutuun tau Maaron isavia na, pale iyaryaan
tauvene, ve anoon a ivotvot taghon taghon
gha ila. *
- 9 Muun, i imbu saveen tomania Abaram ighe
yesuru tivalupu zi timin eemon.
Ra ipariaan saveen mbuaan tawe ila to Isak le
iyaryaan kat. *
- 10-11 Murei, ra ipariaan saveen tana muul ila to
Yakop,
ighe saveen tane aat iyaryaan taghon taghon
gha ila.
Ve isaav pa Yakop ighe: “Yau pale naghama
taan Kanaan imin lem.
Taan tana pale imin yo yamna paaghu tsio
lemim motot.” *
- 12 Saawe tana, yes eval mako.
Ngira mon. Ve tileep timin loom pa taan tane.
- 13 Laghoon toozi, titaghon ngar tauvene: Tileep rig
izi nugh ee, mako tiburig muul ve tila tileep
izi nugh ite.
Tila tivot nugh to kinik ee ve tileep tomani zi.
Le isov, o tipul zi, ve tila tivot to kinik ite, ve
tileep tomani zi.
- 14-15 Laghoon toozi, ene Maaron tauu ingingini.
I ipul tamtamon to nugh eta titatan zi ve
tigham saghatin zi ne mako.

* **105:8** Mbo 106:45, 111:5 * **105:9** Gnp 15:18, 17:2, 26:3; Lu
1:54+; Hib 6:14+ * **105:10-11** Gnp 28:13, 35:12

I maata inġalġal zi, tauta iyaon kinik siriv ighe:

“Yes tau nasiigh zi ve naghur zi timin uraata tsiau na, abugil zi sov!

Pasaa, yes tana, yau naghur zi timin propet tsiau. Tauvene avaghamun zi sov.” *

16 Murei, ra Yoova igham pitooll tiina ivot izi taan Kanaan.

Saawe tana, Yakop tomania natġa lezi aniin mako kat.

17 Eemon Yoova imbaanġ toozi ee imuunġ pazi ila Isip.

Ene Yosep tau tigholia ila gha imin mbesoonġa sorok. *

18 Yes Isipa tizeeva ilonġ ila ruum to yavyavuunġ, ve tikau aaghe pa sen, ve tighur ain liliita ila luua. *

19 Yoova itovtoov Yosep tauvene, le irau Yosep ivotia gabua siriv pa yes Isipa, le saveenġ tooni anoonġa ivot.

Tauvene saveenġ tau Yoova isavia pani, ene ipaghazonġai Yosep ighe i igham sosor mako, ve nġar tooni iduduunġ.

20 Ra kinik to yes Isipa tau inġin nugh naol na, imbaanġ ila ighe tipul Yosep ivot pa ruum to yavyavuunġ.

* **105:14-15:** Gnp 12:17, 20:3+

* **105:18:** Gnp 39:20

* **105:17:** Gnp 37:27, 45:5

- 21 Ve ighur Yosep imin daaba to Isip, ve ipuliir ruum tooni tomania gabua tooni naol isov ila i niima, leso ingin zi. *
- 22 Tauta Yosep imin daaba pa yes tau tighamgham uraat pa kinik na.
I ipaduduun yes tau tiuluul kinik pa ngar na, ve ipaghazonjai zi pa ngar poia.
- 23 Eez tane ta yes Israela tau sinj to Yakop na tila tivot izi Isip,
ve tileep timin loom ila taan to Ham. *
- 24 Yoova ipapalot zi, tauta tivot timin eval, le tapirizi iliiv koiazna. *
- 25 Ra i itoor ngar to yes Isipa, ve tighur koi pa tamtamon tooni.
Tauvene tiil eez to titombaan besoonja tooni ve tigham saghatin zi.
- 26 Tauta Yoova imbaan besoonja tooni ru, Mose gha Aron, leso tiuul yes Israela.
Aron tane, Yoova tauu ighuru to igham uraat tooni. *
- 27 Maaron ighe itotoi tapiri pa yes Isipa. Tauta ipalot Mose gha Aron, ve tigham gabua ngeretazi naol ve uraat tintiina ila yes Isipa sosozi. Uraat tau ivot izi taan to Ham, ene maata ite kat. *
- 28 Yoova igham ndoroom tiina ikau taan to yes Isipa.

* **105:21:** Gnp 41:40 * **105:23:** Gnp 46:1+ * **105:24:** Igham 1:7

* **105:26:** Igham 3:10, 4:16 * **105:27:** Igham 7:9+

Pasaa, yes tizoor aliinja, ve tinguruut tamta-
mon tooni. *

29 Ve i itoor yaa toozi isov imin sinj,
le iigh tisov timatmaat. *

30 Ra igham gob ndinjndinj ndinjndinj tivot le taan
toozi ivon pazi.
Ruum loolo to kinik tauu, ene ivon pa gob
paam. *

31 Ve Yoova isaav, ve lasom tomania suum katini
tivot, le tirau taan to yes Isipa. *

32 Ve saawe tau uman ighe izi, ene uman izi
mako. Yoova igham ais paatu paatu izi le
ivaghamunia nugh.
Ve igham nugh ighani milia, ve lalaav
ingalngal gabua irau taan toozi isov. *

33 Tauta ivaghamunia ai vaen tomania ai fik toozi,
ve ingal ai siriv tipolpol paam.

34 Ra isaav, ve siis tivot le katini kat.
Tanin zi, aat tarao mako. *

35 Ve tighan aniinj tau yes Isipa tivazogh zi na raua
tomania gabua siriv tau titum ila taan toozi
na le isov kat.

* **105:28:** Igham 10:22 * **105:29:** Igham 7:19+ * **105:30:**
Igham 8:2 * **105:31:** Igham 8:17 * **105:32:** Igham 9:23+
* **105:34:** Igham 10:12+

- 36 Murei ra, Yoova iravuur natuzŋa aidabazŋa timataar irau taan toozi isov.
Natuzŋa tau tipoop zi imin maata, tauta tisov.
*
- 37 Ra Yoova igham yes Israela tipul Isip, ve tivot tila.
Saawe tau tiburig, tighamuur gol to yes Isipa tomania silva toozi, ve tila tomania.
Ve laghoonj toozi, tilaagh toman tapirizi. Toozi eta tapiri isov ve itap mako. *
- 38 Saawe tau yes Israela tipul Isip ve tila, yes Isipa lolozi poia kat.
Pasaa, yes Israela tau timin puughu pa pataŋani tau ivotvot pazi ne. Tauta roinj tiina igham zi.
- 39 Mataaz, Yoova igham taitai ivot gha ipoon aaz maata pa yes Israela.
Ve mbonj, i igham yav tiina ighan le isul nugh.
*
- 40 Saawe tau tighasoni pa lezi aniiŋ, i igham man kayau katini tivot, ve igham aniiŋ katini sambam ve izilam pazi.
Tauvene tighamu gha tighan le apozi isun. *
- 41 Yoova igham maet ivavaal le aavo ikaak, ve yaa prisia toman tapiri ivot.
Yaa tawe ireer tiina izi nugh ŋginaaŋa tau le yaa mako na. *

* **105:36:** Igham 12:29 * **105:37:** Igham 12:35 * **105:39:** Igham 13:21
* **105:40:** Igham 16:13+ * **105:41:** Igham 17:6;
1Kor 10:4

- 42 Yoova igham gabua naol tana pasaa, maata ingalngal saveen tooni patabuyaanj tau imbua tomania besoonja tooni Abaram.
- 43 Tauvene Yoova igherev tamtamon tooni Israel tau i tauu isiigh zi na, gha tipul Isip. Timboubou ve tilolool toman lolozu poia ve tila.
- 44 Murei, ra i igham taan to nugh siriv pazi. Tauvene nugh tawe uraat toozi anoonja, imin ruum, uum, ai, ve gabua toozi siriv paam, tauta isov imin yes Israela lezi.
- 45 Yoova igham tauvene pazi, leso tikis saveen tooni tunja, ve matazi kisin tutuun tooni ve titaghoni. Aleluia! Tapait Yoova!

106

Yes Israela tizoor Maaron aliinja. Eemon i ighamgham ngar popoia pazi

- 1 Aleluia! Tapait Yoova pa poia tooni toman loloon poia. Pasaa, i poia kat. I loolo isaghav tamtamon tooni, ve iuluul zi irau saawe.
- 2 Sei irau isavia uraat tintiina tau Yoova ighamgham zi na? Ve sei irau ipaiti pa ngar popoia naol tau i ighamgham zi na ve ipasov zi? Eta irao mako.
- 3 Yes tau tighagharaat patanjani to tamtamon ve titaghon ngar duduunja irau saawe,

ene pale lolozi poia kat, ve poia to Maaron izazaa toozi.

⁴⁻⁵ O Yoova, saawe tau ugham poghania tamtamon tsio ve ugham mulin zi pa pataņani toozi, na matam iņgal ghau ve uul ghau paam.

Maaron, yo taum usiigh yes Israela timin lem motot. Yes tamtamon tsio. Tauvene naghe taug naghit zi tileep poi.

Leso yeņa nilup ghei toman tintiinmai ve ni-pait ghom.

⁶ Yei nisosor wa. Nisosor pa eez tsio, raraate imin timbumaiņa.

Yei nighamgham nęar saghati. Nęar tsiei iduduun ila yo matam mako.

⁷ Saawe tau timbumaiņa tileep izi Isip na, yo ugham gabua nęeretazi tintiina ivotvot.

Eemon tighilaal zi mako.

Saawe naol, yo utotoi poia tsio pazi, itaghon nęar tsio tau lolom isaghav tamtamon tsio ve uluul zi.

Eemon yes tigham nęar pa uleenj tsio tana mako.

Saawe tau tila tivot Te Siņsiņai, tizoor aliņam, ve tighur murizi payo. *

⁸ Eemon Yoova, i eeza tiina pa tapiri ve poia tooni, ve ighe igham zi tighilaal katin tapiri.

Tauta igham mulin zi.

⁹ Saawe tana, i isaav ariaaņ pa Te Siņsiņai le ivalagh ghi imin ru. Sirivu ila pa tapir, sirivu ila pa nęas, ve taan mamaasa ivot.

* **106:7:** Igham 14:11+

Ra igherev yes Israela, ve tilaagh ila maghat
tau ighéen izila siinja kat na, gha tila tivool
pa ziige ite. *

¹⁰ Tauvene i igham mulin zi ila koiazņa nimazi.
I iyooz pazi, ve iuul zi. Tauta yes tau tighur koi
pazi na irau tivaghamun zi mako.

¹¹ Saawe tana, te itav koiazņa le tisov timataar.
Eta ileep muul mako.

¹² Maaron igham tauvene, tauta yes Israela tighur
ila saveeņ mbuaaņ tooni,
ve timbou mbounj to tipaiti. *

¹³ Eemon rekia mon ve lolozi iveegh pa gabua
ņgeretazi tau i igham zi na.
Yes tisaņan Maaron to ivotia ņgar tooni pazi ne
mako.
Tigham gabua itaghon tauzi ņgar toozi.

¹⁴ Saawe tau tilepleep izi nugh ņginaaņa, luazi itaņ
tighe le tighan aniinj popoia imin tau muuņ
tighanghani izi Isip.
Tauvene titooov Yoova tapiri izi nugh ņginaaņa.
*

¹⁵ Ve Maaron ilooņ taņiiz toozi ve igham lezi gabua
tau tighason pani na.
Eemon i igham moroghoonj saghati ivot le
ivaghamun zi paam.

* **106:9:** Igham 14:21+
Igham 16:3; 1Kor 10:6, 9

* **106:12:** Igham 15:1+

* **106:14:**

- 16 Saawe tau tilepleep ila niazi to lepoogh izi nugh
nginaaŋa,
tamtamon toozi siriv tiburig ve tinjoon pa
Mose yesuru toogha Aron tau Yoova be-
soonja tooni patabuyaan na. Tighe tigham
uraat raraate imin yesuru, o poia. *
- 17 Tauvene taan ikaak, ve Datan gha Abiram toma-
nia ziiri waaro toozi tisov titaptap tizila,
ve taan aavo ila ivool muul.
- 18 Ra yav ivot, ve ighan tamtamon siriv tau
titaghon zi pa ngar toozi tawe.
Zeran sasaghati tawe, yav yaama ighaniir zi
le tisov.
- 19 Saawe tau yes Israela tilepleep izi loloz Sinai pu-
ughu, tigham gol ve tigharaat makau naatu
tamoot anunu,
ve tiput aghezi pani ve tipakuru. *
- 20 Tauvene Maaron toozi tau eeza tiina pa tapiri ve
poia tooni na, yes tighur murizi pani.
Ve tighur gabua tau ighanghan kikiliin na
anunu igham Maaron niia. *
- 21 Onoon kat, Maaron toozi tau igham uraat tin-
tiina ivotvot izi Isip ve igham mulin zi na,
loloji iveghaini kat.
- 22 I igham gabua ngeretazi tintiina izi taan to yes
Isipa, *

* **106:16:** Nam 16:1+ * **106:19:** Igham 32:4 * **106:20:** Ro 1:23

* **106:22:** Saveen tau tiboode na, isaav ighe 'taan to yes Hama.'
Hama, ene Isipa ezazi ite.

ve igham uraat tintiina izi Te Sinşınjai ziige paam.

Uraat tawe, tamtamon tighit zi le roinj tiina igham zi.

Eemon yes Israela tigham njar pa gabua tana mako.

²³ Tauvene Maaron ighe ivaghamun zi le tisov.

Eemon besooja tooni Mose tau i tauu isiigho na,

iyooz ila Maaron naagho imin sigheu pa yes Israela.

Tauta itatan Maaron aatyavyav tooni, ve Maaron ivaghamunia tamtamon tooni mako. *

²⁴ Saawe tau yes Israela tigharau taan Kanaan, yes tirere pa taan poia tau Yoova ighe igham pazi na.

Pasaa, tighur ila saveen mbuaan tooni mako.

²⁵ Yes lolozi pa lonjanj Yoova aliinja mako.

Tilepleep ilonj ila balbaal toozi, ve lolozi njurjuria pa Maaron.

²⁶⁻²⁷ Tauta Yoova niima izaa, ve imbu saveen ari-aan igha:

I pale irav zi tisov timataar izi nugh nginaanja, ve ivarewai paaghu toozi gha timbiriis tirau nugh nugh.

²⁸ Murei, ra yes Israela tila tivot loloz Peor. Saawe tana, tipaak yes tau tibesbees pa maaron karom Baal.

* **106:23:** Igham 32:11-14, 32+

Pasaa, aniiḡ tau zeran tawe tigham pa maaron maate toozi tawe, yes Israela tighani paam. *

29 Ngar tau tighamu na, ipas Yoova aate, le aate yavyav kat.

Tauta igham moroghoon saghati ivot pazi.

30 Tauvene Pineas iburig ve irav tamtamon ru tau tizoor Maaron aliiḡa na gha timatmaat.

Ra moroghoon saghati tawe isov. *

31 Ngar tooni tawe, tauta Maaron ighita ighe i ḡeer duduunḡa.

Ve Maaron pale maata ingalḡgali tauvene taghon taghon gha ila.

32 Yes Israela tila tivot yaa Meriba, ve tigham Yoova aate yavyav muul.

Saawe tana, tigham patanani pa Mose paam.

33 Pasaa, yes tizoora kat le tipas aate.

Tauta igham ngar poi mako, ve isik aliiḡa isosor. *

34 Saawe tau tilon tila taan Kanaan, Yoova isaav ariaan pazi ighe tirav yes tau tileep ta sewe na, tisov timataar.

Eemon titaghon Yoova aliiḡa mako.

35 Yesḡa Kanaana tiluplup zi, ve titaghon ngar toozi.

36 Yes tibesbees pa maaron karomḡa toozi,

* **106:28:** Nam 25:1+
20:1+

* **106:30:** Nam 25:1-13

* **106:33:** Nam

ve n̄gar tawe imin liis pazi.

- 37 Ve tigham tauzi natuz̄ṇa zitamoot ve zilivaa, gha tirav zi timaat, imin watoon̄rau pa avuvu sasaghati.
- 38 Onoon kat, natuz̄ṇa zitamoot ve zilivaa tau lezi sosor eta mako na, ene yes tirav zi timaat imin watoon̄rau pa maaron karom̄ṇa to yes Kanaana. Sin̄j toozi tau imalin̄j na, ivaghamunia taan toozi le isaghat ila Maaron maata. *
- 39 N̄gar tau tigham na, igham zi tisaghat kat ila Yoova maata. Yes tighur murizi pani, imin livaa tau ipul azaawa ve ila ighurghur boog.
- 40 N̄gar tau tamtamon tooni Israela tigham na, ene igham Yoova aate yavyav kat, ve loolo pazi mako le mako kat.
- 41 Tauta ipul zi tila nugh nugh nimazi. Yes tileep ila koiaz̄ṇa sambazi ve anazi tin̄gin zi.
- 42 Koiaz̄ṇa tawe tighur patan̄ani naol pazi, ve titatan zi pa tapirizi, ve tigham zi timin besoon̄a toozi.
- 43 Pai katini, Yoova ipas yes Israela pa patan̄ani toozi. Eemon tighilaal uleen̄j tooni mako, ve tizoor aliiṇa, ve titaghon tauzi n̄gar toozi.

* **106:38:** Lo 18:10

Ngar toozi saghati tawe igham zi
tivaghamgham.

44 Eemon Yoova ighita pataņani toozi, ve iloonj
taņiiz toozi.

45-46 Pasaa, maata ingal saveeņ tau imbua tomania
timbuzņa na, ve loolo isaghav tamtamon
tooni ve iuluul zi.

Tauta itatan aatyavyav tooni,
ve igham yes tau tikiskis yes Israela na lolozi
isaghatin zi ve tigham poghani zi.

47 O Yoova, Maaron tsiei, ugham mulin ghei ila
koiamainņa nimazi!

Ughita. Aazne, nileep irau nugh nugh.
Uyau ghei, ve ulup ghei ila taan tsiei muul.
Leso lolomai poia payo, ve nipait ezam
patabuyaņ.

Ve matamai ingal yo ezam ve tapirim tiina
irau saawe.

48 Iit tapait Yoova pa poia tooni. I Maaron to iit
Israela.

Tapaiti ta aazne, ve taghon taghon gha ila!
Ve eval tiina aat tisaav tighe: "Onoon kat."
Aleluia! Tapait Yoova!

107

Tapait Maaron pa poia tooni

1 Lolomim poia pa Yoova ve apaiti. Pasaa, i poia
kat.

Loolo isaghav tamtamon tooni ariaaņ, ve iu-
luul zi irau saawe.

2 Yes tau Yoova igham mulin zi ila koiazņa nimazi
na, irau tisavia saveeņ tane.

Pasaa, i iyooz pazi ve ipas zi tivot pa patanjani toozi, ve igham zi tileep poi.

³ Muunj, koiazna tigham zi tila tileep irau nugh nugh.

Siriv tileep ila pa nugh tau aaz izazaa pani, ve siriv tileep ila pa nugh tau aaz izila.

Siriv tileep ila pa ragh puughu, ve siriv tileep ila pa yavaar puughu.

Eemon Yoova iyau zi timuul tilam pa tauzi nugh toozi.

⁴ Tamtamon siriv, tivalaghlaagh izi nugh nginaanja tau le yaa mako na.

Ve tiliil eez tighe tila nugh eta, lesa tileep ta sewe. Eemon tindeenj eez eta mako.

⁵ Pitool zi, ve murun zi, le tapirizi isov.

⁶ Tauvene tileep saghat.

Eemon saawe tau titanj rarai Yoova pa uleenj, i iuul zi pa patanjani toozi tawe.

⁷ Ve itotoi zi pa eez tau duduunja ve tuuku.

Tauta titaghoni ve rekia tila tivot nugh poia ve tileep ta sewe.

⁸ Tauvene yes irau loloji poia pa Yoova ve tipaiti pa poia tooni.

Pasaa, i loolo isaghav iit tamtamon ve iuluul ghiit.

Ve ighamgham uraat ngeretazi to iuul iit tamtamon.

- 9 Yes tau murun zi, i ighamgham yaa pazi to tighun ve isoonj zi.
Ve yes tau pitool zi, i irao zi pa gabua popoia le tirau kat. *
- 10 Tamtamon siriv, yes tileep ila ndoroom tiina loolo, ve rigmon kananj timaat.
Yes tileep ila ruum to yavyavuunj loolo, ve ravraav tomania sen ighan nimazi ma aghezi le tisaghat kat.
- 11 Pasaa, tizorzoor Maaron aliinja.
Maaron Tiina Tau Iliiv Zimaronja Tisov na, yes tivevelegh saveenj tooni imin kaut sorok.
- 12 Tauta i ighur uraat patanani kat iza toozi, lesa itatan zi.
Yes irau tilaagh duduunj mako, ve titaptap tizizi. Pasaa, tibadbaad gabua patanani. Ve lezi tamtamon eta to iuul zi mako.
- 13 Tauvene tileep saghat.
Emon saawe tau titan rarai Yoova pa uleenj, i iuul zi pa patanani toozi tawe.
- 14 I ipas zi tivot pa ndoroom tiina tawe loolo, ve igham zi tivot tila ghazonja.
Ve ikuup motin ravraav tomania sen pa nimazi ma aghezi. *
- 15 Tauvene yes irau lolozu poia pa Yoova ve tipaiti pa poia tooni.

* **107:9:** Mt 5:6; Lu 1:53 * **107:14:** Lu 1:79

Pasaa, i loolo isaghav iit tamtamon ve iuluul ghiit.

Ve ighamgham uraat ngeretazi to iuul iit tamtamon.

16 Ataman arianaazi to ruum to yavyavuunj tau tigharaat zi pa mbaras na, i irav valaghin zi. Ve ain arianaazi tau tipapalot ataman na, i injoor polpolin zi.

17 Tamtamon siriv, yes tighamgham njar to bo-rauna ve tinoknok zoraan saveenj. Yes tighamgham sosor, tauvene timoroonj ve yavyavuunj tiina igham zi.

18 Loloji pa ghaniinj aniiinj eta mako. Isaav ighe tighita aniiinj eta, ene pale atezi inaunau ve tilulu. Tauvene tileep ila naal aavo wa.

19 Yes tileep saghat. Eemon saawe tau titanj rarai Yoova pa uleenj, i iuul zi pa patanani toozi tawe.

20 I isaav, ve tinizi popoia muul. Muunj, tileep ila naal aavo. Ve i igham mulin zi pa mateegh.

21 Tauvene yes irau loloji poia pa Yoova ve tipaiti pa poia tooni. Pasaa, i loolo isaghav iit tamtamon ve iuluul ghiit. Ve ighamgham uraat ngeretazi to iuul iit tamtamon.

- 22 Tauvene yes aat lolozi poia pa uraat tintiina tau
i igham pazi na, ve tigham watoonrau pani.
Ve timbou toman alinjazi tiina to tipakuru, ve
tisavia uraat tooni tawe.
- 23 Tamtamon siriv, yes tizaa waan,
ve tiraav tila nugh malau to tiraukol.
- 24 Yes tighit katin Yoova tapiri,
ve uraat tintiina tau i ighamghamu ila te
paavo.
- 25 Pasaa, i isaav ariaan, ve yaghur tiina iza,
le ipei dibom tintiina.
- 26 Dibom tintiina tawe iit waan toozi izala kat,
ve ipuli izi le rigmon kanan izal izila mazavan
tiina loolo.
Tauvene roinj tiina igham zi le tapirizi isov.
- 27 Ve tivataptap imin tamtamon tau ighun gha
ivaghamgham.
Yes to te tiwatagh ghamuunj pooz. Eemon
tirau gabua eta mako.
- 28 Tauvene tileep saghat.
Eemon saawe tau titan rarai Yoova pa uleen, i
iuul zi pa patanani toozi tawe.
- 29 I igham yaghur aate izi, ve dibom imaat. *
- 30 Yes tighita taun izi, le lolozi poia.
Ve Yoova igham zi tila tiloon nugh tau tigne
tila pani na.

* **107:29:** Yona 1:15; Lu 8:24

- 31 Tauvene yes irau lolozu poia pa Yoova ve tipaiti pa poia tooni.
Pasaa, i loolo isaghav iit tamtamon ve iuluul ghiit.
Ve ighamgham uraat ngeretazi to iuul iit tamtamon.
- 32 Tauvene isaav ighe eval tiina tilup zi pa sunjuun, zeran tawe aat tila tomani zi ve tiyoor Yoova eeza.
Ve saawe tau yes nginiina tilup zi, zeran tawe aat tipait Yoova eeza ila naghozi paam.
- 33 Yoova irau igham yaa tintiina timaak le tigorgor kat, imin nugh tau le yaa mako na.
Ve yaa tau tivotvot ila taan loolo na paam, i irau ipoon zi le taan loolo igorgor.
- 34 Isaav ighe nugh eta tinoknok ghamuun ngar saghati,
i irau ivaghamunia taan toozi tau ngoreenja tiina na, lesu isaghat, ve gabua eta itum ila muul mako.
- 35 Ve isaav ighe nugh eta le yaa mako, i irau igham yaa ivot pani, ve ireer tiina.
Taan tau loolo gorgori na, i irau igham yaa ivot pani.
- 36 Yes tau pitool zi na, i igham zi tila tileep ila taan poia tawe,
ve tighamu imin lezi nugh to lepoogh.
- 37 Tauvene yes tivazogh aniiñ ve vaen ila,
le tighita anoonja katini tivot.

- 38 Yoova ighur poia tooni izazaa toozi, tauta timasa timin eval.
Ve maata pa makau, mekmek, ve sipsip toozi paam, le timasa timin naol.
- 39 Isaav ighe tamtamon to Maaron koiazna titatan zi le tapirizi isov,
ve tigham saghatin zi le tileep saghat toman lolozi ipatanan,
- 40 ene pale Yoova iuul zi, ve itatan daaba to koiazna tawe.
Pale igham zi tivaghamgham, ve tivalaghaaghaagha izi nugh nginaanana tau eez eta igheen ila mako.
- 41 Eemon yes tau tileep ila patanani loolo ve mbo-laan igham zi na, i ipaghau zi pa patanani toozi,
ve maata pazi le timasa timin eval.
- 42 Ngar tooni tawe, zeran dudunazi tighita, le lolozi poia kat.
Ve zeran sasaghati tisov lezi saveen eta muul mako. Saveen toozi isov.
- 43 Tamtamon tau ighe le ngar, i aat igham ngar poi pa gabua tane,
ve maata ingalngal ngar to Yoova tau loolo isaghav tamtamon tooni ve iuluul zi.

108

Neer ee ipait Maaron ve ighasoni pa uleen
Mbounj to David

- ¹ Maaron, lolog ruru payo mako.
Lolog isaghav ghom, ve naghur ilat tsiam ari-
aanj.
Tauvene nasaav pa taug naghe: “Uburig ve
umbou to upait Maaron!”
- ² Lolog ighur naghe nughitun, o naburig, ve
nagharaat taug,
ve naravrav ambam tomania gita ila ila le aaz
pisikia izaa.
- ³ Tiina tsiau, yau aat napait ghom pa poia tsio ila
tamtamon to nugh nugh matazi.
Pale yeja tamtamon to nughmarinj nilup ghei
pa sunuuj, ve nait mbounj to napait ghom.
- ⁴ O Yoova, yo lolom isaghav tamtamon tsio, ve
uluul zi.
Ngar tsio tana, ene tiina le tiina kat. Izala izala
le ikis sambam.
Ve ngar to taghoniinj saveenj mbuaanj tsio tau-
vene paam. Izala le ikis taitai. *
- ⁵ Maaron, eval tiina aat tipait ezam izala le izala
kat, iliv sambam saamba.
Ve tipakur ghom pa tapirim ve poia tsio irau
taan isov!
- ⁶ Maaron, yei tamtamon tsio. Lolom igheen tsiei
kat.
Ulooj sunuuj tsiau tane, ve utotoi tapirim ve
uul ghei.
Ugham mulin ghei pa patanjani tane.

* **108:4:** Mbo 36:5

- 7 Muunj, Maaron ileep izi nugh tooni patabuyaanj,
ve isaav ighe:
“Yau naparav le naliiv koiagna wa.
Tauta lolog poia ve navalagh taan Sekem ve
nugh duduunja to Sukot, ve nareii irau tam-
tamon tsiau.
- 8 Taan sirivu to Gileat, ve taan to yes Manase
paam, ene yau tsiau.
Yes Epraima timin hat ariaanja to ipoon dabag
pa malmal.
Ve yes Yuda timin titi tau nakisi imin ilaal pa
pooz tsiau.
- 9 Taan sirivu to Moap, ene imin oon tsiau to riri-
waanj.
Ve taan sirivu to Edoma, ene nugh tau nasik
zuzuunja to agheg pani.
Ve yes Pilistia, yau naparav tomani zi le naliiv
zi. Tauta tintinig ve alinag izaan.”
- 10 Sei irau igham ghau naliiv koiagna ve nalonj nala
nugh toozi tau didiin ariaanja ilivuti na?
Sei pale imuunj payau, ve igherev ghau nala
navot taan sirivu to yes Edom?
- 11 Ite paam mako. Yo mon.
Eemon Maaron, aazne yo ughur murim
payei, ve upaak zaaba tsiei muul mako.
- 12 Maaron, uul ghei, leso niliiv koiamaanja.
Pasaa, uleenj tau nighamghamu ila to tamta-
mon, ene anoonja mako.
- 13 Eemon isaav ighe Maaron ilam tomani ghei, ene
aat niliiv zi.

I irau itatan zi, le tapirizi isov kat.

109

Njeer ee ighason Maaron to ipamuul ngar saghati to koiŋa imuul ila pa tauzi

Mbounj to David

¹ O Maaron, saawe isov yau napapait ghom.

Ulooŋ suŋuuŋ tsiau. Uneneeŋ sov!

² Pasaa, zeran sasaghati tau avozi karom na, tighurghur koi payau, ve tiŋgalŋgal saveeŋ karom naol payau.

³ Koiagŋa tawe tisiksik saveeŋ sasaghati payau, ve tivaghamunia ezag sorok.

⁴ Muuŋ, yau lolog pazi, ve naghhamgham ngar poia pazi.

Eemon tiyat ngar poia ta naghham pazi na pa ngar saghati, ve tiŋgalŋgal saveeŋ naol payau.

Eemon yau ŋeer to suŋuuŋ.

⁵ Ngara poia tau yau naghhamgham pazi na, yes tiyatu pa ngar saghati.

Yau lolog pazi. Eemon yes tighur koi payau, ve tighe:

⁶⁻⁷ “Taghur tamtamon saghati eta iyooz ila ziige to iŋgal saveeŋ pani.

Leso saawe tau tipayooze pa savsaveeŋ, tighita tighe i isosor, ve tighur atuya pani.

Ve nighe sunjuunj tooni paam, ene isosor ila
Maaron maata.

⁸ Njeer tawe ileep malau izi taan sov.
Tamtamon ite paam aat igham niia ve igham
uraat tooni, o poia. *

⁹ Azaawa pale imin naar,
ve natja timin parooja.

¹⁰ Pale tireu natja ruum toozi tizi, ve tinaan zi
tighawaar.
Leso tivaghamgham, tivalaghlaagh, ve
tisunjuunj lezi gabua.

¹¹ Isaav ighe njeer tawe igham bun ila to tamtamon
eta, ene pale tamtamon tana ilam ve iyauur
gabua tooni isov imin le.
Gabua tau i ighun punita pani na, zeran to
nugh ite pale tilam ve tighamuur zi.

¹² Tamtamon eta igham poghania njeer tawe sov.
Ve natja tau timin parooja na, tamtamon eta
lolo isaghatin zi ve iuul zi sov.

¹³ Natja timataar le tisov, o poia. Leso njeer tawe
eeza igheen muul sov, ve tamtamon lolozi
iveegh pani.

¹⁴ Ngar saghati to timja, tamtamon pale tisavia pa
Yoova, lesa maata ingalhgali.
Ve sosor to tiina paam, Yoova ireua sov.

* **109:8:** Mbanj 1:20

- 15 Tauvene sosor to ñeer tawe tomania ziiri waaro tooni, Yoova pale maata inġal inġali irau saawe, ve ipasovuur zi pa taan.
Leso tamtamon lolozi iveghai zi kat.
- 16 Pasaa, ñeer tawe maata inġal ve igham ñgar poia eta pa tamtamon mako.
Yes mbolaanġa ve yes tau tileep ila patanġani loolo na, i ighamgham saghatin zi, ve iravrav zi timatmaat.
- 17 Ngar to avoon saghati pa tamtamon, i loolo pani kat.
Eemon saveenġ tooni saghati tawe pale imuul pa tauu, ve ivaghamunia.
Ngar to tasuġ Maaron leso ighur poia tooni iza to tamtamon, ñeer tawe loolo pani mako.
Tauvene poia to Maaron pale igheen malau pani.
- 18 Ngar to avoon saghati pa tamtamon, i ipulpuli mako.
Ene imin nonoghiinġa tau i loolo pani kat, ve inonogh ghi pani irau saawe.
Eemon saveenġ tooni saghati tawe pale imuul pa tauu,
ve izila loolo imin yaa, ve ila irau tuua ta naol ne imin ñgoreenġ, ve ivaghamunia.
- 19 Saveenġ tooni saghati tawe, pale imuul pa tauu ve ikauu,
imin kawaal tau i ikawaala ila nġaali ve ipuusa pa puus irau saawe.”

- 20 O Yoova, saveeņ sasaghati tau koiagna tingalngali payau ne, upamuule ila pa tauzi. Leso uyat ngar toozi tawe.
- 21 Yoova, yo Maaron tsiau. Ezam tiina pa poia tsio ve uleeņ tsio.
Yo lolom isaghav tamtamon tsio ve uluul zi irau saawe.
Tauvene uyooz payau, ve upas ghau navot pa patañani tsiau tane.
- 22 Pasaa, aazne naleep saghat, ve leg eez eta mako.
Tauvene ateg ipaparav ve lolog isaghat kat.
- 23 Yau namin gabua yavyaava tau ighe aaz izila, mako taghita muul mako.
Yau namin siis tau yaghur ivuvuura gha ila.
- 24 Yau nanġun taug pa ghaniin aniin alok wa.
Tauvene nakonkon, ve tuag isov peria, ve agheg imatmaat.
- 25 Isaav ighe koiagna tighit ghau, ene tivevelegh ghau ve tinjinin payau.
Ve titurun luazi payau ve tige: “Aa, ughita wa?”
- 26 Yoova, yo Maaron tsiau. Uul ghau lak!
Ugham mulin ghau pa patañani tsiau tane.
Pasaa, lolom isaghav tamtamon tsio, ve uluul zi.
- 27 Ugham koiagna tiwatagh yo nimam. Utotoi tapirim pazi ve tighit katini pa matazi.

Leso tighilaal tigde yo ta Volaanja tsiau.

28 Onoon, yes avozi saghati payau. Eemon yo pale ughur poia tsio iza tsiau.

Isaav ighe koiagna tipaburigin malmal payau, yo pale utatan zi, ve upamuul zi tila toman mayazi.

Leso ugham besoonja tsio loolo poia ve tintini.

29 Tauvene yes tau tingalngal saveen payau ne, ugham zi tivaghamgham, ve tighau tila toman mayazi.

Mayanja tana pale imin lezi nonoghiinja to tinonogh zi pani irau saawe.

30 Eemon yau aat lolog poia kat pa Yoova, ve avog ipaiti pa poia tooni toman alinag tiina.

Saawe tau yenja eval tiina nilup ghei pa sunjuun, yau aat nayooreeza.

31 Pasaa, yes tau tileep ila patanani loolo ve titan raraini pa uleen na, i iyozyooz zigezi to iuul zi.

Ve yes tau koiaznja tingalngal saveen pazi ve tigde tirav zi timaat na, i igham mulin zi.

110

Mesia, i kinik ve neer to watoonrau

Mbounj to David

1 Yoova isaav pa Tiina tsiau ighe:

“Ulam mbolem izi ila pa nimag tapir, le irau natatan koiamna ve tapirizi isov kat, ve uvaghaaz zi ila aghem saamba.” *

* **110:1:** Mt 22:44; Mbanj 2:34; 1Kor 15:25; Hib 1:13

- 2 O kinik, aazne yo ulepleep izi nugh Zion, ve Yoova igham titi to kinik payo to ipapalot ghom. Tauta tapirim tiina ve pooz tsio ila irau nugh nugh. Yoova isaav payo ighe: “Utatan koiamņa tau tilivutin ghom na, ve ugham zi tileep ila sambam.”
- 3 Isaav ighe uburig ughe ula pa malmal, tamtamon tsio ndinđinđ ndinđinđ pale lolozi ipazaagh zi tighe tilat gha yamņa ala.
Isaav ighe aaz pisikia iza, geegeu tsio tau tirao pa malmal na, pale timeke tilat, ve tileep tirau loloz patabuyaança tau tilivutin Yerusalem na, imin uwam to mbonjoozo itav kikiliin.
- 4 Yoova imbu saveenj tomani ghom, ve ipariaança le iyaryaanj kat.
Irau itoor njar tooni mako. Isaav payo ighe: “Yo njeer to watoonrau imin Melkizedek. Ve yo aat uleep tauvene taghon taghon gha ila.” *
- 5 Maaron ileep ila pa nimam tapir ve ipapalot ghom.
Saawe to aatyavyav tooni ighe ivot, i pale ipaburigin malmal ve iravuur yes kinik ti-sov.
- 6 Pale ighur atuya pa nugh nugh, ve irav zi timataar le patazi tizi tivaghengheen ila taan.
Tauvene yes pooza tau tileep irau taan na, i pale iravuur zi le tisov. *

* **110:4:** Gnp 14:18; Hib 5:6, 7:1+ * **110:6:** Syg 19:11-21

⁷ Ve kinik tsiei, i pale ighun yaa tau ireer igharau
 eez ziige na, le tapiri ivot muul.
 Tauvene i pale iliiv malmal, ve tiini iza.

111

*Tapait Maaron pa uraat tooni, ve tataghon tu-
 tuun tooni*

¹ Aleluia, tapait Yoova!

Isaav ighe zeran duduᵇazi tilup zi pa suᵇuun,
 yau aat nala tomani zi, ve napakur Yoova
 toman lolog isov.

² Pasaa, Yoova ighamgham uraat tintiina.

Tauvene yes tau lolozi pa uraat tooni kat na,
 tighamgham ᵇgar pa uraat tooni irau saawe
 tighe le tiwatagh katini.

³ Uraat tooni itotoi ighe i tapiri tiina ve poia kat.

Tauta tamtamon titandagh pani.
 ᵇgar tooni duduᵇa pale ighengheen tauvene
 taghon taghon gha ila. *

⁴ I ipaburigin ᵇgar toit, lesa mataan kisin uraat
 tooni ᵇgeretazi.

I loolo isasaghatin tamtamon tooni, ve
 ighamgham poghani zi.

⁵ Yes tau tiroi pani ve titaghon ᵇgar tooni na, i
 ighamgham lezi aniiᵇ.

Ve saveeᵇ tau yesᵇa tamtamon tooni timbua
 to tivalupu zi timin eemon na, i maata
 iᵇgalᵇgali ve itataghoni irau saawe. *

* **111:3:** Syg 15:3 * **111:5:** Mt 6:31+

- ⁶ Muunj, i igham uraat tintiina ila tamtamon tooni matazi, lesu itotoi tapiri pazi.
Saawe tana, i igham taan to nugh nugh imin lezi to tileep ila.
- ⁷ Uraat naol tau i igham zi na, ene itotoia ighe i itataghon saveen mbuaan tooni, ve ngar tooni iduduun mon.
Tauvene tutuunj isov tau i ighur zi na, iit aat taghur ila ve tataghon duduunai zi.
- ⁸ Tutuunj naol tawe pale iyaryaanj tauvene taghon taghon gha ila.
Yoova ighur tutuunj tawe itaghon saveen mbuaan tooni ve ngar duduunja.
- ⁹ Muunj, i ipas tamtamon tooni tivot pa patajani toozi.
Ve saawe tau yesja timbu saveen to tivalupu zi timin eemon, aavo iyaryaanj pazi ighe titaghon saveen mbuaan toozi tawe ngara irau saawe.
I tapiri tiina ve eeza patabuyaanj kat. Tauta taroi pani, ve tataghon ngar tooni.
- ¹⁰ Ngar to taroi pa Yoova ve tataghon ngar tooni, ene imin puughu pa ngar poia.
Yes tau titaghon saveen tooni na, tiwatagh eez to tigham lepoogh poia.
Tauvene iit aat tapakuru irau saawe!

112

Poia to Maaron izazaa to yes tau titaghon eez tooni

1 Aleluia, tapait Yoova!

Neer tau ighe iroi pa Yoova ve itaghon ngar tooni,
ve tutuunj to Yoova ighamu loolo poia,
ene aat tintini ve poia to Maaron izazaa tooni.

2 Ve paaghu tooni pale timin zeran tau ezazi tintina.

Tauvene yes tau tiduduunj ila Maaron maata na,
tamtamon to taan tane pale titandagh pa paaghu toozi ve poia to Maaron izazaa toozi.

3 Zeran duduunjazi, ruum toozi ivon kat pa kuaz ve gabua popoia katini.

Ve ngar toozi duduunja pale igheen ariaanj tauvene taghon taghon gha ila.

4 Isaav ighe neer duduunja eta ileep ndoroom tiina loolo, ene pale ghazonja to Maaron isulu.

Tamtamon tauvene, loolo isasaghatin tamtamon,
ve ighamgham poghani zi, ve itotoi ngar duduunja pazi.

5 Tamtamon tau ighe maata reinj gabua, ve iyokia gabua tooni pa uleenj tamtamon, ve itaghon ngar duduunja mon pa uraat tooni, ene pale ileep poia. ***6** Tamtamon duduunja tauvene, tovaanj eta irau ighamu itap ne mako.

Ve tamtamon pale matazi ingalngali pa ngar poia tooni tawe taghon taghon gha ila.

* **112:5:** Mbo 37:21, 26; Lu 6:30+

⁷ Isaav ighe iloonj gabua saghati eta vaaru, i irau
iroi mako.

Pasaa, inumeer Yoova ve ghuruunj ila tooni
iyaryaanj kat.

⁸ Tauvene roinj irau ighamu mako.

Iyozyooz ariaanj, le ighita Maaron itatan
koinja.

⁹ I maata injalngal yes mbolaanja, ve ireirei gabua
pazi.

Ngar tooni duduunja pale igheen ariaanj tau-
vene taghon taghon gha ila.

Tauvene eeza pale imin tiina, ve tamtamon
titandagh pani. *

¹⁰ Zeran sasaghati tighita ngar tau ivotvot pani na,
le atezi yavyav ve tinjaanj maripazi pani.

Eemon irau tigham ngar eta pani mako.

Pale saghatiinj ivot pazi ve tilalez.

Tauvene gabua popoia tau tighurghur matazi
pani na, ene irau ivot pazi mako.

113

Maaron, i eeza tiina ve poia puughu

¹ Aleluia, tapait Yoova!

Yam besoonja to Yoova, apakuru, ve apait
eeza.

² Apait Yoova pa poia tooni

ta aazne, ve taghon taghon gha ila!

* **112:9:** Lu 19:8; Mbanj 9:36; 2Kor 9:9

³ Yam tau aleep ila pa aaz iza, ve ila pa yam tau aleep ila pa aaz izila, apait Yoova eeza!

⁴ Yoova ileep saanja kat, ve nughmarinj tileep ila i saamba.

Eeza ve tapiri iliiv gabua naol isov to sambam.

⁵ Sei ta irao Maaron tsiei Yoova? Eta imin i mako. I ilepleep ila niia to ghamuunj pooz tau igheen saanja kat.

⁶ Tauvene i aat maata izila le izila kat ta siinja geeg we, o ighita gabua to sambam saamba ve taan.

⁷⁻⁸ Eemon yes tau lezi ezazi mako, ve yes mbolaanja tau monmon tilala nugh to sikiinj pen ve tiliil lezi aniij na, i loolo iveghai zi mako.

I ipapakur zi ve iuluul zi, lesa tileep poi toman tintinzi.

Tauvene yes irau tileep tomania yes daaba tau tighamgham pooz pa tamtamon. *

⁹ Ve yes zilivaa tau upazi na, i ighamgham lezi niazi popoia to lepoogh,

ve ighamgham lezi natuzja.

Tauvene tileep tomania natuzja tawe, ve lolozi poia kat.

Aleluia, tapait Yoova!

114

Maaron igham Israela timbuzja tipul Isip

¹ Muunj, Israela tipul Isip ve tila.

* **113:7-8:** 1Sam 2:8; Lu 1:52

Yakop paaghu tooni tipul tamtamon tau
alinazi ite na, ve tivot. *

² Indeenj tana, yes Yuda timin Yoova niia
patabuyaanj to lepoogh.

Ve yes Israela, tileep ila i niima ve injin zi. *

³ Saawe tau Te Sinjinai ighita Yoova tamtamon
tooni tilam, i iroi ve ighau.

Ve yaa Yordan ighit zi, le ipamuule ilonj ila ve
ipot imin yaa naliu. *

⁴ Ve loloz tauvene paam. Yogyoog itok le tiyatyaat
imin mekmek.

Ve nugh mbua mbua tiyatyaat imin sipsip
natja. *

⁵ O te, saa gabua ivot payo, ta ughau?

Ve yaa Yordan, puughu mindai ta utoor ghom
ve umuul uzala?

⁶ Ve yam loloz ve nugh mbua mbua, ayatyaat
pasaa?

⁷ O taan, uyamaan ghom! Malau mako pale Yoova
ilam.

Paita Maaron to Yakop ilam, ve itotoi tapiri
payo.

⁸ I ta igham yaa ivot ila maet, ve izi ipot imin yaa
naliu.

Onoon kat, i igham yaa ivot ila maet ariaanja,
ve ireer izi.

* **114:1:** Igham 12:41 * **114:2:** Igham 19:5, 24:3+ * **114:3:**
Igham 14:21 * **114:4:** Igham 19:18

115

Yoova, i Maaron tauu

- ¹ O Yoova, yei lolomai pa tamtamon tipait ezamai mako.
 Tipait yo ezam pa tapirim ve poia tsio, o poi.
 Pasaa, lolom isaghav tamtamon tsio ve uluul zi, ve utaghon saveen mbuaan tsio irau saawe.
 Tauvene utotoi tapirim ve uul ghei.
- ² Mako pale nugh nugh tivelegh ghom, ve tisaav payei tighe:
 “Aa, Maaron tsiam ileep sindei?”
- ³ Eemon yei niwatagh: Maaron tsiei, i ileep izi sambam.
 Ve saa ngar tau i ighe ighamu, ene ighamu mon.
- ⁴ Nugh nugh tighagharaat maaron toozi pa silva ma gol.
 Maaron karomņa tawe, tamtamon tigharaat zi pa nimazi. *
- ⁵ Yes lezi avozi. Eemon tisavsaav mako.
 Ve lezi matazi. Eemon tighita nugh mako.
- ⁶ Yes lezi talinazi. Eemon tiloon saveen mako.
 Ve lezi uzuzi. Eemon tinunuz gabua eta vaazi mako.
- ⁷ Yes lezi aghezi. Eemon irau tilaagh mako.
 Ve lezi nimazi. Eemon irau tikis gabua eta ve tiyamaana mako.

* **115:4:** Mbanj 19:26; Syg 9:20

Onoon kat, saveen ma tanjiiz eta ivot pa avozi mako. *

⁸ Tamtamon tau tighagharaat maaron karomņa tauvene ve tinumeer zi, ene tisov timin maaron toozi tawe. Tirau gabua eta mako.

⁹ Yam eval tiina to Israel, anumeer Yoova. Pasaa, i ta Uleenņa tsiam, ve imin sigheu payam. *

¹⁰ Ve yam to watoonrau tau avot ila to Aron na paam, anumeer Yoova! Pasaa, i ta Uleenņa tsiam, ve imin sigheu payam.

¹¹ Tauvene yam tau aroi pa Yoova ve ataghon nğar tooni na, yam asov anumeera. Pasaa, i ta Uleenņa tsiam, ve imin sigheu payam.

¹² Yoova maata ingalngal ghei. Ve i pale ighur poia tooni iza tsiei. Pale ighur poia tooni iza to yes to watoonrau tau tivot ila to Aron na, ve ighur poia tooni iza to eval tiina to Israel paam.

¹³ Tauvene yes tau tiroi pani ve titaghon nğar tooni na, i pale ighur poia tooni iza toozi tisov. Yes tau lezi ezazi mako, ve yes tau ezazi tintina na paam.

¹⁴ Yoova pale igham gham tomania paaghu tsiam amasa amin naol.

* **115:7:** Mbo 135:15+; 1Kor 12:2 * **115:9:** Mbo 37:3, 62:8

- 15 Yoova ta ighur sambam ve taan.
I pale ighur poia tooni iza tsiam.
- 16 Sambam, ene Yoova nugh tooni.
Ve taan, ene i igham pa iit tamtamon to taleep
ila.
- 17 Yes tau timaat gha tizila mateegha niazi na, eta
aavo luutu mako. Tineneen mon.
Irau tipait Yoova muul mako.
- 18 Eemon iit tau taleep mataan yaryaare, o loloon
poia pa Yoova, ve tapaiti pa poia tooni.
Ta aazne, ve taghon taghon gha ila.
Aleluia, tapait Yoova!

116

Neer ee ipait Maaron pa uleenj tooni

- 1-2 Yau lolog igheen to Yoova kat pasaa, i iloon
taniiz tsiau.
Yau natanj raraini pa uleenj, ve i ighur taliinja
payau ve iuul ghau.
Tauvene saawe tau naleep izi taan, sunjuun
tsiau aat injaruini irau saawe.
- 3 Liis to mateegh, rigmon kananj igham ghau.
Ravraav to mateegh ikaukau ghau, ve ighe
igherev ghau nazila nugh to mateegha.
Tauvene igham lolog ipatanjan, ve roinj tiina
igham ghau.
- 4 Tauta natanj rarai Yoova naghe:
“O Yoova, paita namaat tane. Uul ghau lak!”

- 5 Yoova loolo isasaghatin ghiit, ve ighamgham poghani ghiit.
Ngar tooni, ene iduduun mon.
- 6 Yes tau irau tiuul tauzi mako na, Yoova tauu ingin zi, ve iuluul zi.
Imin yau. Saawe tau patanani itatan ghau le tapirig imbool, i ilam ve igham mulin ghau.
- 7 Tauta aazne, ateg izi ve lolog poia muul.
Pasaa, Yoova igham poghani ghau kat.
- 8-9 Onoon kat, i igham mulin ghau pa mateegh, ve ipasov tanjiiz tsiau.
Ve i ta ikiskis ghau.
Tauta natap mako, ve aazne naleep matag yaryaare.
Ve laghoonj tsiau, nazuari ghau naghe le nataghon ngar tau iduduunj ila Yoova maata.
- 10 Muun, yau nasaav pa taug naghe: “Patanani tiina igham ghau le naleep saghat.”
Emon nakis ghuruunj ila tsiau tunja.
- 11 Patanani tawe igham ghau nail eez. Tauvene nasik saveen sorok naghe: “Tamtamon ti-sov, avozi karom mon. Irau nanumeer eta mako.” *
- 12 Pale naghama saa pa Yoova to nayat ngar popoia maata maata tau i ighamgham zi payau ne?

* 116:11: Ro 3:4

- 13 Yau aat naghams rubruub vaen, ve naliņi izala watoonrau tsiau paavo to napaiti, ve nasunj pani toman lolog poia.
Pasaa, i igham mulin ghau pa patanani tsiau.
- 14 Tauvene saawe tau Yoova tamtamon tooni tilup zi pa sunjuunj,
yau aat nataghton saveenj tau nambua pani na,
ve naghams uratoini ila matazi. *
- 15 Yes tau lolozi isaghav Yoova ariaanj ve titaghton eez tooni na, i loolo igheen toozi kat.
Tauvene i irau ighita mateegh to toozi eta imin kaut sorok ne mako. *
- 16 O Yoova, yau besoonja tsio.
Nabesbees payo imin muunj tinaņ ibesbees payo.
Muunj, naleep saghat imin tikau ghau pa ravraav. Eemon yo upoola payau, tauta aazne naleep poi.
- 17 Tauvene yau aat naghams watoonrau payo, ve nasunj payo toman lolog poia, ve napait ghom.
- 18-19 Saawe tau Yoova tamtamon tooni tizala Yerusalem,
ve tilup zi pa sunjuunj ilonj ila sirsiir to rumei tooni loolo,
yau aat nataghton saveenj mbuaanj tsiau tane,
ve naghams uratoini ila matazi.
Aleluia, tapait Yoova!

* **116:14:** Mbo 22:25, 66:13 * **116:15:** Mbo 72:14

117

Nugh nugh aat tipait Maaron eeza

¹ Yam tamtamon to nugh nugh, apait Yoova!
 Yam tau aleep irau taan na, asov ayoor eeza.
 *

² Pasaa, poia tooni, ene tiina le tiina kat.
 I loolo isaghav tamtamon tooni ve iuluul zi
 irau saawe.
 Ve ngar to taghoniin saveen mbuaan tooni
 paam, ighengheen tauvene, taghon taghon
 gha ila.
 Aleluia, tapait Yoova!

118

Yes Israela tipait Maaron pa uleen tau i igham pazi

¹ Lolomim poia pa Yoova ve apaiti! Pasaa, i poia
 kat.
 I loolo isaghav tamtamon tooni ve iuluul zi.

² Yam eval tiina to Israel, alup avomim ve asaav
 aghe:
 “I loolo isaghav tamtamon tooni, ve iuluul zi.”

³ Ve yam to watoonrau tau avot ila to Aron na
 paam, asaav aghe:
 “I loolo isaghav tamtamon tooni, ve iuluul zi.”

⁴ Tauvene yam tau aroi pa Yoova ve ataghon ngar
 tooni na, asov asaav aghe: “I loolo isaghav
 tamtamon tooni, ve iuluul zi.”

* **117:1:** Ro 15:11

- ⁵ Muunj, yau naleep ila pataņani tiina loolo ve leg eez mako. Tauvene nataņ rarai Yoova pa uleeņ.
Ve i ilooņ aliņag, ve ipas ghau navot pa pataņani tsiau. Tauta aazne naleep ila nugh ghazooņa.
- ⁶ Isaav ighe Yoova ileep zigeg, yau irau naroi mako.
Pasaa, tamtamon pale tigham saa payau? *
- ⁷ Yoova ivool tsiau, ve iuluul ghau.
I aat itatan koiagna ila matag, ve naliiv zi. *
- ⁸ Iit tanumeer tamtamon to taan sov.
Tanumeer Yoova ve tayoos ila tooni, o poia.
- ⁹ Yes daaba tau tighamgham pooz na paam, tanumeer zi sov.
Tanumeer Yoova ve tayoos ila tooni, o poia.
- ¹⁰ Muunj, nugh nugh tilam tilivutin ghau tigham tigham malmal payau.
Eemon Yoova, tauta napasov zi.
- ¹¹ Tiņarui ghau tilam, ve tilivutin ghau, le leg sooso eta to naghau mako.
Eemon Yoova, tauta napasov zi.
- ¹² Yes timorau ghau imin ŋgururuuv.
Eemon Yoova, tauta napasov zi, le tapirizi isov.

* **118:6:** Mbo 56:4, 121:7; 2Tim 4:18; Hib 13:6
15:57; 1Yo 5:4

* **118:7:** 1Kor

Yes timin yav tau ighan regh gha iyaryaar, ve rekia mon imaat.

13 Yes tipaburigin malmal payau, ve rigmon kanan titatan ghau.

Eemon Yoova iuul ghau, tauta tivaghamun ghau mako.

14 Pasaa, i Uleenja tsiau ariaanja.

Yau naghhamgham tapirig ila tooni, ve i imin sigheu payau.

Tauta nambou mbounj to napait eeza.

15 Aloonj. Zeran dudunazi tilepleep ila balbaal toz toz, ve tiyoryoor Yoova eeza toman lolozi poia. Pasaa, i iliiv koiaznja wa.

Tisavsav tighe: “Yoova niima tapir, ene patanja.

16 Niima iparav ariaanj kat.

I igharaat ghi pa malmal, ve iparav le iliiv koinja!”

17 Yau irau namaat soone. Pale naleep matag yaryaare.

Leso navotia uraat tintiina tau Yoova ighamgham zi.

18 Onoon, i ilos katin ghau.

Eemon ipul ghau namaat mako. *

19 Tauvene akaak ataman to zeran dudunazi payau.

* **118:18:** 1Kor 11:32; Hib 12:5

- Leso nataghoni nalonj nala, ve napait Yoova
pa njar tau i igham payau na.
- 20 Ene ataman to Yoova.
Yes tau tiduduunj ila i maata, o titaghoni tilonj
tila. *
- 21 Yoova, yo uloonj sunjuunj tsiau, ve ugham mulin
ghau pa pataņani tsiau.
Tauvene lolog poia payo ve napait ghom.
- 22 Maet tau yes to raonj ruum matazi veleghini ve
tisiki ilale,
tauta imin puughu pa ruum, lesu ipaloti ve
ruum iyooz ariaaņ izala paavo. *
- 23 Maaron tauu igham gabua tane ivot.
Ve yei nighita imin gabua ngereta ee ila mata-
mai.
- 24 Saawe ta aazne, Yoova ighuru.
Tauvene tintiniin ve loloon poia pani. *
- 25 O Yoova, lolom isaghatin ghei ve ugham mulin
ghei!
Uul ghei, lesu gabua naol isov ivot poi payei.
- 26 Neer tane ilam pa Yoova eeza. Tauvene poia to
Yoova aat iza tooni.
Yei tau nileep ila Yoova rumei tooni loolo na,
nighasoni nighe ighur poia tooni iza tsiam.
*
- 27 Yoova, i Maaron tauu!
I igham poghani ghiit, ve ghazonņa tooni isul
ghiit.

* **118:20:** Mbo 15:1, 24:3+; Syg 22:14 * **118:22:** Mt 21:42; Mk
12:10+; Mbanj 4:11; 1Pe 2:7 * **118:24:** Pil 4:4 * **118:26:** Lu 13:35,
19:38; Yo 12:13

Akis tuum raua ve ala alivutin artaal ve apakuru.

28 Yo Maaron tsiau. Yau lolog poia payo ve napait ghom pa poia tsio.

Onoon kat, yo ta Maaron tsiau. Tauvene yau aat nayoore ezam.

29 Apait Yoova pa poia tooni toman lolomim poia. Pasaa, i poia kat.

I loolo isaghav tamtamon tooni, ve iuluul zi irau saawe.

119

Sunjuunj to neer tau ighur loolo kat pa Maaron aliija

Tataghon Maaron saveeņ tooni, o poia tooni izaa toit

1 Yes tau tighamgham sosor mako, ve laghoonj toozi iduduunj mon itaghon saveeņ to Yoova, ene aat poia tooni izazaa toozi ve tintinizi.

2-3 Yes tau matazi kisin eez tau Maaron ighuru pa tamtamon tooni na, ve titaghoņi irau saawe, ve tighur lolozi isov injarui Maaron, ve tizuari zi to tiwataghi kat, ve yes tau tighamgham sosor mako, ve laghoonj toozi, titaghon Maaron eez tooni, ene pale tintinizi pa poia to Maaron tau izaa toozi. *

* 119:2-3: Yo 14:21+; Mbanj 24:16; 1Tim 1:5

⁴ Yoova, yo uge nitaghon tutuunj tsio enaenja ngara le nitaghoni kat.

⁵ Tutuunj tsio tau tigheen pataghaan na, yau naghe le nayaryaan pa taghoniin zi.

⁶ Pa ighe matag ingalngal tutuunj tsio tisov, ene irau mayag ila eval tiina matazi mako.

⁷ Eez tsio to gabizoonj gabua, ene iduduunj mon. Isaav ighe upaghazonjai ghau pani, ene aat lolog poia payo, ve napait ghom toman lolog ngalaanja.

⁸ Tutuunj tsio naol tau tigheen pataghaan na, yau aat matag kisin zi ve nataghon zi irau saawe. Tauvene ughur murim payau sov.

Tagham ngar poia ila to Maaron

⁹ Isaav ighe neer paaghu eta maata ingal tauu ve ighe laghoonj tooni ingalaan mon ila yo matam, ene pale igham saa? I aat maata ingal alinjam ve itaghoni.

¹⁰ Yau naghur lolog isov inarui ghom, ve nazuari ghau naghe le nawatagh katin ghom. Tauvene upul ghau nasapir pa tutuunj tsio sov.

¹¹ Yau naghita alinjam imin gabua tauu. Tauvene naghur poghania ila lolog. Leso ipalot ghau, ve naghama sosor payo sov.

¹² O Yoova, yau napait ghom pa poia tsio.

Upaghazonjai ghau pa tutuunj tsio naol tau tighen pataghaan na.

13 Tutuunj tsio naol tau yo uvoti zi na, avog pale isavi zi le tISOV.

14 Eez tau yo ughuru payei na, saawe tau nataghoni, ene igham lolog poia kat, imin yes tau tipakur zi pa kuaz to taan.

15 Matag itaghon tutuunj tsio enaenja ngara naghe le naghazonj pazi.
Ve matag injalngal eez tsio irau saawe.

16 Tutuunj tsio naol tau tighen pataghaan na, tigham lolog poia le poia kat.
Irau lolog iveegh pa alinjam mako.

Maaron aliinja ipalot ghiit, lesO tayooz ariaan pa badoonj patanani

17 O Yoova, yau besoonja tsio. Utotoi poia tsio payau.
LesO naleep poia, ve nataghon alinjam irau saawe.

18 Upaghazonjai ngar tsiau, lesO naghilaal ngar popoia naol tau tighenaar ila saveenj tsio loolo na.

19 Taan tane, ene nugh tsiau duduunj mako. Yau naleep namin loom pani mon.
Tauvene ugham ghau naghazonj pa tutuunj tsio naol ngara. *

* **119:19:** Pil 3:20; 1Pe 2:11; Hib 11:13

- 20 Saawe isov, yau napasawal naghe le utotoi ghau pa eez tsio to gabizoonj gabua, o poi!
- 21 Yes tau tivelegh ghom ve tipapait tauzi na, yo uyaonyaon zi, ve aatyavyav tsio izazaa toozi.
Pasaa, tisasapir pa tutuunj tsio.
- 22 Ve yau, o matag kisin eez tau yo ughuru payei na, ve nataghoni irau saawe.
Tauvene saveenj veleghiinj ve mayanja tau tisiksik zi payau ne, upaghau zi payau.
- 23 Yes daaba tau tighamgham pooz na paam, tilup zi ve tiliil eez tighe tivaghamun ghau.
Eemon yau besoonja tsio. Tauvene yau aat matag itaghon tutuunj tsio naol tau tigheen pataghaan na, ve naghham njar pazi poi.
- 24 Eez tau yo ughuru payei, ene igham ghau lolog poia le poia kat.
Ve ipaduduunj ghau, lesu nawatagh saa njar tau pale nataghoni.

Taghur loloon pa saveenj onoon ve tataghoni

- 25 Yau tapirig isov, ve rigmon kananj namaat ve nagheen ila njaupup.
Upaburigin ghau, ve ugham tapirig ivot muul itaghon saveenj tsio.
- 26 Njar isov tau naghhamgham zi, ene yau navoti zi payo. Tauta uloonj sunjuunj tsiau ve uul ghau.
Upaghazonjai ghau pa tutuunj tsio naol tau tigheen pataghaan na.

27 Tutuunj naol tau yo ughur zi na, upaghazonjai ghau pa eez to taghoniinj zi.
Ve yau aat matag itaghon uraat tsio ngeretazi,
ve naghams ngar pazi poi.

28 Yau lolog ipatanjan le tapirig isov.
Upalot ghau itaghon saveenj mbuaanj tsio.

29 Uul ghau to naleep soghan pa ngar karom.
Saveenj tsio, ene imin eez to poia tsio izaatsia.

30 Yau lolog ighur naghe yau aat nataghon eez to saveenj onoon.
Ve matag ingalngal eez tsio to gabizoonj gabua.

31 O Yoova, eez tau yo ughuru payei na, yau nakisi igheen tunja ila lolog.
Tauvene upul ghau sov! Pale mayag.

32 Yo upaghazonjai ghau pa gabua katini.
Tauta tinig izaatsia pa taghoniinj eez to tutuunj tsio.

Taghason Maaron to ipaghazonjai ghiit pa tutuunj tooni

33 O Yoova, tutuunj tsio naol tau tigheen pataghaanja, upaghazonjai ghau pa eez to taghoniinj zi.
Leso matag kisin zi, ve nataghon zi ila ila le saawe tsia isov.

34 Upaghazonjai ghau pa saveenj tsio ngara.
Leso matag kisini, ve nataghoni toman lolog irau saawe.

- 35 Umuunj ve utotoi eez payau, leso nataghon tutuunj tsio.
Pa eez tana, ta igham lolog poia le poia kat.
- 36 Upaburigin lolog, leso nataghon eez tau yo ughuru payei na, ve naghams ngar pa ndounj leg kuaz to taan sov. *
- 37 Upaghau matag pa gabua sorok sorok to taan tau anonjazi mako na,
ve upalot ghau to nataghon eez tsio. Leso naleep poi.
- 38 Yau besoonja tsio. Tauvene matam injal saveenj mbuaan tsio, ve ugham anoonja ivot payau. Saveenj tsio tana injarui tamtamon tisov tau tiroi payo ve titaghon ngar tsio.
- 39 Saveenj saghati tau koiagna tisiksiki payau na, ene igham ghau naroi. Pa isaav ighes tamtamon tighur ila saveenj toozi tawe, ene pale mayag.
Tauvene utatan saveenj toozi, leso tamtamon tighur ila sov.
Pasaa, eez tsio to gabizoonj tamtamon, ene iduduunj mon.
- 40 O Yoova, yau naghe nataghon tutuunj tisov tau yo ughur zi na.
Tauvene utaghon ngar tsio duduunja, ve ugham ghau naleep poia muul.

Maaron aliiija ipariaan ghiit to taghur ila tooni

* **119:36:** Lu 12:13+; 1Tim 6:9+

- 41 O Yoova, yau nawatagh: Yo lolom isaghav tam-tamon tsio ve uluul zi. Utotoi n̄gar tana payau paam, o poi.
Taufene ugham mulin ghau pa patanani tsiau itaghon saveen mbuaan tsio.
- 42 Leso yau irau nayol saveen veleghiin tau tisik-siki payau na.
Pasaa, yau naghur ila saveen tsio.
- 43 Yau naghurghur matag pa gabizoon tsio.
Taufene uul ghau lak! Leso avog ivotia gabuam tau avom onoon ve utataghon saveen tsio irau saawe.
- 44 Yau aat nataghon saveen tsio irau saawe.
Ta aazne, ve taghon taghon gha ila.
- 45 Tutuun naol tau yo ughur zi na, yau nazuari ghau pa taghoniin zi.
Taufene gabua eta irau ipoon eez payau mako.
- 46 Eez tau yo ughuru payei na, yau aat navotia ila yes kinik naghozi paam.
Pa yau naroi, ma mayag pa tamtamon eta mako. *
- 47 Tutuun tsio ta naol ne, tigham lolog poia le poia kat.
Tauta lolog pazi kat.

* **119:46:** Mt 10:18+; Mk 13:9; 1Pe 3:15

48 Yau lolog pa tutuunj tsio ta naol ne, ve napatab pazi. Tauvene nait nimag iza, ve napait ghom pa tutuunj tsio.

Tutuunj tsio naol tau tighen pataghaan na, matag itaghon zi naghe naghama ngar pazi poi.

Isaav ighe tabaad patanani, Maaron aliina pale irav ateen

49 Yau besoonja tsio. Matam ingalngal saveen tau umbua tomani ghau na.

Pa saveen tsio tawe ipapalot ghau to naghur matag payo, ve nasaan uleen tsio.

50 Isaav ighe patanani igham ghau, ene pale saveen tsio iuul ghau to naleep poia.

Ngar tane, ta irav ateg le ateg izi.

51 Yes tau tipapait tauzi ve tivelegh ghom na, mon-mon tivevelegh ghau paam.

Eemon yau naghur murig pa saveen tsio mako.

52 O Yoova, yau matag ingalngal saawe naol tau muunj ugabiiz tamtamon ve ughur atuya pazi.

Tauta ipalot ghau, ve igham ateg izi.

53 Isaav ighe naghita zeran sasaghati tighur murizi pa saveen tsio,

ene igham ghau ateg yavyav kat.

54 Taan tane, yau naleep pani namin loom mon,

ve natoor mbounj katini pa tutuunj tsio naol
tau tigheen pataghaan na.

⁵⁵ Yoova, matag ingalngal ghom pa mbonj paam, ve
nataghon saveenj tsio.

⁵⁶ Yau gabuag tauvene:
Tutuunj naol tau yo ughur zi na, matag kisin zi
ve nataghon zi irau saawe.

*Loloon poia pa Maaron ve tataghon saveenj
tooni*

⁵⁷ Yoova, yau naghit ghom naghe yo gabua tauu.
Yau naleep ilat tsio imin taan poia ee tau
tipuli payau to naleep ila.
Yau nambu saveenj payo naghe yau aat
nataghon alinam.

⁵⁸ Tanjiiz tsiau injarui ghom toman lolog:
Lolom isaghatin ghau, ve ughur poia tsio iza
tsiau itaghon saveenj mbuaanj tsio.

⁵⁹ Yau nagabiiz laghoonj tsiau naghe ene iduduunj
mako.
Tauta natoor ngar tsiau, ve naghe nataghon
eez tau yo ughuru payei.

⁶⁰ Ve irau nasaan mako.
Yau aat rekia mon ve nataghon tutuunj tsio.

⁶¹ Zeran sasaghati tighur liis naol to tikis ghau.
Eemon irau lolog iveegh pa tutuunj tsio mako.

⁶² Yau naburig pa mbonj anoonja,

ve napait ghom. Pasaa, eez tsio to gabizoon gabua, ene iduduunj mon.

63 Yes tau tiroi payo ve titaghon ngar tsio na, yau lolog pazi ve naghama zi timin zetagna.

64 O Yoova, yo lolom isaghav tamtamon tsio ve uluul zi. Ngar tsio tana, yo utotoia irau taan isov.
Upaghazonai ghau pa tutuunj tsio naol tau tigheen pataghaan na, lesa nawatagh zi kat.

Maaron, i poia kat

65 O Yoova, yau besoonja tsio. Yo ughamgham poghani ghau kat itaghon saveenj mbuaan tsio.

66 Yau naghur ila naghe tutuunj tsio ta naol ne, ene popoia mon.
Taufene upaghazonai ghau pa ngar poia ve eez to gabizoonj poghania gabua.

67 Muunj, yau nasosor pa eez tsio.
Eemon yo ulos ghau ve upaduduunj ghau, tauta aazne matag kisin alinjam ve nataghooni.

68 Yo poiam kat. Ve ngar tau ughamgham zi na paam, ene popoia mon.
Upaghazonai ghau pa tutuunj tsio naol tau tigheen pataghaan na.

69 Yes tau tipapait tauzi ve tivelegh ghom na, tingalngal saveenj karom payau ve tivaghamunia ezag.

Eemon matag kisin tutuunj naol tau yo ughur zi na, ve nataghon zi toman lolog.

70 Zeran tawe lezi ghilalooj rigta mako.

Eemon yau, saveenj tsio igham lolog poia le poia kat.

71 Patanjani tau muunj igham ghau, ene poia.

Pasaa, ipaduduunj ghau, ve ipaburigin ngar tsiau pa tutuunj tsio naol tau tigheen pataghaan na.

72 Saveenj tau ivot ila avom na, yau naghita imin gabua tauu.

Iliiv maet silva ma gol ndinndinj ndinndinj.

Tutuunj to Maaron, ene iduduunj mon

73 Taum nimam igharaat ghau, ta navot.

Tauvene upaghazonjai ghau pa tutuunj tsio ta naol ne, lesa naghama ngar pazi poi.

74 Yes tau tiroi payo ve titaghon ngar tsio, isaav igha tighit ghau, ene pale lolozi poia.

Pasaa, yau naghur ila saveenj mbuaan tsio, ve naghurghur matag naghe naghita anoonja ivot.

75 O Yoova, yau nawatagh: Eez tsio to gabizoon tamtamon, ene iduduunj mon.

Ve yo utaghon saveenj mbuaan tsio irau saawe.

Tauta ulos ghau to upaduduunj ghau.

76 Yo lolom isaghav tamtamon tsio ve uluul zi.
Utotoi ngar tauvene payau paam itaghon
saveenj tau yo umbua payau na.
Leso urav ateg, ve upalot ghau.
Pa yau besoonja tsio.

77 Lolom isaghatin ghau, ve uul ghau to naleep poi.
Pasaa, saveenj tsio, tauta igham lolog poia le
poia kat.

78 Yes tau tipapait tauzi ve tivelegh ghom na, tino-
knok ngaliinj saveenj karom payau. Utatan zi
ve ugham zi mayazi.
Eemon yau, o matag itaghon tutuunj naol tau
yo ughur zi na naghe naghama ngar pazi poi.

79 Yes tau tiroi payo ve titaghon ngar tsio, o tilam
payau ve yenja nilup ghei.
Pa zeran tauvene tiwatagh eez tau yo ughuru
pa tamtamon tsio.

80 Yau naghe ngar tau igheen ila lolog ne, eta isosor
sov, ve nataghon dudunjai tutuunj tsio naol
tau tigheen pataghaan na. Leso mayag sov.

*Tanjiz to neer tau izuari ghi pa taghoniinj tutuunj
to Maaron*

81 O Yoova, yau nakaria sananiinj pa uleenj tsio, le
tapirig isov kat.
Eemon yau naghur ila naghe alinjam pale
ighur anoonja.

- 82 Yau naghurghur matag naghe naghita saveen mbuaan tsio ighur anooja. Eemon nasaan le mako.
Pale neez o uul ghau ve ateg izi?
- 83 Yau nasaghat ve tamtamon lolozi iveghai ghau wa. Tighit ghau namin pen.
Eemon tutuun tsio naol tau tigheen pataghaan na, lolog iveegh pazi mako.
- 84 Yau besooja tsio. Puughu mindai ta yo umamarar koiagna, ve tighamgham patajani payau?
Pale neez o ugabiiz zi, ve ughur atuya pazi?
- 85 Ughita. Yes tau tipapait tauzi ve tivelegh ghom na, titai puura payau tighe natap nazila.
Zeran tawe titaghon saveen tsio mako.
- 86 Tutuun tsio tISOV, ene popoiazi mon. Tauvene yei irau ninumeer zi to tipaduduun ghei.
Aazne, tamtamon tighur patajani payau sorok. Tauvene uul ghau lak!
- 87 Pasaa, malau mako pale tipasov lepoogh tsiau to taan.
Eemon tutuun naol tau yo ughur zi na, yau naghur murig pazi mako.
- 88 Yo lolom isaghav tamtamon tsio ve uluul zi. Tauvene ungin ghau naleep poi.
Leso matag kisin eez tau yo ughuru payei na, ve nataghoni irau saawe. Eez tana, taum avom isavia.

Maaron aliinja pale ighengheen tauvene taghon taghon gha ila

⁸⁹ O Yoova, saveenj tsio pale iyaryaanj izi sambam, ve ighengheen tauvene taghon taghon gha ila. *

⁹⁰ Tamtamon tipopoop, ve paaghu toozi tivotvot taghon taghon gha ila.

Ve gabuam tau avom onoon ve utataghon saveenj tsio na paam. Ighengheen tauvene taghon taghon gha ila.

Yo ta ughur taan igheen tunja ila niia. Irau izuur mako.

⁹¹ Muunj le ilam aazne, gabua naol isov tighen tunja ila niazi niazi itaghon saveenj tau yo usavia na.

Ve gabua naol isov, ene timin besoonja tsio.

⁹² Saveenj tsio igham lolog poia le poia kat.

Imin ta mako, kananj patajanani tsiau igham ghau nalaleg.

⁹³ Tutuunj naol tau yo ughur zi na, irau lolog iveegh pa eta mako. Mako le mako kat.

Pasaa saveenj tsio, tauta igham ghau vuvunag ila ve naleep poia muul.

⁹⁴ Yau namin lem wa. Tauvene ugham mulin ghau lak!

Pasaa, yau nazuari ghau pa taghoniinj tutuunj naol tau yo ughur zi na.

* **119:89:** Mt 5:18; Lu 16:17, 21:33; 1Pe 1:25

95 Aazne, zeran sasaghati tinghamgham lilin ghau
tighe tirav ghau namaat.
Eemon matag ingalngal eez tau yo ughuru
payei.

96 Yau naghita gabua eta tau ivot geeg ne mako.
Gabua ta naol ne, tisov timuul mon.
Eemon tutuunj tsio, o irao kat. Ene puughu
tiina, ve poia le poia kat.

Saveenj to Maaron imin puughu pa ngar poia

97 Yau lolong pa saveenj tsio kat!
Tauvene saawe ta naol ne, mbonjoozo ila le
ravrav izi, matag itaghoni ve naghamgham
ngar pani.

98 Tutuunj tsio igheen ila ngar tsiau irau saawe.
Tauta ngar tsiau iliiv koiagna ngar toozi.

99 Ngar tsiau iliiv yes ngara tau tipaduduunj ghau ne
paam.
Pasaa, matag itaghon eez tau yo ughuru payei
na, ve naghamgham ngar pani.

100 Ve ngar tsiau iliiv zolmana ngar toozi paam.
Pasaa, tutuunj naol tau yo ughur zi na, matag
kisin zi, ve nataghon zi irau saawe.

101 Yau napaghau taug pa eez sasaghati ta naol ne,
leso nataghon alinjam.

102 Yau naghur murig pa tutuunj tsio dudunjazi
mako.
Pasaa, yo taum ta upaghazonjai ghau pa tu-
tuunj tana.

103 Tok suuru, ene poia pa ghunuuj. Eemon saveenj tsio, ene poia le poia kat. Iliiv tok suuru.

104 Tutuuj naol tau yo ughur zi na, ene tiuul ghau pa ghilalooj ngar poia.
Tauta naghur koi pa ngar karom naol isov.
Mako pale igherev ghau to napul eez tsio.

Saveenj to Maaron ighur ghazoojja pait

105 Saveenj tsio, ene imin lam tau isul ghau.
Ve imin ghazoojja payau, lesa nalaagh taghon eez tsio. *

106 Gabizooj tsio, ene iduduuj mon. Tauta nambu saveenj payo ve napariaanja le iyaryaanj kat naghe yau aat nataghon eez tsio to gabizooj gabua.

107 O Yoova, patanjani tiina kat igham ghau le naleep saghat.
Uul ghau to naleep poi itaghon saveenj mbuaanj tsio.

108 Yau lolog poia payo ve napait ghom pa poia tsio.
Naghe paitooj tsiau tane imin watoonjrau poia ila matam.
Upaghazonjai ghau pa eez tsio to gabizooj gabua.

109 Monmon yau nalepleep ila naal aavo.
Eemon lolog iveegh pa saveenj tsio mako.

* **119:105:** Mbo 119:130; 2Pe 1:19

110 Onoon, zeran sasaghati tighur liis payau.
Emon tutuun naol tau yo ughur zi na, yau
nasapir pazi mako.

111 Eez tau yo ughuru payei, ene gabua poia tau
yo ugham payau. Yau aat nakiskisi tauvene
taghon taghon gha ila.
Pasaa, igham ghau lolog poia le poia kat.

112 Tutuun tsio naol tau tighen pataghaan na,
ngar tsiau iyaryaan naghe yau aat nataghon
zi le irau saawe tsiau isov.

Taghur loloon pa Maaron ve saveen tooni

113 Yes tau tibees payo toman lolozu eemon mako
ve ngar toozi ru na, yau lolog pazi mako.
Emon saveen tsio, yau lolog pani kat. *

114 Yo umin niag to yongaan, ve umin sigheu payau.
Tauvene naghur ila saveen tsio, ve
naghurghur matag naghe naghita anoonja
ivot.

115 Yam zeran tau aghamgham ngar saghati na,
aghau payau!
Pasaa, yau naghe nataghon tutuun to Maaron
tsiau.

116 O Yoova, upalot ghau itaghon saveen mbuaan
tsio. Leso nayooz ariaan ve naleep poia.
Isaav ighe naghur matag payo sorok, ene pale
mayag. *

* **119:113:** Yems 1:7-8, 4:8 * **119:116:** Ro 5:4+

- 117 Ukis ghau tunja.
Leso naleep poi, ve matag kisin tutuunj tsio
naol tau tigheen pataghaan na, ve nataghon
zi irau saawe.
- 118 Tamtamon tisov tau tisapir pa tutuunj tsio na,
yo ughur murim pazi.
Ngar toozi karom, ene itotoi zi ighe yes tipul
eez tsio wa.
- 119 Zeran sasaghati tau tileep izi taan na, yo ughit
zi timin pen ve usik zi tilalez.
Tauta lolog isaghav eez tau yo ughuru payei.
- 120 Yau naghham ngar payo, le roinj tiina igham ghau
ve tinig irur.
Ve ngar tsio tau monmon ugagabiiz tamtamon
ve ughur atuya pazi, ene paam igham ghau
naroj.

Surjuunj to neer tau ibesbees pa Maaron

- 121 Yau naghham ngar popoia ve ngar duduunja mon.
Tauvene upul ghau nala koiagnja nimazi sov.
- 122 Yau besoonja tsio. Tauvene uyooz payau ve uul
ghau. Leso naleep poi.
Yes tau tipapait tauzi ve tivelegh ghom na,
upul zi tigham saghatin ghau sov.
- 123 Yau naghurghur matag pa uleenj tsio. Ve
nakaria sanjaniinj wa.
Pale neez o uul ghau itaghon saveenj mbuaan
tsio?

124 Yo lolom isaghav tamtamon tsio ve uluul zi.
Utotoi n̄gar tana payau paam. Pa yau besoon̄a tsio.

Ve upaghazon̄ai ghau pa tutuun̄j tsio naol tau tighéen pataghaan̄ na.

125 Yau besoon̄a tsio. Tauvene upaghazon̄ai ghau, lesó naghilaal n̄gar poia, ve nawatagh katin eez tau yo ughuru payei na.

126 O Yoova, aazne tamtamon tizorzoór saveen̄j tsio.
Uburig ve ugham n̄gar eta pazi lak!

127 Onoon kat, yau lológ pa tutuun̄j tsio ta naol ne iliiv gol.
Gol tau n̄galaan̄a ve poia kat na paam, naghita naghe tutuun̄j tsio iliivo.

128 Tauvene tutuun̄j naol tau yo ughur zi, tauta ipaduduun̄j ghau pa laghoon̄j tsiau.
Ve naghur koi pa eez naol tau tigherev ghau to naghur murig payo.

Taghur loloon pa Maaron aliin̄a

129 Eez tau yo ughuru payei, ene poia le poia kat.
Tauvene matag kisini ve nataghoni irau saawe.

130 Isaav ighe tipaghazon̄ai saveen̄j tsio puughu pa tamtamon, ene imin ghazon̄a pazi.

Ve yes tau n̄gar toozi tiina mako na, saveen
tsio igham n̄gar toozi ivot, lesu tighilaal n̄gar
poia. *

- 131 Yau lolog pa tutuun̄ tsio kat,
imin tamtamon tau murunu le isaghat kat.
- 132 Matam ilam payau, ve ugham poghani ghau.
Pasaa, yes tau lolozu igheen tsio ve tipapait
ezam na, yo ughamgham tauvene pazi.
- 133 Upaduduun̄ ghau, lesu laghoon̄ tsiau iduduun̄
itaghon saveen̄ tsio.
Ve upul n̄gar saghati eta iliiv ghau sov.
- 134 Yes tau tighamgham patan̄ani payau to titatan
ghau na, ugham mulin ghau ila nimazi.
Lesu nataghon tutuun̄ naol tau yo ughur zi na.
- 135 O Yoova, yau besoon̄a tsio. Naghe lolom poia
payau ve ugham poghani ghau.
Ve upaghazon̄ai ghau pa tutuun̄ tsio naol tau
tigheen pataghaan̄ na.
- 136 Yau natan̄tan̄, ve matag suuru irereer izizi imin
yaa.
Pasaa, tamtamon titaghon saveen̄ tsio irao
soone.

N̄gar duduun̄a to Maaron

- 137 Yoova, yo dudun̄am kat.
Ve gabizoon̄ tsio paam, ene iduduun̄ mon.

* **119:130:** Mbo 19:7; 2Tim 3:15+

- 138 Eez tau yo ughuru payei, ene iduduun mon.
Tauvene yei irau ninumeera to ipaduduun
ghei.
- 139 Ngar tsiau iyaryaan kat naghe tamtamon tsov
titaghon aliñam.
Eemon koiagna loloz iiveghaini. Tauta tigham
ghau ateg yavyav kat.
- 140 Yau besoonja tsio. Lolog isaghav saveen tsio, ve
nanumeera kat. Pasaa, natoova le naghita
naghe ene onoon.
- 141 Onoon, yau ñeer sorok ve tamtamon matazi izi
payau.
Eemon tutuun naol tau yo ughur zi na, lolog
iveegh pazi mako.
- 142 Ngar tsio duduunja pale ighengheen tauvene
taghon taghon gha ila.
Ve saveen tsio, ene onoon mon. Tauvene irau
naghur ila, ve nanumeera kat.
- 143 Onoon, patanani naol itatan ghau, ve igham
ghau lolog ipatanan kat.
Eemon tutuun tsio, ene igham lolog poia le
poia kat.
- 144 Eez tau yo ughuru payei, ene iduduun mon, ve
ighengheen tauvene irau saawe.
Upaghazonai ghau pani, lesa naleep poi.

*Isaav ighe loloon ipatanan, mataan ingal Maaron
aliña*

- 145 O Yoova, yau natanj rarai ghom toman lolog.
Ulooj sunjuuj tsiau ve uul ghau.
Leso matag kisin tutuuj tsio naol tau tighen
pataghaaj na, ve nataghon zi.
- 146 Tanjiiz tsiau injarui ghom. Upas ghau navot pa
patajani tsiau tane.
Leso matag kisin eez tau yo ughuru payei na,
ve nataghoni irau saawe.
- 147 Yau naghur ila saveej mbuaaj tsio, ve
naghurghur matag naghe naghita anooja
ivot.
Tauvene aaz iza soone, ve yau naburig natanj
rarai ghom to uul ghau.
- 148 Ve mboj ta naol ne paam, yau namamaat.
Leso matag itaghon saveej tsio, ve nagh
ngar pani poi.
- 149 O Yoova, yo lolom isaghav tamtamon tsio ve
uluul zi. Tauvene ulooj sunjuuj tsiau tane,
ve uul ghau naleep poi. Pasaa, gabizooj
tsio, ene iduduuj mon.
- 150 Aazne, zeran sasaghati tilam tigharau ghau
tighe tivaghamun ghau.
Ngar toozi igheen malau kat pa saveej tsio.
- 151 Eemon Yoova, yo uleep zigej.
Ve tutuuj tsio ta naol ne, ene irau nanumeer
zi to tipaduduuj ghau.

152 Ta muunj ve ilam, yau naghilaal naghe eez tau
yo ughuru payei, yo ughes igheen tauvene
irau saawe.

*Neer ee itanj rarai Maaron to igham mulini ila
koiŋa nimazi*

153 Yoova, ughita patanjani tsiau tane, ve upaghau
ghau pani.
Pasaa, lolog iveghai saveenj tsio mako.

154 Aazne, tamtamon tipayooz ghau sorok pa
savsaveenj. Tauvene uyooz payau ve uul
ghau naleep poi itaghon saveenj mbuaan
tsio.

155 Zeran sasaghati, yo uluul zi mako.
Pasaa, tutuunj tsio naol tau tighheen pataghaan
na, yes tigham njar pa taghoniin zi mako.

156 O Yoova, yes tau tileep ila patanjani lolo na,
lolom isaghatin zi kat.
Tauvene uul ghau naleep poi itaghon njar tsio
duduunja.

157 Pasaa, koiagna tau tighamgham patanjani
payau ne, yes eval kat.
Eemon eez tau yo ughuru payei na, yau nas-
apir pani mako.

158 Yau naghita yes tau tighur murizi payo na, le
irau lolog mako kat.
Pasaa, yes titaghon tutuunj tsio mako.

159 O Yoova, ughita. Tutuunj naol tau yo ughur zi na, yau lolog isaghav zi kat.
Uul ghau naleep poi. Pasaa, yo lolom isaghav tamtamon tsio ve uluul zi.

160 Saveenj tsio puughu ene vene: Yo avom onoon ve utaghon saveenj mbuaanj tsio irau saawe.
Ve tutuunj tsio ta naol ne, ene tiduduunj mon, ve tighen tauvene taghon taghon gha ila.

Poia to Maaron pale iza to yes tau titaghon eez tooni

161 Yes daaba to taan tighurghur patanjani payau sorok. Eemon yau naroi pazi mako.
Saveenj tsio mon ta naroi pani.

162 Saveenj tsio igham ghau lolog poia le poia kat, imin tamtamon tau ilaagh ila le indeenj le gabua poia eez.

163 Ngar karom naol isov, ene lolog pazi mako kat ve naghur koi pazi.
Eemon saveenj tsio, o lolog isaghavu kat.

164 Mataaz ta naol ne, napapait ghom pai liim ve ru.
Pasaa, gabizoonj tsio, ene iduduunj mon.

165 Yes tau loloji isaghav saveenj tsio, ene pale tileep poia kat.
Ve gabua eta irau igham zi titap ne mako.

166 O Yoova, yau nataghon tutuunj tsio ta naol ne, ve naghurghur matag pa uleenj tsio.

167 Eez tau yo ughuru payei na, yau lolog isaghavu kat.
Tauta matag kisini, ve nataghoni irau saawe.

168 Yau nataghon eez tana tomania tutuun naol tau yo ughur zi na.
Pasaa, ngar isov tau yau naghhamgham zi ne, yo ughitoor zi isov.

Mataan ingal saveen to Maaron ve tapakuru

169 O Yoova, uloon tanjiiz tsiau tane.
Ugham ghau naghilaal ngar poia itaghon saveen tsio.

170 Ughur talinam pa sunuun tsiau, ve upas ghau navot pa patanani tsiau itaghon saveen mbuaan tsio.

171 Yo upaghazonai ghau pa tutuun tsio naol tau tigheen pataghaan na.
Tauvene avog aat ipait ghom kat.

172 Yau aat nambou mbouñ tau inarui saveen tsio.
Pasaa, tutuun tsio ta naol ne, ene iduduun mon.

173 Nimam isanan pa uleen ghau.
Pasaa, ngar tsiau iyaryaan naghe nataghon tutuun naol tau yo ughur zi na.

174 O Yoova, yau napasawal pa uleen tsio.
Ve saveen tsio, ta igham lolog poia le poia kat.

175 Upul ghau naleep matag iyaryaar, lesa napait ghom.

Tutuunj tsio aat iuul ghau to naleep poia.

- 176 Yau besoonja tsio. Eemon aazne nasosor pa eez tsio ve navalaghlaagh imin sipsip tau ighau ila ve ilale.
Tauvene uil ghau, ve ugham ghau namuul nalam. Pasaa, yau lolog iveegh pa tutuunj tsio mako. *

120

Sunjuunj to neer ee tau loolo pa ngar luuma

Mbounj to yes tau tizala Yerusalem pa sunjuunj

- 1 Yau naleep ila patanjani loolo, ve natanj rarai Yoova pa uleenj,
ve i iloonj sunjuunj tsiau.
- 2 O Yoova, yes tau avozi karom, ve yamazi itortoor saveenj na, upaghau ghau pazi.
- 3 Yam tau yamamim itortoor saveenj na, mindai?
Yam aghe awatagh saa ngar tau pale Yoova igham payam,
ve atuya tau pale injarui gham?
- 4 Ene poia. Aloonj. I pale ivanegh gham pa paneegh tooni natja tau matazi kat.
Ve yav ngilaanji tau sinjsinaanj kat na pale ighan gham.
Atuya tsiam, tauta ena!
- 5 Oyai, yes tau aazne naleep namin loom ila sosozi ne, lezi ngar mako imin kankanoonja to nugh Mesek ve Kedar.

* 119:176: Lu 15:4

⁶ Zeran to nugh tawe, lolozi pa n̄gar luuma mako kat. Ve yau nakaria lepoogh tomani zi, le isoon̄ ghau wa.

⁷ Yau lolog pa n̄gar luuma, ve naghe yeṅa nivalupu ghei nimin eemon.
Eemon yes lolozi ipapazaagh zi pa ghamuun̄ malmal irau saawe.

121

Maaron ileep tomani ghiit ve in̄gin̄gin ghiit

Mbounj to yes tau tizala Yerusalem pa sun̄uun̄

¹ Matag izala pa loloz naghe naghita:
Uleen̄ pale ilam payau mindai?

² Yoova mon ta pale naghām uleen̄ ila tooni.
I ta ighur sambam ve taan.

³ I aat maata payo. Irau ipul ghom aghem pusukia ve utap mako.
N̄giniin̄ tsio imamaat irau saawe.

⁴ Onoon kat, n̄giniin̄ to iit Israela, ighe maata ighengheen, ene irau igheen mako.
Imamaat irau saawe.

⁵ Yoova maata payo ve in̄gin̄ ghom, leso uleep poi.
I ileep ila zigem, ve imin yavyaav payo to ipoon̄ ghom pa aaz. *

⁶ Tauvene mataaz, aaz irau ighaaz katin ghom mako.
Ve mbon̄, kaiyo irau ivaghamun̄ ghom mako.

* **121:5:** Mbo 91:1+

⁷ Yoova aat maata payo, ve ipoon ghom pa gabua sasaghati naol isov.

I tauu pale inġin ghom uleep poi. *

⁸ I pale maata pa laghoonj tsio ve lepoogh tsio. Tauvene saawe tau upul ruum ve uvot ula, le umuul ulonj ulam, i pale ileep tomani ghom, ve inġin ghom uleep poi. Ta aazne, ve taghon taghon gha ila.

122

Sunjuunj to yes tau tighita Yerusalem ve lolozi poia

Mbounj to yes tau tizala Yerusalem pa sunjuunj

Mbounj to David

¹ Saawe tau tisaav payau tigde: “Uburig ve itiņa tazala pa Yoova rumei tooni!”

Saveenj toozi tawe igham ghau lolog poia kat.

² Ve aazne, nilam nilonj nila Yerusalem loolo, ve niyooz nigharau didiinj ariaaņa tau ilivut Yerusalem na atamana.

³ Yerusalem, ene nugh paghuuna.

Tigharaata le ivot kat. Gabua naol isov tighen duduunj mon.

⁴ Iit tamtamon to Yoova monmon tazazalam sene pa sunjuunj.

Rumei rumei to Israela tisov tizazala pa Yerusalem to tipait Yoova eeza pa poia tooni, itaghon tutuunj tau i tauu ighuru pazi na.

* **121:7:** Mbo 91:9+

- ⁵ Pasaa, kinik tsiei tau tivot ila to David na, niazi to ghamuunj pooz igheen nugh tane.
Ve tighagharaat patanjani to tamtamon paam izi ta sene.
- ⁶ Sunjuunj tsiam injarui Yoova, ve aghasoni to igham tamtamon to Yerusalem tileep poia toman lolozu luuma!
Asunj pani aghe: “Yes tau lolozu pa Yerusalem na, upaghau patanjani pazi. Leso tiroi sov, ve tileep poia mon.
- ⁷ Ve yes tau tileep ilonj ila didiinj ariaanja to Yerusalem loolo na, ugham zi tileep poia toman lolozu luuma.
Ve kinik tomania yes uraata tau tileep ila ruum tooni na paam. Upoon zi pa patanjani naol isov. Leso tiroi sov, ve tileep poia mon.”
- ⁸ Yau matag injal tonjvetaz tsiau ve zetagna.
Tauta nasaav pa nugh tiina Yerusalem naghe: “Maaron pale igham ghom uleep poia toman lolom luuma.”
- ⁹ Ve naghama ngar pa Maaron toit Yoova rumei tooni paam.
Tauta sunjuunj tsiau injaruini naghe i tauu aat igham gabua naol isov ivot poia mon payo.

123

Mbesoonja to Maaron tighur matazi pani pa uleep

Mbounj to yes tau tizala Yerusalem pa sunjuunj

- ¹ O Yoova, yo uleep ila niam to ghamuunj pooz izi sambam.

Tauvene naghur matag payo ve nanumeer
ghom.

² Yoova, yo Maaron tsiei.

Ninumeer ghom pa gabua ta naol ne, imin
besoonja zitamoot ve zilivaa tau tinumeer
daaba toozi.

Tauvene yei aat nighur matamai payo pa
uleen, le irau lolom isaghatin ghei ve uul
ghei.

³⁻⁴ O Yoova, yei besoonja tsio. Lolom isaghatin ghei,
ve uul ghei lak!

Ughita. Aazne, koiamainja matazi tatanin
ghei, ve tinoknok veleghiinj ghei le isoon
ghei kat!

Zeran tawe, lepoghazi poia kat. Timbool pa
gabua eta mako.

Tauta tiroi payo mako, ve tinumeer tauzi
tighe yes tirau kat. Ugham ngar eta pazi lak!

124

Tapait Maaron pa uleenj tooni

Mbounj to yes tau tizala Yerusalem pa sunjuun

Mbounj to David

¹ “Imin ta Yoova ivool toit mako, kanan tagham
saghat.”

Yam eval tiina to Israel irau asaav tauvene:

²⁻³ “Saawe tau koiaanna tipaburigin malmal pait,
imin ta Yoova ivool toit mako, kanan tipasov
ghiit.

Pasaa, atezi yavyav pait kat. *

* **124:2-3:** Mbo 94:17; Ro 8:31

4⁵ Patañani tawe, ene imin yaa ivot toman tapiri ve izugh ghiit tala ve imbeluut ghiit.
Ve ene imin lulu ilonj, ve igherev ghiit tala gha taghun te.”

6 Eemon Yoova ipul ghiit tala koiaanja nimazi to tivaghamun ghiit mako.
Tauvene tapaiti pa poia tooni!

7 Saawe tana, iit tamin man tau liis ighamu.
Eemon Yoova ipas ghiit pa liis tawe, ve taghau.

8 Yoova ta ighur sambam ve taan.
I mon ta Uleenja toit. *

125

Maaron iponpoon tamtamon tooni pa patañani

Mbounj to yes tau tizala Yerusalem pa sunjuunj

1 Yes tau tinumeer Yoova na, tiyooz tunja imin loloz Zion.
Loloz tawe, ighe gabua eta itoki, ene irau irur mako. Iyooz tunja tauvene taghon taghon gha ila. *

2 Loloz katini tilivut Yerusalem.
Yoova tauvene paam. I imin didiinj ariaanja tau ilivut tamtamon tooni. Ta aazne, ve taghon taghon gha ila.

3 Taan tau Maaron igham pa tamtamon tooni dudunazi na, i irau ipul zeran sasaghati tigham pooz pani irau saawe ne mako.

* 124:8: Gnp 1:1; Mbo 121:2 * 125:1: Mbo 46:5, 7, 48:3

I pale itatan zi. Pa ighe mako, ene pale tigherev zeran dudunazi ve tigham sosor paam.

⁴ O Yoova, tamtamon popoia tau ngar duduunja igheen ariaan ila lolozu na, ugham poghani zi. *

⁵ Eemon yes tau tighur murizi pa eez tsio, ve titaghon eez tau iduduun mako na, uziir zi tomania zeran sasaghati tisov tighau tila.

O Yoova, ugham yes Israela tileep poia toman lolozu luuma! *

126

Yes Israela tighason Maaron to iuul zi, lesu tileep poia muul

Mbounj to yes tau tizala Yerusalem pa sunjuun

¹ Muun, nugh Zion isaghat kat. Ve saawe tau Yoova iuul ghiit gha taleep poia muul, ene igham loloon poia kat.

Eemon taghur ila kat mako. Taghe pa ene vivuun mon. *

² Saawe tana, tintiniin ve tanj kat.

Loloon poia ve tasir toman alinaan tiina.

Ngar tau Yoova igham pait na, nugh nugh tighita ve tisaav tigha: “Wai, Yoova igham uraat tintiina pa yes Israela!”

³ Ene onoon. Yoova igham uraat tintiina kat pait.

* 125:4: Mbo 36:10 * 125:5: Ga 6:16 * 126:1: Mbo 14:7, 85:1

Tauta loloon poia kat.

⁴ Eemon Yoova, aazne nisaghat muul.

Tauvene nighason ghom nighe uul ghei, lesu
nileep poia muul,
imin uman tau izi ve igham yaa to Negev tau
timaak na, tireer muul.

⁵ Yes tau titantanj, ve tivazogh aniiñ,

ene pale murei tilup aniiñ toozi anooña, ve
tisir toman lolozu poia. *

⁶ Onoon kat. Yes tau titantanj ve tibadbaad aniiñ
uvezi tila pa vazoghiñ na,

ene pale murei tibaad aniiñ anooña, ve tisirsir
toman lolozu poia, ve timuul tila pa nughei.

127

*Poia to Maaron, tauta igham uraat toit ighur
anooña*

Mbounj to yes tau tizala Yerusalem pa sunjuun

Mbounj to Solomon

¹ Yes to raonj ruum, isaav ighu Yoova ileep tomani
zi pa uraat toozi mako, ene pale tirav tauzi
sorok.

Ve yes tau timamaat ve tinjin nugh pa mbonj
na paam.

Isaav ighu Yoova injin nugh toozi tawe mako,
ene pale timamaat sorok. *

² Isaav ighu monmon ugham ngar naol ughu: “Pale
leg aniiñ ma gabua irao, ma mako?” Ve

* **126:5:** Mbanj 20:19, 31; 1Kor 3:6+; 2Kor 2:4 * **127:1:** Yo 15:5;
1Kor 3:7

upaburigin uraat pa mbonjoozo geeg, ve ukiskisi ila ila le mbonj anoonja, ene urav taum sorok.

Pa poia tooni, tauta igham uraat toit ighurghur anoonja ivotvot.

Tauvene yes tau Maaron loolo ighen toozi na, lolozu bubu mako, ve tighen poi pa mbonj. *

³ Ve natuunja tau tapoop zi na paam, Yoova ighen igham poghani ghiit, tauta igham zi pait itaghon tauu poia tooni.

⁴ Isaav ighen neer paaghu eta azaawa ipoop le zitamoot siriv, ene natja tawe pale tiyooz pani imin paneegh natja to yes zaaba.

⁵ Tauvene tamtamon tau le natja zitamoot katini, ene pale tintini pa poia to Yoova tau iza tooni na. Ve murei, isaav ighen yesja koinja tivazorai zi pa savsaveen izi maaran, ene koinja irau titatani ve tipamayanini mako. Pa natja tawe pale tiyooz pani, ve tiuule pa savsaveen.

128

Poia to Maaron pale iza to yes tau tiroi pani

Mbounj to yes tau tizala Yerusalem pa sunjuj

¹ Yes tau tiroi pa Yoova ve titaghon eez tooni na, poia to Yoova pale iza toozi ve tintinizi. *

* **127:2:** Mt 6:25+ * **128:1:** Mbo 119:1+

- ² Isaav ighe ugham tauvene, ene pale poia to Yoova izaas tsio, ve uleep poia toman tintinim.
Uraat tau ughamu pa nimam na, pale ughita anoonja ivot, ve lem aniiñ ma gabua katini.
- ³ Ve azuwam tau inñinñin ruum tsio na, pale ipoop lem geegeu katini, imin ai vaen tau anoonja ivot katini.
Tauvene saawe ta yamña natumña alup gham pa ghanghaniñ, yes pale tileep livutin ghom, imin ai oliv salunu tau titum livutin puughu.
- ⁴ Tauvene tamtamon tau ighe iroi pa Yoova ve itaghon ñgar tooni, ene poia to Yoova tauvene pale izaas tooni.
- ⁵ Yoova ilepleep izi nugh Zion. I aat ighur poia tooni izaas tsio.
Ve saawe isov tau uleep izi taan, yo pale ughita Yerusalem igheen poi.
- ⁶ Ve yo pale uleep malau izi taan, le ughita timbumña.
Yoova aat igham yes Israela tileep poia toman lolozi luuma. Onoon.

129

Yes Israela tighason Maaron to itatan koiagna

Mbounj to yes tau tizala Yerusalem pa suñuñ

- ¹ “Saawe tau kukuag ve ilam, koiagna tighurghur patañani naol payau.”

Yam eval tiina to Israel, enañña asov asaav tauvene:

- ² “Onoon kat. Saawe tau kukuag ve ilam na, koiagna tighurghur patanani naol payau. Eemon titatan ghau mako.
- ³ Yes tiloslos ghau le ndumeg itamboroos. Tivaghamun ghau le ndumeg imin taan tau tigheli pa vazoghiinj aniiinj na.”
- ⁴ Eemon Yoova ngar tooni, ene iduduunj mon. Tauta igham mulin ghau ila zeran sasaghati tawe nimazi, ve namin besoonja sorok pazi muul mako.
- ⁵ Tamtamon tisov tau tighurghur koi pa nugh Zion na, Yoova pale ipamuul zi tila toman mayazi.
- ⁶⁻⁷ Yes pale timin kikiliinj tau itum izala ruum paavo. Itum izaa tiina soone, ve igorgor. Kikiliinj tauvene, tamtamon irau tilupu ve tipoosa imin tighamgham pa aniiinj wit ne mako. Tipuli gha izi ileple.
- ⁸ Isaav igha tamtamon tilaagh tila le tizaa to Zion koinja izi eeze, ene irau to tipalot zi pa Yoova eeza mako. Irau tisaav pazi tigha: “Ila Yoova eeza, yei nisaav payam: Poia tooni aat izaa tsiam.” Vene mako.

130

Neer ee itanj rarai Maaron igha ireu sosor tooni
Mbounj to yes tau tizala Yerusalem pa sunjuunj

- ¹ O Yoova, aazne naleep ila patañani tiina loolo, imin nazal nazila mazavan! Tauvene natanj rarai ghom.
- ² Tiina tsiau, ughur talinjam pa tanjiiz tsiau.
Lolom isaghatin ghau, ve uloonj sunjuunj tsiau tane.
- ³ Yoova, isaav ighe matam kisin sosor tsiei, sei irau iyooz ila naghom? Eta mako.
- ⁴ Eemon yo poia puughu, ve ureureu sosor tsiei.
Leso niroi payo, ve nitaghon ngar tsio.
- ⁵ Yau nanumeer Yoova ve naghurghur matag pani naghe neez o iuul ghau?
Yau naghur ila saveen mbuaan tooni, tauta nasaan pa uleenj tau pale ivot.
- ⁶ Yau nasaan Yoova to iuul ghau.
Naghur matag pani imin yes tau tinjinjin nugh pa mbonj na, tighur matazi pa nughizau. Isaav ighe tighita aaz pisikia iza, ene igham zi lolozi poia.
- ⁷ O yam Israela, anumeer Yoova ve aghur matamim pani pa uleenj.
Pasaa, i loolo isaghav tamtamon tooni ve iu-luul zi.
Isaav ighe igham mulin ghiit pa patañani toit, ene pale iuul katin ghiit.
- ⁸ Onoon kat, i pale igham mulin iit Israela pa patañani toit,
ve ireu sosor toit isov ilale. *

* **130:8:** Mt 1:21; Lu 1:68

131

Sunjuunj to neer tau inumeer Maaron mon

Mbounj to yes tau tizala Yerusalem pa sunjuunj
Mbounj to David

¹ O Yoova, ngar pakuruunj eta igheen ila lolog mako,
ve matag izi pa zetagna mako,
ve nazuari ghau to namin tiina, paam mako.
Tauvene ngar ve uraat tintiina tau narao
mako na, nazazain taug pazi mako. *

² Yau naghilaal Maaron. Tauta lolog bubu mako.
Lolog iraurau, ve ateg izi,
imin neer marani tau tiina imbaraara le loolo
poia.

³ O yam Israela, anumeer Yoova, ve aghur
matamim pani pa uleenj. Ta aazne, ve
taghon taghon gha ila.

132

*Yes Israela matazi ingal saawe tau Maaron isiigh
David to imin kinik pazi, ve igham loloz Zion imin
niia to lepoogh*

Mbounj to yes tau tizala Yerusalem pa sunjuunj

¹ O Yoova, matam ingal David pa patanjani naol tau
i ibadbaad zi na.

² Muunj, David imbu saveenj ariaanja tomania
Yoova tau Maaron saksaki to Yakop na.
Ve ipariaanj saveenj tawe le iyaryaanj kat.

* **131:1:** Ro 12:16; 1Pe 5:5

- ³ Ighe: “Yau irau nalon nala ruum tsiau,
ve nala niag to ghenoon soone.
- ⁴ Irau namariau, ve nagheen lolog iveegh soone.
- ⁵ Le irau nandeen nugh eta pa Yoova.
Ngar tsiau iyaryaaj kat naghe nail nugh eta,
leso imin Maaron saksaki to Yakop niia to
lepoogh, o ateg izi!” *
- ⁶ Saawe tau yei nileep izi taan sirivu to Eprata *
yei niloon Bokis to Saveen Mbuaan vaaru.
Tauvene nila le nighita igheen igharau nugh
Yar. *
- ⁷ Murei ra, tisakia ila Yerusalem. Tauvene nisaav
nighe: “Taburig tala pa Maaron niia to lep-
oogh ta Yerusalem we.
Tala tagharau niia to ghamuunj pooz, ve taput
agheen pani, ve tapakuru.”
- ⁸ O Yoova, uburig toman Bokis to Saveen Mbuaan,
ve ula pa niam to mariaonj.
Bokis tawe ta imin ilaal pa tapirim. †
- ⁹ Yei nighe ngar duduunja igheen ariaan ila to
zeran tsio to watoonjrau, imin nonoghiinja
tau monmon tinonogh zi pani.

* **132:5:** Mbanj 7:46 * **132:6:** Eprata, ene nugh Betelem eeza ite.

* **132:6:** 1Sam 7:1-2 † **132:8:** Yes Israela tighita Bokis to Saveen Mbuaan tighe ene Maaron niia to ghamuunj pooz. Saawe tau David imin kinik, igham bokis tawe, ve ighuru igheen izi Yerusalem (2Sam 6). Solomon irau Rumei Tiina le isov, ra pai siriv tau yes Yuda tilup zi pa sunuunj, tigham Bokis tawe ivot pa Rumei Tiina, ve tilaagh tomania itaghon nugh Yerusalem loolo, ve timbou mbounj tane. Le isov, mako tighuru imuul ilonj ila rumei loolo.

- Ve yes tau lolozu isaghav ghom ariaan ve titaghon eez tsio na, nighe tiyoor ezam toman lolozu poia.
- 10 O Yoova, matam ingal besoonja tsio David.
I ndaamo payei, tauta nighe uloonj sujuunj tsiei tane. Paaghu tooni tau yo ughuru imin kinik payei na, ughur murim pani sov.
- 11 Muunj, Yoova imbu saveenj ariaanja tomania David, ve ipariaanja le iyaryaanj kat.
Tauvene irau ireua mako. Isaav ighe:
“Yau aat naghur paaghu tsio eta imin kinik, leso igham niam, ve ileep ila niam to ghamuunj pooz. *
- 12 Ve isaav ighe paaghu tsio matazi kisin saveenj mbuaan tsiau ve titaghon tutuunj tsiau, ene pale naghur paaghu toozi paam timin kinik, ve tileep ila niam to ghamuunj pooz ta aazne, ve taghon taghon gha ila.
Tutuunj tana, yau taug pale napaghazonjai ngara pazi.”
- 13 Yoova isiigh nugh Zion, ve ighamu imin le wa.
Nugh tane, ta i loolo pani ighe ileep ila.
- 14 Tauta i isaav ighe: “Nugh tane pale imin niag to lepoogh irau saawe.
Niag to ghamuunj pooz aat igheen ta sene. Pasaa, lolog pa nugh tane kat.”
- 15 Yau aat naghav poghania yes to Zion, ve poia tsiau tiina iza toozi. Leso tirau kat pa gabua naol.

* 132:11: Mbanj 2:30

Ve naghām aniin pa yes mbolaan̄a toozi, ve tighan le apozi isun̄.

¹⁶ Ve yes to watoon̄rau tau tileep izi Zion na, yau aat napalot zi pa uraat toozi. Leso timin eez pa uleen̄ tsiau ila pa tamtamon.

Tauvene tamtamon to Zion tau lolozi isaghav ghau ariiaan̄ ve titaghon eez tsiau na, pale lolozi poia ve tiyoor ezag toman alin̄azi tiina.

¹⁷ Paaghu to David tau naghuru imin kinik ve ileep izi nugh tane na, yau aat naghām eeza ve tapiri ivot imin tiina.

Kinik tau yau taug nasiigho ve naghuru pa uraat na, yau aat napalot paaghu tooni, ve tighām pooz taghon taghon gha ila, imin lam tau iyaryaar irau saawe. *

¹⁸ Yau pale natatan kinik koin̄a, ve monmon tilepleep toman mayazi.

Eemon yes tau tilepleep ila i saamba na, yau aat napalot zi, ve naghām zi tileep poia kat. Leso lepoogh toozi poia tawe imin pabodeen̄ kinik.

133

Talup loloon imin eemon

Mbounj to yes tau tizala Yerusalem pa sun̄uun̄

Mbounj to David

¹ Isaav ighe tamtamon to Maaron tilup lolozi imin eemon itaghon ngar to ton̄vetaz, ene pale paghuuna,

* **132:17:** Mbo 148:14; Lu 1:69

ve igham loloon poia kat. *

² Ene imin ngoreenj vaazi poia *
tau tiliñi izala Aron daaba,
ve ireer izi itaghon aaze ooro,
le itaghon nonoghiinja tooni gha izila.

³ Ngar to loloon eemon, ene imin uwam tiina izi pa
loloz tau tigharau nugh Zion, raraate imin
uwam tau izizi ila loloz Ermon.
Onoon kat, ighe yes to nugh Zion tilup lolozi
imin eemon, ene pale Yoova ighur poia
tooni izaa toozi.
Ene lepoogh poia tau iseenja taghon taghon
gha ila.

134

Sunjuunj to mboj

Mbounj to yes tau tizala Yerusalem pa sunjuunj

¹ Yam besoonja to Yoova tau abesbees pani ila
rumei tooni loolo pa mboj na,
asov alam ve apaiti pa poia tooni.

² Naghomim injarui nugh tau patabuyaanj kat na,
ve ait nimamim izaa, ve apait Yoova pa poia
tooni!

³ Yoova ighur sambam ve taan.
Ve i ilepleep izi nugh Zion.
I tauu aat ighur poia tooni izaa tsiam. Onoon.

* **133:1:** Yo 17:23; Ro 12:10 * **133:2:** Saveenj to ngoreenj vaazi poia, ene izaa to poia to Maaron. Ve uwam, ene izaa to lepoogh poia tau i igham pait.

135

Maaron to Israel injin gabua naol isov

1-2 Aleluia, tapait Yoova!

Yam besoonja to Yoova, apait eeza ve apakuru.
Yam tau abesbees pani ila rumei tooni loolo,
ve yam tau aleep muuri igharau rumei ziige
na paam.

3 Apait Yoova! Pasaa, i poia le poia kat.

I eeza tiina pa ngar paghuuna tau
ighamghamu na. Tauvene apait eeza ila
mbounj.

4 Muunj, Yoova isiigh Yakop, ve ighamu imin le.

Tauta ighita iit Israela ighe iit tamtamon tooni
kat. *

5 Yau nawatagh: Yoova, i eeza tiina kat.

Maaron toit iliiv zimaronja tisov.

6 Isaav ighe Yoova loolo pa ghamuunj ngar eta izi

sambam, ma izi taan,
ma ila te paavo, ma izila te loolo,
ene ighamu mon. Pasaa, gabua eta irau
ikeeka mako.

7 I ta igham taitai indoundou ghi ila yaghur pu-
ughu.

Ve igham uman izizi, ve igham nugh ighani
milia.

I ikakaak ruum tooni tau yaghur ighen ilonj
ila na atamana, lesu ivot ve ilaan irau taan.

* 135:4: Igham 19:5

- 8 Muunj, i irav yes Isipa natuzŋa aidabazŋa tomanian ŋgai toozi tau tipoop zi imin maata na le tisov timataar. *
- 9 I igham gabua ŋgeretazi ve uraat tintiina izi Isip, le ivaghamun kinik toozi tomania uraata tooni tisov.
- 10 Saawe tau yes Israela tilonj tila taan to yes Kanaana, i irav tamtamon to nugh nugh timatmaat.
Kinik tau tapirizi tiina na paam, i irav zi timatmaat.
- 11 I irav Sihon tau kinik to yes Amora,
Og tau kinik to Basan,
ve kinik tisov to nugh nugh to Kanaan.
- 12 Ve igham taan toozi imin yes Israela lezi motot.
Leso tamtamon tooni tileep pani taghon taghon gha ila.
- 13 O Yoova, ezam tiina pale ighengheen tauvene irau saawe!
Tamtamon pale matazi ingalŋgal uraat tsio, ve tivotia varum taghon taghon gha ila.
- 14 Pasaa, Yoova iyozyooz pa tamtamon tooni, ve ighurghur atuya pa yes tau tigham saghatin zi na.
I loolo isasaghatin besoonja tooni, ve iuluul zi.
- 15 Nugh nugh tigharaat maaron toozi pa silva ma gol.

* **135:8:** Igham 12:29

Maaron karomņa tawe, tamtamon tigharaat
zi pa nimazi. *

- 16 Yes lezi avozi. Eemon irau tisavsaav mako.
Ve lezi matazi. Eemon tighita nugh mako.
- 17 Yes lezi talinazi. Eemon tiloon saveen mako.
Ve yaghur eta ivot pa uzuzi mako. Pasaa, yes
gabua matazi yaryaare mako.
- 18 Yes tau tighagharaat maaron karomņa, ve tinu-
meer zi na,
tisov timin maaron toozi tawe. Tirau gabua
eta mako.
- 19 Yam eval tiina to Israel, apait Yoova pa poia
tooni!
Ve yam zeran to watoonrau tau avot ila to
Aron na, apait Yoova pa poia tooni!
- 20 Ve yam rumei Levi tau auluul uraat to rumei na
paam, apait Yoova pa poia tooni!
Tauvene yam tau aroi pa Yoova ve ataghon
ngar tooni na, asov apaiti pa poia tooni.
- 21 Yoova niia to lepoogh igheen izi Yerusalem.
Tauvene yam tau aleep izi nugh Zion na,
apaiti pa poia tooni!
Aleluia, tapait Yoova!

136

*Maaron loolo isaghav tamtamon tooni ve iuluul
zi*

* 135:15: Mbo 115:4; Syg 9:20

¹ Lolomim poia pa Yoova ve apaiti. Pasaa, i poia le poia kat.

I loolo isaghav tamtamon tooni, ve iuluul zi irau saawe.

² Lolomim poia pa Maaron ve apaiti. Pasaa, i iliiv zimaronja tisov.

I loolo isaghav tamtamon tooni, ve iuluul zi irau saawe.

³ Lolomim poia pani ve apaiti. Pasaa, i Maaron tiina tau iliiv zimaronja tisov.

I loolo isaghav tamtamon tooni, ve iuluul zi irau saawe.

⁴ I mon ta ighamgham gabua ngeretazi tau tintiina kat.

I loolo isaghav tamtamon tooni, ve iuluul zi irau saawe.

⁵ Muunj, i ighur gabua naol isov tau tighenaar ila sambam saamba. Uraat tooni tawe, ighamu toman ngar le ivot kat.

I loolo isaghav tamtamon tooni, ve iuluul zi irau saawe.

⁶ I ighur taan izala te paavo.

I loolo isaghav tamtamon tooni, ve iuluul zi irau saawe.

⁷ Ve ighur gabua tintiina tighen ila sambam saamba to tigham nugh ighazoonj.

I loolo isaghav tamtamon tooni, ve iuluul zi irau saawe.

⁸ I ighur aaz, leso ighaaz pa mataaz.

I loolo isaghav tamtamon tooni, ve iuluul zi irau
saawe.

⁹ Ve ighur kaiyo ve pitum, lesu tisul pa mbonj.
I loolo isaghav tamtamon tooni, ve iuluul zi irau
saawe.

¹⁰ I ta iravuur yes Isipa natuznja aidabaznja.
I loolo isaghav tamtamon tooni, ve iuluul zi irau
saawe.

¹¹ Ve igham yes Israela tipul yes Isipa ve tivot.
I loolo isaghav tamtamon tooni, ve iuluul zi irau
saawe.

¹² Saawe tana, i itotoi tapiri tiina ivot ighazoonj.
I loolo isaghav tamtamon tooni, ve iuluul zi irau
saawe.

¹³ I ivalagh te, gha sirivu ila pa njas, ve sirivu ila pa
tapir, le taan gorgori ivot.
I loolo isaghav tamtamon tooni, ve iuluul zi irau
saawe.

¹⁴ Ve igherev yes Israela, gha tilaagh ila taan ma-
maasa tau igheen bodbodaan to te na, ve
tila tivool ziige ite.
I loolo isaghav tamtamon tooni, ve iuluul zi irau
saawe.

¹⁵ Ve igham Te Sinsinai itav kinik to yes Isipa to-
mania zaaba tooni, le tisov tighun te gha
timataar.
I loolo isaghav tamtamon tooni, ve iuluul zi irau
saawe.

¹⁶ I imunmuun pa tamtamon tooni gha yesnja
tilaghlaagh izi nugh nginaanja.

I loolo isaghav tamtamon tooni, ve iuluul zi irau
saawe.

17 Ve irav kinik tau tapirizi tiina na timatmaat.

I loolo isaghav tamtamon tooni, ve iuluul zi irau
saawe.

18 Kinik tau ezazi tintiina na, i irav zi timatmaat.

I loolo isaghav tamtamon tooni, ve iuluul zi irau
saawe.

19 I irav Amora kinik toozi Sihon imaat.

I loolo isaghav tamtamon tooni, ve iuluul zi irau
saawe.

20 Ve irav Og tau kinik to Basan na paam.

I loolo isaghav tamtamon tooni, ve iuluul zi irau
saawe.

21 Ve igham taan toozi imin yes Israela lezi motot.

I loolo isaghav tamtamon tooni, ve iuluul zi irau
saawe.

22 Igham taan tawe pa yes Israela tau besoonja
tooni na, leso tileep pani taghon taghon gha
ila.

I loolo isaghav tamtamon tooni, ve iuluul zi irau
saawe.

23 Saawe tau koiaanja titatan ghiit le
tavaghamgham, Maaron loolo iveegh pait
mako.

I loolo isaghav tamtamon tooni, ve iuluul zi irau
saawe.

24 Igham mulin ghiit ila koiaanja nimazi.

I loolo isaghav tamtamon tooni, ve iuluul zi irau
saawe.

- 25 I ta ipanpan iit tamtamon tomania gabua naol
isov.
I loolo isaghav tamtamon tooni, ve iuluul zi irau
saawe.
- 26 Tauvene lolomim poia pa Maaron to sambam,
ve apaiti pa poia tooni!
Pasaa, i loolo isaghav tamtamon tooni, ve iuluul
zi irau saawe.

137

Tanjiz to yes Israela izi Babilon

- 1 Yei mbolemai izi ila yaa to yes Babilona zigezi,
ve niñuzuuv ila pa nugh Zion, le lolomai is-
aghat ve nitanj.
- 2 Tauvene nisaron gita tsiei tizala tituuk ila ai
bogazi.
Pasaa, lolomai pa ravuunj zi muul mako.
- 3 Koiamaña tau tigham ghei nilam nileep nugh
toozì na, tìghe nimbou mbounj siriv, lesò
tiloonja ve igham lolozi poia.
Tisaav payei tìghe: “Ou, ambou mbounj tsiam
eta to nugh Zion gha niloonja lak!”
- 4 Eemon aazne, yei nileep nimin loom pa taan ite.
Pale nimbou mbounj pa Yoova izi nugh tane
mindai?
- 5 O Yerusalem, isaav ighe lolog iveegh payo,
Yoova tauu aat ivaghamunia nimag tapir, lesò
narav gita muul sov.

- 6 Onoon kat, isaav ighe matag ingal Yerusalem muul mako,
ve tintinig pa gabua ite paam iliiv Yerusalem,
Yoova tauu aat ivaghamun avog, lesu nambou muul sov.
- 7 O Yoova, matam ingal ngar saghati to yes Edoma,
ve uyatu.
Pasaa, saawe tau koiamainja tireu Yerusalem,
yes Edoma tintinizi ve tisaav tige:
“Iya, poia kat pa areu Yerusalem. Areu mbiri-saini izi!”
- 8 O nugh Babilon, yo uvaghamunia nugh katini,
tauvene yo paam pale usaghat.
Tamtamon tau ighe iyat ngar tau yo ugham payei na, ene pale tintini pa poia to Maaron tau iza tooni!
- 9 Ve yes tau tikis natumimnja geegeu ve tilos zi izala maet paavo na, tauvene paam. Poia to Maaron pale iza toozi ve tintinizi. *

138

Sunjuunj to neer tau loolo poia pa uleenj to Maaron

Mbounj to David

- 1 O Yoova, yau lolog poia payo, ve napait ghom toman lolog.
Isaav ighe nambou mbounj to napakur ghom,
ve zimaronnja siriv tighit ghau, ene poia!
- 2 Naghog injarui rumei tsio patabuyaanj, ve naput agheg payo.

* 137:9: Syg 18:1-19:4

Yau napait ezam pa poia tsio toman lolog poia.
Pasaa, yo lolom isaghav tamtamon tsio, ve
uluul zi, ve utataghon saveen mbuaan tsio
irau saawe.
Yo upait ezam tomania saveen tsio iliiv gabua
naol isov.

³ Saawe tau natan rarai ghom pa uleen, yo uloon
sunjuun tsiau,
ve ugham tapirig ivot muul ve nayooz ariaan.

⁴ O Yoova, saveen tau ivot ila avom na, kinik to
taan tiloon wa.
Tauvene pale tisov lolozi poia payo, ve tipait
ghom.

⁵ Pale timbou ve tipait ghom pa ngar tau yo
ughamghamu na,
ve tighe: “Yoova eeza tiina kat pa tapiri ve
poia tooni.”

⁶ Ene onoon. Yoova eeza tiina, ve ileep saan kat.
Eemon yes tau lezi ezazi mako na, i maata
pazi ve iuluul zi.
Ve yes tau tivelegghi ve tipapait tauzi ezazi na,
irau tiyoon pani mako. I iwataghiir zi wa.
Pasaa, i maata malaua. *

⁷ Isaav ighe patanani naol ilivut ghau, yo aat uul
ghau naleep poi.
Isaav ighe koiagna atezi yavyav payau kat, ve
tighe tivaghamun ghau,
ene nimam tapir pale irav zi, ve ugham mulin
ghau ila nimazi.

* **138:6:** Mbo 113:7+; Lu 1:52, 14:11

- ⁸ O Yoova, saa ngar tau lolom ughe ivot payau, ene aat ivot itaghon ngar tsio.
Pasaa, yo lolom isaghav tamtamon tsio, ve uluul zi irau saawe.
Tauvene ughur murim payau sov. Pasaa yau ene, yo nimam muuri. *

139

Maaron ileep tomani ghiit irau saawe

Mbounj to David

- ¹ Yoova, yo ugabiiz poghania lolog,
ve uwatagh katin ghau. *
- ² Isaav ighe mbolegh izi pa mariaon, ma naburig nala pa uraat, na yo uwatagh ghau wa.
Ighe yau naleep malau payo, na yo uwatagh ngar tsiau isov. Pasaa, yo matam malaua. *
- ³ Saawe tau nalaagh nala pa nugh eta, ma naghe nazi nagheen, na yo ughitghit ghau ve ugagabiiz ghau.
Tauvene ngar naol tau naghhamgham zi na, yo uwatagh zi tisov. *
- ⁴ Yoova, saveenj tau ighengheen ila lolog, ve nasavia ivot soone,
ene paam, yo uwataghi wa.
- ⁵ Yo umunmuunj payau, ve ulaghlaagh murei payau.
Ve nimam ikiskis ghau, ve ipapalot ghau.

* **138:8:** Pil 1:6 * **139:1:** Mbo 17:3, 44:21; Hib 4:13 * **139:2:**
Mbo 94:11 * **139:3:** Yo 21:17

6 Yau naghām ṅgar pa ṅgar tsio tana, le narao mako.

Pasaa, ṅgar tsio, ene ite. Iliiv ghau kat. *

7 Isaav ighe yau naghau payo, pale nala sindei?

Irau nayoonj pa matam mako. *

8 Isaav ighe nazala pa sambam, yo ulepleep ta sewe.

Ve ighe nagheen ila nugh to mateegha, yo ulepleep ta sewe paam.

9 Isaav ighe narooov nala pa nugh tau aaz iza pani, ma naghur niag to lepoogh ila te ziige ite tau aaz izila pani,

10 ene paam, yo ulepleep tomani ghau.

Ve nimam tapir aat ikis ghau, ve ipaduduunj ghau pa laghoonj.

11 Ve ighe naghason ndoroom to ilam ikau ghau, ma nasaav pa ghazoonja tau isul livutin ghau to imin ndoroom, ene paam irau ingooz ghau pa matam mako.

12 Pasaa, ndoroom irau ipoon gabua eta pa matam mako.

Mbonj, yo ughita gabua isov tighen ghazoonja raraate imin ughit zi pa mataaz.

Tauvene ndoroom ve ghazoonja, ene raratezi mon ila yo matam.

13 Yo ta ughur gabuanag naol isov,

* 139:6: Ro 11:33 * 139:7: Yona 1:3

ve ulup zi timin eemon ilonj ila tinañ aapo
lolo. *

14 Yau nawatagh kat: Uraat tsio ta naol ne,
popoiazi ve ite kat.
Tauta naroi payo, ve napait ghom.

15 Saawe tau naleep imin yongañ ila tinañ aapo
lolo, yo ughita tuag titum ve tivasengai zi.
Gabua tau ivot payau pa saawe tana, eta iyoon
pa matam mako.

16 Tauvene saawe tau tinañ inaañ ghi payau, yo
ughit ghau wa.
Ve saawe to lepoghag izi taan, tomania saa
gabua tau pale ivot payau, ene lolom ighur
pani, ve tiboode ila rau tsio pataghañ, ra
tinañ ipoop ghau.

17 Aa Maaron, ngar tsio tiina ve paghuuna kat! Yau
nazuari ghau naghe le nawatagh katin ngar
tsio. Eemon narao mako.
Pasaa, yo matam ingal gabua katini kat.

18 Isaav ighe natoova to nanin zi, ene narao mako.
Tiliiv sausau to nari.
Mbonj, matag ingalngal ghom tauvene ila le
nughizau, ra naburig ve naghilaal naghe yo
ulepleep tomani ghau.

19 O Maaron, yau naghe yo urav zeran sasaghati
tisov timataar, o poia!
Ve yes tau tiliñliñ siñ pa tamtamon na, up-
aghau zi tila soghan payau.

* **139:13:** Mbo 119:73

- 20 Koiamņa tawe, tighamgham nġar sasaghati naol
ila yo ezam.
Tiwatwaat ezam sorok to tipariaaņ karom
toozi.
- 21 O Yoova, yes tau tighurghur koi payo na, yau
paam naghurghur koi pazi.
Ve yes tau tizorzoor ghom na, lolog pazi rigta
mako.
- 22 Yau naghurghur koi pazi,
ve naghit zi timin koiagna kat.
- 23 O Maaron, ugabiiz lolog ve nġar tsiau.
Utoov ghau, lesu uwatagh katin nġar tau
igheen ila lolog ne.
Utiir poghani ghau ve ughita: Nġar saghati eta
igheen ila lolog, ma mako? *
- 24 Isaav ighe yau nasosor pa eez tsio, na
upaduduņ ghau. Leso nataghon
duduņaini, ve naleep poia taghon taghon
gha ila.
Eez tawe, igheen ta muņ ve ilam. *

140

Neer ee ighason Maaron to ipoona pa koinja

Mbounj to David

- 1 O Yoova, ugham mulin ghau ila zeran sasaghati
nimazi.
Upoon ghau pa yes tau tilinliņ siņ pa tamta-
mon. Mako pale tivaghamun ghau.

* **139:23:** Mbo 26:2; Syg 2:23 * **139:24:** Mbo 17:3+

- ² Monmon lolozi ighurghur pa ghamuunj njar saghati,
ve tipapazaagh tamtamon pa ghamuunj malmal.
- ³ Avozi poia mako.
Saveenj tau tisiksiki na, ene ivavaghamunia tamtamon kat, imin moot saghati ighan tamtamon.*
- ⁴ O Yoova, uvoool tsiau, ve unjin ghau. Leso zeran sasaghati tikis ghau sov.
Yes tau tiliinj sinj pa tamtamon na, tiliil eez to tigham ghau natap.
Umin sigheu payau, lesu tivaghamun ghau sov.
- ⁵ Yes tau tipapait tauzi ve matazi veleghin ghom, tauta tighur liis itaghon eez ziige to tikis ghau.
Yes tiraar puugh toozi ila eez tau nalaghlaagh pani ne tige tisaghav ghau.
- ⁶ Yau nasaav pa Yoova naghe: “Yo Maaron tsiau.”
Ughur talinjam pa tanjiz tsiau tane, ve uul ghau.
- ⁷ O Yoova, Tiina tsiau, yo Uleenja tsiau ariaanja.
Saawe tau naleep ila malmal loolo, yo ta umin sigheu payau.
- ⁸ Yoova, zeran sasaghati tilup zi, ve tiliil eez to tivaghamun ghau.
Upon eez pazi, lesu njar toozi saghati tawe ighur mako. Upul zi tiliiv ghau sov. Pale tipakur tauzi.

* **140:3:** Ro 3:13; Yems 3:8

- ⁹ Yes tilivutin ghau, ve tipakur zi tigde tiliiv ghau.
 Saveen sasaghati tau ivotvot ila avozi na,
 ighamgham patanani payau.
 Upamuul saveen tawe imuul ila pa tauzi, leso
 ivaghamun zi.
- ¹⁰ Ugham yav ngilaani itaptap izala pavozi ve ighan
 zi.
 Ve usuruuv zi tizila puura to mateegha tau
 izila le izila kat na. Leso tizaa muul sov. *
- ¹¹ Yes tau tingalngal saveen pa tamtamon na, uziir
 zi tighau pa taan tsiei.
 Yau naghe patanani igham taghon yes tau
 tighamgham malmal na, ve ipasov zi rekia
 mon.
- ¹² Yoova, yau nawatagh: Yes mbolaana ve yes tau
 tibadbaad patanani ve tighur matazi payo
 na, yo aat uyooz pazi, ve uul zi pa patanani
 toozi. *
- ¹³ Onoon kat, zeran dudunazi pale lolozi poia payo
 ve tipait ezam,
 ve tileep ila naghom irau saawe. *

141

Neer ee ighason Maaron to ipaghaua pa tovaan
 Mbounj to David

- ¹ O Yoova, yau natan rarai ghom naghe uul ghau
 rekia!
 Ughur taliŋam payau ve uloon alinag.

* **140:10:** Syg 20:15 * **140:12:** Mbo 9:18, 34:6 * **140:13:** Mt 5:8

² Yau nait nimag iza pa sunjuun, ve naghe yo ughita sunjuun tsiau tane imin naunaun vaazi poia tau titunu ila naghom, ve imin watoonrau tau tighamghamu pa ravrav.

*

³ Yoova, ungin poghania avog ve yamag. Leso saveenj saghati eta ivot ila avog sov. *

⁴ Ve upul ghau lolog ighaar pa ngar saghati eta sov. Pa aat napaak zeran sasaghati pa ngar toozi ma vene.

Upalot ghau nayooz ariaan. Mako pale nala tomani zi pa ghanghaniin toozi ma vene.

⁵ Isaav ighe neer duduunja eta ilos ghau, ma iyaon ghau to ipaduduun ghau, ene itotoi ighe i loolo payau.

Ngar tauvene, irau ateg yavyav pani mako. Ene igham ghau lolog poia kat imin tilin ngoreen poia izala dabag.

Eemon zeran sasaghati, monmon sunjuun tsiau injarui ghom naghe utatan ngar toozi tawe.

⁶ Saawe tau tighur atuya injarui zeran sasaghati, ve tisuruuv zi tizila nugh sapsapu, ene pale tighilaal tigde: Saveenj tau muun nasasavia pazi to napaduduun zi, ene saveenj poia ve saveenj onoon.

⁷ Zeran tawe, irau titavi zi mako. Pale tigham

* **141:2:** 1Tim 2:8; Syg 5:8, 8:3
4:29; Yems 1:26, 3:8

* **141:3:** Mbo 34:13; Mt 12:36; Ep

tuazi, ve tivasuruvai zi itaghon nugh to ma-
teegha, imin ai tau tipaalo le izi imin ngiriis.

⁸ Maaron tsiau Yoova, yau naghur matag payo pa
uleen, ve nayoog ilat tsio.

Upul ghau nasaghat sov.

⁹ Upaghau agheg pa liis tau zeran sasaghati
tighuru payau,
ve upasali ghau pa puugh tau tiraaro payau
na.

¹⁰ Ugham zeran tawe tighoon ila tauzi puugh
toozi.

Ve uul ghau, lesu puugh toozi tawe ikis ghau
sov, ve naleep poi.

142

Sunjuun to neer tau ighita ighe i zigani mon

Mbounj to David

Mbounj tane injarui saawe tau David iyoog ila maet
puura loolo

¹ Yau nataj rarai Yoova toman alinag tiina.

Tanjiiz tsiau injaruini naghe loolo isaghatin
ghau ve iuul ghau. Pasaa, yau besoonja
tooni.

² Yau navotia patanjani tsiau ila pani.

Gabua tau igham ghau lolog isaghat, ene
nasavia pani.

³ Isaav ighe lolog ipatanjan kat ve tapirig imbool,
ene yo uwatagh lepoghag wa.

Eez tau yau natagboni, ene koiagna tighur liis
toozi ila wa.

- ⁴ Matag izi pa zigeg, eemon naghita eta to iuul ghau mako.
Ve leg nugh eta to yongaanj mako.
Ve tamtamon eta maata ingal ghau mako paam.
- ⁵ Yoova, yau natanj rarai ghom pa uleenj.
Ve nanumeer ghom naghe yo ta umin niag to yongaanj.
Saawe tau naleep izi taan, yau naleep ilat tsio imin taan poia ee tau tipuli payau to naleep ila.
Irau nambool pa gabua eta mako.
- ⁶ Ughur taliñam pa tanjiiz tsiau tane.
Pasaa, aazne patañani itatan ghau kat.
Koiagna tau tighurghur patañani payau na, tapirizi iliiv ghau kat.
Taufene ugham mulin ghau ila nimazi.
- ⁷ Lepoogh tsiau, ene imin naleep ilonj ila ruum to yavyavuunj, ve leg eez eta to navot mako.
Taufene upas ghau navot pa patañani tane.
Leso napait ezam.
Isaav ighe ugham poghani ghau ve uul ghau, ene pale tamtamon tsio dudunjazi tilam tilivutin ghau ve napait ezam toman lolog poia ila matazi.

143

Neer ee ighason Maaron pa uleenj

Mbounj to David

¹ O Yoova, uloonj sunjuunj tsiau tane.

Ughur taliņam pa tanjiz tsiau, ve lolom is-
aghatin ghau.

Yo utataghon saveeņ mbuaaņ tsio, ve
ughamgham ņgar duduuņa mon.

Tauvene ulooņ suņuuņ tsiau tane, ve uul
ghau.

² Yau besooņa tsio. Upayooz ghau pa savsaveeņ
sov.

Pasaa, tamtamon eta duduuņa ila matam
mako. Yei nisov zeran to sosor. *

³ Ughita. Koiag igham taghon ghau, le ikis ghau ve
itatan matin ghau.

I igham ghau naleep ila ndoroom tiina loolo,
imin yes tau timaat muuņ geeg wa.

⁴ Tauvene lolog ipataņan, ve roiņ igham ghau, le
tapirig isov.

Pasaa, leg eez eta muul mako.

⁵ Tauta matag iņgal muul pa gabua tau muuņ tivot
na.

Yau naghamgham ņgar pa uraat tintiina naol
tau yo ugham zi pa nimam na. *

⁶ Ve nait nimag iza a ve nasuņ payo.

Yau lolog payo kat, imin ņeer tau ilaghlaagh ila
nugh tau le yaa mako na, ve murun matini.
*

⁷ O Yoova, ulooņ suņuuņ tsiau tane, ve uul ghau
rekia.

Pasaa, lolog ipataņan, ve tapirig isov kat.

* **143:2:** Mbo 14:3; Ro 3:10, 20
Mbo 42:2, 63:1

* **143:5:** Mbo 77:5

* **143:6:**

Un̄gooz naghom payau sov. Matam ilam
payau lak!
Mako pale namaat ve nala naleep ila ma-
teegha nugh toozi.

⁸Yoova, yau nanumeer ghom.

Yau naghe mbon̄oozo nalon̄ ghom usaav
payau ughē: “Yau lolog isaghav ghom.”
Ve naghe taum utotoi ghau pa eez tau ughē
nataghoni.
Pasaa, yau lolog payo, ve naghur matag payo
to uul ghau.

⁹Yoova, yau nayoōn̄ ilat tsio, lesō naleep poi.
Ugham mulin ghau ila koiagna nimazi.

¹⁰Yo mon ta Maaron tsiau.

Upaduduun̄ ghau, lesō nataghon̄ dudun̄ai
ngar tau yo lolom pani.
Avuvum poia pale igham pooz payau.
Lesō laghoon̄ tsiau itaghon̄ eez dudun̄a. *

¹¹Yoova, yo ezam tiina pa poia tsio. Tauvene uul
ghau to naleep matag yaryaare.
Utaghon̄ ngar tsio dudun̄a, ve upas ghau
navot pa patan̄ani tane.

¹²Yo lolom isaghav tamtamon tsio, ve uluul zi
irau saawe. Tauvene urav koiagna le tisov
timataar.
Yes tau tighurghur koi payau na, upasov zi.
Pa yau besoon̄a tsio.

* **143:10:** Mbo 25:4, 119:12; Yo 16:13

144

*Kinik to yes Israela ighason Maaron to iuule leso
iliiv malmal*

Mbounj to David

¹ Yau napait Yoova pa poia tooni. I Uleenja tsiau
ariaanja tau iponpoon ghau imin maet tiina.
I itotoi ghau pa eez to ghamuunj malmal, ve
igham nimag mamaan pa paravuuz. *

² I loolo isaghav ghau ve iuluul ghau.
I imin ruum ariaanja to nayoong ilonj ila loolo,
ve iponpoon ghau imin maetaaz tau izala
kat.
Ve ighamgham mulin ghau ila koiagna ni-
mazi, ve imin sigheu payau, leso nayoong ila
tooni.
I itatan tamtamon to nugh nugh, tauta tileep
ila yau sambag.

³ Yei tamtamon to taan, nimin saa kaut poia, ta
matam ingalngal ghei?
Ve mindai ta ughamgham ngar tiina payei? *

⁴ Yei tamtamon, lepoogh tsiei to taan, ene imin
yaghur. Nileep rig, ve nisov.
Lepoogh tsiei, ene tuuku imin ai yavyaava tau
ighe aaz izila, ene irau tighita muul mako. *

⁵ O Yoova, ukaak sambam saamba ve uzilam.
Utut loloz, ve ugham yav iburig tomania
mbuasa.

* **144:1:** Mbo 18:34 * **144:3:** Mbo 8:4; Hib 2:6 * **144:4:** Yems
4:14

- ⁶ Ugham lalaav ingal koiagnja ve ireu zi.
Uvaneghia paneegh tsio natnja injarui zi, lesu
tighau tila.
- ⁷ Patanjani tau aazne igham ghau ne, ene imin yaa
ivot toman tapiri ve ighe izugh ghau gha
nalaleg.
Tauvene uzuzuun nimam izi, ve undai ghau
nazaa.
Uul ghau, ve ugham mulin ghau ila nugh nugh
tau tighur koi payau ne nimazi.
- ⁸ Zeran tawe, avozi karom.
Yes tiit nimazi tapir izaa, ve tipariaanj saveenj
mbuaanj toozi tighe: “Onoon sambam.”
Eemon titaghon saveenj toozi mako.
- ⁹ O Maaron, yau aat nambou mbounj paaghu payo.
Pale narav gita, ve nambou to napait ghom.
- ¹⁰ Pasaa, yo uluul yes kinik to yei Israela. Tauta
taliiv pa malmal.
Muunj, yo ugham mulin besoonja tsio David.
- ¹¹ Upaghau mbuzaagh maata payau, ve ugham
mulin ghau ila yes nugh nugh tau tighur koi
payau ne nimazi.
Zeran tawe, avozi karom.
Yes tiit nimazi tapir izaa ve tipariaanj saveenj
mbuaanj toozi tighe: “Onoon sambam.”
Eemon titaghon saveenj toozi mako.
- ¹² Maaron, ughur poia tsio izaa tsiei. Lesu nat-
mainja paghpaaghu titum poi imin ai tau
itum poi izaa izaa le imin tiina kat.

Ve ugham natmailivaᅇa paghunazi kat imin
rir to kinik ruum tooni tau ᅇgeretazi popoia
na.

- 13 Ugham aniiᅇ katini ivot ila uum tsiei, leso ruum
tsiei to ghuruuᅇ aniiᅇ tivon pa aniiᅇ maata
maata.
Ve ugham sipsip ve mekmek tsiei timasa
timin ndiiᅇndiiᅇ ndiiᅇndiiᅇ.

- 14 Ve makau tsiei paam. Moroghoonᅇ eta igham zi
sov.
Ugham zi titum poi ve tipoop poia, leso timin
naol.
Uᅇgin nugh tsiei.
Leso tamtamon tireu sirsiir tsiei, ve tiᅇguaaz
tamtamon tsiei sov.
Ve niloonᅇ taᅇiiz eta izi maaran tsiei sov.

- 15 Tamtamon tau ighe ᅇgar tauvene ivot pazi, ene
pale lolozi poia kat.
Tauvene yes tau Maaron toozi Yoova na, pale
lolozi poia. Pasaa, poia tooni tauvene pale
izazaa toozi. *

145

Tapait Maaron pa poia tooni

Mbounj to tapait Maaron

Mbounj to David

¹ O Maaron, yo kinik tsiau.

Yau aat nayoor ghom, ve napait ezam pa poia
tsio. Ta aazne, ve taghon taghon gha ila.

* 144:15: Mbo 33:12

- ² Onoon kat, saawe isov, yau aat napakur ghom pa poia tsio.
Pale napait ezam ta aazne, ve taghon taghon gha ila.
- ³ Yoova eeza tiina kat. Isaav ighe tapaiti, ene iduduunj.
Tapiri tomania ngar ve poia tooni, ene tiina le tiina kat.
Ighe tagham ngar pani, ene aat tarao mako. *
- ⁴ Uraat arianjazi ve ngar popoia tau ughamgham zi na, tamtamon pale tisavia vaaru pa natuznja, ve natuznja pale anazi tisavia pa paaghu toozi, ve iseengga tauvene gha ila.
- ⁵ Pale tipait ezam, ve tisavia mbonarim tiina tau ipabood ghom na.
Ve uraat tsio ngeretazi tau maata ite kat na, yau monmon naghامجam ngar pani.
- ⁶ Yo utotoi tapirim ila uraat tsio arianjazi tau igham tamtamon tiroi. Tauta pale tisavia vaaru.
Ve uraat tsio tintiina, yau aat nasinaia.
- ⁷ Poia tsio, ene tiina kat.
Tauvene tamtamon pale matazi injalngali ve tivovotia vaaru.
Pale timbou toman loloji poia, ve tipait ghom pa ngar tsio duduunja.
- ⁸ Yoova ighamgham poghani ghiit, ve loolo isas-aghatin ghiit.
I aate yavyav rekrekia mako.

* 145:3: Ro 11:33

Poia tooni, ene tiina kat. I loolo isaghav ghiit
ariaan, ve iuluul ghiit irau saawe. *

⁹ Yoova ighamgham ngar poia pa tamtamon tisov.
Ve loolo isasaghatin gabua naol isov tau i
ighur zi na. *

¹⁰ O Yoova, gabua naol isov tau yo ughur zi na, pale
tisov lolozi poia payo ve tipait ghom.
Ve tamtamon tsio tau lolozi isaghav ghom
ariaan na, yes pale tipait ghom pa poia tsio.

¹¹ Pale tisavia pooz tsio tighe ene gabua tiina ve
poia.
Ve tivotia varum tighe yo tapirim tiina le tiina
kat.

¹² Leso tamtamon tisov tiwatagh uraat tsio tintiina
tau itotoi tapirim.
Ve tighilaal tighe pooz tsio, ene gabua tiina ve
paghuuna kat.

¹³ Pooz tsio ighengheen tauvene irau saawe.
Gabua naol isov pale tileep ila yo sambam, ve
unjin zi taghon taghon gha ila.
Yoova itataghon saveen tooni isov.
Ve uraat tooni ta naol ne, titotoi tighe i loolo
isaghav tamtamon tooni ariaan ve iuluul zi.
*

¹⁴ Yes tau aghezi pusukia ve tighe titap, i ikiskis zi
tunja.

* **145:8:** Igham 34:6 * **145:9:** Mbo 103:13, 136:1 * **145:13:**
1Tim 1:17; Hib 10:23; Syg 11:15

- Ve tamtamon tISOV tau patañani itatan zi na, i
iuul zi, ve iit zi tizaa. *
- 15-16 Gabua ISOV tau matazi yaryaare na, matazi
ilatlat payo.
Saawe tau pitool zi, yo ugham lezi aniin.
Yo ukaak nimam ve upan zi,
ve tISOV tighan le apozi isun. *
- 17 Ngar ISOV tau Yoova ighamgham zi na, ene
iduduun mon,
ve itotoi ighe i loolo isaghav tamtamon tooni
ariaañ ve iuluul zi.
- 18 Tamtamon tISOV tau ighe titañ raraini pa uleen
toman loloz, i
ene i ileep igharau zi ve iuluul zi.
- 19 Ve yes tau tiroi pani ve titaghon ngar tooni na,
isaav ighe loloz pa gabua eta ve tighasoni
pani, ene i aat iloon zi ve igham gabua tana
pazi.
I ilonloon tañiiz toozi, ve iuluul zi. *
- 20 Tauvene yes tau loloz igheen tooni na, i maata
pazi ve imin sigheu pazi.
Eemon zeran sasaghati, i aat ivaghamun zi
tISOV tilalez.
- 21 Avog pale ipait Yoova.
Ve gabua naol ISOV tau i ighur zi na paam, aat
tISOV tipait eeza patabuyaañ. Ta aazne, ve
taghon taghon gha ila.

* 145:14: Mbo 37:17

* 145:15-16: Mbo 104:28; Mt 6:26

* 145:19: Yo 15:7

146

Tanumeer tamtamon sov. Tanumeer Maaron

¹ Aleluia, tapait Yoova!

Yau naghe napakur Yoova toman lolog!

² Saawe isov tau naleep izi taan, yau aat napait Yoova.

Pale namboubou pa Maaron tsiau, ve napa-pakuru tauvene ila ila le irau saawe tsiau isov.

³ Anumeer yes daaba ve pooza sov. Yes tamtamon to taan mon.

Irau tigham mulin gham pa patanjani tsiam mako.

⁴ Saawe tau avuvuzi isov ve timaat, yes aat timuul tizila taan.

Mako ngar tau muun matazi ingali tigde tighamu na, imin kaut sorok. Irau ighur anooja mako.

⁵ Eemon tamtamon tau ighe inumeer Maaron to Yakop, ve ighamgham uleenj ila tooni, i aat loolo poia.

Pasaa, yes tau tinumeer Maaron toozi Yoova ve tighurghur matazi pani pa uleenj, ene aat poia to Maaron izazaa toozi.

⁶ Yoova ighur sambam, taan, ve te, tomania gabua naol isov tau tileep ve tigheen ila na. *

Ve saveenj mbuaanj tooni isov, i pale maata ingali ve itaghoni irau saawe.

* **146:6:** Gnp 1:1+; Mbanj 14:15; Syg 4:11

⁷ Yes tau koiazɲa titatan zi na, Yoova iyozyooz pazi
ve iuluul zi pa patanani toozi.

Ve yes tau pitool igham zi na, i ighamgham
lezi aniinj.

Ve yes tau tileep ila koiazɲa nimazi na, i
ighamgham mulin zi. *

⁸ Yes tau matazi kumkuuma na, i igham zi tighita
nugh.

Ve yes tau patanani itatan zi na, i iuul zi, ve iit
zi tizaa.

Yoova loolo ighengheen to zeran dudunazi. *

⁹ I maata pa yes to nugh ite,

ve inginɲin yes parooɲa ve zinaara pa lep-
oogh toozi.

Eemon iponpoon eez pa zeran sasaghati. *

¹⁰ Yoova pale igham pooz irau saawe.

Yam tamtamon to nugh Zion, pooz to Maaron
tsiam pale ighengheen tauvene iseɲga
iseɲga gha ila.

Aleluia, tapait Yoova! *

147

Tapait Maaron pa poia tooni

¹ Aleluia, tapait Yoova!

Onoon kat. Isaav ighe tambou pa Maaron toit
ve tapakuru, ene poia kat.

* **146:7:** Mbo 9:18, 37:17, 103:6, 107:9 * **146:8:** Mt 11:5, 11:28

* **146:9:** Igham 22:21+; Lo 10:18; Mbo 10:14, 18, 68:5 * **146:10:**
Mbo 93:1, 99:1; Syg 11:15

- Pa n̄gar tauvene, ene iduduun̄, ve igham ghiit loloon poia.
- ² Yoova ighamgham uraat to igharaat mulin Yerusalem.
Ve yes Israela tau koiaz̄na tigham zi tila tileep irau nugh nugh na, i iyauyau zi timuul tilam.
- ³ Tamtamon tau patan̄ani ivot pazi le ireu loloz̄i kat, na i iravrav atezi,
ve igharaat patan̄ani toozi leso loloz̄i poia. *
- ⁴ Muun̄ geeg, loolo ighur pa pitum piiz tau pale ighur zi tivot.
Ve i tauu iwaat pitum en̄aen̄a ezazi le tisov.
- ⁵ Tiina toit, i saksaki ve eeza tiina.
Ve n̄gar tooni tauvene paam, ene tiina le tiina kat. Ighe tail puughu, ene aat tarao mako. *
- ⁶ Yes tau titatan tauzi ve tibadbaad patan̄ani na, Yoova iuluul zi leso tileep poia.
Eemon zeran sasaghati, i itatan zi ve ivaghaaz zi tizila taan. *
- ⁷ Ambou toman tintinmim, ve apait Yoova pa poia tooni.
Arav gita, ve apakur Maaron toit.
- ⁸ I igham taitai itav sambam saamba,
ve igham uman izi to ipabees taan,
ve igham kikiliin̄ itum izala loloz̄.

* [147:3](#): Mbo 34:18; 2Kor 1:3+ * [147:5](#): Ro 11:33 * [147:6](#): Lu 1:52

- ⁹ I ipanpan gabua maata maata to su.
Isaav ighe man kool natja titaņ pa aniin, ene
i ta igham aniin pazi. *
- ¹⁰ Tamtamon lolozi poia ve tinumeer hos tau bide
tapirizi, ve yes zaaba tau tiyooz ariaaņ pa
malmal.
Eemon gabua tauvene irau igham Yoova loolo
poia ve tintini ne mako.
- ¹¹ Tamtamon tau tiroi pani ve titaghon ņgar tooni,
tauta tighamu loolo poia.
I tintini pa yes tau tinumeera tigde i loolo
isaghav tamtamon tooni ve iuul zi.
- ¹² Yam Yerusalema, apakur Yoova!
Yam tamtamon to Zion, apait Maaron tsiam.
- ¹³ Pasa, ataman to didiin tau ilivut nugh tsiam na,
i ipariaaņ zi le tuņa.
Ve ighurghur poia tooni izazaa tsiam.
- ¹⁴ I iņginņgin nugh tsiam, tauta aleep poia.
Ve ighamgham lemim aniin wit tau popoia
kat. Tauta aghan le isoon gham.
- ¹⁵ Isaav ighe i loolo pa gabua eta ivot izi taan, ene
aliiņa izilam ve gabua tana ivot.
Saveeņ tooni ilaan ve igham uraat rekia mon.
- ¹⁶ I igham naghavghavu izi ikau nugh le ipisosoon
imin sipsip ooro.
Ve igham uwam izi le itav taan imin avav.
- ¹⁷ I igham ais paatu paatu titaptap tizi taan.

* **147:9:** Mt 6:26; Lu 12:24

Isaav ighe i igham nugh iyaun kat, sei ta pale ileep muuri? Eta mako.

- 18 Ra isaav, ve ais tawe ireer muul itaghon i aliija. I igham yaghur tooni tuntunu ilaan, ve yaa tireer muul.
- 19 Muun, i ivotia saveen tooni ila to Yakop, ve ipaghazonai yes Israela pa tutuun tooni tomania eez tooni to gabizoon gabua.
- 20 I igham ngar tana pa nugh ite paam mako. Tauta tikankan pa tutuun tooni ngara. Aleluia, tapait Yoova!

148

Gabua naol isov aat tipait Maaron eeza

- 1 Aleluia, tapait Yoova!
Yam to sambam, apait Yoova!
Yam tau alep saanja kat na, apaiti!
- 2 Yam anjela tooni asov apaiti!
Ve yam zaaba to sambam paam, asov apaiti! *
- 3 Aaz ve kaiyo, apaiti!
Ve yam pitum tau aran ila sambam saamba na paam, apaiti.
- 4 Sambam tau igheen saanja le saanja kat na, upaiti!
Ve yaa tau igheen izala saanja na paam, upaiti!
- 5 Gabua tawe tisov tipait Yoova eeza, o poia.
Pasaa i isaav, ve yes tivot itaghon i tauu aliija.

* 148:2: Lu 2:13+

- 6 I ighur zi tigheen ila niazi niazi, lesu tigheen ta sewe taghon taghon gha ila.
Saveenj tau i isavia injarui zi na, ene igheen pataghaan. Irau tizoora mako.
- 7 Yam gabua tau aleep izi taan na, apait Yoova!
Ve yam gabua to te loolo tau tapirimim tinti-ina ve aleep mazavan na paam, apaiti!
- 8 Lalaav waaro, tomania ais, naghavghavu, uwam,
ve yaghur tiini tau avotvot itaghon Yoova aliinja na, yam asov apaiti!
- 9 Yam loloz ve nugh mbua, ve yam wal tau anonjamim popoia, ve ai to su paam, asov apaiti!
- 10 Ve yam ngai to nughei, ve gabua sagsagna to su, gabua tau akakarau ila taan, ve man tau arovroov na, apaiti!
- 11 Yam kinik, pooza, ve daaba, tomania yam tam-tamon to nughmarinj, asov apait Yoova!
- 12 Yam zitamoot ve zilivaa paghpaaghu, tomania zikoonja ve yam geegeu paam, apaiti!
- 13 Yam asov aat apait Yoova eeza.
Pa i mon ta eeza tiina le tiina kat iliiv gabua naol isov.
Pooz tooni tomania tapiri ve poia tooni iliiv gabua naol isov to sambam ve taan.
- 14 I ipalot tamtamon tooni, tauta aazne tiyooz ariaan.

Tamtamon tooni tau lolozi isaghavu ariaan ve
titaghon eez tooni na, i ipakur zi ve igham
varuzi imin tiina.
Pa i loolo igheen kat to yes Israela.
Aleluia, tapait Yoova!

149

Tamtamon to Maaron tipait eeza

¹ Aleluia, tapait Yoova!

Ambou mbounj paaghu pa Yoova.

Yam tau lolomim isaghavu ariaan ve ataghon
eez tooni na, alup gham pa sunjuun, ve
apaiti!

² Yam Israela, lolomim poia pani. Pa i ta ighur
gham.

Yam tamtamon to Zion, tintinmim pa kinik
tsiam.

³ Ator ve apait Yoova eeza.

Atok kakaap, ve arav gita to apakuru.

⁴ Pa Yoova tintini kat pa tamtamon tooni.

Yes tau titatan tauzi ve tinumeera na, i
ipapakur zi, ve ighamgham mulin zi pa
patañani toozi.

⁵ I igham zi tiliiv koiazña. Tauvene yes tau lolozi
isaghav Yoova ve titaghon ñgar tooni na,
lolozi poia ve tintinisi.

Saawe tau tigheen ila niazi to ghenoon, tim-
boubou ve tipapaiti.

⁶ Yes tipapait Maaron eeza izala kat. Paitoonj toozi
 ighengheen ila avozi irau saawe.
 Ve tikis mbuzaagh maata ru ila nimazi. *

⁷ Leso tighur atuya pa nugh nugh tau tighamgham
 sosor ila Maaron maata na, ve tiyat ngar
 toozi saghati.

⁸ Pale tikis kinik to nugh nugh tomania pooza
 toozi,
 ve tikau zi pa sen arianazi.

⁹ Leso tighur atuya pazi itaghon saveenj tau ti-
 boode pataghaan na.
 Ene eez tau Yoova ipakur yes tau lolozi is-
 aghavu ve titaghon ngar tooni.
 Aleluia, tapait Yoova!

150

Gabua naol isov aat tipait Maaron

¹ Aleluia, tapait Yoova!
 Apait Maaron ila rumei tooni patabuyaan
 loolo!
 Apaiti ila niia ariana ta sambam we!

² Apaiti pa uraat arianazi tau i ighamgham zi ne.
 Apaiti pa i eeza tiina iliiv gabua naol isov.

³ Aviv tavuur ve apaiti.
 Arav ambam ve gita ve apaiti.

⁴ Atok kakaap ve ator, ve apaiti.

* 149:6: Ep 6:17; Hib 4:12; Syg 1:16

Aviv pirai ve arav kulele, ve apaiti.

⁵ Anjal ngiraam, ve apaiti.

Ve isaav ighe anjali, na anjal toman tapir-
imim, lesu luutu tiina!

⁶ Yam gabua tau aleep matamim yaryaare na, asov
apait Yoova!

Aleluia, tapait Yoova! *

* **150:6:** Syg 5:13

**Maaron Saveen Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb